

1
IOS. QVERCETANI
CONS. ET MEDICI REGII
LIBER

De Priscorum Philosophorum veræ me-
dicinæ materia, præparationis modo,
atque in curandis morbis,
— præstantia.

*Déque simplicium, & rerum signaturis tum ex-
ternis, tum internis, seu specificis, à priscis &
Hermeticis Philosophis multa cura, singula-
rique industria comparatis, atque introdu-
ctis, duo tractatus.*

MUS—C.

His accesserunt eiusdem Ios. Quercetani de do-
gmaticorum medicorum legitima, & resti-
tuta medicamentorum præpara-
tione, libri duo.

Tab-27^a

*Itemque selecta prædictorum consilia medica, clarissimis
medicis Europæis dicata.*

n^o 2



S. GERVASII,
Apud Hæredes Eustathij Vignon.
M. DCIII.

P R Æ F A T I O.



RÆCLARA semper ingenia
extiterunt, quæ summam curam,
summumque studium posuerunt,
in excolenda, promouendâque ar-
te, seu facultate, in qua non tantum cum laude
versari, sed præ aliis etiam excellere gestiebant.
Hoc studium licet præcipuum, & commune om-
nibus, atque adeo singulis idem, (quippe unum
omnibus intentum, unius scopus) sentiendi ta-
men & opinandi varietate distinctum, sola pro-
cedendi, collimandique diuersitate, in partes
diuersas fuit distractum. Nam alij medicinarum
facultates solis experimētis addisci posse, magna
contentione asseruerunt. Hi Empirici priscis di-
cti, etiamnum hodie illud nomen retinuerunt.
Alij nescio quid compendij in arte difficillima
(quā longā dixit Hippocrates, [Aph. I.] nos ve-
rius immēsa longitudinis, atq; difficultatis) que-
rentes, dum singula ad paucissima quedam capi-
ta redigere conati sunt, pro compendio, quod sa-
tagebant, dispendium inuexerunt. Hi semet me-
thodicos, omine hard minùs, quàm nomine glo-
rioso vocitarunt, Thessalica hæc secta, à Thessa-
lo authore homine summa impudentia (quod &
spacio semestri tantam artem addisci posse dice-

P R Æ F A T I O.

re non veritus sit) fuit appellata: utramque prædictarum superciliosè repudiantes alij, nec soli experientiæ innitti, nec in arētū tantam disciplinam contrahi æquo animo ferentes, rationem quoque in subsidium artis comparandæ accerserunt. Hos dogmaticos vocant. secta, si quæ alia medicorum, nobilis, & ob grauissimos, quos semper habuit autores, celebranda. Priores duæ, vel ante Hippocratis tempora ad Galenum usque in summa existimatione à plerisque fuerunt habitæ: quas tamen idem Galenus in libro suo de Sectis proponit, examinat, atque confutat. Tertiā verò, hoc est, suam dogmaticam, inquam, ab Hippocrate (ut ille ait) mutuatam principiis quibusdam vniuersalibus, uti hypothesibus suis solent Geometræ, superstruxit. Ea sunt: Omnia ex quatuor elementis tanquam primis & vniuersalissimis principiis sensibilibus, certa quadam, & conuenienti proportionē mixtis, oriri, ex cuius mixtionis symmetria in viuētibz sanitatem: ametria verò morbum excitari. Rerum omnium virtutes, atque facultates ab elementorum illa mixtione, seu mixtionis exuperantia promanare. Vniuscuiusque rei formam essentialē ex certa elementorū mistione, & temperatura insurgere.

Qua-

P R Æ F A T I O.

Qualitates constituit quatuor, duas activas, calidum & frigidum: totidem passivas, humidum, & siccum. Secundas qualitates, nempe sapes, odores, colores, aliasque sensibiles ex illis primis deducit. Quatuor humani corporis (quos vocat) humores, sanguinem, pituitam, bilem, & melancholiam, analogia quadam primis elementis respondere statuit. Iisdem principiis ac fundamentis, & ipsemet Galenus, & omnes quoque eius sectatores suffulti non tantum omnium morborum, & symptomatum causas ascripserunt: sed & ipsis primis qualitatibus, in mixtis tamen, seu compositis corporibus existentibus, vim, & potestatem omnem ad profligandos morbos, inesse dixerunt. Ac proinde contraria contrariis curari, calidum frigido, humidum sicco, horumque unumquodque suo contrario, cetero regio quodam edicto, ideoque firmo, ac indubitato axiomate promulgarunt. Hinc infinite medicamentorum compositiones, ac formularum varietates promanarunt. Quarum materia ex familia tam vegetabilium, quam animalium, & mineralium deprompta est. Atque ex hac diversorum remediorum farragine, tertium (quod vocant) medicinae instrumentorum,

P R Æ F A T I O.

quo sanitas deperdita restitui debeat, emanauit, nempe pharmacopœa, seu ratio præparandorum dispensandorumque medicamentorum. De quo medicine Galenicæ instrumento omnibus fere medicis ad usum, ad gratiam, addam. Et si lubet illud, ad pompam præcipuo, cognitûque necessario hoc suscepto opusculo differendi spartam suscepimus.

Sed antequam rem ipsam specialius attingamus, libet aliquid de quarta, multis noua, nobis verò vetustissima habita paucissimis anticipare. Quartam, inquam, hodiè putant, & faciunt medicine sectam spagiricam, de cuius dignitate, ac vetustate hoc loco pluribus differere tantisper differamus, dum de eadem, eiusque potissimo organo sequenti capite tractare sit animus. Fatendum tamen hoc loco, & verè fatendum, hanc esse, si rationem & experientiam habeat, tanquam organa subsidiaria, totius medicine imperatricem. Huius sectæ antecessores, & rationem, & experientiam faciunt maximi, sed utriusque alios fontes, alia statuunt fundamenta. rationem quippe non vulgatis, & vel vulgò notis, elementorum, mixtorumque proportionibus adscribunt, sed res ipsas intriti,

& con-

PRÆFATIO.

& contemplati, ibi rationem querendam efficaciter contendunt; ubi rationis sit fons, & scaturigo: atqui hanc non in extrinsecis, & uniuersalissimis illis mundi elementis, sed in insitis, sed in propriis corporum essentiis querendam satius ducunt. Hic aqua haret: hac diuersitatis occasio: hoc totius spagiricæ fundamentum. At quid sit insitum illud elementum, quod, & omnis vitæ, omnisque medicinae statuunt fundamentum, mox patebit. Vnum illud nunc addam; huius sectæ affectas, non tam compendij rationem, quam medicinae inuictam efficaciam naturæ insuper optatissimum solatium, præter præparationem, subtiliationem, dosin, atque gratiam (quæ mera sunt accidentia) summam omni medicinae attulisse perfectionem. Hoc nunc satis sit, dum interim plura mox, sed specialiora in aliis nostris operibus meditamur. Nunc ad dogmaticam reuertamur, cuius principem Galenum faciunt fere omnes: quamuis idem eandem à summo Hippocrate promanasse liberè, nullaque usus circuitione fateatur. Eius pars, seu organum præcipuum est pharmacopœa, seu medicamentorum præparandorum administrandorumque ratio, de qua hoc libro sumus acturi.

P R Æ F A T I O.

Sed ne illotis, quod dici solet, manibus rem ipsam statim aggressi videamur, placet prius fundamenta quædam futura disputationis ponere, atque, ut tractationis series postea melius elucescat, pauca quædam anticipare.

Itaque cum de pharmacopœa Galenica, seu medicamentorum vulgarium preparatione potissimum hæc tractatio sit suscepta, imprimis demonstrandum quid per medicamentum, seu medicinam ex Galeni sententia sit intelligendum. Deinde docendum, quæ fuerit præscorum medicina Hermetica seu balsamica, ut quantum utrâque inter se differat omnibus fiat notum. Tum reassumpta Galenica seu dogmatica præparandi ratione, ipsa medicamenta per classes distribuemus, atque totius pharmacopœæ formam integram quasi ob oculos ponemus: subinde quid in ea probandum, Quid improbandum censeamus, suis quibûsque locis inseremus: adeoque universam Galeni pharmaceuticam bona fide, singularique industria reformabimus. Denique innumeris ferè preparationibus, correctionibus, medicamentis omnis generis specificis, atque ad omnes sanandos corporis affectus, tum internos, tum externos ditabimus: adhuc quibusdam Chymicis seu

P R Æ F A T I O.

cis seu spagiricis ornamentis ut ornatior, ditior, atque utilior hic noster prodeat fœtus, exornabimus, & illustrabimus.

De medicamento & medicina vocabulo, seu nomine diuersæ sunt, & discrepantes medicorum sententiæ. Alia namque est Hermeticorum medicorum, seu eorum qui Hermetis Trimegisti omnium philosophorum celeberrimi, ac vetustissimi sequuntur sententiã. Alia est dogmaticorũ, seu eorum qui sunt sectatores Galeni. Hi quippe per medicinam, & artem ex certâ præceptionum coadceruatione ad sanandos, profligandosque humani corporis morbos: & medium, quo illud præstat, hoc est remedium, vel simplex, vel ex pluribus simplicibus commixtum, intelligunt. Illi vero per medicinam non artem quandam ad humani corporis sanitatem conseruandam, morbosque pellendos comparatam intelligebant: sed quandam potius essentiam in rerum natura sensibus sese offerentẽ. Verum non statim, ac primo quoquo obtutu, sed artificiosa, ac legitima præparatione ex rebus omnibus, quotquot sub cælo sunt, erutam, & ritè ad humani corporis affectus, & langores profligandos, administratam: hanc, inquam, propriè, ac verã medicinã nomen sibi

P R A E F A T I O.

*vendicare censent, secundum quam etiam verus
 medicus comperiatur. Nam ut in uniuersum
 omnes artes, ita quoque medicina, artium, extra
 controuersiam, nobilissima, sibi materiam quan-
 dam sumit, eiusque naturam, proprietates, virtu-
 tes, actiones, conditiones, effectus, ceteraque ad
 eam pertinentia, diligentissime rimatur. Quibus
 cognitis, atque perspectis, nondum satur, sed vl-
 terius pergens, quali insuper preparatione, qui-
 bus medius, quali denique methodo, atque pro-
 cessu ad usus humanos possit accommodari, in-
 quirat. His demum perceptis, inuentis, atque
 cognitis, ars vera constituitur medica: natura q;
 solius ministri fiunt ipsi medici, quae natura, teste
 Hippocrate, [6. Epid. l. 5. part. 1.] morborum est
 medicatrix. Medici igitur ex eorum senten-
 tia officium est, vitalibus, potentibusque reme-
 diis morbos illos radicales in corpore, & semine
 genitos eradicare. Hoc autem fit ope vitalis
 cuiusdam balsami, quod vera medicina firmum
 fundamentum, morborumque omnium vera est
 medicina, modo ab omnibus impuritatibus sepa-
 retur, & debite praeparetur. Hoc est, illud vi-
 tale balsamum, haec unica, & vera medicina, quae
 ad omnes corporis affectus, tum praeservationis,*

P R Æ F A T I O.

tum curationis ergo exhibetur.

Hanc Fernelius in suo opere de abditis rerum causis subolfecit, dum probare conatur in natura esse quiddam diuinum, atque præstantius, quam quod ex vulgatis illis elementorum qualitatibus insurgat, illudque occultam proprietatem appellat. Quam si cognouisset esse in natura, (ut discipuli Hermetis illud norunt) certè hanc rem manifestam, & quæ verè in natura est, atque subsistit diuiniore alicui principio non ascripsisset. Ansam verò, & quasi fundamentum, cur ita sentiret, atque statueret, ex plurimis Hippocratis, & Galeni, locis desumpsit. Hippocrates namque libro de Antiqua medicina, repudiatis antiquorum hypothesebus & fundamentis, (propterea quod caliditati, frigiditati, humiditati, & siccitati omnium morborum causas ascripsissent) inquit: omnia à vi quadam, & facultate, τὸ δυνάμειον proficisci: quibus etiam curationem morborum acceptum refert. Et alibi scribit τὸ θεῖον diuinum quiddam esse. Quicquid autem per hæc intelligat Hippocrates, [l. de Diæta.] nihil tamè reuera id aliud est, quàm ipsamet vera absolutaque prædicti balsami natura: cuius virtute viuunt, virent,

P R Æ F A T I O.

vigētque omnia: & sine quo mortua, & extin-
ctā iacerent. Hanc materiam secretiores philo-
sophi appellant quintam rerum essentiam, elixir
aurum potabile, lapidem, cælumque philosopho-
rum, diuersissimis quidem nominibus, eandem
tamen rem intelligentes. Quintam essentiam
dicunt: quod sit aliquid, quod non ex crasi qua-
tuor elementorum resultarit, sed aliquid præter
hæc, & quasi τὸ Θεῖον quiddam, siue autorem re-
rum omnium, qui eam creauit, spectes: siue ad-
mirandas eius virtutes, atque effectus, non te-
merè ab elementari corpore promanare perci-
pias. Elixir vocant, quod sit ad vitam conser-
uandam, morbosque depellendos, incomparabilis
medicina. Aurum potabile verò nō quod ex solo
auro, & semper ex eo fiat. (sit enim ex omnibus
rebus, quæ sub cælo sunt, ut mox docebitur) sed
κατ' ἔξοχῳ sic dictum, quod eius præstantiam
adequet. Lapis vocatur, non ut ille, cuius con-
tactū metalla transeant in aurum: (hoc enim
auaritiæ inuentum est, atque opus, non medico-
rum, vel medicinæ) sed propter perpetuam, atque
inuiictam durationem; aut quòd de natura sit sa-
lis, salis, inquam, rerum vite, in quo tanquam
durissimo, firmissimòque corporum fundamento
reliquæ

P R Æ F A T I O.

reliquæ virtutes conquiescunt. Cælum denique philosophorum, quòd elemētorum naturam longè transcendat. Balsamum quoque meritò eam materiam dicunt, quòd sit quædam natura radicalis, fons actionum, & sæcunditatis, cuius beneficio elementa concordi mixtionis ratione vincuntur, & in cuius facultate, seu virtute, vera, & vniuersalis est omnium morborum medicina, sanitatis restauratio, corporum renouatio, atque conseruatio: denique id, quod vigorem, & potiendi facultatem præbet omnibus naturæ rebus. Et quamuis hæc materia spiritalis, cælestis, inuisibilis, & occulta, atque iccirco rationi magis, quàm sensui subiecta, vix seorsim reperiri possit: attamen eam, & esse, & à vero philosopho haberi posse, certis, & euidentibus rationibus, diffusæque verborum serie conuincemus, atque ostendemus in libro nostro de recondita rerum naturo artisque mysteriis & mox eiusdem specimen familiarissimum exhibebimus.

Enimuerò sanè, vt artis beneficio corporea spiritalia reddi possunt: sic rursus etiam spiritalia corporea, vel aëthalia, vt vocat Paracelsus: inuisibilia visibilia, & quæ modò in orco Hippocratis, vel nocte Orphei vel puteo Democriti

P R Æ F A T I O.

occulta iacebant, nunc manifesta fieri possunt: denique quæta mobilia, & è contrâ.

Hoc incorruptibile balsamum in corruptibilibus rerum fœcundis seminibus præsertim, & reperitur, & conservatur. Atque hîc maximè locum habet illud Aristotelis: Ex corruptione unius, alterius fieri generationē. Semē namque terræ iniectum quodammodo putrescit quidem, aut saltem corrumpitur, hoc est, digeritur, atque resolvitur: at radicalis, seu balsamicalis ipsius substantia, quæ in vitali, & spiritali quadam humiditate otiosa antea delitescibat, & in qua totius virtus, atque potestas seminis vigebat, nunc prodit, seque in conspectum dat. Ut vel hinc satis superque manifestè pateat, balsamicam illam substantiam, quam incorruptibilem iure diximus, non corrumpi, sed perfici, novumque corpus inde procreari. Quod si constet solam naturam per se talia præstare posse, ipsiusque solius beneficio, spirituale à corporeo, incorruptibile à corruptibili, invisibile à visibili, & denique purum ab impuro separari posse, quid eadem præstet adiuta beneficio, atque dexteritate artis? Maximè verò cum maius quiddam, & præstantius fieri conspiciamus in ipsiusmet naturæ operatione-


ratio-

PRÆFATIO.

rationibus, si debitum, & legitimum artis ministerium accedat, ut fit in agricultura, cum terram optimè præparamus, ipsamque stercorebus & urinis animalium (in quibus salia balsamica continentur) impinguamus, quò & ipsa terra, ipsaque semina fertiliora reddantur. Tale quiddam sanè inest rebus omnibus, ac ita quidem inest, ut à philosophis ac veris artificibus medicis sagaci industria elici, & in perfectionis puritatisque summum gradum reduci possit. Atque hoc illud est, quod medici, ac philosophi Hermetici propriè, & per excellentiam medicinam appellarunt; De cuius antiquitate, materia, præstantia, qualitatibus, & officiis deinceps specialius disseramus.

DE MATE-

ANNALS



ILLVSTRIBVS, AMPLISSI-
MIS ATQVE MAGNIFICIS
*Viris, POMPONIO BELLEVREO Regni
Gallie Cancellario & NICOL. BRVLAR-
DO In sacro Regis scrinio & conclavi Consi-
liario Viris ac Patronis suis omni obseruan-
tia dignissimis IOSEPHVS QVERCETA-
NVS Regius Medicus S.*

PRISCI illius æui scriptori-
bus inualuit consuetudo, an-
tequam messis suorum labo-
rum auspiciū facerent, fal-
cēmq; ferio immitterent, quædam prius
præmetere sacrificio dicanda, tum etiam
vt flamen aliquis de maturitate frugum
decerneret ac pronūtiaret. Quorum Imit-
tatione, amplissimi Proceres, atque Pa-
troni obseruandissimi, spicam vnā aut
alteram futuræ meæ messis (quam paro)
offerre, & flaminio vestro lubens submit-
tere decreui: vobis, inquā, optimis ac opta-
tissimis meis Mecœnatibus coniunctim:

qui & animi magnitudine, sic & mutua beneuolentia congruitis: quorum vnum meritò, pro officiis ac meritis, Potentissimus Rex: imò Regum, quotquot tellus habet, facile primus, talem tantumq; agnouit, & iudicauit, vt ad clauum & regni huius potentissimi gubernaculum torquendum primas partes pro dignitate præfixerit. Alterum verò vtpote sagacissimum ac prudentissimum virum, tanquam alterum suum in consilio captando & decernendo oculum, nunquam à conspectu suo recedere: sed suæ Majestati semper adhærere voluerit & iusserit. Quod cum Rex ipse, dynasta amplissimus de vobis verè iudicet, quotusquisque fuerit, qui vos in sublimi hoc culmine constitutos non suspiciat & veneretur? quique propter tot virtutes vobis insitas, tot animi dotes, & rerum à vobis foeliciter gestarum gloriam (qualia ab aliis nunquam, quàm à generosis, & verè heroicis geniis proficisci solent) non amet, admiretur, & colat? vos inquam, qui vobis non parcitis vt aliis vsui sitis & auxilio: qui in omnes benigni, mansueti & moderati, in vos verò ipsos feneri, & truces:

qui

qui citra cōtemptum & abiectiōem, sed cum honesta gravitate faciles: sine terrore reuerendi ac metuendi, nullius honoris aut gloriæ ambitiosorū instar cupidi: quos tamen honores licet inuiti & reluctantes, consecuti estis maximos vt quorum prudētiā, fidei ac æquitati Rex augustissimus rerum suarum summam & administratiōem concediderit. Quamobrem & reliquus Senatus regius totus vos colit & amore amplectitur: vniuersusque populus, votis prosequitur, veneratur ac celebrat. Talēsque estis, quos Deus opt. max. selegerrit, eaque sapientia ditauerit, quam, ad statum huius regni exitialibus tot bellis penè attritum, instaurandum ac restituendum sufficeretis. Magna dico (fateor) sed quæ cum gestis vestris de officiis si conferatur, minima futura sint: vestris enim tam egregiis virtutibus celebrādis cum impar sim, ni finem dicēdi faciam, vereor, ne ingenij mei tenuitate, & linguæ errore, laudes vestras potius deteram, quam augeam. fateor equidem sic oportere æstimari, colique Heroas, qui Catonū ac Fabiorum in morē bono publico atque patriæ nati sunt, ac vi-

uunt, vt eorum laudibus canendis nullus finis debeat. At quum satis gloria vbiq; vestra refulgeat, metuendum potius mihi est, ne si maiore lucem ei afferre studeam, tenebras potius offudisse videar. Quin & clarissime gloriam vestram abunde prædicat, tanta temporum & huius opulentissimi regni, vestris auxiliis & consiliis parta permanensque tranquillitas.

Ecquid igitur vobis tantis Meccœnatis meis & Flaminio vestro spicas meas iudicandas non exhibeam, priusquam vberioris messis spe fretus, tempus & occasionem captem studiis & conatibus meis aptiorem & opportuniorem? Nam vberior omnino messem, idq; breui, (confido) vel tempori dabo, vel dabit mihi tempus. At si mihi plausibilis vllus testimonij publici fauor esset affectandus, vnde potius is mihi quàm ex solo iudicio vestro, cui prorsus acquiesco, expectandus esset? vel iuxta Heraclitum, veterem illum philosophum, qui summam laudis arbitrabatur, vel vnico tantum placere, si esset optimus qui probaret: nunquid laus mea tantò maior futura est, si duobus vobis & optimis

ptimis & sapientissimis placeam & prober? Sed de his satis. Restat vt de nostro scripto aliquid referam: & si fortè præco-
cem nimium foeturam atque immaturam
excludá, vestrá tutelæ & propugnationis
honore indignam spero tamé fore, vt pro
candore, liberalitate, comitate, mansuetu-
dine, modestia, aliisque vestris plus quàm
heroicis virtutibus, serena fróte excipiatis.
Quòd si vel lectionis honore ipsum di-
gnemini, maturiores fortè fructus, sitis
quàm ego sperem, agnitis. In hoc enim
conatu meo, vsque adeo nervos virésque
contendi & exerui, vt nihil non de vtra-
que medicina, quæ nunc apud plerosque
excolitur, & magna laude in vsum venit,
ex Hippocratica & Trimegistaná schola
profecta, sagacissimè & magno labore ex-
quisierim, nec non quicquid arcani ex v-
triusque penetralibus effodi potuit, erue-
rim & extorserim. Si quid autem præstite-
rim, & ex vfu Reipub. nostræ promoue-
rim, vestrum, non meum sit iudicium. Af-
firmare tamen ausim me vtriusque scholæ
flores selegisse, vt gratum naribus odorem
ex illis in sertum contractis, sitis, nî fallor,

reportaturi. In hoc enim fertulo, præter Hippocratica dogmata, iam olim adhuc omnibus peruia & detrita, renouata delibatur hîc, longè, meo iudicio, solidior, tutior, & ad agendum potentior Hermetica philosophia, quæ gustum & saporem suauissimum & iucundissimum inducat. Scio tamen, quàm plenum sit alexæ opus hîc à me susceptum: vbi noui quid introducere multis videbor: vnde multa auguror mihi sustinenda fore, quæ debacchari in me audeant illi, à quibus falsò medicina Hermetica nouitatis infimulatur. Sed hoc mihi tutissimum fore præsidium spero, quòd quicquid authoritati vestræ nuncupatur, ab omni iniuria securè vindicetur.

Excipite igitur ex obsequētissimo cliente vestro, viri amplissimi & fidelissimi propugnatores ac conseruatores salutis publicæ hoc nostrū munusculum: & QVERCETANI vestri perpetuò memores saluate foelicissimè & valete.

M.A. : 1209-01 KI

71-50433-1 (1 of 1) 10/10/2010 10:10:10 AM

John, David & Robert, 1992

1992年10月10日

CHRYSLER

1. The first part of the paper is devoted to the study of the asymptotic behavior of the solutions of the system (1) as $t \rightarrow \infty$. It is shown that the solutions of the system (1) tend to zero as $t \rightarrow \infty$ if and only if the matrix A is Hurwitz.

... ..

1. The first part of the document is a list of names and titles, including "The Hon. Mr. Justice" and "The Hon. Mr. Justice".

1993-1994

[Illegible text]

100-443887-100

1998, 1999, 2000, 2001, 2002, 2003, 2004, 2005, 2006, 2007, 2008, 2009, 2010, 2011, 2012, 2013, 2014, 2015, 2016, 2017, 2018, 2019, 2020, 2021, 2022, 2023, 2024, 2025, 2026, 2027, 2028, 2029, 2030, 2031, 2032, 2033, 2034, 2035, 2036, 2037, 2038, 2039, 2040, 2041, 2042, 2043, 2044, 2045, 2046, 2047, 2048, 2049, 2050, 2051, 2052, 2053, 2054, 2055, 2056, 2057, 2058, 2059, 2060, 2061, 2062, 2063, 2064, 2065, 2066, 2067, 2068, 2069, 2070, 2071, 2072, 2073, 2074, 2075, 2076, 2077, 2078, 2079, 2080, 2081, 2082, 2083, 2084, 2085, 2086, 2087, 2088, 2089, 2090, 2091, 2092, 2093, 2094, 2095, 2096, 2097, 2098, 2099, 2100, 2101, 2102, 2103, 2104, 2105, 2106, 2107, 2108, 2109, 2110, 2111, 2112, 2113, 2114, 2115, 2116, 2117, 2118, 2119, 2120, 2121, 2122, 2123, 2124, 2125, 2126, 2127, 2128, 2129, 2130, 2131, 2132, 2133, 2134, 2135, 2136, 2137, 2138, 2139, 2140, 2141, 2142, 2143, 2144, 2145, 2146, 2147, 2148, 2149, 2150, 2151, 2152, 2153, 2154, 2155, 2156, 2157, 2158, 2159, 2160, 2161, 2162, 2163, 2164, 2165, 2166, 2167, 2168, 2169, 2170, 2171, 2172, 2173, 2174, 2175, 2176, 2177, 2178, 2179, 2180, 2181, 2182, 2183, 2184, 2185, 2186, 2187, 2188, 2189, 2190, 2191, 2192, 2193, 2194, 2195, 2196, 2197, 2198, 2199, 2200, 2201, 2202, 2203, 2204, 2205, 2206, 2207, 2208, 2209, 2210, 2211, 2212, 2213, 2214, 2215, 2216, 2217, 2218, 2219, 2220, 2221, 2222, 2223, 2224, 2225, 2226, 2227, 2228, 2229, 2230, 2231, 2232, 2233, 2234, 2235, 2236, 2237, 2238, 2239, 2240, 2241, 2242, 2243, 2244, 2245, 2246, 2247, 2248, 2249, 2250, 2251, 2252, 2253, 2254, 2255, 2256, 2257, 2258, 2259, 2260, 2261, 2262, 2263, 2264, 2265, 2266, 2267, 2268, 2269, 2270, 2271, 2272, 2273, 2274, 2275, 2276, 2277, 2278, 2279, 2280, 2281, 2282, 2283, 2284, 2285, 2286, 2287, 2288, 2289, 2290, 2291, 2292, 2293, 2294, 2295, 2296, 2297, 2298, 2299, 2300, 2301, 2302, 2303, 2304, 2305, 2306, 2307, 2308, 2309, 2310, 2311, 2312, 2313, 2314, 2315, 2316, 2317, 2318, 2319, 2320, 2321, 2322, 2323, 2324, 2325, 2326, 2327, 2328, 2329, 2330, 2331, 2332, 2333, 2334, 2335, 2336, 2337, 2338, 2339, 2340, 2341, 2342, 2343, 2344, 2345, 2346, 2347, 2348, 2349, 2350, 2351, 2352, 2353, 2354, 2355, 2356, 2357, 2358, 2359, 2360, 2361, 2362, 2363, 2364, 2365, 2366, 2367, 2368, 2369, 2370, 2371, 2372, 2373, 2374, 2375, 2376, 2377, 2378, 2379, 2380, 2381, 2382, 2383, 2384, 2385, 2386, 2387, 2388, 2389, 2390, 2391, 2392, 2393, 2394, 2395, 2396, 2397, 2398, 2399, 2400, 2401, 2402, 2403, 2404, 2405, 2406, 2407, 2408, 2409, 2410, 2411, 2412, 2413, 2414, 2415, 2416, 2417, 2418, 2419, 2420, 2421, 2422, 2423, 2424, 2425, 2426, 2427, 2428, 2429, 2430, 2431, 2432, 2433, 2434, 2435, 2436, 2437, 2438, 2439, 2440, 2441, 2442, 2443, 2444, 2445, 2446, 2447, 2448, 2449, 2450, 2451, 2452, 2453, 2454, 2455, 2456, 2457, 2458, 2459, 2460, 2461, 2462, 2463, 2464, 2465, 2466, 2467, 2468, 2469, 2470, 2471, 2472, 2473, 2474, 2475, 2476, 2477, 2478, 2479, 2480, 2481, 2482, 2483, 2484, 2485, 2486, 2487, 2488, 2489, 2490, 2491, 2492, 2493, 2494, 2495, 2496, 2497, 2498, 2499, 2500, 2501, 2502, 2503, 2504, 2505, 2506, 2507, 2508, 2509, 2510, 2511, 2512, 2513, 2514, 2515, 2516, 2517, 2518, 2519, 2520, 2521, 2522, 2523, 2524, 2525, 2526, 2527, 2528, 2529, 2530, 2531, 2532, 2533, 2534, 2535, 2536, 2537, 2538, 2539, 2540, 2541, 2542, 2543, 2544, 2545, 2546, 2547, 2548, 2549, 2550, 2551, 2552, 2553, 2554, 2555, 2556, 2557, 2558, 2559, 2560, 2561, 2562, 2563, 2564, 2565, 2566, 2567, 2568, 2569, 2570, 2571, 2572, 2573, 2574, 2575, 2576, 2577, 2578, 2579, 2580, 2581, 2582, 2583, 2584, 2585, 2586, 2587, 2588, 2589, 2590, 2591, 2592, 2593, 2594, 2595, 2596, 2597, 2598, 2599, 2600, 2601, 2602, 2603, 2604, 2605, 2606, 2607, 2608, 2609, 2610, 2611, 2612, 2613, 2614, 2615, 2616, 2617, 2618, 2619, 2620, 2621, 2622, 2623, 2624, 2625, 2626, 2627, 2628, 2629, 2630, 2631, 2632, 2633, 2634, 2635, 2636, 2637, 2638, 2639, 2640, 2641, 2642, 2643, 2644, 2645, 2646, 2647, 2648, 2649, 2650, 2651, 2652, 2653, 2654, 2655, 2656, 2657, 2658, 2659, 2660, 2661, 2662, 2663, 2664, 2665, 2666, 2667, 2668, 2669, 2670, 2671, 2672, 2673, 2674, 2675, 2676, 2677, 2678, 2679, 26

THE UNIVERSITY OF CHICAGO

[Faint handwritten text at the bottom of the page]

THE UNIVERSITY OF CHICAGO

[illegible]

1902-1903

1. The first step is to identify the problem or question that needs to be answered. This involves understanding the context and the specific requirements of the task.

112

1940

1871

1947-1948



IN IOS. QVERCETANI

MEDICI REGII CELEBERRIMI, opus verè aureum, summa eruditione, industria, & fide, ex luce Naturæ elaboratum: IOANNES SARRACENVS Char. apud Sancer. Medicus, votivum hoc vt debuit, fidelis amicitix pignus consecrauit.

*Quæ pridem natura suo viduata nitore est,
Larnatus fædè commaculata genas:
Longæque nativum posuit per secula lumen:
Pseudo sophistarum dissimulata dolis.
Ez QVERCETANVS tenebroso educit ab orco
Arte potens, proprium restituitque iubar.
Ipsas quin animas etiam (mirabile visu)
Euocat, & digitis atterit astra suis.
Scilicet vt posito, rerum mysteria, fucò
Indubia exhibeat, conspicienda fide.
Hanc igitur sectare viam Sophei nescia falsi
Naturæ hæc cæcos explicat una sinus.*

IO. SARRAC.



DE MATERIA, PRÆPARA-
TIONIS MODO, ET PRÆ-
stantia Medicinæ Balsamica pri-
scorum Philosopho-
rum.

CAP. I.

VETUS est, non noua secretorum na-
turæ inuestigatio exactior, atque peni-
tissima, immo vetustissima. Constat
quippe omni seculo, omnique tēpore
extitisse præclara, ac summa quædam ingenia,
quæ in naturæ mysteriis indagandis insudarunt,
& summi adeò philosophi, & inter cæteros emi-
nentissimi in ea cura toti versati sunt. Summus
ille Sabor atque Hermes ille, propterea cogno-
mine τριμέγιστος & ter maximus dictus (quem nō
ita pridem literariæ reipublicæ cultor, atque
promotor illustr. D. Franciscus de Candolle lu-
mini, atque vñibus humanis reddidit) aliique
summi viri nihil aliud in votis habuerūt, quàm
vt multiiuga, & sublimi illa inuestigatione, sum-
mam quandam medicinam, inculpātam, vniuer-
salissimāque medendis humani corporis mor-
bis aptissimam, sufficientēque inuenirent. Fa-
ctum tamen, vt eāmet curiositatem (vt est
nobilissimorum ingeniorum satagentia multa)

ad transmutationes quoque metallorum adhiberent, qua efficerent, & consequerentur illammet medicinam, quam appellarunt lapidem philosophicum. Hic lapis impostorum, & ignorantium culpa adeò abiit in contemptum, ut hodie nihil ferè sit aliud, quàm fabula vulgi. Contra quos non tantum huius artis contemptores, sed etiam sectatores præcipui merito inuehuntur. Audiamus quid scribat Augurellus summus ille Poëta, atq; philosophus in doctissima sua Chrysopœia.

*Nec miseram magis affirmes veraciter ullam
Artē aliā, quā quæ externis Halchymia verbis
Dicitur: obscurisque regens ambagibus errat
Ania per: miserōsque trahit per iniqua sequentes.
Ac tandē eiectos in cœca baratra relinquit
Ut videas quemcūque bonū sua prædia, ciuem
Vendentem, patriasque domos nubēsque repostas:
Fornaces inter versari, ac follibus aurum
Captare, in tenuēque (nefas) cōvertere fumum
Rem, dubias dum querit opes insanus aniam
Protrahit, illachrymāt nati, sit sordidus ipse
In tantum ludūque patens, & fabula vulgi.*

Ecce quid magnus hic vir & philosophus Chemicus scribat de miseris, atque indoctis illis Halchymistis, deque spuria, & sophistica Halchymia: qui tamen idem Poëta summus verā, atque legitimam magnis laudibus deprædicat in toto suo opere: atque statuit solos esse verè doctos, & in pietate, atque timore Domini versantes, qui
in tam

in tam diuina scientia occupari possint, ac debeant. Quapropter idem alibi sic inquit.

*Hanc non impuris manibus fraudator auarus
Attingat, decoctor item, quisquisve fabrilis
Arte valet: mollisve etiā, cui perditā cordis
Olia, mercatorque vagus, &c.*

Tandem subdit:

*At sapiens superos imprimis qui colat, & qui
Noscendis penitus causis modo gaudeat, huc se
Conferat, hanc totis sectetur viribus artem:
Hinc comes hærebit gravis exploratio rerum
Intima naturæ passim vestigia seruans.
Tum mora sollicitos cursus remorata sequetur.
Et visura olim stabilis patientia finem.*

Et sanè negari nequaquam potest artem hanc cum medicina summo Dei dono, coniunctam esse vtilissimam: maximè cum certum sit eam nos docere correctiones, purificationesque rerum, aperiātque nobis mysteria mirabilia in naturæ sinu recondita.

Cæterùm animagta, tropi, atque figuræ, quibus prisci ad legenda mysteria hæc eleusina sunt usu, multos in maximos errores, magnasque confusiones perduxerunt. Nec fuit illis tamen integrum, tam mirabiles huius artis fructus, cœu præciosissimas quasdam perlas porcis oblicere, & hominibus brutis. Quod si pulcherrima hæc scientia tot habet hoc nostro seculo osiores, atque contemptores, nihil mirandum, quod soli id eorum ignorantia tribuendum sit. Nam con-

stat, & apertum est satis, sapientissimos, atque celeberrimos hominum omnis antiquitatis, eandem & admiratos, & summis laudibus extulisse. Inter quos primi Hebræi, Ægyptij, & Chaldæi Cabalistæ eandem singulari commendatione dignati sunt: & ab his prima eius origo descendit. Græci postea antiquiores huius meminerunt quidem, sed sub velo, & tegmine fabularum suarum: cuiusmodi sunt Draco, qui Hesperidum fructum aureum custodiebat. Nauigatio Iasonis facta ad Colchos, quam explicant Suidas, Apollonius, & interpretes eiusdem nauigationis: qui omnes statuunt, & sentiunt sub fabula conquisitionis velleris aurei, obscurè descriptam, significatamque esse rationem faciendi auri. Simili ratione traditur de agno seu ariete Atræi, cuius maximæ diuitiæ conquisitæ fuerunt per transmutationem metallicam, vt scribit Calisthenes Olynthius consanguineus atque discipulus Aristotelis. Legimus apud Suidam Ægyptios ad hanc scientiam tanta cura animos appulisse, & tam benè in ea instructos fuisse, vt maximas illas opes inde consecuti sint, quorum adminiculo bella, Romanorumque impetus hostiles profligarent. Quod durauit ad tempus vsque Diocletiani, qui infinitos eorum libros, qui de tali scientia erant conscripti combussit. Legimus insuper principem Græcum Democritum, quem tantopere admiratus est Hippocrates, quem Platonem reprehendere quidem est ausus, à quo promanauit

manauit secta Democritea, aliàs dicta Abderitica: legimus, inquam, postquam frequentasset Ægyptios, atque Indos magna exinde secreta reportasse. Nam & ex iisdem scriptis patet eundem insignem fuisse philosophum Chymicum. Michaël Psellus interpretes Aristotelis, præter alia magnæ eruditionis volumina, edidit quoque opera Chymica Constantino imperatori dicata. In eadem scientia doctissimè quoque scripsit Hediodorus, qui libros suos dedicauit Imperatori Theodosio. Similiter Heraclius Cynesius non pauca ea de re edidit. Qui quidem omnes Philosophi plerique scripta sua Chymica extra-
xerunt ex præceptis Democriti, qui magnitudine ingenij, ætatisque immensa confirmatione, prorogationeque (qua centesimum quoque superauit annum) suæ ætatis Chymicorum princeps, atque celeberrimus fuit habitus. Neque tam obscurè tantoque tecta velamine sua edidit, quin à doctis optimè intellectus fuerit: Quamuis Hermolaus barbarus eum temerè taxarit, obscuritatisque accusarit. Non considerans bonus ille ab Hermeticis Philosophis hoc præcipuè fuisse obseruatum, secreta non esse temerè prophananda, ne ab ignaro vulgo perciperentur. Sic certè Pythagoreos nouimus ἀποχῆν vsos, atque silentio, posteris deinde Pythagorico dicto, qui tacendo secum interquærendoque philosophabatur. Sic Heraclitici enigmatis se mutuo interrogabant, & respondebant. At post desola-

tionem Græciæ atque Italiæ, Barbari, & Arabes de eorum spoliis triumpharunt, vt multi etiam libri ab iis postea sint proditi, atque ab ipsis etiã regibus, cuiusmodi sunt rex Sadid & Cadid: Ac eousque tandem scientia hæc per vniuersam Maiorum regionem fuit expansa, vt & principes, & reges, & primæ notæ homines, philosophos, ac Medicos excitarit, ac in sui amorem rapuerit. Hoc abundè testantur libri ab iis proditi, cum præcitatum qui ab Auicenna, à Rhafi, à Gebere aliisque multis sunt proditi. Ab his demum floruerunt Arnoldus à Villa Noua, Lullius, Albertus Magnus, Thomas de Aquino, Scotus, Guillelmus Parisiensis, Christophorus Parisiensis, omnes magnæ existimationis homines, atque adeo peripateticorum, & scholasticorum principes, subsecuti sunt hos Isaacus Holandus, Riplorus, Northon, Rogerius Bacho, Agidius de Vadis, Thomas de Bononia, Bonus Ferrariensis, & nostra memoria Theophrastus Paracelsus, Heluetius, atq; Ioan. Frâciscus Pic⁹, Mirâdulæ, & cōcordiæ dominus, aliq; infiniti prope modum insignes philosophi, ac medici, quorum scripta etiamnum magna ex parte extant, quosque hoc in loco lubens nominare volui ac debui: vt taceam eos qui adhuc hodie viuunt, quorum quidam haud exiguam faciunt spem posteritatis iuuandæ, circa nobilissimam hanc scientiam. Hi, inquam, nominati, & non nominati omnes, non tantum magna cura, fœlicitatēque pulchra,

chra, admirandaque naturę secreta indagare sunt conati, sed ex professo quoque ea de re libros conscribere dignati sunt: quamuis verbis interdum obscuris, ne res tam sacrę, tamque eximię, & quę vulgi captum transcendunt, profamentur. Vt deinceps nunc ij tantę existimationis rem iudicantes, aut condemnantes, ipsi potius deridendi sunt, deplorandi, atque contemnendi, nescientes discernere verum à falso. Sed, vt ad medicinam nostram Balsamicā reuertamur: (à qua paulo longius meo discursu discessisse videor, tantum, vt me defenderem ab iniquo inuidiæ calumnięque dente, atque ostenderem me velut discipulum, ac vmbra quandam esse tot, tantorumque virorum, qui omni ferè seculo floruerunt) tempus iam est: vt aliquid dicamus. De materia supra quam prædicti philosophi operas suas collocarunt, & ex qua operis sui subiectum, nempe vniuersalis illius medicinę deprompserunt. Id quod pro ingenij nostro modulo partim ex scriptis eorum, partim ex collatione cum summis ea de re sapientibus, partim denique ex propria experientia, atque perscrutatione, hausimus.

CAP. II.

Proprietates à Philosophia materia sue tributas sibi præsertim conuenire.

PRO fundamento itaque futurę disputationis, sumā verba illa Remundi Lullij, quę olim me

legisse memini: quæq; à quouis sagaci medico meritò diligēter sunt notāda, quāuis paulo crassiore locutionis Minerua prolata videātur. Velle præseruari (inquit ille) per rem putridam, & corruptibilem, & reformari per rem fœdam, & deformitati subiectam, & velle facere incorruptibile per rem corruptibilem, & infirmum curare per rem infirmam, est phantasticum & inane. Vnde Rogerius Bacho in libro suo de retardatione senectutis, materiam ex qua suam præparabat medicinam, colore, durabilitate, conseruatione, & incorruptione describit. Nam illud conseruat (ait) quod diu conseruatur, & id corrumpit, quod citò corrumpitur. His regulis vniuersalibus addiderunt & istud, quod omnes veri philosophi vnanimiter fatentur: nempe materiam sui elixiris, aut magnæ illius medicinæ esse animalē, vegetalem, & mineralem, abiectæ naturæ vilis est pretij, quæ vbique reperiatur, etiam in fimetis, & iumentorum stabulis, adeoque in ipso homine, & quæ nascitur in medio mari, quæ liquefit, atque induratur facillimè. Sanè verò, cui potius rei totius vniuersi has qualitates proprietatesque tribuam omnes, quàm salis primo illi motori, atque balsamo naturæ vniuersali, non video. Hæcque est ratio cur ars illa antiquitùs dicta sit halchymia, quasi dicas salis fusio: & artifices qui eā tractarunt Halchymistæ: sicque vocatur, & medicina, quæ queritur, & cui prædictæ omnes proprietates attribuuntur, nempe sal. Nam cui potius illæ qualitates

omnes

omnes tribuantur,quàm vnico,& soli sali? Quid? an non animale quid est sal,cùm eo videamus, & vrinas hominum, & brutorum turgere? quando videmus eo tantopere illici, & boues, & arietes, cæteraque id genus bruta, qui sal tãtopere, & instinctu quodam naturali appetunt, tanquam balsamum,quo præseruantur,conseruantur,& vegetantur? appetunt,inquam,appetunt,huicque inhiant, & vel ex muris atque antiquissimis ruderibus halitu suo exhauriunt, & lingua lingunt: & columbæ, aliæque aues rostro curioso perquirunt, etiam in locis fœculentis, & hominum excrementis,atque vrinis abundantibus.Et quando tam manifestè appareat, tot genera piscium generari atque nutriri in mari falso, mirum iudicia hominum adeò peruersa esse,atque perturbata,vt non agnoscant,aut agnoscere nolint admirandos effectus balsami huius nature radicalis! Et quis nõ mirabitur proprietates, qualitatésque (vt ita loquar) virtuales salis,atque adeo eius,qui extrahitur ex ipsis animalibus, quas præbet liquefaciendo, detergendo, adstringendo,incidendo,penetrando, ab omni corruptione præseruando atque adeo attrahendo, purgando, & euacuando? An non sufficiant hæ facultates omnes, aliæque plures, quarum supra meminimus, quibus demonstretur sal esse animale? eóq; id magis, quod sũmi fuerint philosophi, qui magnetē propter solā vim attractiuam ferri dixerint animatum? Quot vires atque facultates ista lōgè maiores, immo magni-

ficas deprehendemus in sale, si omnes diligenter & ad amussim peruestigauerimus? Quid maius, quid admirabilius sale vrinæ hominis? quæ post conuenientem præparationem apta redditur ad dissoluenda magna illa duo luminaria, solem, & lunam? Quæ sympathia hac sua, atque concordantia satis produnt, & in apertum dāt attractionem, & virtutem magneticam, causatam ab eorū coniugio, & copulatione. Quis non suspiciat admiranda, quæ obseruantur, atque eueniunt in eius præparatione, & exaltatione, siue respicias tot colorum varietates, siue coagulationes, atque dissolutiones, quādo spiritus redit in corpus, & corpus rursus transit in spiritum? Non vanè Christophorus Parisiensis, magnus ille philosophus hinc operis suis subiectum, atque fundamentū exorsus est. Vt satis iā satis, opinor, nunc constet prædictum nostrum sal dici posse animatum, Sed vt pateat æquè esse vegetale, atque animale, nimirum non exutum esse, seu priuatum facultate vegetatiua, vel inde diiudicari potest, quod primum sit in natura mouens, quod crescere facit, multiplicare, adeoque omnium rerum generationi inseruit, vt nō sine causa cum Poëtis, atque priscis philosophis dicatur, Venerem matrem, & principissam omnis generationis, ex spuma maris falsa esse progenitam: id quod etiam cōfirmat Athenæus. In hunc finem à Græcis ἀλκυον, significatissimo vocabulo fuit appellata. Et magis etiam cōfirmat hanc sententiam generatio pretiosissi-

tiosissimarum perlarum in conchis, & corallij ex intimis faxis emergentis, & in brachia, & ramos instar arboris diuaticati. Hi effectus sunt, quos ignis ille naturæ, nempe sal, producit, etiam in medio frigidissimæ aquæ. Sed videamus quoque quid operetur in terra. Nempe calefacit, impinguat, immo animat, fortificat, & roborat, auget, & virtutē vegetantem in singula semina dispēsat. Nam quid aliud est terræ impinguatō, quæ efficit, vt granum vnicum producat cētum, quàm stercoratio quædam, & expansio fimi, atque vrinarum, à bestiis prodeuntium? Quid aliud primo vere, postquam sol exaltatus est ad signum Arietis, (quod signū est casus Saturni, & domus Martis, signi prorsus ignei) terram vegetat, & aperit, quàm elevationes, sublimationesque spirituum prædicti salis, & balsami naturæ? Hic est, qui viuificat, qui calorem impertit, qui crescere, qui præter & campos ridere facit, denique qui amplissimū, vniuersalissimūque illum vigorem producit. Sed quis non hoc in ipso etiam aëre videt, per sublimationes spirituum eiusdem salis naturæ, qui eodem anni tempore in aërem subleuati roris in speciem decidunt supra frumenta, atque stirpes omnes? Quid, inquam, per hæc ipsa non eosdem vegetationis effectus, quæ fit à sale, manifestè percipit? At rorem non esse spiritum prædicti salis, immo falsum vel inuiti, nec sine pudore fateantur, qui se egregios philosophos censent, quando videant à veris philosophis ex rore elici dissoluēs,

corallos, atque perlas: haud secus, quàm ex sale cõ-
muni, ex sale petræ, nitro, aut aliis salibus idem
paratur in eundem finem. Sed hæc plus satis sunt
nota. Idem præterea sal meritò quoque ve-
getale dicere possumus ex eo, quòd manifestè re-
periatur in omnibus vegetabilibus: & quòd ea in
quibus dominatur maximè, longioris sint vitæ,
atque durationis, temporum iniuriis magis resi-
stant, & effectus vegetabiles, vel in propria sua
natura, vel in eorum usu manifestius ostendant.

Iam verò sal quoque esse metallicum, seu mi-
nerale, notum illud est satis. atque eo quidem no-
tius illud est cunctis; quod tam varia, atque di-
uersa genera salium reperiuntur in visceribus ter-
ræ, cuiusmodi sunt sal gemmæ, alumen, vitrio-
lum, sal nitrum, & cætera id genus, quæ omnia
sunt naturæ metallicæ, aut certè de ea plurimum
participant. Philosophus verò hoc altius indaga-
re potest ex diuersis aquis fortibus, quas parare
nouit: quæ nihil aliud sunt, quàm spiritus præ-
dictorum salium, qui vim habent dissoluendi, &
in aquas reducēdi corpora metallica, vt cuius ferè
notum est. Per hanc, inquam, dissolutionem per-
spicere possumus concordantiam atque *συμπά-
θειαν* istorum salium cum natura metallica. Nam,
quia similia sunt optimè miscētur, se mutuò per-
uadunt, coniunguntur, atque vniuntur, simili dis-
soluente, sibi que associante simili: quippe aquæ
fortes nunquam agent in ligna aliâve mate-
riam, quæ non sit de natura metalli. Vt verissimè

dictum

dictum sit à magno quodam philosopho: Natura amat simile, & in sua natura gaudet. & ab alio: In habentibus symbolum, facilis est transitus. Sulphur, & alia, quæ de natura sunt oleaginosa, citius, & melius dissoluuntur oleis, vt therebinthinæ, aut lini quod suauissimum est, quàm magna illa vi, & violentissima acrimonia aquarum fortium: quæ nihil aliud sunt, quàm spiritus salii, & per consequens non multum conueniunt cum sulphure, quod est principium ipsis contrarium. Amplissimus hîc esset disputandi campus, si res & occasio illud postularet: sed hoc reseruamus in alium locum, & tempus. Nunc verò redeamus ad sal nostrum: quod si ab igni vehementiori fundi, atque dissolui, haud secus, ac aurum, atque argentum, & rursus refrigeratum coagulari in massam, sicut metalla, demonstrauero, sine dubio pulchrè patebit sal esse de natura metallica. Atqui fit hoc, inquam: nec tantum in sale, quod in mineris, atque terræ cavitatibus reperitur, sed in ipso etiam sale maris. Quod cum notius sit, vel mediocriter in anatomia metallica versatis, quàm vt à me pluribus demonstrare conueniat, ne verbum quidem amplius addam. Quamuis ex hac demonstratione ^{ET} plus satis euident fiat axioma illud Aristotelis esse falsum, quo dicit: Quæ à calore coagulatur, frigus dissoluit: & è cōtra. Id quod tamē ei ex vna parte cōcedimus: p̄bè gnari sal, quod à calore solis coagulatur, in aqua frigida dissolui. At fateatur oportet, & ille quod verum

est, sal à vehementia caloris ignis dissolui, fundi, ac fluxile reddi, vt in massam fusilem proiici possit, haud secus atque metalla. His accedit, quod salia ex omnibus metallis calcinatis elici possint, quæque eodem prorsus modo dissoluuntur, filtrantur, atque coagulantur, ac alia salia, siue vulgaria, & non fusa, sine vi caloris iam fusa, vt supra docuimus, quinimo ex lb. j. plumbi calcinati decem atque duodecim vncias salis elici posse, id vel semestri chymico notum est. Quæ omnia sufficienter demonstrant, atque conuincunt salis naturam esse metallicam, atque adeò metallum nihil esse aliud, quàm sal quoddam fusile.

Ex dictis itaque facile patere arbitror, quomodo sal sit animale, vegetale, & minerale, ac proinde conuenire cum eo, quod omnes Philosophi vnanimi consensu statuunt, de materia, atque subiecto medicinæ vniuersalis. Ad quod faciunt cætera signa, quibus, quamuis obscurissimè prædictam materiam suam describunt. Quæ omnia planè conueniunt naturæ salis: cuiusmodi sunt, esse vilis æstimationis: reperiri in omnibus, adeoque in nobismetipsis, quod abundè manifestè patet, cum nihil sit in hoc vniuerso mundo compositum, ex quo, ac omni quidem tempore sal extrahi non possit.

CAP.

CAP. III.

In sale è terra elcito iria rerum omnium principia contineri.

Sed ut ea, quæ in genere diximus, deinde etiã particularius demonstremus: nempe sal participare de natura animali, vegetali, & minerali, vitemur exemplo vulgari, & prorsus communi, quod tamen exactè atque diligenter peruestigatum, atque consideratum à vero philosopho, insigne est mysterium. Quod etsi erutum ex terra, possit tamen eleuare oculos nostros in cœlum. De nitro, inquam, seu sale petraë quod vocant, hic mihi futurus est sermo. Mitto nunc detestandum atque perniciosissimum vsum eius inuentum ad interitum hominum: quamuis, ut ingennè fatear, summam admirationem mereatur, quod tantos, & tam incredibiles producat effectus, dū nobis in inferioribus his, haud secus, ac in sublimi æthere repræsentat fulgura, fulmina, atque tonitrua. Sed si consideremus quid sit, & quale in sua natura, & compositione, quàm diuersæ facultates, qualitates, atque effectus sint in re tam vili, tamque trita, proculdubio immenso mirandorum cumulo obruemur.

Fit & componitur nitri ex terra matre eius, quæ id producit: vel ex ceteris, materiis stabularum fimeris, aut eius generis terris, & liquoribus pinguibus, animaliumve vrinis inebriatis potius, quàm è terra macilenta, exucca, vel pluuiis

aliave simili causa humore illo radicali exuta. Ex terra columbariorum, columbarumq; fimo omnium copiosissimè extrahitur:& tale nitrum euadit optimum, cæterisque omnibus præstat, quod notatu est dignissimum. Quod dictum sit, vt appareat nitrum participare cum ex crementis, atque vrinis animalium. Vrinæ siquidem nihil sunt aliud, quàm separatio superflua salis vegetabiliū, à quibus animalia nutriuntur, & viuunt. Ex quo patet, quomodo prædictum sal in genere participet de natura animali, & vegetabili. Nam quod ad mineralem pertinet, de ea à nobis dici non maximopere attinet, nisi addere velimus illud, quod sit extractum ex terra: quæ ratio est cur sal petrae vocitetur, cum magis propriè diceretur sal terræ. Sed pergamus.

Natura subministrat arti materiam, ex qua componitur sal petrae, quam ars per se facere nequit, non magis certè, quàm natura sal petrae purum, separatūque ab omni terrestritate (vt sic loquar) atque heterogenea substantia reddere potest: nam vt eisdem producat effectus, quos producit illud, quod artificum industria paratum est. Hi siquidem terram eligunt conuenientem, & ex locis opportunis sibi cognitis, & aqua communicalida iteratis vicibus filtrata, seu transcolata, per illam terram, vt fiunt lixiuia: fit vt cum ea misceatur falsugo, quod salium omnium est proprium: De quo lixiuium, si duæ tertiæ aut circiter, ad ignem exhalentur (refrigescant, sal cōdensatur in glaciē, ex qua

ex qua artifex nitrarius opus suum perficit, purificatione facta, iteratis dissolutionibus, & coagulationibus, ut pinguedinem (quam vocant) exuat omnem. Hoc opus commune admodum, & vel vulgo notum, veréque mechanicum, si probè consideretur, ac perpendatur, admirationis est plenū, uti iam dictum. Nam ea ipsa præparatione tria principia eliciuntur ex terra, quæ à se invicem possunt separari, & nihilominus omnia tria consistunt in vna eadēque essentia: suntque tantū proprietatibus, ac viribus distincta, in quo manifestatur, & ad quod aliquo modo referri potest incomprehensibile illud mysterium de tribus personis in vna, eadēque hypostasi, quæ diuinam constituunt Trinitatem. Voluitque summus ille creator manifestari vnitrinus, seu triunus, non tantū in eo, quod reperitur in natura terræ, sed in omnibus etiā totius creationis operibus. Si quidem comparatio hæc nostra salis terræ generalis est, & vbiq; reperitur atque in rebus omnibus. Ut non malè fortè hanc comparisonem accommodare possimus ad ineffabile illud magnūque mysterium Trinitatis: hæud sanè minus, quàm veteres, qui, ut captui se nostro accommodarent, fontem cum riuulis, aquam cum vapore, qui ab ea subleuatur: arborem cum ramis: femina cum plantis contulerunt, tantū ut ostenderent generationem filij, qua ratione procedat à patre. Qui per communicationem totius diuinæ essentiæ, absque omni disunctione, diui-

tionéque progenuit filium suum generationis modo inenarrabili. Vnde occasio oborta prædictis patribus sanctis, vt eiusmodi comparationibus vterentur, quibus aliquo modo nobis manifestarent id, quod sua natura est incomprehensibile. Sic quoque in prædicta nostra comparatione salis videre licet tres distinctas naturas, quæ tamen sunt, atque subsistunt in vna eadémque essentia. Nam prima natura est sal commune fixum, & constans: & altera sal volatile, quod solum, & vnicum quærit nitrarius. Quod volatile sal, duo genera salis volatilis continet: alterum sulphureum, facillimè concipiens flammam, quod nitrum vocant: alterum mercuriale, aqueum, acidum de natura salis armoniaci participans. Quapropter in communissima illa terræ essentia sub vna, eadémque natura hæc tria distincta salia reperiuntur de quibus omnia quot quot sunt vegetabilia atque animalia participant. Atque in his tribus tamquam fundamētis collocabimus tria nostra principia hypostatica, in opere illo nostro, de recondita rerum natura, artisque mysteriis, quod prius in publicum dare constitueramus, quam horaria hæcce præludia: in quibus tamen etiam obiter aliquid dicendum esse iudicauimus, quod ab iis fundamenta, ac vtriusque medicinæ principia dependeant. Quare vt magis, atque diligentius ab vnoquoque, præsertim sapiente, quam hæcenus factum, tam immensa doctrina consideretur, ostendam, & quasi ob oculos ponam tres illas distinctas

stinctas salis naturas, vnica, vt iam dictū, *ἁπλοῦς* comprehensas. Nam Nitrarius, vt sal suum petræ efficacius, volatile, & ad concipiendam flammam reddat aptius, detrahit ei pinguedinem, (sic loquuntur) hoc est tollit, & separat eius sal, quod idem prorsus est, ac sal marinum, vel commune quod dissoluitur in aqua communi: è contra sal petræ (quod vocant) congelatur in frustula talia, qualia conspiciuntur: atque ita fit separatio visibilis duorum salium. Quippe aqua (in qua diximus sal commune diffusum dissolutumque contineri) euaporata, in fundo subsidebit salis portio, ad nostrum sal accedentis, vel eiusdem potius speciei, atque naturæ cum marino, vel communi. Nam easdem possidet qualitates falsuginosas, fixum est, nec ab igne dissipatur, neque flammam concipit, ac proinde prorsus distinctum est, ab eo quod coagulatur in eadem aqua, quod sal petræ dicitur. Quæ res sanè meretur, vt diligentissimè consideretur non à mechanicis, & rerum ignaris hominibus, sed à philosophis, si modò tales & esse, & haberi velint. Quibus manifestum fiet sal, quod natura, & qualitate sua, secundum communem philosophorum opinionem est calidum, & siccum, immo sal sulphureum, atque igneum, flammamque concipiens, quale est sal petræ, in aqua coagulari, in qua reliqua salia dissoluuntur, haud secus ac sal ipsum, quod ab eiusdemmet salis petræ essentia processit, in aqua dissolui diximus. Non igitur absque causa inge-

ti considerata venit admiranda salis petræ natura, quæ duas partes, volatiles in se complectitur: sulphuream alteram, alteram mercurialem. Pars sulphurea est eius anima: mercurialis, est illius spiritus. Sulphurea accedit ad primum illud mouens naturæ, quod nihil est aliud, quam ignis æthereus, qui non calidus est, aut siccus, non consumens sicut ignis elementaris: sed ignis quidam cœlestis, humor aëreus, calidus & humidus, & talis quidem, qualem fere cernere licet in aqua vitæ, ignis, inquam, cōtemperatus, viuificus, quæ in vegetabilibus appellamus animam vegetantem, in animalibus humidum, & calidum radicale, emphytum, symphitumque calorem, verum nectar vitæ, qui si deficiat in aliquo subiecto siue animali, siue vegetabili, illico mors consequitur. Quod quidem non alia de causa euenit, quam ex solo defectu viuifici huius caloris, qui modo vitam restaurabat, & conseruabat. Idem calor viuificus reperitur etiam, licet obscurius, in mineralibus: quod facilius comprehendere potest ex symphathia, & concordantia, quam sal illud petræ habet cum metallis, vt videre est in dissolutionibus, de quibus quædam attigimus supra.

Præter partem illam sulphuream, reperitur etiam in sale petræ spiritus quidam mercurialis, qui quidē est de natura aërea, & qui tamē flammam concipere haud possit, sed huic potius contrarius. Hic spiritus qualitate sua non est calidus, sed potius frigidus, vt testatur eius aciditas: quæ
aciditas,

aciditas, atque frigiditas mira prorsus existit, & longè diuersa ab elementari: quippe quæ dissoluere possit corpora, & coagulare spiritus, haud secus ac coagulat ipsum sal petræ: quæ aciditas generalis est causa fermentationis, atque coagulationis rerum omnium naturalium. Hic ipse spiritus acidus reperitur quoque in sulphure, eiusdem qualitatis nec vrens, nec flammam concipiens, & qui sulphur quod alioqui fluidum esset vt oleum coagulat, atque firmū reddit. Hoc spiritu inter omnia salium genera maximè abundat vitriolū, quippe quod de natura sit Veneris: quæ acidum spiritum (mercurius mobilis, ac semper tamen tendens ad suam perfectionem, hoc est, coagulationem, atque fixationem) probè nouit eligere, sibi que attrahere, vt figatur, atque coaguletur: quando cum ipsomet vitriolo permiscetur & sublimatur. Haud secus sanè, atque apes, mel sugunt ex floribus, vt inquit Ripleus. Denique hic spiritus acidus atque frigidus, causa est, cur sal petræ igni iniectum, sulphurè que eius accenso, crepitum edat: vt sal petræ de eorum numero sit, quæ Aristoteles contrario motu alicubi moueri scripsit: quæ eius verba diligenter sunt perpendenda.

Sed quam denique aperio portam horti Hesperidum tam apertè loquens de sale petræ? quæ liberum aditum præbeo stupidis, atque ignaris, quem solis sapientibus, ceu musarum cultoribus apertum esse decet? Ne idcirco decipiamini

quæcunque estis curiosorum ineptiorum ingenia, sumendo verba mea ad literam, ut aiunt. Sal petrae philosophorum, aut sal fusile, quod ab omni ævo Halchymia dedit nomen, non est sal petrae seu nitrum illud vulgare: nihilominus tamen huius compositio, admirandaque natura, est ceu exemplar quoddam, & regula lesbia operis nostri. Quamvis ea de re clarius, & manifestius locutus sim vobis, quam vllus eorum, qui me præcesserunt, non quod improbem ideo illo- rum rationem scribendi, sed ut probem, atque defendam. Ac magis certè illis fuit integrum ita scribendi, quàm priscis illis philosophis Pythago- reis, & Heraclæis: (quod tamen de rebus non tã- ti momenti, tantisque mysteriis, ac vera chymia tractasse constat) quando illi silentio, muneris, & symbolis sua transegerunt. Hi verò, ut scribit Pla- to, interrogationibus, & respõsionibus Ænigma- ticus. Ecce non eodem iure licitum sit Lullio tractandi suam philosophiam per literas? cum i- dem consuetum fuerit omnibus eius antecessori- bus, ut tropis, allegoriis, atque ænigmatibus tanta mysteria, atque secreta proponerent, ne à vulgo prorsus intelligerentur? raperentur interim in admirationem rerum tam sublimium, atque adeò diuinarum? Ut cessent tandem Momi, atque ob- stupefiant crassiores isti, atque insulsi beani ma- ledicendo, malefacta ne noscant sua: Ij ipsi, in- quam, Theones, qui nomina illa, quibus in libro nostro de Spagirica medicamentorum præpa- ratione

ratione sumus vſi, nec guſtare, nec contere-
re poterunt. Cuiusmodi ſunt Aqua ſtigia : Maria aci-
da, turbitum minerale: menſtrum ſcetidum, men-
ſtrum cœleſte, calx fixa, atq; perlucida : ſalia re-
ſuſcitantia : ſal, corneoli cryſtallini, Kibric, terra
ſcetida, terra mortua, lapis Sedenegi, lapis perla-
tus, Salamandra, lacertus viridis, leo rubens, aqui-
la volans, aquila expaſa, acolum montanum, ſan-
guis Meduſæ, aliâque id genus nomina apprimè
ſignificatiua : Quæ ab iis tantummodo intelli-
gi nouimus, qui melleum illum dulcorem librorum
tam pulchræ, tamque abſconditę philoſophię de-
guſtarunt.

At enim uero, ne reſtet ipsis calumniandi lo-
cus, atque occaſio, arrigant, & aduertant nunc au-
res, attollant oculos, & mentem, vt videant, cõ-
prehendântque elariùs tot, tantâque admiranda,
atque ſummæ vtilitatis ſecreta, quæ huic noſtro
operi inferere eſt animus. Quibus nunc aliquan-
tum ſatiati deinceps æquo animo expectent do-
nec plura, & his etiam longè maiora, abſtenſio-
râque verbis ſignificatiſſimis, atque à quouis ve-
ro philoſopho intelligibilibus, exhibeam, in re-
ſtituta mea præparatione Spagirica, quàm breui
quoque, ſi Deus vitam, & vires conceſſerit, vſurę
publicæ committam. Interim diſcant, immo ad-
mirentur, vt ſapiant, niſi nolint, quod modò do-
cebo pulchra, & mirabilia, de ſola compoſitione
ſalis noſtræ petræ.

*Salis natura vires & proprietates exemplis
illustrantur.*

Vidistis ex primo illo Chao residuo, (hoc est, ex terra illa vili, seu ex materia confusa, atque informi) extractionem, separationemque formæ pulchræ, nitidæ, claræ, atque transparentis: nempe salis illius, quod aptum est ad recipiendas plures formas alias, quodque diuersis, & mirabilibus proprietatibus donatum est. Vidistis etiam ex vna eademque essentia tres res distinctas, atque separatas, immo tria principia naturæ eruta, ex quibus omnia corpora sunt composita, quæque anatomicus Chymicus eruere atque secernere potest ex omni corpore naturali: ex minerali, inquam, vegetabili & animali: nempe sal, sulphur, atque mercurium. Principia sanè purissima, simplicissima verèque elementaria naturæ, omnia sub vna essentia salis comprehensa: sal, sulphur, & mercurius, quæ philosophi conferre solent cum corpore, spiritu, & anima: nam corpus attribuitur sali, spiritus mercurio, anima sulphuri, singulis suo attributo, & hoc illis aptè atque conuenienter respondentibus. Estque spiritus velut mediator, & conseruator animæ cum corpore, quod illius beneficio cum anima iungitur, & copulatur. Anima verò viuificat spiritum & corpus. Vidistis etiam in dicto sale naturā Hermaphroditicam: marem & scēminam: fixum & volatile:

volatile: agens & patiens: & quod magis est, calidum & frigidum: ignem, & glaciem mutua amicitia, atque sympathia in vnum coniuncta, atque in eandem substantiam vnita. In quo sanè eius naturam mirabilem cernere licet.

Nec minùs eius proprietates sunt admirandæ. Immo vel multò etià magis. Sal enim petræ præcipuè est clavis, atque primarius ianitor, qui aperit corpora etiam durissima, solidissimaque tam lapides quàm metalla: ipsumque adeò solem, atque lunam redigit in liquorem cum aqua propria extracta ex tota massa absque separatione maris aut fixi. Et quemadmodum spiritualia reddit, atque volatilia omnia corpora metallica: ita & è contrà virtutem habet fixandi, & incorporandi spiritus, etiam summè volatiles. Iam quis non miretur, vel potius obstupescat, cui constat sal petræ tanta promptitudine concipere flammam, per quam in aërè ac fumum exhalet: interim videat liquidum atque fusum manere in crucibulo igneo, constituto in centro flagrantissimorum carbonum? in quo tamen licèt ardentissimo, nec flammam concipiat, nisi flamme, aut ignis admotio fiat ad tactum? & quod magis, cum naturæ adeo sit volatilis, fixatur tandem, nec patitur ab igne, nec reformidat vel violentissimum, nō magis sanè, quàm salamandra (si verū est quod aiunt, intactam manere in igne) quem tamen nec ferre poterat antea, nec vlla ratione pati? Vides itaque vt à solo igne natura eius transformetur.

Idem præterea sal petræ, quod debi: è paratum atque depuratum modò erat, tam candidum, tam crystallinum, tamque diaphanum (saltem vt extrinsecus apparet) nunc igni fixatorio immissum videbis interius continere omnis generis colores, virides, rubros, flauos, albos: non hercle minus diuersos, quàm nubes ex radiorum solarium variantibus impressiõibus concipere, aut præ delectabili illa florum versicolorum varietate ridere solent. Quod si quis ad credendum contumax, incredulus potius esse, quàm docilis haberi velit, suadeo, vt experiatur, & discat tam pulchrum naturæ mysterium, vel spatio decem horarum, ac vix sex assium interuentu. Et ne (vt nuperi quidam) Lycophronem quendam me esse putes, rem candidè, & clariùs te docebo. Accipe salis petræ finissimi, & clarissimi libram vnã, vel duas, coniice in alembicum vitreum cum capitello, & in arenam colloca, haud aliter, ac si aqua quædam fortis esset destillanda. Ignem submitte, & per gradus secundùm artem moderato: quem tertia vel quarta hora in tantum augebis, vt arena vel ipsa incandescere posse videatur. Hûc ignem ardentissimum continuabis per quinque, vel sex horas: & deprehendes, atque apertè videbis salis petræ spiritus ipsam etiam alembici vitrum penetrasse, coloréque tam intus quàm extra tinxisse opalino, hoc est, diuersissimo, & pulchrè variante colore. Præterea spiritus salis petræ, qui vitri soliditatem traiecerunt, extimæ eius superficiiei in
florum

florum farinæ speciem adhærescentes, quos molli pluma abstergere, atque colligere haud fuerit difficile, etiam in satis magna copia reperies. Hic sanè flos, nihil est aliud, quàm spiritus salis petræ, in quo conspicias viuidos omnis generis pulchrè expressos colores, haud secus sanè, ac in lapide illo pretioso qui opala dicitur. Philosophentur nunc ingenia acutiora; si libet, & in subtiliationem hanc spirituum, qui corpus alioqui solidissimum, & omnibus impermeabile habitum, tamen mirabili subtilitate traiecerunt. Et habent sanè quod volitentur hîc, si velint, ingenia curiosiora. Itémque de ratione tantæ diuersitatis colorum plantarum hisce spiritibus tribuimus, quàmque nos propria experientia consecutos esse primos, & ad oculum multis viris summis, atque doctissimis ostendisse fatemur, & ingenuè gloriamur. Testis erit charus ille Pylades noster, Io. Hen. Cherlerus philosophiæ, & vtriusque medicinæ non infœlicior adfectator, quàm admirator, què amoris nostri erga ipsum (quem ceu fidum quandam Achatem semper habuimus) tam illustris inuestigationis, vt & aliarum plurimarum magnæ admirationis rerum testem αὐτοβασίδιον, & gnarum facere volumus. Sed ad propositum reuertamur.

Id quod residet in cucurbitæ fundo, niuis instar candidum, ac prorsus fixum, remedium est specificum ad omnes febres extinguendas. Datur à 3. β ad 3. j. dissolutum in liquore quodam cōue-

nienti. Et (vt verbo dicam) huic remedio non est aliud simile ad incidendum, tergendum: itémque ad purgandas, & euacuandas humorum corruptiones, atque putrilagines, & ad conseruandum corpus ab omni corruptionis inquinamento. Nā cū de natura sit salis balsamici, oportuit ipsum talibus virtutibus & proprietatibus esse præditum. Et certè, vt ingenuè fatear, si vel velim, non possim tamen satis laudibus extollere verum sal petræ, atque sal fusile philosophorum. Quod sal Homerus appellat diuinum: quod Plato scribit esse amicum, & familiare rebus diuinis: quódque multi philosophi dixerunt esse animam vniuersi, & spiritū viuificantē, generantēmq; res omnes.

Videbimur fortè longiori serie orationis in inquisitionem, speculationēque tam generalem, quàm particularem salis naturæ euagati: Sed tam utilis est, & necessaria, vt sit etiam basis, ac fundamentum facultatum omnium medicinarum, vti fusiùs suo loco declarabimus: vt hic potissimum habeant medici, quod satagant, quod perquirant, atque intelligant. Quod verò attinet ad philosophum Chymicum, sciat in salibus fusilibus se operas suas potissimum collocare debere, atque meminisse haud temerè philosophos illud subinde occlamare solitos, coque, coque, & iterum coque. quod idem est ac si dicerent, calcina, calcina, (intellige ex præscripto philosophorum) aut in cinerem redige. Et sanè si fateri velimus, quod res est, omnes operationes Chymicæ, destilla-

destillationes, inquam, calcinationes, reuerberationes, dissolutiones, filtrationes coagulationes, decoctiones, fixationes, aliæque huic scientiæ dicatæ, non tendunt ad alium scopum, quàm, vt sua corpora ita reducât in cineres, vt spiritus salis, & sulphuris, qui illa perfecerunt (sub vna tamen, eadémque essentia constituti) communicent, modo quodam imperceptibili, cum sua aqua metallica, veróque mercurio: Idque in eum finem, vt pervin, atque virtutem salis internam mercurius atteratur, coquatur, atque transmutetur ex natura sua vili, atque abiecta, in longè nobiliorem: dum ex mercurio vulgari fit mercurius philosophorum beneficio spiritus salis, quem attraxit ex cinere, seu calce viva metallica. Haud secus sanè, quàm euenire solet in lixiuio, quod fit ex cineribus, & aqua, in quam optimè percolatam, atque filtratam cinis omnem suam animam, virésque transmittit. Nempe suum sal aque prædictæ communicat: quæ aqua, etsi semper maneat fluxilis, ac liquida, non tamen restat aqua simplex pura, atque frigida, vel exigue virtutis: sed iam lixiuium facta, fit calida, facultatis exiccantis, detergentis & qualitatis prorsus actiue, quæ tota est virtus, atque facultas medicinæ transmutantis. At considerandum est, ex qua re cinis hic vivus, atque metallicus sit conficiendus. Item ex qua aqua idè parandum sit lixiuium, vt extrahas sal, aut sulphur philosophicum, hoc est medicinam balsamicam, quæ fulminis instar refertissima sit actiuarum qua-

litatum, reducta in calcem verè viuam, atque dum prius esset corpus quoddam mortuum, atque inanimatum, tunc fiat corpus animatum, spiritu præditum, & medicinale.

CAP. V.

*Aurum animatum præcipuum esse subiectum
medicina Philosophorum me-
tallica.*

Tantum potest sulphur naturæ philosophicum, quod auget, & multiplicat viribus ipsum etiam aurum, iam magna perfectione præditum, non tam propter æquabilem sulphuris, atque argenti viui concurrentiam, quàm propter perfectam combinationem, adæquationem, equabilitatem, equalitatémque elementorum, atque principiorum, quæ aurum constituunt. Ac ita quidem constituunt, ut alterum non superet alterum: sed velut in equilibrio constituta, aurum efficiunt incorruptibile: cum nec à terra exedi, vel corrumpi, nec ab aëre alterari, nec ab igne domari aut diminui, quamuis minimum, possit. Atque hoc præterea, quod, ut inquit philosophi, par in parem non habet imperium: eo quod etiam in omni equato corpore nulla reperiri possit actio, aut passio. Et hæc est sola illa equalitas, quam Pythagoras dixit esse matrem, nutricem, atque tutricem concordie rerum omnium. Hæc causa est, quod in auro, atque omni corpore perfecto, ubi hæc equalitas existit, sit indomita
que-

quædam, atque incorruptibilis compositio. Id quod prisci philosophi obseruantes, in auro quæsiuerunt magnam illam, & incomparabilem medicinam. Quoniam autem cognouerunt, quod propter compactam, atque firmam suam compositionem in corpus nostrum agere non possit, conati sunt dissoluere, atque frangere durissima eius vincula, atque beneficio sulphuris vegetabilis, & balsami vitæ artificiosa operatione, redigere ad perfectam adæquationem, vt spiritus vegetabilis auri, qui modo quasi in otio delitescbat, ex auro vulgari (quod modo erat) redderent aurum philosophicum, atque medicinale; quod vegetationem nactum perfectionem, & virtutem seminalem, dissolui possit in omni liquore, eique communicare exuperantem, balsamicamque illam perfectionem, seu vitæ, naturæque nostræ balsamum. Sed audiamus, quæso, quod dicit Augurellus de hoc auro per prædictum sulphur, aut spiritum naturæ animato:

*Denique sic etiam fuluo detentus in auro
 Ipse manum capit artificis, qui vincula soluat,
 Et qui se propria reddat virtute Potentem.
 Quod si quis properans hanc artis viribus unquam
 Explicet, atque diu tepido, post incoquat igni,
 Continuo aspiciet (visu mirabile) vitam
 Auro impartiri longo cum seminis usu
 Nec deerit quin ex auro sibi procreet aurum.
 Quod cum ita cõstiterit durate, & credite verbis
 Intenti artifices, & res sperate secundas.*

Et quia nunc sermo est de animatione auri, & ut ostendamus quia ratione antiqui philosophi inhiarint, atque insudauerint huic operi, vel materiei: age, videamus quid scribat Palingenius in suo *Zodiaco*: cum hunc aurificum puluerem piis quærentibus viris respondisset Apollo, sub obscuro quodam ænigmatè: & hinc ad cœli conuexa euolasset: hæc scribit.

Tunc mentis diuina homines oracula cæca

Voluentes animo ancipiti, vix tempore longo

Experti multa, & non paruis sumptibus illam

Inuenere artem, qua non ars dignior vlla est.

Fingendi lapidem æthereum, quem scire profanis

Haudquāquam licet, & frustra plebs improba

querit,

Quem qui habet, ille potest, ubi vult, habitare

decenter,

Nec fortune iram metuit, nec brachia furum:

Sed tanto paucos dignantur munere diui.

Constat sanè ex præcipuis, & primæ notæ antiquorum libris hunc præcipuum fuisse eorum scopum, ut inquisitioni tam eximie rei insudarent, nempe ut componerent medicinam quandam balsamicam, ad vegetandum, roborandam, atque insigni sua adæquatione, & integritate naturæ, conservandum balsamum radicalem, & nectar illud vitæ nostræ in bono & laudabili temperamento. Hinc idem Angurellus verba faciens de puluere aurifico, postquam ostendisset effectus quos efficere potest in metallis, ita subiungit.

Quin

*Quin etiam humano decuit de corpore pelli
 Hac, omnes valida morbos, faciliq̃ medela,
 Seruariq̃ diu nitido cum flore iuuentam
 Et senium placidos produci grande per annos.*

Et profectò mirum videri haud debet, aurum à suo, ceu compede, liberatum, adeóque spirituale, atque animatum redditum, viribúsque adauctum roborare posse naturam, atque instaurare balsamum nostræ naturæ, támque exigua dosi vnius aut duorum granorum conseruare ad vltimam vsque periodum vitæ. Tantò minùs mirum videatur, quod conueniens, atque magna illa adæquatione temperaturæ communicans cum balsamo nostro radicali, impediat dominium phlegmatis, bilis excandescentiam, atque melancholiæ adustionem, suæque incorruptibili virtute conseruet sanguinem à putredine, atque ita balsamo illo nostro subueniat, & quasi manus præbeat, vt non tantùm naturam nostram præseruare, sed maximos etiam corporis nostri morbos superare possit. Præsertim, cum balsamum illud naturæ, innatus ille spiritus, omnium actionum, operationum, & motuum in nobis sit præcipua causa, à temperie seu crasi minimè dependens, sed eam conseruans: vt ipsemet Galenus de innato illo nostro calore verba faciens, profiteri cogitur.

„ [Com. in aph. 15. l. 1.] Cognoscere oportet (inquit) Hippocratem innatum dixisse calorem,
 „ quem in quoquo animátium natiuum spiritum
 „ vocamus. Neque enim aliud, quicquam animal

„ ab initio formauit, sicuti rursus adauxit, aut vs-
 „ que ad mortem enutriuit, præterquam iste ca-
 „ lor innatus, qui omnium operum naturalium
 „ est causa. Nulla itaque ratione excusari possunt,
 qui contumaciter, & absque vlla ratione flocci
 pendunt, vituperant, atque calumniis incessant
 talia remedia, quæ principaliter collimant ad re-
 stitutionem, & corroborationem balsami nostri
 radicalis: qui solus (ea potissimum medicina adiu-
 tus) separare potest heterogenea, & naturæ mo-
 lesta per expulsionem, euacuationesq; ordinarias,
 & conuenientes: atque retinere homogenea,
 cum quibus ad earum conseruationem, maximè
 consentit. Quod si ad virium corroborationem
 vsus aliquis esse possit auri foliati, (quod nihil est
 aliud quam res quedam mortua, quæque nostræ
 nature nullatenus communicari potest, tantoque
 minus digeri à calore nostro naturali) qualis ferè
 esse solet in omnibus medicinis restaurantibus:
 vt in confectione alkermes, electuario de gem-
 mis, aurea alexandrina, diamargarito Auicennæ,
 aliisque: cur quæso improbetur vsus auri animati
 ea ratione, atque modo vti iam dictum? Et fru-
 stra mehercle immo temerè tantopere perstrin-
 gunt, atque contemptim proclamant remedia
 metallica, ac si verò nihil essent aliud quam ve-
 nena: maximè cum constet, hodie egros, etiam
 deploratissimos, & vbi aliis medicamentis vulga-
 ribus nullus amplius restabat locus, relegari ad
 thermas, quæ nihil aliud sunt, quam aquæ medi-
 camen-

camentosæ, nitrosæ, aluminosæ, vitriolatæ, sulphureæ, bituminosæ, antimoniales, plumbeæ: denique omnes participantes de substantia, atque spiritu quodam metallico, quem re ipsa comperimus purificare, atque euacuare corpora nostra omni euacuationis genere, non sine ingenti utilitate, ut fusiùs declarabimus, ubi ea de re speciatim agemus in libro nostro de recondita rerum natura artisque mysteriis: in quo opere apertè, & manifestè ostendemus quales sint qualitates virtuales, ut ita loquar, illorù spirituum metallicorum. Quos ratione, & experientia docebimus, eosdem habere effectus cum thermis naturalibus, etiàmque naturaliter calidis: simulac ostendemus apertè posse tales artificiosa quadam industria parari quouis tempore, quouis loco, interim haud minori commoditate, atque utilitate.

Multi eiusmodi hominum excusandi sunt magna ex parte, quos, (cum iam sint senes cani, & quod prouerbio dici solet, iam alterum pedem habeant in Cymba Charontis, cùmque nihil se ignorare existiment) pudet de integro doceri, atque redire ad scholam, quod aiunt. At illis qui obstinatè sese opponunt, & per inuidiam, atque maliciam lacessunt, & carpunt, nihil habemus aliud, quod pro causa defensionis nostræ & confutationis illorum obiiciamus, quàm crassam illorum, puram, & putam ignorantiam.

Porro hæc ratio præparandi medicinam, de qua hîc agimus, olim dicta fuit mineralis, pro-

pterea quod sulphur, aut sal philosophicum, cuius
vſus eſt ad animationem, & vegetationem, de-
promptum, eſt ex prima ſcaturigine vegetatiua
naturæ mineralis. Plures philoſophi pro ſubiecto
minerali aſſumpſerunt Saturnū. Alij Magnefiam
Saturnalem, quæ prima eſt radix metallica, & de
ſtirpe vitrioli. Iſacus Holandus, Ripleus, aliique
magni philoſophi ſua opera de hac materia ſcri-
pſerunt, quæ cum extent, vnus quiſque videre po-
teſt. Nobis enim hoc loco aliud non eſt institu-
tum, quàm docere, & quaſi ob oculos ponere,
quodnam ſit illud baſamum radicale, & medici-
na vniuerſalis, tantopere à priſcis philoſophis ce-
lebrata ad conſervationem valetudinis, & ſana-
tiones morborum corporis humani. Cui quidem
rei maximopere conferri poteſt aurum anima-
tum, & baſamicatum (excusent, quæſo, manere
Ciceroniani ἀμαθίς ἐπερ. ἢ ἀσπλῶδες ἐπερ, hoc eſt ru-
diūs, ſed planiūs loquētem, vt intelligatur.) Alij,
inter quos eſt etiam Raymundus Lullius, ignem
ſuum naturę ad animationem auri quęſiuerunt
in vegetali. Nam hic præcipuus omnium fuit ſco-
pus, vt aurum animarent. Atque hæc eſt ratio, cur
omnes dicant, vnicam tantum eſſe, viam vnām-
que materiam, ſeu ſulphur baſamicum & naturę,
quod præbet ignem agentem, atque internum ad
idem opus. At verò inter omnia vegetabilia pri-
mas tenet vinum. Nam inter omnia de natura
vitriolata plurimum participat: quod non tam ex
viridante illo colore racemorum immaturorum,
atque

atque gustu acerbo colligere licet:quàm ex colore saphyrico maturorum, rutilo & intrinseco colore, saporeque acuto; quæ omnia externas & internas vitrioli qualitates planè referunt.

Tales etiam notum est esse quasdam aquas in Auernia, quarum gustus vinosus est cum facultate quadam pungente. Ipsum quinetiam acetum, in quod vinum facillimè transmutatur: (anima nimirum sulphurea, hoc est, spiritu eius separato) acetosam vitrioli qualitatem repræsentat, vt & aliæ vini signaturæ, veris philosophis abundè cognitæ. Quod etiam ex concordantia, atque symphatia, quam habet vinum cum natura metallica, colligere licet, cum ex vino perinde, ac ex vitriolo præparari possit artis chemicæ menstruum, (vt vocant) quod metalla in liquorem dissoluere possit. Atque hæc est ratio cur Poëtæ cecinerunt.

Bacchus amat colles.

Hæ, inquam, sunt rationes, cur Raymundus Lullius, aliique celebres philosophi operas suas collocarunt in vino, ad extractionem sui sulphuris Balsamici, vt inde conficerent verum aurum potabile & veram Balsamicam medicinam.

Sed age paucissimis tantum verbis aperiamus Lullij methodum, quam tantopere celauit in suo de quinta essentia libro, aliisque in locis: quæ si rectè intelligantur, facile diriget, atque instruet quemuis verum philosophum ad componendam, atque ex omnibus rebus eliciendam medicinam.

illam Balsamicam. Nam ubique idem scopus, idem finis, eadem vnica atque sola via ad compositionem illius Balsami, aut sulphuris philosophici, existentis in omnibus rebus mineralibus, vegetabilibus, atque animalibus: quamuis in aliis magis, in aliis minus.

CAP. VI.

Qua arte paretur sulphur & mercurius philosophorum ex vegetabili ad faciendum verum aurum potabile.

ERgo vt ritè omnia peragantur, quæ ad talem operationem requiruntur: eligendum est vinum generosissimum rubellum, ad minimum dolum integrum, ex quo aquam vitæ extrahes, ratione solita, quam rectificabis ad perfectionem summam. Hunc spiritum vini adseruabis in loco frigidissimo, vase optimè clauso, ne propter immensam, quam habet subtilitatem expiret. quod residuum est vini iterum destillabis, & exhibit media quædam aqua vitæ, si vinum fuerit optimum. Quod vbi extillauerit seorsim seruabis. Hoc iterato facies de vini residuo, separando, vt prius, aquam vitæ à suo phlegmate, singulis seorsim reseruatis. Fæces verò in fundo residentes demum colliges, ex quibus vltimam humiditatem elicies, per balneum vaporosum, aut per cineres, donec picis instar crassescant. Huic subsidentia picæ in diuersos alembicos (si magna fuerit copia) immixta, affunde reseruati phlegmatis

tis tantumdem : vt quatuor , vel quinque digitos superemineat : pone omnia in balneo calido, aut supra cineres itidem calidos, sic paucis diebus phlegma, quod prius erat album, denuò recipiēs tincturam euadet rubrum valdè : attracto nimirum ad se sulphure combustibili, ex vini fœcibus impuris. Phlegma hoc tinctum per inclinationem separa, & seorsim quoque si lubet, reserua ad alios vsus, vti dicemus. Postea demum aliud nouum phlegma affunde supra easdem fœces, & in distinctis alembicis, si magna sit copia, vt iam dictum: quod rubedine tinctum, vt prius, itidem separa, & prædicto iam tincto, atque separato affunde. Hoc toties continuabis, donec phlegma nullam amplius attrahat rubedinem, atque fœces iam subalbidæ, vel crySTALLINÆ sint redditæ. Quod vt facilius dignoscas aliud phlegma affunde, & vel digito, aut baculo (mundo tamen) misce, vt aduertas, num aliquid restet tincturæ: nam omnino omnis eliciēda, vt ne ampli⁹ tingatur, vel minimum affusum phlegma: quo argumento certissimè cognoscēs, omnino depuratam esse residētiā, seu fœces, quas alibi CrySTALLUM tartari vocabimus, quoniam ex tartaro quouis communi, faciliori etiam methodo similes crySTALLI eliciuntur. Remedium sanè iucundissimum, gratissimūque si quod aliud in mundo, promptè mundificans stomachum, hepar, atque lienem à suis impuritatibus: prouocans vrinas, & mouens vnam, aut alteram sedem extraordinariè. Sed ad

opus nostrum redeamus. Fœces prædictæ iam debitè atque conuenienter, vti dictum, depuratæ, reponantur in diuersis cucurbitulis colli oblongi, atque affundantur vnicuique de primo illo spiritu vini rectificato, vt tres digitos supereminèat: mōx inducto vnicuique paruo capitello cū suo recipiente, luto tenaci, Hermeticè vndique obserato ne quid expiret, ponantur in cineribus calidis, vt bulliant, atque destillent: reaffuso eo, quod extillarit, atque ita rursus bulliant. Postea permittes omnia vt refrigescant. Tum spiritum per inclinationem quàm poteris diligentissimè separabis, ne quid simul exeat turbidi: & rursus vnicuique cucurbitula alium spiritum vini affundes, & facies sicut prius: hoc toties iterabis, & continuabis, donec fœces, quæ à propria sua natura calcinantur, incipiant nigrescere, & fumare, si supra laminam ignitam ponantur. Nam signum hoc est, primam calcinationem philosophicam esse peractam, & spiritum eadem opera iam factum esse animatum ex Balsamo acido, & fermento naturæ contento in prædictis fœcibus reductis in crystallum, vti dictum. His spiritibus animatis simul iunctis, ac optimè reseruatis, ne expirent, fœces prædictas iniicies in vasa, quæ appellantur, matratia, globi instar rotunda, angusta habentia colla, per quæ materia infunditur. Hæc vasa hermeticè clausa, atque obturata, ne quicquā exhalare possit sepeliantur in arena, in furno Athanoris, quod flammam præbeat circumcirca ambi-

ambitum prædicti vasis. Tum ignem admoue per quinque vel sex dies continuos, donec terra candida fiat sicut nix, sitque optimè calcinata, atque fixa. Quam vt magis volatilem reddas, & facias sulphur aut mercurium philosophorum, poteris si velis hanc tuam calcem diuidere in duas, vel tres cucurbitulas magnitudinis conuenientis, pendendo prius pondus vniuscuiusque, & supra vnamquàmque affundes spiritus vini animati prædicti, quartam partem: applica capitellum paruum cum suo recipiente benè accommodato, vt prius; colloca in B. M. tepido per diem vnum. Postea iisdem vasis in cineribus positis adhibebis ignem mediocre, vt extillet liquor, qui cum prius fuisset ardentissimus, atque acerrimus, nunc affluet prorsus insipidus, nec alium saporem linguæ imprimens, quàm fontanæ communis: propterea quod prædictus spiritus relinquat suum sal Balsamicum, quod antea cum spiritu permixtum exstillauerat, cū sale prædictæ calcis: Natura enim naturam amat eamque sequitur in sua natura, vt inquiunt philosophi. Denuò alium spiritum vini animati affundes, vt prius, eadem proportionem, distilandique ratione seruata, donec ad gustum percipias prædictum spiritum animatum exire, atque destillare æquè fortem ad gustum, ac fuerat tum, quando affuderas. Nam hoc erit signum sal fixum prædictum, retinuisse ex volatili quantum sufficit, retineréque decet, & potest. Iamque si pendas lance tuas materias, deprehen-

des parte tertia ponderis adauctas, vt si fuerit z. j. calcis in vnoquoque vase nunc aduertas vnumquodque pendere z. iij. aut etiam magis. Quod accuratè obseruandū est pro sublimatione, atque postrema operatione, (quæ adhuc facienda restat) vt volatile nempe transcendat, superetque fixum. In quo negocio, vt tutius procedas, accipiendum aliquid prædictæ calcis viuæ philosophiæ, atque iniiciendum laminæ ferreæ ignitæ: quod si videas omnem prædictam calcem exhilare, & in fumum euaporare, sicut sal armoniacum, absolutum & perfectum habes opus. Sin minus, operatio prædicta iteranda, continuandaque donec prædictum signum appareat.

Quo facto, materias has pones in paruis alembicis longiusculis in formam sublimatorij, adhibitis capitellis, & recipientibus, ad excipiendam humiditatem spiritualem sulphuream, atque destillabis in cineribus, igne lento, per diem integrum: augebis postea ignem per gradus magis, ac magis, eousque, donec sub finem per octodecim, aut viginti horas ignis fiat sublimatorius, videasque vasa non amplius obscurari spiritibus, aut fumis exalbidis. Et videbis iam vasorum lateribus sublimatam materiam adhærescentem, pulchrâ, nitidam, atque perlarum seu talei instar transparentem: supra quam in puluerem redactam in paruo mortario porphyriano, affundes spiritum sulphureum destillatum, humectando paulatim, atque coquendo totum, per tres, vel quatuor dies

in forti

in forti Althanor:& habebis materiã perlaceam, balsamum radicale ex vegetabili extractum, mercurium philosophorum, sulphur Balsamicum, denique ignem illum naturæ tam celebrem, tam abditum, atque occultum ab omnibus philosophis, qui omnes vno consensu dicunt: ignis, & azoc tibi sufficient. Hic solus balsamus est medicina vniuersalis ad tuendã, conseruandãque sanitatem, si exhibeatur cum liquore aliquo conuenienti, quantitate vnius vel duorum granorum. Magna & admiranda est eius virtus ad restaurandum balsamum nostrũ radicalem: quem ex communi consensu omnium medicorum diximus esse medicinam morborum.

At Lullius noster, cæterique philosophi non conquiescunt in hoc, sed vltèrius progressi, prædictum sulphur philosophicum dissoluunt in cõuenienti portione spiritus vini ad perfectionem rectificati, vt prius, & in pellicano hermetice clauso, sinunt vt vniantur, & optimè copulentur simul per viam circulationis: & intra paucos dies a qua redditur azurea seu cœlestis: quæ distillata vim habet dissoluendi aurum, illudque reducit in calcem verè philosophicam, in liquorem pretiosum, qui per iteratas circulationes ac destillationes, transire etiam potest per collum alembici, aut per retortam. In qua operatione, si procedas, vt decet, separare poteris à sole iam philosophicè dissoluto & animato dissoluens tuum philosophicum quod perpetuò inseruiet ad nouas

dissolutiones. Nam exiguum admodum in vna-
 quaque dissolutione deperditur : & sic habes ve-
 rum aurum potabile : medicinam vniuersalem,
 quæ nec æstimari , neque laudari satis potest. Ea-
 dem planè ratione facies dissolutiones perlarum,
 atque lapidum pretiosorum : remedia generalissi-
 ma, & inter prima collocanda ad roborationes, si
 dissoluantur , & modo, & ratione prædicta , cum
 dissolvente naturali. Remedia, inquam, quæ lon-
 gè meliùs naturam nostram confirmare ac robo-
 rare possunt , quàm si , vt vulgò fieri consuetum,
 tantummodò conquassentur, aut in puluerem te-
 nuissimum redigantur , vt in communibus illis
 nostris præparationibus atque pulueribus cor-
 dialibus fieri solet.

Sed erût fortasse, qui dicēt, eiusmodi præparatio-
 nes nimis esse difficiles, vel iis, qui eas nō intelli-
 gunt, vel iis, qui ista sūsque deq; ferētes, non ma-
 ximoperè scire gestiunt. At, inquam, longè diffi-
 cili⁹ est plurimis medicis, benè ac ritè præparare,
 aut cōmune aliquod electuariū (quod illi tamen
 præscripserint) vel molle, vel solidum : immo (&
 conscientiam illorum appello) ritè coquere sac-
 carum vt fiat syrupus aut tabella. Quod tamen,
 vel semestri atque vix initiato pharmacopœo , &
 qui manus dociles, ingeniūque capax adhibue-
 rit, perfacile fuerit. Et quot, quæso, hodie extant
 medici , qui ex innumeris , quibus suas composi-
 tiones inferciunt, simplicibus, ne decimam fortè
 quidem nouerint partem ? Scio quid loquar, nec
 aliter

aliter norunt, aut intelligunt, quàm quod ita vel legerint, vel in scholis audiuerint, aut ex suis collectaneis corraferint.

Quot rursus sunt hodie, vt & fuerunt ante hæc tempora, quorum præscripta si ad amissim sequeretur pharmacopœus, tabellæ loco, quam ille putabat, faceret opiatam, aut econtrà: cùm nesciat miser ille (cùm interim egregiè sapere se putet) tantum proportionem faceri cum pulvere ingrediente ad formandum vtrumque. Quid? quod loco vnguenti emplastrum, aut huius loco illud, quod lepidus ille consiliarius naturæ, atque sanitatis nō intelligat dosim olei atque ceræ ad compositionem alterutrius? Hinc fit, vt pharmacopœi magna ex parte rideant hos nostros medicastros: vnde fit, vt ijmet pharmacopœi hodie à plerisque non minoris æstimentur quàm ipsimet medici. Immo hos præ aliis contēnunt, cùm illi non secus atque hi medici munere fungantur. Apud priscos sanè nō ita erat comparatum. Nam proles Asclepiadea sibi inuicem communicabat secreta veluti de manu in manum, quæ propria manu domi suæ parabant, etiam tempore Galeni: erantque simul & medici, & chirurgi, & pharmacopœi. Quapropter & deorum loco tum fuerant habiti, quod remedia illorum atque secreta non ita essent communia, atque in vulgus spargerentur, vt fit hodie: sed sanctè sibi reseruabant, sub religioso quodam silentio: populo verò etiam perluadebant ea se per reuelationem quandam, in somniis aut tēplis

accepisse à diis suis, vt in maiori pretio haberentur. Quinimò cremato Æsculapij templo retulisse chartis Hippocratem præceptiones medicas per quietem haustas, memoriæ proditum est. At hodie tam nobilem artem, adeo communem atque eritam, & tam à pristino suo splendore deturbatam videmus, vt mulierculæ etiam ægrorum, & puerperarum famulatrices eam exercent: immo medici nonnulli eousque degenerarunt, vt etiam munere famulatio prædictarum muliercularum fungi non dubitent, nimirum, vt seruitutis nomen indignum, quod tamen vnicè flagitant, mereantur. Nomen, inquam, indecens prorsus atque ignobile professori artis tam liberalis, quod tamè plerique hodie affectant, vt vulgo videantur boni & magni medici. At hercle talium medicorum fama non extenditur vlteriùs quàm ad aures muliercularum decumbentium, atque puerperarum, quæ degunt in sua ciuitate, quibus illi seruillem suam operam præstiterunt, non vt medici, sed vt coqui, vt serui lectuarij, etiam circa mediâ noctem, omnique hora, vt aliquos gloriari nouimus. Atque vtinam horum magna pars, non indigno prorsus atque seruili aucupio sibi captaret eiusmodi muliercularum ægris atque puerperis accubuarum beneuolentiam, vt ab ipsis magnifient apud plebeios, & prædicentur. Et fit tamen hoc, fit, inquam, non sine immenso illorum artisque, quam falso profitentur dedecore. Vt satis iam ex dictis constet culpam plurimorum esse medi-

medicorum, quod hanc artem nimis communem reddiderint, ut dictum est. Quare temerè atque frustra obiiciunt, & quasi pro excusatione suæ ignorantia prætendunt difficultatem harum præparationum, temporisquæ diuturnitatem: cū ea res nec difficilis sit, neque longa iis, qui manus adhibere norunt. Nec flocci faciendæ sunt, aut labori parcendum, cum instituantur pro medicina tam excellenti tamque pretiosa, quæ tantula, atque tam exigua dosi possit causare adeò magnos, & admirandos effectus: vnde ad medicum pertingat honor, & gloria, ad ægrum verò ingens solatium, ipsaque adeò sanitas. Atque, ut concludam libet hoc loco adducere pulcherrimam quādam sententiam, quam apud Ciceronem in Tusculanis me legisse memini. Nec modus est ullus (inquit) inuestigandi veri, nisi dum inueneris, & quærendi defatigatio turpis, dum id, quod quæritur, sit pulcherrimum.

CAP. VII.

Medicina balsamica ex rebus omnibus præparanda & conficienda ratio.

EX præparatione prædicta sulphuris balsamici vegetabilis, quam supra docuimus fideliter, clarè, atque manifestè, facilitè est intelligere, quæ ratione idem sulphur extrahi possit ex omni corpore mixto. In quo, ut summatim omnia colligam, reperitur primum liquor, omnis odoris, atque saporis expers, qui appellatur phlegma, vel

aqua passiva : deinde liquor gustu, colore, odore, aliisque impressionibus qualitatum virtualium præditus, qui vocatur liquor mercurialis : & tandem liquor oleagineus innatans, & flammam concipiens, qui sulphur dicitur. Post extractionem istorum trium humidorum distinctorum, nihil aliud restat, quàm cinis, seu pars sicca : ex quo cinere optimè calcinato sal extrahitur cum proprio phlegmate secundum artem sæpius, & iterato illam aquam calefactam supra prædictos cineres (in manica Hippocratis impositos) affundendo, & transcolando, hocque toties repetendo, donec aquam salis ad gustum percipias : hæud secus ac in lixiuio fit. Quo facto humidum destilletur, & subsidebit sal in fundo, quod in prima hac præparatione non satis mundum est & benè purificatum. Quare denuò aqua exstillata affundenda, ut sal in eademmet aqua rursus dissoluatur : quo dissoluto filtra (aut sæpius per manicam transmittes, ut prius, ut clarissima euadat) tum rursus coagula ad lentum calorem. Atque hac ratione ex omnibus cineribus vegetabilibus extrahes sal clarum & purum. Super hunc salin in alembico impositum affunde totam suam aquam mercurialem acidam, degerantur per vnum aut alterum diem Balnei lentum : dein destillentur per cineres, & aqua destillabit insipida. Quoniam quicquid continebat salis volatilis residebit cum proprio suo sale fixo. Perge ita in operando ut supra de vino docuimus. Aut si nolis tam exactè omnia perfi-

perficere, transcola rursus omnem liquorē mercurialem per sal prædictum, qui in se recipiet quicquid habuerit illa aqua impressionis virtualis, exhibitque aqua, seu liquor nullius nec saporis, neque gustus, sed aquæ communi omnino similis. Quod si adicias tantum, ut pars volatilis superet fixam: hoc est, ut plus sit salis volatilis, quam fixi, (quod faciliè cognosces ex pōdere, quod triplo auctum erit, & per probationem laminæ cupræ, vel ferreæ candentis, quando materia hæc super eam iniecta exhalat, atque in fumum abit) tum sublimare potes, & fiet sal armoniacum philosophorum (ita enim hanc materiam appellare illis libitum fuit) quod clarum erit, & perlarum instar transparens. Supra hanc puluerisatam materiam paulatim affundes liquorē oleaginosum purificatum, & coques hanc materiam, ut ex volatili denuò fixetur: quod tamē fixum erit de natura fusibili magis, quā vel ipsamet cera, & per cōsequens facillimè cōmunicabit cum spiritibus, & naturali nostro balsamo, cum separatum sit & ab aqua sua passiva, itémque à terra passiva, inutili, quam utramque materiam elementum passivum vocant: quod nullam in se contineat proprietatem, nec ullam actionem edat. Ita fit corpus siue natura prorsus homogenea, & simplex etiam si tres distinctæ naturæ videantur, quæ tamen sint unius, eiusdémque essentia, atque naturæ. Sic cōponetur corpus exactè purum ex tribus principiis hypostaticis, nempe sale, mercurio, & sul-

phure. Quod sulphur aliqua ex parte respondet igni verè simplici, ac elementari: mercurius aëri, & aquæ, itidē simplicissimis, atque verè elementaribus: Sal verò terræ puræ, simplici, atque elementari. Quæ terra non frigida est, & mortua: sed terra calida, terra viua, & actiuarum, atque vegetabilium qualitatum plena. Ecce quomodo paranda sit perfectæ, atque vniuersalis medicina ex omnibus naturæ rebus. Qua si vti velis ad purgandum, elige pro subiecto simplex aliquod purgans: si specialiter velis roborare, elige res quæ maximè confortant: si specifica lenientia parata habere velis, vel generalia anodyna, sume ea, quæ maximè sunt anodyna. At scias interim in vno eodémque, ac eo quidem solo remedio hac ratione præparato, exempli gratia in natura salis balsamici, habere te etiam detergens, purgans, diureticum, ac vt verbo dicam, euacuans vniuersale, correctiuum omnium impuritatum, atque corruptionum. Habes quoque in natura sulphuris particulari, anodynum generale, & spirituale: in natura mercuriali confortatiuum vniuersale, idémque nutriens. Quæ naturæ omnes simul iunctæ, vt supra, arte atque industria veri medici atque philosophi, has omnes functiones absque vlla molestia, ac perturbatione præstare, atq; exercere possunt: interim balsamum nostrum radicalem roborare virtute sua balsamica, subministrando ei omnia media non tantum ad defensionem suam, sed etiam ad expulsionem, & suppressionem

nem omnium morborum.

Atque hæc est vera illa medicina, hæc ratio eius vniuersitatis, hæc eius puritas, atque perfectio. Nec quicquam est eius præparatione facilius, si rectè intelligatur. Accedit quod immensa eius utilitas atque excellentia tanta sit, vt nullus labor, nullus conatus, nulla industria omitti, aut difficilis haberi debeat, quicquid tandem difficultatum, vel dubitationum oboriri, vel adferri possit. Quod si quis ne hunc quidem laborem, licet utilissimum, quippe ad sanitatem, vitæque prolongationem institutum, suscipere velit, vt tam exactè præparet istas medicinas balsamicas: at velit saltem eo ipso medio, & quodam quasi directore, in genere perquirat facultates euacuantes, mundificantes, detergentes, quæ in maximo sunt usu, & potissimum consistunt in salibus: Itémque anodynas, lenientes, consolidantes, in sulphure atque oleo: deniq; nutrientes, restaurantes & confortantes, in liquore seu mercurio. Eadémque ratione docebitur, vera correctiua omnium remediorum esse solas purificationes, atque coctiones, hásque solas esse verum mel, & saccharum ad dulcorationem rerú omnium. Nam & ea, quæ maximè sunt acria, acerba, austera, vel amara hoc medio dulcorantur, omnisque maligna qualitas corrigitur, atque contemperatur, sicut fructus, qui ante perfectam coctionem, maturitatēve sunt acerbi, austeri, vel acidi nimis, quilibet in suo genere, & qualitate. Sic vina vide-

mus, in quorum maturatione defuit calor solis, crudiora acidioraque fieri. Quæ ratio est cur huius, quàm illius anni, licet ex vna prorsus vinea, vina tamen maturiora, generosiora, & naturæ conuenientiora reddantur. Quamuis hac in re non parum etiam regioni, locoque cui solis radij fortius imprimi possint, sit tribuendū. Vt & hinc ratio diuersitatis vinorum sit petenda, quòd alia sint generosa, alia mediocria, alia cruda admodum, & vix vina. Sic vina Tigurina, aliæque in locis montosis, & frigidis nata cruda ferè esse solent: maturarique amplius, immo aliquot etiam annis in cadis siue doliis suis necesse est, antequam cum voluptate, & vtilitate bibantur. Eadem etiam propter imperfectam maturationem, concoctionemque, hoc est, quod adhuc sint cruda, tanta fœce atque materia tartarea sunt referta, vt incolæ qui ea loca, vbi hæc vina crescunt, inhabitant, calculis præ aliis sint obnoxij. Quòd si hunc defectum videmus in vino, tanto nutritiuo, & tam benè naturæ nostræ accommodato, quid de Helleboro aliisque plurimis medicinis venenatis erit dicendum: quæ tamen in montibus frigidissimis, & omni cultura carentibus, progignuntur, tantoque minùs à sole coquuntur? Non itaque mirandum Helleborum nostrum nõ iisdem effectibus respondere, quos ei Hippocrates attribuit: nam quod ille commendat in Græcia sub cœlo longè magis propitio prouenit, in qua plantas, & vina efficaciora esse non est dubitandum. Quare soleo

ego pro prima quadam præparatione Helleborum in hortos, temperatiori solo, locoque sitos transplantare. Qui quàm varient ab incultis, & frigidis montibus, vel cichorij, aut endiuix hortensis, à sylvestris differentia satis superque ostendit. At ille præparationes, quæ ab arte proficiuntur, & fiunt, coctionesque quas eadem ars (naturæ imitatrix) perficit, sunt multò præstantiores & correctæ ac dulcoratæ, ut ex infra positis præparationibus longè exactioribus, quàm vulgares illæ, quæ nihil ferè aliud ostendunt, quàm id quod crudum est, atque impurum, patebit manifestè, atque adeò res ipsa fidem faciet.

Nulla itaque ratione excusandi, sed omnino culpandi ij, qui dum hæc, aut non intelligunt, aut non intelligere volunt, reprehendunt tamen, atque inconsideratè occlamant omnibus, nullo habito discrimine verorum philosophorum ab impostoribus, falsò philosophi (pagyrici nomē sibi usurpantibus. Nec minus insulsè nobilissimam hanc artem quidam damnant, argumento ex eo ipso sumpto, quod multi circa eam versentur impostores. At sciant nasuti isti Theones, artis abusum non tollere usum: nec ascribendam culpam arti, quæ non est artis, sed artificis titulum temerè assumentis. Et sanè optandum esset publici boni gratia, ut omnes eiusmodi impostores, atque empirici, quique non legitima vocatione, vel auctoritate publica ad hanc nobilissimam professionem sunt vocati, eiicerentur è ciuitatibus, & re-

gionibus: aut saltem interdiceretur ipsis, ne tam scèdè, tantàque temeritate artem, quam prisci sacram appellare non dubitarunt, profiterentur. Hic asclepiadei medici, quod sui est officij facere deberent, omnesque nervos, atque conatus intendere apud suos magistratus, & principes, ne ars tam sancta, tamque pudica ab ipsis etiam desperatis, ac nullius consilij, nullius pietatis aut doctrinæ hominibus, tam scèdè, ac turpiter prostitueretur. Hi sibi caueant, si hoc contemnant, ne si quando in abusum eiusmodi empiricorum animaduertatur: inquiratur etiam in multorum, (qui nomine tenus tantum, & non reipsa sunt veri medici) inuidiam, avaritiæque, & ambitionis plenam æmulationem, maledicentiàmque. Verendum profectò ne euéniat tandem quod in historiis legimus accidisse olim apud Lacedæmonios, qui rhetores, atque oratores è Republica sua exterminarunt: horumque exemplo Romani, non tantum causidicos & oratores, sed medicos etiam, atque philosophos sectarios non sine ingenti infamia eiecerunt.

Videbimur fortè medicinæ nostræ balsamicæ, vniuersali ac vegetabili diutius inhæsisse: & quoniam de minerali, atque animali particularius sumus acturi in præparatione nostra spagyrica, nunc vela contrahamus: postquam tamen aliquid de animali dixerimus: idque breuissimè.

CAP.

CAP. VIII.

*Medicinæ balsamica virtus atque
prestantia.*

HVius medicinæ materiam, philosophorum quidam, in nobismet ipsis quærunt: alij in melle, naturæ animalis, atque cœlestis: alij in natura quædam animata, non actu, seu effectu, sed potentia: quæ mundi similitudinem refert: quæque in ventre suo continet Solem & Lunam: sulphur & mercurium: album & rubrum quæ debita proportionem ab ipsa natura vetustissima rerum dispensatrice mixta sunt. Ex quibus materiebus, per varias, pulchras, ac longas, præparationes, suam parabant medicinam vniuersalem: quæ propter perfectam contemperationem, ad æquationem, ac puritatem, contemperare, conseruare, atque etiam augere potest humorem radicalem, & nectar illud nostrum viuificum: quoniã puritate naturæ suæ spiritualis, cum spiritibus nostris symbolo communicat. Videamus deinceps, quantum dicta illa medicina præstet ad profligandos morbos, quàm infinita illa multitudo diuersorum remedium. Ac primò, cum accommodari possit ad omnes intentiones requisitas, (vt ex prædictis facile colligere est) cumq; dari possit in dosi tam exigua, quæ nec nauseam, nec actionem violentam vllamve perturbationem corpori nostro inducat, ac nihilominus insignem suam operationem, pro dispositione naturæ nostræ exercent,

non video deinceps, cur vniuersalissima, atque nobilissima hæc medicina, non istis medicamentorum rapsodiis sit præferenda. Hac qui rectè & tempestiuè vsus fuerit, refocillabitur, & corroborabitur, viribúsque ita armabitur, vt deinceps morbum longè faciliùs, ac promptiùs excutere queat: qua alioquì destituta natura, facilè succumberet. Utamur exemplo familiari, vt quæ hætenus diximus, omnibus clariùs innotescant. Videmus in igne nostro elemētari, si adiicias aliquid, quod facile concipiat flammam, vt paleas, sermēta aut tale quid, illico exardescere, & accrescere vi, & vrendi potentia, qui modo ferè extinguebatur: quòd alimento erat quasi destitutus, ac penitùs quasi à cineribus obrutus. Ita quoque balsamum nostrum radicale, fax & lampas illa flagrās, ignis vitæ nostræ, defectu alimenti proprii fatiscens, aut à fœcibus, atque cineribus obstructionum ita obrutus, vt periculum sit suffocationis, aliæve aliqua causa præpeditus, quominus viuīdam suam flammam exerere possit ad conseruationē vitæ nostræ: tum sanè eget quodam calefactore, atque restauratore, vt meliùs, & faciliùs suas functiones edere queat. Similis quoque est ratio de balsamo nostro radicali, quod imminutum, aut aliquo extrinsecus occurrente impeditum, aut oblæsum, medicina illa balsamica adauctum, rursus insurgat, functionesque consuetas perfectissimè edat. Nam cum balsamum illud medicinale sit naturæ cuiusdam ætheris, siue ignis cœlestis, quippe

quippe quòd viuificat, non vrat. atque consumat; ideo statim ceu aqua quædam vitę permanens, & spiritualis communicat, & quasi vnitur cum nostro spiritu, eumq; propter sympathiam, & symbolum commune, restaurat, & vegetat. Nec alia de causa hoc fieri arbitrandum est, quàm (vti modo dictum) ex amica illa conuenientia, amicitiaque, quam balsamica illa medicina habet cum balsamo nostro radicali. (Quę sola est ratio, vt propter vtriusque conuenientiam relatiuam, illud balsamum vitę, hoc balsamum medicinale appellem, quod *ωαπερπυός* hoc loco à nobis dictum sit) Pręter tamen hanc naturę similitudinem, familiaritatẽque, habet & alias virtutes particulares. Quippe cū magna actiuitate sit pręditum, sit spirituale summęque penetrans: ideo attenuat, digerit, dissoluit, atque euacuat infarctus istos fœculentos, cinereosque, & suffocationis periculum vitę balsamo minitantes. Rursus si adsit quędam impuritas, vel corruptio, aqua haud parum offendatur, quo quęso alio medio tutius, meliusque extirpabitur, quàm à re tam pura, tam incorruptibili? Iam si febris quędam ardens eundem cum pręcordiis inuaserit, quo Syrupo acetoso, quo syrupo de limonibus conuenientiori, efficaciorique extingues, quàm aciditate balsamica nostrę illius medicine? Causam hic nostram dicat, sicque locuples huius rei testis pyrius ille puluis bombardicus, quem non tantum extinguit liquor ille, sed ne porro cōcipiat flammam,

prorsus reddit ineptum. Testes sint spiritus ardentissimi, summæque volatiles aque ardentis, quos nec tota glacies montium hyperboreorum congelare possit, congelantur tamen cum liquore illo acido in ipso etiam balneo M. cuius licet sit proprium vel gelidissimam glaciem attemperandi, dissoluendique, sedandus est dolor? Hæc medicina tibi anodynum erit, hoc saluberrimum illud Nepenthes. Amolliendum, extirpandumque venenum, aut pestilens, & maligna quædam qualitas? Hac nulla tibi tutior theriaca, nullum salubrius alexipharmacum, quæ ipsa cunctorum alexipharmacorum summum est, atque præcipuum alexipharmacum. Corroborandum est cor, vegetandique spiritus? Huic balsamo nulla confectio alkermes, nulla de hyacintho præferenda. Denique quæ medicina, quod alterans promptius intemperiem corrigere possit, quàm remedium illud temperatissimum? His omnibus immensis virtutibus adde & illam, quòd hæc medicina nullam vnquam adferat vel nauseam, vel perturbationem corporis, quod citò, tutò, & iucundè operationes suas exerat. Nec mirum. Est enim purissima, homogenea, & à nullo heterogeneo impedita eius natura. Vnde fit, vt liberius, ac promptius de potentia redacta in actum, separet, corrigat, roboret, expellat, ceterasque functiones suas exercent. Idque dosi tam parua, tamque nulla, vt dum in ceteris medicinis vncie requiruntur, hic pauca quædam grana dissoluta in vino, iusculo,

lo, alióve conuenienti liquore, morbo opposito, sufficiant, quę tantos, & vel dictu admirandos effectus producant.

Hæ sunt magnæ illæ proprietates huius medicinæ vniuersalis, tantopere à priscis philosophis celebratæ. Hæ virtutes admirandæ dicti nostri balsami medicinalis, coadiutoris, & quasi Symmystæ balsami nostri naturalis, qui solus est rector, solus conseruator vitæ nostræ: solus aueruncator & liberator immediatus, morborum atque corporis nostri infirmitatum. Nam si morbus ex ipso Galeno est affectus contra naturam actiones lædens: utique contrarius est balsamo nostro radicali, & nectari vitæ nostræ, quod nihil est aliud quàm eademmet natura: aut certè instrumentum ita ei assistens, atque coniunctum, ut absque huius adiumento, nihi moliri, nihil agere aut perficere possit. Ergo siue iam functiones sint imminutæ, siue deprauatæ, siue prorsus abolitæ, hoc fieri aliter nequit quin dictus noster balsamus radicalis aliqua ex parte sit oblesus, cum certum sit omnes laudatas functiones ab eo proficisci. Hic ille est, qui *φύσις ἀνθρώπου* Hippocrati dicitur: Hic ille dispensator, faciens alimentorum attractiones, expulsionones, mixtiones, separationes, coctiones. Huic idem Hippocrates prædictas corporis nostri functiones omnes, & singulas potissimum attribuit. Non quod idem noster balsamus radicalis in se atque sua substantia suscipere possit alterationes, atque pati, cum sit de na-

tura ætherea, cœlesti, ac proinde quodammodo incorruptibili: sed quòd eius actio retardetur, vel impediatur obstaculis quæ internis membris atque visceribus delitescunt, quæque ipsi pariunt negotium atque molestiam. Hæc morborum est occasio, hic ortus, hoc præcipuum fundamentum. Quare ut partes communis scholæ suscipiam atque defendam, sic statuo. Si eiusmodi morbus occursans sit extirpandus, primo omnium naturam in integrum atque pristinum suum statum, atque laudabilem esse restituendam. Ad quem sanè scopum omnes nostræ cogitationes collimare debent. Prospiciendum itaque, ut primò auferantur obstacula. Ad quod discipuli Hermetis Trismegisti respondent, hoc totum abundè præstari ac perfici posse sola restauratione balsami radicalis: quippe à quo omnis actio atque ipsæ etiam crises salutares dependent. cui si, ut conuenit, subueniatur, fore, ut æger vel vnica hora plus solatij percipiat, atque tantò id magis quum idem balsamus vitæ adiutus balsamica illa medicina, atque stipatus audentius hostem sit expulsurus: atque id breui admodum, quod alia illa tritaque infundendarum potionum & medicinarum caterua, ne multo quidem tempore, & vix tamen tandem ægrè præstare possit.

Ne verò quis existimare possit, nostra hæc esse inuenta, eadèmvē temerè à nobis prolata, audiamus quid idem Galenus præter ea, quæ supra attulimus referat in libro suo decimotertio methodi

5, thodi. Præcipua (inquit) intétio medici esse de-
 6, bet ad naturalem statum reducere laborantem,
 7, & quòd cæteris neglectis, vna adhibenda cura
 8, est, vt illud conseruemus, à quo agendi facultas
 9, procedit. Hæc autem consistit in calido innato,
 10, quod dum validum est, nec impeditum, cor-
 11, pus innoxium conseruat, ita vt quicquid cor-
 12, pori accesserit præter naturam, quod sit amo-
 13, uendum, semper calido naturali valido egere,
 14, indubitatum axioma sit. Et quamuis in exter-
 15, nis morbis, & in quibusdam aliis nihil confer-
 16, re calor naturalis videatur, vt in amotione car-
 17, nis super excreſcentis in vulnere, vel distan-
 18, tium labiorum vulneris reünione, tamen con-
 19, iunctio & carnis generatio, & cicatricis indu-
 20, ctio non fiunt nisi ab ipsomet calore innato.
 Hæc Galenus, & rectè. Enimuerò sanè omnes e-
 iusdem sectatores, (vt ne quicquam de authorita-
 te tanti coryphæi derogemus) vltro dicent atque
 fatebuntur, verè atque omnino esse naturam, a-
 deóque viuificum illud balsamum radicale, quod
 omnes eiusmodi salubres edit functiones, quam
 naturam & hîc & suprâ ex Galeno meritò dixi-
 mus veram & genuinam medicatricem omnium
 morborum: sed eatenus, quauis arte atque ope
 medicinæ illius balsamicæ adiuta, excitata, cor-
 roboratâque natura, expellere possit, domare, aut
 exturbare omne id, quod ei molestum est, siue
 contrarium. Idem prorsus sanè & nos statuimus.

Nihilominus tamen & illud quoque conce-
 dendum est, eandem naturam esse principium,

& quasi primum mouens omnis curationis: quippe absque cuius robore vel vigore omnis medicina inutilis est atque frustranea: Natura quippe sibi semper est similis ac eadem, nec vnquam in nobis otiiatur, sed in perpetuo versatur negotio, iugiter agitans, motitans, atque vegetans, donec obstaculo multiplici impedita segnius illud præstet atque infirmius. Quæ sanè obstacula, seu aduersitates, illam et vltro propriisq; viribus, auellere & superare conatur, aut etiã eiicere: verũ cũ ei res sit cũ hoste fortissimo, aut certè cũ plurib. hos vtique longè facilius atque citius expugnabit, si artis subsidiis obfirmata, armisque sibi conuenientibus instructa contra ire possit audentior maiorique cum confidentia, robore, atque securitate. Ad quam quidem rem præstandam medicina nostra balsamica, quæ exquisita illa præparatione naturam acquisiuit purissimam, viuificam, spiritualem, roborantem, atque homogineam naturam quæ nulla exceptione longè accommodatior efficaciorque est, quàm reliqua illa medicamenta vulgi medicorum, nulla arte, nulla industria aut dexteritate præparata. Quæ quoniã cruda adhuc, impura & crassa, terrestrique impedita sunt crassitie, naturæ potius multum faceffunt negotij, antequam horum malignam qualitatem eruat, cruditatem decoquat, terrestremque crassitiam atque impuritatem secernat, succumbit prius, quàm auxiliũ aliquod recipiat atq; solatiũ. Et ne à similitudine nostra digrediamur, applicemus iam dicta

dicta ad ignē, de quo antea locuti sumus. Quem, admodum itaque videmus ignem multis cineribus obrutum, & ne aërem quo nutritur concipiat, impeditum, facillimè suffocari: eundem rursus excitari, si quis admota manu, diductis cineribus, euentilatísq; quæ restant, scintillis, liberum aëri præbeat aditum: hîc causa refocillationis, excitationísque ignis tribuitur ei, qui semotis cineribus manū adhibuit; cū nihil aliud fuerit quā merū instrumētum restitutionis ignis. At principale efficiens consistit in ipsomet igne, quem frustra hercle ille delatārit, aut euētilarit, si penitus fuisset extinctus. Quapropter soli igni residuo reuiuicatio illa (vt ita loquar) tãquā causæ primariæ, proximæ, atque intrinsecē tribuenda, interueniente tantum extrinseco ventilatore, tanquam instrumento.

Rursus, quemadmodum frustra scis, si ignem languidum, ac vix ac ne vix quidem scintillantem multò carbonum mortuorum obrutu citò resuscitare velis: citius enim suffocabitur, quàm in pristinum vigorem accendetur. At si carbones accensos apponas, mox eundem adaugebunt, nec metus ampli⁹ erit vllus extinctionis. Simili prorsus ratione præcipua virtus, seu functio semper igni nostro vitali seu balsamo, radicali accepta, ferenda, potius quàm medico, aut medicamento: licet hoc aliqua ratione subuenire, manúsque auxiliares præbere possit, & soleat, dum fœces cinereas, & factus tartareos impediētes liberat, ac dissoluit, vt liberior sit transpiratio, ne ab iisdē oppressus, suffocetur. Talis est Balsamica hæc me-

dicina, quæ purificata, exaltata, atque in essentiam præstantissimam redacta, spiritus alicuius vitæ instar, ignem nostrum vitalem, iam quidem viventem, sed languidum excitat, instaurat, & pristino vigori restituit. Quod cum absque omni comparatione longè citius, tutius, atque iucundius, (sicuti iam dictum) quàm prior illa medicina vulgata id præstet: iccirco illam non malè carbonibus mortuis, seu ligno virenti; hanc verò tantquam præparatam, & iam in balsamum redactam carboni accenso contuleris, quæ totius nostræ disputationis est summa. Atque hæc dicta sunt de natura, proprietate, qualitate, excellentiâque nostræ medicinae balsamicæ, quam præcitati philosophi præparant ex vna re sola non ex pluribus, siue sit mineralis, siue vegetalis, siue animalis. De hac vnica medicina intelligendus est summus ille sapiens. Altissimus creauit è terra medicinam, quam vir sapiens non abhorrebit. Nam per ⁷⁰ medicinam, intelligit remedium, non artem medicam. Nam consuetum fuerat primis illis seculis uti hac sola medicina ex vnica & sola materia deprompta. Posterior ætas deinde longa inuestigatione adinuenit balsamum illud radicale, & deprehendit in aliis plus, in aliis minùs de eo inesse. Quicquid sit: notum est veteres simplicissimis remediis esse vsos, nec curabant tantam compositionum, mixtionumque farraginem, quibus hodie passim pharmacopœorum officinæ sint farctæ. Et sanè si paulò diligentius attenderimus
ad ea,

ad ea, quæ Theophrastus, Dioscorides, aliique priscorum nobis de medicina, & simplicium medicamentorum viribus, scriptis reliquerunt, aduertemus simplicissima medicandi ratione, vfos esse, nec tantoperè respexisse ad actiuas, vel passiuas qualitates caloris, frigoris, siccitatis, & humiditatis, ex quibus tot mixtionum, confusionumque ortus processit. At illos suis simplicibus hanc, illamque proprietatem tribuisse constat, vel ea ratione, quod sibi ab aliis ita communicatum fuerat, vel per traditionem magistrorum suorum in medicina facienda versatissimorum, vel denique per experientiam, atque per signaturas, formas, & figuras eorundem simplicium. At apud posteriores iudicij temeritas eo processit, vt de illorum facultatibus etiam ex gustu, atque sapore decernerent, indeque primas, secundas ac tertias qualitates constituerunt, quibus postea omnis virtus dictorum simplicium fuit attributa. Quoniam aut non semper & in omnibus vniuersalè deprehenderunt hanc regulam, sed fallere: [Fernel.] iaccirco quidam ad proprietates occultas, à forma, totaque substantia promanantes confugerunt. Hæc, & similia subterfugia nihil aliud causerunt nobis, quàm magnam incertitudinem in dignoscendis nostris bonis. Quot enim quæso res sunt gustu amaro, quæ tamen secundum edictum illius regulæ neutiquam sunt calidæ? Cuiusmodi inter alia est opium, cichorium aliæque multa. Rursus quot acida existunt, quæ vel secundum proprium

illorum iudicium sunt calidissima, ut spiritus acetosi, nitri, atque sulphuris: cum illammet interim regula acida dicat frigidissima? Quot dulcia superficie tenus sunt, quæ interna sua substantiâ nequaquam sunt temperata? Quot insipida extrinsecus, primòque gustus occurso, quæ intrinsecus, & facultate sunt acerrima, & mordicantia? Mel sanè cassia atque saccharum, interna sua substantia tam sunt calida, violentaque, ut ex iis etiã parentur talia dissoluentia, qualia ex aqua forti, aut regali præparari solent. quæ aurum, & argentum pari cum promptitudine dissolvere possunt. Plumbum linguæ nullum impertit gustum. At interior eius substantia nihil aliud est, quàm infatuatus quidam saccharinus dulcor. Sic cuprum quoque extrinsecus insipidum est, & colore rubro: at viride illud, in quod permutatur, acerrimum est. Talibus, & infinitis propemodum exemplis similibus demonstrare possemus nec omnino nec temerè fidendum, innittendūque esse gustui, qualitatibusve, ac temperamentis rerum exterioribus. Nam si interiùs, atque exactius, quàm superficialia illa gustandi, aut experiundi ratione examinentur, interioraque sedulò anatomizentur (placet enim voce hac artis uti, licet minùs latina) longè aliæ, atque diuersæ sæpenumero deprehendentur, non tantùm in gustu, sed etiam odore, colore, totaque illarum substantiâ. At si fiat separatio trium principiorum hypostaticorum, tum innotescet vera, & legitima saporū diffe-

differentia. Quippe vna eademque substantia in se continere potest sapores distinctos, vt ex his nō satis tutò eius proprietates colligas atque vires. Vt exempli causa proponamus Guaiacum ex simplici gustu vires & proprietates diuerfas, quæ in ipso insunt: haud faciliè dignosces: neque causam de certo adferre poteris, cur sit diaphoreticum, aut sudores prouocare possit: quod ex separatione prædictorum principiorum faciliè assequeris: nam reperiēs in sua mercuriali acetositate, & oleosa seu sulphurea, & tenuiori substantia vim illam sudorificam, quæ inest & in Iuniperino, & in buxo, in quercu, in fraxino, & in lignis vel corticibus ferè omnibus, vt & in quamplurimis aliis rebus: causam autem, cur substantiæ illæ acetosæ & sulphureæ sudores ipsos prouocent, docebimus postea: Sed & ex ipso Guaiaco subamaro salem quinetiam elicies purgationi, & humorum euacuationi aptum. Sic de cinnamomo & reliquis rebus ferè omnibus dicendum. Cinnamomum enim aperiendi, & adstringendi facultatem habet. Vis aperiendi consistit in sulphurea oleaginosa, & tenui sua substantia, quæ separata ex ipsius fecibus, substantiam de natura aluminis mirè adstringentem reperiēs. Itē quod opium sit amarum, illud sit ratione salis ex quo separato à suo oleo, seu sulphure narcotico, purgans fit, haud minùs sanè, quàm ex omnibus amaris, vt gentiana, centaurio, & similibus separato mimirum dextrèque præparato eodem sale.

His salibus amaris inditum est nomen salis gemmæ, ad differentiam reliquorum salium, quorum magna est specierum diuersitas, vt fusiùs & clariùs docebimus suo loco. Nunc autem tribus tantùm verbis dicam, vt salia quædam sunt amara, ita alia sunt dulcia, alia acida, acerba, austera, acrida, pungentia, atque salsa: quorum particularis facultas meritò tribuitur substantiæ propriæ eiusdem salis, quàm alteri cuidam qualitati, quæcùmque tandem ea sit: sed de his alibi.

Hæc dicta sint obiter, tantùm vt constet, ea ratione, quâ adhiberi solet gustus, ad diiudicandas rerum proprietates, quàm sit dubius, atque fallax: simulac, vt pateat ei non temerè fidendum, sed vltèrius progrediendo internas rerum substantias, atque essentias examinandas esse. Sed, vt ad institutum redeamus, magis nobis probatur simplex illa medicina, qua prisci patres vsi sunt: quæ nec tanto apparatu confecta, nec tot coloribus, & miscellaneis erat confarcinata. Hanc sola prouidentissima natura nos docet, & quasi ad oculum ostendit per infinitas propemodum signaturas, quas remediis imprimit, vt subueniat naturæ particulari. Quod si natura illa vniuersalis docuit vel bruta, à quibus & homines non pauca didicerunt. Quantò magis nos, qui medici, & esse & haberi volumus, ad notas, & signaturas rerum respicere debemus, quas illa rebus peculiari-ter impressit, vt nos qui sensu, & ratione præditi sumus, easdem discernere, eorùmque beneficio neces-

necessitatibus nostris subuenire queamus? Porro plantarum hæ signaturæ, non tantum desumuntur ex figuris, atque similitudinibus, quas vel in radicibus, vel in caulibus, foliis, floribus, & fructibus habent nobiscum, hoc est, cum corporis nostri partibus interioribus, aut exterioribus, aliæve re quadam siue animata, siue inanimata: communes: sed æstimantur etiam illæ signaturæ ex illarum coloribus, odoribus, saporibus, aliisque plurimis circumstantiis, quarum hoc nostro libro inseremus exempla quædam notatu digniora, quæ partim ex propria experientia, partim ex communi, ea tamen nec dum satis cognita, atque perspecta deprompta atque consignata habemus. Ex quibus constabit naturam fidissimam illam magistræ non tantum nobis suppeditare, sed etiam nos docere remedia: idque absque omni vrsura, & ineffabili quadam liberalitate. Atque hæc est remediorum materia, quæ cum antiqua illa medicina convenit: quippe quod ex ipsa natura exprompta sit, supra quam præcipuum nostrum fundamentum constituimus. Et merito, natura namque prima, antiquissima, doctissimaque omnium est schola.



DE SIMPLICIVM SIGNA- TVRIS EXTERNIS TRACTATVS.

HA V. D. vanè à Platone, eiúsque sectato-
ribus mirabile illud, & prima fronte
παράδοξον visum pronunciatum: Plan-
tam esse hominem inuersum. Hæ si quidem, si
rem ipsam exactè, & oculo attento, sagaci, atque
curioso, hoc est philosophico, intueamur, magnâ,
non tantum cum homine, sed cæteris quoque a-
nimantibus habent similitudinem. Quinimò si
ad naturæ illam *ἀναλογίαν* rerum considera-
rum ductricem oculos, & mentem attēderimus,
ex iisdem, aut certè non vsque adeò absimilibus
plantas cum homine habere quandam propor-
tionem animaduertemus. Quid enim, quæso,
aliud est truncus plantæ, aut arboris, à Theophra-
sto, & Botanicis appellatus, quàm id, quod in ho-
mine anatomici truncum quoque, vulgò philo-
sophi, & ipsi quoque statuarij staturam appelli-
tant? quid aliud ramí quaqua versum expansi,
quàm brachiorum ac pedum: quid furculi, quàm
digitorum, atque extremitatum vices gerunt?
quid veriùs in arbore lignum, quàm id, quod ossa
in homine? Iam verò spinæ, atque ossium me-
dullam cum ipso cerebro, atque corde repræsen-
tat medulla plantarum: fibræ neruos, venas, & ar-
terias: quippe per quas *φλεβᾶς* vocat Hippocrates,
qua

qua voce tanquam generali, omnia tria prædicta vasa complectitur,) & alimentum, & spiritus, & calor, è terræ visceribus exhausta in vniuersæ plantæ œconomiam dispensantur, atque distribuuntur. Sic plantæ radix oris & ventriculi munere fungitur, huius verò fibræ, venarum portæ, quæ mox per maiores, tanquam venam cauam, huiusque ramos, tanquam per canales, & tubulos diffundunt nutrimenta. Corticis pellicula exterior, cuticulam, interior, eaque crassior, carnosior, atque fibrosior, veram cutim repræsentat. Folia verò, quæ floris, & fructus præludia quædam non vsquæ adeò malè cum carnoso musculosoque genere contuleris: sic internodia, insertiones ramorum, cum articulis, ac ligamentis: ea, quæ proximè cortici ac ligno interiacet. Fibrata tunica, membranæ comparari potest. Sed quid de floribus dicemus, atque fructibus? nimirum illi quandam quasi vitæ actionem, seu, vt verius loquar, effectum repræsentant: illa enim arbor, illa planta maximè vigere, atque viuere existimatur, quæ plurimum floret. Fructus verò, seu semen naturalis, atque vegetantis facultatis τὴν γένεσιν Hippocratis, atque τὴν σπέρματιν Aristotelis vberimum præbet exemplar. Nimirum illud est, & totum quidem illud, & solum, quod ad speciei plantarum conseruationem, propagationemque primario, per se, & quatenus tale est comparatum. Vt non minùs legitima demonstratione concludas: semē est. Ergo principium, & facultatem in se conti-

nens generationis, propagationis, ipsiusque adeo speciei conseruationis. Quam si dicas sperma, siue *χολή*, seu genituram (quam solam procreationis meritò dignantur summi illi Atlantes) ideoque principium hominis verè ac demonstratiuè concluderis. Quid amplius? nondum equidem hoc satis ad exactam comparisonem: sed humores, sed efflorescentiæ, sed ipsa quoque excrementa in plantis sunt, atque stirpibus: nec minùs sanè, ac in homine. Argumento sunt nodi, tophi, verrucæ, fructus luxuriantes, liquores, lachrymæ seu resinæ, gummi, musci, atque lichenum genera diuersa. At morbis etiam denique vexari, sanationem admittere, & rursus integra frui valetudine stirpes equè, atque homines pleni sunt Geoponicarum libri. Theophrastus imprimis: itémque Cato, Varro, Columella, Palladius, & post hos Plinius multam huius rei obseruationem multiplèxque artificium in scriptis suis consignarunt. Iam si naturam vtriusque, hoc est mores, & vitæ regimen spectes, in multis illud simile obseruabis. Plantæ se cortice, frondibus ab æstu ac frigore tutantur. Id animalia præstant, pilis, pennis & pellibus. Odiò perpetuo se prosequuntur, brassica vineam, oleam.

Alię mutua conuersatione gaudent, salix cum vinea, vtræque enim Madore delectatur, spinosa spinosis, holeracea, cum holeraceis, coronaria cū coronariis. Quid dicam? alię se mutuo perimunt, hēdera arbores plurimas, vnde nominis, ab exedendo,

dendo, argumentum promanauit. Atque vt animalia dentibus, cornibus, vnguibus, atque aculeis à natura armata sunt, quibus ad pugnam animantur: sic stirpes, Echini vt Eringia armantur aculeis, asperitatibusque improuido, ac importuno attractui noxiis. Hoc patet in Carduis, Eringiis, fruticibus spinosis, quorum plura genera ab herbariis recensentur, Acacia, Zyzipha, Rhamnus, oxyacantha vtráque, vua crispa, leo, draco, scorpius, phœnix, Acarna, Acantha, aliáque plurima, quorum magna pars ab aculeis & armis, quæ cum animalibus habent similia, denominata sunt. Immo ipsum quoque triticum, atque cerealia ferè omnia præcipuo hominis nutrimento à natura genita, aristis ceu spiculis quibusdam obuallata sunt, ne temerè, aut promptè ab auibus, aut quauis bestiola, vermiculove inuadantur. Sic rosæ pulchritudinem horridæ spinæ comitantur. Vnde adagium illud celebre, In rosis spina; & vicissim in spinis rosa, vt ex natura etiam pateat, difficilè esse accessum pulchrorum: iuxta illud *δύσκολα τὰ καλὰ*. Difficilia quæ pulchra. Hoc, quàm eximiè pateat in arte nostra, norunt, qui eam & norunt: & verò ij quoque, qui eam non norunt. Quæ difficultas totius fûdi medici est calamitas. Est quoque in stirpibus distinctio sexus, nec nominis tantum, sed & rei. Mares infructiferi magna ex parte: Fœminæ fructum concipiunt, & pariunt. Nec sexus distinctio, in eo tantum, sed in ipsis quoque organis. Argumento sunt mercurialis, mas te-

sticulis donatus, & mercurialis fœmina iisdem carens. Idem & in Cynocrambe seu mercuriali sylvestri, quam ex nominis etymo brassicam caninam appellare licet. Hanc differentiam eximie monstrat Phyllon theligonon, & Phyllon arenogonon nuperis dictum. Tôtque sunt arborum, fruticum, atque plantarum maris, & fœminæ differentiæ, vt eas nunc hoc loco referre pigeat, cum pleni ea de re sint herbariorum libri.

Hæc & similia, mihi credite, non vanè à natura in mûdi hocce theatro sunt producta: Namque, vt verissimè habet axioma, Deus & natura nihil faciunt frustra. Non itaque existimandum frustraneas atque fortuitas esse istas signaturas, sed in certum aliquem finem à natura productas. At in quem potius alium productas illas signaturas dicamus, quàm in finem hominis? In bonum, inquam, imaginis diuinæ, cuius gratia cuncta creata, cuncta producta sunt, cunctaque perenni successione propagantur atque conseruantur? Et certè videtur nobis natura eo ipso, ceu speculo quodam ob oculos ponere, cui quæque appropriata, propria atque vtilia, & in quem finem singula ab ea producta sint. Nihil enim, vt dictum, facit frustra. Cui igitur simile potius comparabis, quàm suo simili? A quo remedia desumes, quàm ab eo, quod parti affectæ, atque ipsi a deo naturæ est simillimum? Non absurdè itaque philosophati sunt, qui plantas résque omnes à natura

tura signatas, animantibus brutis: hæcque rursus omnia, cum illis, creaturarum perfectissimo, nobilissimoque homine naturæ, viriūque quadam similitudine statuerunt. Quid impedit igitur quominus concludamus occultas plantarum proprietates æstimari, ac iudicari ut plurimum signaturis, hoc est, ex similitudine formæ atque figure, cum animalium, tum inanimatorū? Dicamus ergo, plantas, quæ repræsentant vel ipsa animalia, vel animalium partes, valere ad propellendos morbos, qui ab ipsis animalibus suboriri possunt. Serpentaria maior, quæ serpentem repræsentat: Rhamnus, aut spina alba in qua acutæ spinæ habent similitudinem dentium serpentis, morsum serpentis persanant. Sic orchidis illa species, quam à floris similitudine Neoterici eleganter orchin *μυράδων* vocitarunt, apum ictibus confert. Psyllij semen, quod pulicē eментitur, fugat pulices. Quæ caudam scorpij repræsentant, ut scorpioidis varia genera, Telephium, flos heliotropij, & his similia, magnas virtutes ad scorpionum plagas sanandas obtinuerunt. Sic semen Calthæ, quæ habet brachia cancro similia, medetur cancro, quemadmodum & ipsemet cācer, animal de genere crustaceorum. Plantæ oculos animalium figurantes, oculis salubres habentur, ut Euphrasia. Quæ yterum referunt ad partum valent, ut Aristolochia, Cyclamen, quarum radix rotunda est atque caua. Quæ vesicæ similitudinem habent, ad vesicæ affectus conducunt, ut solanum Halicacabum,

quod barbara voce Alkekengi vocant, staphylo-
dendron, seu nux vesicaria. Quæ lienem expri-
munt, ad lienis seu splenis affectus prosunt, vt A-
splenium, Hædera, & similes. Iecur ostendentes,
iecori prosunt, vt lichē, (quæ hepatica dicta) & fi-
cus, est & fumus terræ iecoralis plāta æquē ac lie-
naris. eius signatura est, quod radice sua schirro-
sa vtrumq; dictorū viscerū figurā quodammodo
effingit. Quæ pulmones repræsentant, pulmonibus,
vt pulmonaria, quæ arborum trunci instar
fungi, aut musci, seu potius integumentum alicuius
adheret, atque Cynoglossum, & huic similis pul-
monaria maculata. Quæ cordis figuram referunt,
cordi conferunt, vt malum citrinum, fructus a-
nacardi, radices anthoræ, nardus, melissophillon,
quod folium habet cordis circumscriptione, miri-
ficè ad cordis affectus valent. Item cardiaca, my-
robalum, mala Cydonica, &c.

Hæc de plantis internas partes quodammodo
figurantibus: sed & externis partibus multas e-
tiam assimilatas videmus. Nam sunt quædam
plantæ capitata, hoc est, quarum pars aliqua in ca-
pitis figuram extuberat, vt Scilla, quam iccirco ad
comitalem seu caducum morbum, epilepsiam
medicis dictam commendant. Item pœoniæ flos
antequam excludatur, qui cranium cum suis
commisuris repræsentans, comitali specificum
est & remedium.

Dentibus incisoriis, sed magis caninis appella-
tis similes sunt nuclei pini, itémque herba denta-
ria,

ria, cuius radix velut ex meris dentibus compacta videtur, hæc omnia dētibus profunt. Quæ articulos, nodos, aut tophos exprimūt, valent ad podagrā, chiragrā, gonagram, omnémq; arthritidem.

Plantę genitalia representantes laudantur ad generationem, vt fabę, pisa, ciceres, lupinus, orchides, satyria, &c. Item phallus quem Hadrianus Iunius doctissimus medicus peculiari libello in hunc eundem vsum commendauit. Prætereat tubera terrę, solarum tuberosum neotéricorum, & fungi genera plurima.

Pingues plantę ad impinguādum, vt oleosę arbores omnes, & oleosum fructum proferentes: Nux iuglans, auellana, amigdalus, nuclei pini, radiculę tarfi, tantopere in eum finem ab Italis celebratæ.

Macilentę, corpora pingua emacerant, vt falsa pariglia. Carnosę plantę carnem gignunt, & augent, vt bulbi, caules, carduorum scapi. Vertebrales herbę, vt cyperi, & iunci genera diuersa, præsertim odorata, vertebrarū affectib' profunt.

Neruosę neruis conducunt, & cartilaginibus, vt linum, cannabis, quę contractos neruos emolliunt. Item inter animalia, vermes, & potissimum lumbrici terrestres (Plinius interanea terrę vocat) qui neruos referunt, neruis medentur.

Plantæ lactuosę, seu fructus, lactis generationem promouent, vt ficus, lactucę genera, hordeum, amygdala. At in plantis lactuosis discrimen est adhibendum. Nam ex his alię sunt sero-

ſe, itaque ſeroſos humores expurgant, vt Tithymalli genera diuerſa, quæ purgant aquam inter cutem, vt ſcribit Meſnes. Lathyris quoque, quia abundat lacte aqueo, aquas potenter cit. Eiuſdem generis ſunt Tymelea, cſulę ſpecies, & Scammonium, ex quo ſuccus in officinis ad purgandum vſitatiffimus paratur.

Lactuofa quinetiam ſemina, ſemen genitale augent, vt ſemen paſtinacę, amigdala, auellana, nuclei pini, nuces recentes, &c. Quarum plantarum ſuccus lac cogit in caſeum, illę quinetiam ſemen augent, & ad prolem procreandam haud parum facere creduntur, vt carduus ſpinofus, ſcolimos tam domesticus, quàm ſylueſtris, galion. At è contrà, quæ lac diſſoluunt, geniturâ pereûnt, vt menthæ folia, quæ in lac demerſa, impediunt ipſius coagulationem. Mammis quinetiam applicata, lactis grumos diſſoluunt, quod quotidiana experientia compertum habetur. Sed potentius lac in mammis concretum diſſoluunt ruta per ſe tuſa, aut cum aceto: item cyminum itidem cum aceto tuſa, & applicata intra paucas horas tanquã incantamento quodam lactis prouentum arcet, & iam generatum expellit quod per traſennam dictum ſit.

Nec partes tantùm plantarum, ſed ipſi quoq; colores partium, ſuas quoque ſignaturas habent. Ergo ex plantarum diuerſis coloribus, diuerſarum virium coniecturæ, atque indicia ſumuntur. Sic plantæ floribus albis præditæ, vt plurimum
ad pi-

ad pituitosos morbos conducunt, vt brionia, sambucus, ebulus, thimelea, chamelea, liliū album, liliū conuallium, & similia, quorum magna pars pituitam purgat.

Plantæ flauī coloris vel succi, ad flauam bilem conferunt, vt Rhabarbarum, Rhaponticum, rhabarbarum monachorum dictum, radix gentianę, centaurij, & cætera id genus quæ bilem flauam purgant: Chelidonia quæ ictero, seu morbo regio ex bile exorto plurimum conducit. Habent enim plantæ succos cum humoribus nostri corporis analogos: flauī flauis, albī albis, nigri nigris, rubri rubris, cæterique suis similibus magna ex parte respondent.

Radices & herbæ, quæ decoctum rubrum seu sanguineum reddunt, eadēque sanguinē haud parum mundificant: vt radix Chinæ, Filicis, agri-monia Chamædris rad. acetosæ &c.

Plantę glauci coloris vrinas mouent, vt abrotanum Siriacum, crocus, ononis.

Plantæ subrubræ, aut etiam coccinæ, atque in vniuersum igneum, atque adeo flammeum referentes colorem, extinguendis inflammationibus internis ferè profunt. Exemplo sunt: papauer rhæas cuius aqua & puluis pleuritidi & peripneumonix plurimum conducit, vt & Syrupus qui ex eius succo paratur, quem infra describemus. Item anagallis, Chrysocome, seu stæchas citrina, quæ pulmonum inflammationi conferunt. Itemq; ex cortice auellanarum rubarum & corallo rubro

fit puluis qui dragmæ vnus pondere exhibetur cum aqua pap. readis tamquam specificum remedium ad pleurisim. Misti plantarum colores mistos humores trahere putantur. Iridem sanè variegatam, non tantum serum, sed mixtos humores purgare obseruatum est. Porro maior est colorum varietas in floribus, quam in foliis, quod folia vt plurimum participant solo mercuriali liquore: vnde fit, vt ex his nunquam ferè aliud, nisi id quod mercuriale est, per destillationem elicias. Liquorem, inquam, seu humidum illud quod per destillationem effluit. At flores continent nitro-sulphureum liquorem seu oleum vt dicemus postea. Flores igitur albi & lutei pituitam & bilem purgant, vt flores arthemidis, parthenium, rhabarbarum luteum, & rubrum pituitam, & sanguinem: Iris pituitam, & bilem, Melancholicis affectibus herbæ atrii coloris subueniunt, vt recentiores multi herbam Paridis ad id imprimis commendarunt.

Plantæ quinetiam nonnullæ rubræ, & astringentes sanguinis eruptionem sistunt, vt sunt vulnerariæ, morus, polygonum, sanguinaria, androsæmon, bistorta, amaranthus, fragaria: & inter lapides Hæmatites, corallium rubrum: inter metallica crocus Martis, &c. Ita distinguendæ sunt signaturæ. Maioris verò momenti eæ habentur, quæ multæ conueniunt, hoc est in multis signis consentiunt alicui parti humani corporis, vt figura, colore & similibus, vt ex præcedentium aliorumque

rumque inductione colligere est.

Plantæ motu, colore, & aliis figuris, similitudines syderum gerunt, & imitantur, quorum etiam virtutes aliqua ex parte sibi vendicant.

Solares herbæ, quæ videntur radios undique emittere, non tantum foliorum in orbem digestorum posita veluti radij, sed proprio colore, ut solsequia ob id sic appellata, quod florem semper soli obuertat, atque ita cursum eius imitatur: item flos maximus Peruvianus, qui omnium manifestissimè id præstat, & flores minores solis dicti, omnes ob eandem rationem: Item Calendula, Crocus, &c. Cordiales ferè sunt herbæ.

Lunares herbæ sunt albifloræ, & cerebro opitulantur, ut cenanthe, dictamnus, lilium conuallium, lilium candidum: atque eæ quæ plenum orbem lunæ repræsentant, ut chamemeli genera. Item quæ habent folia sinuata velut in cornua, ut lunaria minor botrytis dicta; & quæ crescendo, & decrecendo ad lunam alludunt, hæc omnes cerebrum roborare existimantur, participatione quadam virtutis lunaris. Nam ut aurum flammæ color inter metalla cordi, sic luna cerebro fauet: Illud namque magis cor, hæc magis cerebrum respicit Hyacinthus inter lapides cordi, margaritæ cerebro familiaris. Ametistus vini referens colorem, ebrietatem arcere creditur, Et item, qui velut prægnans alios continet in se lapillos, (ut ex sono percipitur, aut apertione, & distractione) confirmare vterum tradunt, si brachio sinistro

adalligetur. Contrà fœmoribus alligatum parturientibus conferre. Has sanè virtutes his lapidibus inesse sola signatura indicauit: quam demum multa experientia confirmauit. Sed ad plantas reuertamur, & rem breuius expediamus.

Herbæ perforatę, & quarum expressio est sanguinolenta, vt in floribus Hyperici, eximie id patet, si digitis atterantur, ad vulnera recentia conducunt. Huc referunt etiam gentianellam, & vllum.

Ad fistulas valent fistulosę plantę, vt gentiana, symphytum, lupinus, &c.

Quartanam quadratos caules curare posse, sunt qui statuunt. eiusmodi plantarum immensus est numerus. Experimentis opus est, vt signaturę fides adhibeatur: quę, vt hoc semel dicam phisico, & medico non causa, sed occasio quędam esse debet ad dignoscendas plantarum, & rerum virtutes: vel potius signa quędam *σημεία* Græcis dicta, seu *είκοντα*: futura etiam *τεκμήρια*, hoc est certa, & indubitata, si experientia rerum omnium indubitata magistra, confirmentur. Pari coniectura statuunt tertianas trigonas, seu triangulares caules curare.

Istud maioris existimationis, herbas masculas viris: fœminas mulieribus magis appropriatas esse. Et masculinas potentiores esse volunt fœmineis. Mercurialis sanè fœmina quę testibus caret, fœminarum vuluis repurgandis plurimum conducit, vel ipsomet teste Hippocrate medico-

rum principe. Et nos extractū, & syrupum mercurialem specificum ad eundem affectum trademus. Mas proceriori ferè corpore prædita, viris magis confert.

Pœonia mas exhibetur viris: fœmina mulieribus epilepsia correptis.

Aristolochia longa, mas est: rotunda, fœmina. Rapum longum mas est: rotundum fœmina. Illud validius est, medicamentum ad mucilaginosos humores; siue causam materialē calculorum, aut ipsummet etiam calculum recentem dissoluendum. Rapa verò ad alimenti naturam quàm proximè accedit. Notum quippe est ex schola medicorum, alia purè esse medicamenta, alia purè alimenta, & alia medicamenta alimentosa: alia alimenta medicamentosa. Purè medicamenta sunt purgantia omnia, quia semper suæ qualitatis vim exerūt, nec in corporis substantiam transmutantur. Purè alimenta sunt, panis, vinum non nimis forte, carnes, butyrum, ova, & similia, hæc enim in sanguinem, & substantiam corporis abeunt. Medicamenta alimentosa, medicamenti quidem vim retinuerunt, quod propiùs ad illa accedant: nihilominus tamen quia aliquid in se continent, quod corpus enutrire possit, alimentosa dicuntur, vt saccarum, mel, herbæ præter holoracæ ferè omnes, vt acetaria: item succi inspissati, vt dēfruta, sapa, & similia. Alimenta denique medicamentosa suum quoque nomen alimentosum reseruarunt, quod ad alimenti naturam propiùs ac-

cedant, nondum sint tamen purè alimenta, sed quiddā medicamentosi, aut alterantis, aut quomodocūque in corpus nostrum agere potentis habent. Qua de causa alimenta medicamentosa vocantur, cuiusmodi sunt rapum, vti dictum. Holeracea ferè omnia, quod maximè in spinachia, & blito patet. Præterquàm enim quòd nutriunt, aluum etiam laxant. In alterantibus, & acetosa, portulaca, lactuca, quę tamen si ad medicamenta alimentosa referre placuerit, non multum peccaueris. Ad alimenta medicamentosa quoque refertur lac omne, fructus ferè omnes, vel de pomorum siue genere, vel de numero nucum. Item hordeum, serum, legumina, aliąque multa. Et placuit hæc ita animi gratia hoc loco inferere: maximè quia ad hoc opus potissimùm pertinere, & pharmacopœo haud parùm profutura iudicauimus pergamus.

Althea pro mare habetur in sua specie: Malua pro fœmina. Vrtica mas, quę nodulos, & veluti testiculos habet, vt & maximè etiam illa quam Romanam vocant Herbarij, fœminā longè est asperior, infestior, magisque pungens. Placidior verò fœmina, quoniam vegetabili illo sale plumę minus abūdāt, de qua re postea pluribus agemus.

Arbores longeuę, quę idèò multo, & sale, & sulphure, seu balsamo naturę abundare se indicāt, atque idèò semper virescunt, ad humanam vitam conseruandam valent, vt Iuniperus, ex cuius bacis optinum remedium ad vitę tutelam paratur.

Item

Item pinus: nuclei enim pini vitam nobis prorogant, vel eo potissimum, quòd balsamum nostrum vitę quodammodo augeant. Item palma: cuius fructus dactyli dicti, sunt amici senectutis, diciturque palma immunis esse à senio. Certè ad summam, & plurimum centenorum etatem pertingere cognitum est. Aloë quoque perpetuum habet virorem: ex qua, sicut & ex prædictis, optima remedia parantur ad conseruationem sanitatis, vitęque prolongationem: Quemadmodum etiam ex helleborino, Chelidonia, & reliquis, quę ob abundantiam salis perpetuo virescunt.

Arbores resinose etiam, quia multo balsamo radicali abundant, vt myrrha, thure, mastice, & similibus, cum balsamo nostro non contemnendā habent affinitatem. Porro vt ex plantis ita quoque ex animalibus longæuis ad vitę propagationem valent, vt ceruus: qui dum sentit se grauari senectute serpentum pabulo reparatur. Serpens nam quę quotannia renouata pellem seu exuias deponit: quoniā sub terra degens, vescitur balsamo illò radicali naturę quo singulis annis quasi renouatur restauraturque. Hinc fit, vt qui viperarum carnibus vescuntur, senectutem producant, atque in longum protrahant, vt scribit Dioscorides. Hęc est causa, cur theriaca ab ea nomen deprompserit: cur veteres experientia comprobassent viperam ad lepram conducere, variisq; venenatis, & vitę nostrę insidiantibus potenter resistere.

Arbores, & fructus, qui vermiculantur, & vermium materiam repræsentant, vermes in nostris corporibus generant, vt ficus, pyra, mala dulcia, & inter herbas ocymum. Contra, qui vermiculos non patiuntur, sed ipsa enecant aut eorum generationem impediunt, contra vermes profunt, vt inter reliqua Hypericum, cum quo si caseum inuoluas, nunquam vermiculi in caseo generabuntur. Hypericum est etiam specificum ad vermes in ventriculo, in formam cataplasmati appositum, & in iusculo exhibitum. Fit etiam ex ipsius succo vel decocto syrupus nostræ descriptionis, ad vermes specificum medicamentum.

Plantæ maculatæ maculis hominum detergendis profunt, vt flores fabarum, cyclaminus, semina ricini diuersa, quorum pulchrimæ species nuper ex indiis importata: Profunt quinetiam contusis vulneribus, vt persicaria maculata ex qua præstantissimum ad omnes conlusiones paratur remedium.

Plantæ quæ lapidosum quiddam proferunt, ad calculos multa experientia commendatæ habentur, vt milium solis, quod à semine lithospermō, hoc est lapideum semen, propter duritiem nuncupatum. Item ossicula fructus mespilli. Item ea, quæ petris innascuntur, & saxorum rimis, eas, ceu vi quadam peruadentes, quarum plura genera habentur. Saxifragia nomine, & re primas tenere putatur: præterea quorum radices in globulos diuisæ.

Iam ipsi quoque lapilli, qui in diuersis animantium generibus, diuersisque eorum partibus gignuntur easdem vires lapidem vel calculum frangendi habere creduntur. Lapillos, qui in ventriculo bouis mense Maio reperiuntur, in vino dissolutos, atque exhibitos lapidem in renibus dissoluere aiunt.

Lapilli quinetiam spongiarum, lapis item Iudaicus dictus, qui omnes salis naturam repræsentant, quorum proprium est dissoluere tartarum, seu tartaream materiam. Pulchras, & aspectu iucundas plantas, vel foliis, vel floribus naturæ gratas esse, præter aspectum, ipse quoque docet odor. Exemplo sunt rosa, Cariophylli quibusdam betonicæ dictæ, violæ, Hyacinthi, præsertim orientalis: Narcissi, maximè ille quem miro aptè tamè composito nomine doctissimus vir, Pœna nostri ordinis amicus, & medicus regius leuconarcissoliriam appellitauit in suo herbario.

Deformes verò tetri odoris ferè, & quædam etiam venenatæ depræhenduntur, vt Aconitum, cicuta, quarum, vt & papaueris odor, sed magis vuluariæ, vel ductu fastidiendæ herbæ naturæ quodammodo aduersatur.

Tales & similes signaturæ propemodum infinitæ, quæ veteres ad rerum cognitionem, ceu per *Συναισθησις* quandam rei visibilis excitarunt, hoc loco adduci possent. Sed vel nimium etiam his inhæsisse videmur: voluimus tamen generali ista enumeratione lectori quasi ob oculos, ponere

quid & veteres & nuperos quosdam magni nominis philosophos ac medicos compulerit ad harum signaturarum peruestigationem. [*Ripley, Isacus Holandus, Parac. & inter nuperos Io. B. à Port. Neapol. de his signaturis multa scripserunt.*]

Nam cum viderent aliquid quod similitudine quadam cum corporis nostri partibus participaret, illico sagaci quadam animaduersione similitudinem rei, & quandam veluti *supraabstractam* subolfecerunt: quam experimento comprobantur vti dictum, ex coniecturali fecerunt certam, atque scientificam. Harum signaturarum quasi fons alter & ad rerum virtutumque earum cognitionem acquirendam, fuit sensus: maximè autem sapor, & color. De quibus quædam in præcedentibus attigimus. Nec opus esse duximus hoc in loco pluribus ea de re agere, cum Galenus eius rei (vti æstimatur) clarissima documenta, experimèntaque in scriptis suis, & maximè in libris de simplicium medicamentorum facultatibus re-

liquerit. Transeamus nunc ad signa-

turas internas philosophorum,

& medicorum Her-
meticorum.

DE



DE SIGNATURIS RERVM

INTERNIS SEV SPECIFICIS, AB HER-
meticis Philosophis multa cura, singu-
larique industria comparatis,
atque introductis.

VT rerum omnium diuersa est confide-
 randi ratio, diuersusque cognoscendi
 modus: ita ratio & instrumenta ad ac-
 quirendam illam cognitionem diuersa. Exem-
 pla in rem præsentem facientia, non inter multa
 delegimus, sed res quotquot sunt in naturæ ele-
 mentaris hocce theatro abundè faciunt fidem.
 Res enim vt perquirerent, atque naturas earum
 peruestigarent, alio medio Empirici ac ipsi quo-
 que dogmatici, alio Hermetici philosophi vti
 sunt. Illi ad signaturas externas, & qualitates in-
 trinsecus incurrentes, maximè verò ad gustatiles,
 visibiles, atque olfactiles respexerunt. Præterea
 ad qualitates primas, calidum, frigidum, humi-
 dum & siccum, quas harum principia constitue-
 runt, atque facultatum seu virtutum prima fun-
 damenta. Priores merè sunt accidentariæ: quippe
 quarum basis atque fundamentum nihil sit aliud
 quàm forma, seu figura extrinsecus apparens, vt
 ex præcedentibus liquet. de quibus pluribus egi-
 mus, quàm sperabamus, & quàm fortè instituti no-
 stri ratio postularat. Posteriores, etsi à suo subie-

cto quodammodo promanent, habent tamen aliam penitiorum in eodem subiecto basim, quam iccirco rectè principia, causas & fundamenta virtutum cum Hermeticis philosophis dixeris. Chymici itaque, seu spagirici relictis nudis illis corporum qualitatibus, actionum, atque ipsorum etiam saporum, odorum, colorum fundamenta in alio quæsiuerunt. Tandem sagaci inquisitione cognouerunt illa esse tres diuersas atque distinctas substantias illas, quas in omni corpore naturali elementato singulari artificio inuenerunt: nempe sal, sulphur atque mercurium. Hæcque principia rerum interna, principia constituentia, virtualia, atque hypostatica nuncuparunt. In his quippe tribus principiis hypostaticis illæ memoratæ qualitates virtuales atque sensibiles, non imaginatione, analogia, aut coniectura, sed re ipsa & effectu reperiuntur. Nempe sapor in sale potissimum: odores in sulphure, colores ex vtrisque etiam, sed potissimum ex mercurio, quod hic sibi adiunctum habeat sal volatile rerum omnium. Duplex enim est sal, fixum nempe & volatile, ut dicetur mox.

Sal itaque principium est firmum, fixum, & substantificum rerum cunctarum: ideoque comparatur cum terræ puro ac puro elemento. Quod sal non est sua natura frigidum & siccum (ut volunt esse terram) quæ qualitates nihil aliud sunt, quam mors rerum: sed potius calidum, & qualitate actiua præditum, quippe quod inseruire debeat

beat generationi rerum cunctarum.

Sulphur confertur igni : facillimè namque , vt illud flammam concipit , & ardet : quemadmodum & reliqua omnia , quæ de natura eius participant , cuiusmodi sunt resinosa , pingua , & oleaginosa.

Mercurius analogia respondet aëri & aquæ : non enim tantum aqua illa sicca mineralis , quam & alio nomine hydrargirum , & argentum viuum vocant , mercurius dicitur , sed omnis aqua seu liquor actiua aliqua virtute dotatus mercurius quoque dicitur propter excellentiam . Qui mercurius , vt diximus , vtrique elemento , aëri , inquam , & aquæ adsimilari potest : aëri , quod calori admotus , nihil ferè esse deprehendatur , quàm aër seu vapor , qui statim in auras euanescat . Hunc si placet , non malè humidum actiuum dixeris . Aquæ verò comparari potest , quod sit fluidus , nec proprio sed alieno termino , dum in sua natura est , contineatur , quæ humidus est , apud Aristotelem definitio . Hæc tria , inquam , principia in omnibus corporibus reperiuntur , tanquam substantiæ internæ ac necessariæ ad compositionem omnis corporis mixti . Nam humiditas prædicta mercurialis volatilis ac spiritualis cum parte terrena corporea atque fixa propter ingentem illam discrepantiam atque contrarietatem vtriusque confociari facilè cum non posset : opus fuit medio , ac ceu quodā sequestro , qui vtriusq; hoc est , tã spiritualis quàm fixi participatione vtrūque con-

iungeret. Atque hoc est sulphur seu oleum, quod inter fixum atque volatile medium quiddam tenet. Nunquam enim tam facile, nec tam citò, aut tam benè destillatur oleum, ac aqua: accedit quod sulphuris seu oleaginosi corporis substantia sit tenax, ideòque aptissima ad combinationem reliquorum duorum ad efficiendam bonam, perfectam & æquabilem mixtionem. Res exemplo fiet manifestior. Quemadmodum enim nunquam tenax atque laudatum cœmentum confici potest ex sola aqua, atq; arena, sed calce insuper opus est, quæ vtraque illa tanquam oleum ac gluten quoddam connectit. Sulphur itaque, seu oleaginosa substantia, & salis & mercurij est mediator, & vtrumque copulat. nec copulat tantùm, sed acrimoniam salis atque mercurij aciditatem, quæ ut plurimum in eo reperitur, reprimit atque temperat. Haud secus sanè ac spiritus, & humidum illud viuificum seu radicale, animam, substantiam incorpoream, cum corpore, toto genere ab illo distante coniungit.

Apparet itaq; qua ratione tres hæ naturæ possint consistere simul, atque corpus mixtum, ac perfectum constituere. Nam quemadmodum sal solum per se istud præstare nequit: ita nec duo isti humores fluxiles & mobiles sua natura corpus fixum, firmum atque solidum componere sine sale possunt. Rursus sulphure opus est tanquam glutine, quo sine, alioqui mercurialis liquor absorbetur à siccitate salis terrestris, & violētia caloris ignei.

ignei, quem continet, At humor mercurialis reliquorum est tanquam vehiculum ad penetrationem & mixtionem facilitandam seruiens. Si quis fortè aut obstinacior, aut iudicio hebetiori, ne sic quidem rem hanc percipere velit: respiciat sanguinem corporis nostri, ut in eo serum sit vehiculum, & quasi mediator, ac combinator reliquorum duorum principiorum, ut patet ex preparatione, & separatione eius. Merito enim tali exemplo hoc loco uti possumus. Suo verò loco demonstratione euidenti, atque infallibili ostendamus, qua ratione & reliqua duo principia, præter serum (quod mercurij vices gerit, & vel ex leni destillatione separatur) insint in sanguine. Sal, inquam, quod vires suas exerens, atque prodens, tot diuersorum vlcerum genera, aliòsque plurimos morbos procreat: præter portionem illam salis, quæ cum vrinis per renes, atque vesicam perpetuò transcolatur. Sulphur item, seu oleaginosus liquor in eodem sanguine ut insit, monstrauimus. Quod sulphur exaltatum efficit exhalationes sulphureas, ut inflammationes, à quibus tot febrium differentiæ. Ita sublimationes mercuriales suscitant catarrhos, aliòsque morbos mercuriales: Nec in sanguine tantum, sed in ipso etià lacte, quod ex illo fit, vel cuius manifestè patebit, tria prædicta principia inesse, si serosam substantiam, mercurialem: buthyrosam, sulphuream: & caseosam, fassuginosam, seu terrestrem continere intellexerit. Sed nimis fortè hoc in loco de

istis, cùm hæc materia nobis in alium locum re-
 seruata sit. Porro Chymici varia, atque diuersa
 salium genera statuunt, quæ vt in natura seorsim,
 sic at in omnibus corporibus mixtis reperiuntur.
 Nempè sal commune (quod ipsum mare per se-
 cretos & intimos canales toti terræ communi-
 cat) itémque sal gemmæ, alumē cuius plures sunt
 species, vitriolum, sal armoniacum, & sal nitrum,
 quod sal petræ vocant. Inter hæc salia duo sunt
 volatilia, atq; duobus liquoribus insensibili qua-
 dam ratione permixta: nitrum nempè sine sal pe-
 træ, & sal armoniacum naturæ: nitrum quidem de
 sulphure, oleosq; rerum liquore participat, Ar-
 moniacum de mercurio, seu humore rerum mer-
 curiali. Hæc autem prædicta salia (quæ in substan-
 tia terrestri, atque metallica reperiuntur) vegeta-
 bilibus etiam, radicum beneficio, communican-
 tur, quæ cum semper existant in terra naturam
 potissimum salis fixi retinent. Et ea quidem ra-
 tione peruestiganda est in radicibus salis fixi na-
 tura: quemadmodum etiam flores & folia pluri-
 mum participant de duobus reliquis salibus vo-
 latilibus, quæ cum sint eiusmodi faciliè euanes-
 cūt, & pereunt, cùm flores, & folia flaccescere, & ex-
 ficcari percipiuntur. At verò, quòd ex sale fixo
 nutrimentum capiant integrè semper, virentesq;
 conseruantur: Ideoque validius & æstatis ardori
 tabifico, & hyemis frigori mortifero resistere
 possunt. Adde quòd & ipsarum radicum maxima
 pars altius terram penetret, quò facilius exter-

nas iniurias præferre, ac propulsare queat. Instāte autem verno tempore, cum cœlestis calor, siue sol sese nobis appropinquans, arietis signum ingreditur, radiisque suis viuificis tellurem feriens, hanc excitat, sinumq; suum aperire cogit, ex quo tandem duo illa liquida principia (de quibus suprà verba fecimus) profūdīt affatim. Liqueor quidem, seu vapor mercurialis, qui cum sale armoniaco naturæ volatili (admirabili quodam naturæ destillandi modo) eleuatur sursum per radices, truncumque sub cortice ascendens (quo quidem tempore facilis fit decorticatio) stirpes iam flaccescentes, ac penè mortuas exsuscitat, viuificat, foliisque viridibus adornat. Alia verò salis volatilis species nitro-sulphurea, sulphuri, oleoque naturæ volatiliori permixta, vniuersam terram vndique diuersis pulcherrimisque floribus inuestit, atque exornat. Neque tamen propterea existimandum est vaporosum vnum liquorem, qui ex terra procedit, alterius non esse participem, cum sulphureus liquor mercuriali, & mercurialis sulphureo non careat. Atque hæc est causa, cur in natura vegetabili, aliàs citius folia, aliàs flores, aliàs denique folia & flores simul & vnà efflorescere percipiamus. Et magna sanè prudentia illa principia in res omnes dispensata sunt à natura. Experiētiāque docet alias magis, alias minus de hoc vel illo participare. Neque enim facilè ex foliis oleum elicias, sed mercurialem liquorē abundè ex omnibus at ex paucissimis aliquid sulphu-

rei, seu oleaginosi. Ratio est, quia mercurius in iis dominatur, & eorum potissimum est nutrimentum, principium, atque fundamentum, ut diximus. Florum verò prouentum vrget liquor sulphureus, sed hic non solus, & purus, sed cum portione aliqua mercurialis liquoris, salis verò minimo immixtus: vnde ex floribus & mercurium elicias, & sulphur, seu oleum, magis volatile, & salis minimum. At ex seminibus plurimum sulphuris fixioris, mercurij & salis ferè nihil. Causa est, quod seminibus, etiamque iis, quæ in magnis herbis mercurialibus, atque carnosis fructibus, ut pomis, pyris cucurbitis &c. Latent ortum, & constitutionem potissimam præbuerit non sulphur volatile illud nitrosum & aëreum, sed sulphur verè oleaginosum, & pingue, quoddque medium tenet inter fixum & volatile. Sal verò in his quidem omnibus consistit, quippe maximè fixum, & necessarium principium ad constitutionem & compactionem omnium corporum.

At in ligno, atque radice potissimum sal ipsum residet, non tanquam in suo centro, seu propria sede fixum, (in terra enim principium eius radicatum est) sed quia primò ei, atque copiosissimè communicatum. Hinc postea multum in surculos & folia, minimum in flores, & fructus dispensatur. Vnde ex foliis plerisque satis magnam quantitatem salis elicere licet. At ex floribus, & seminibus quam minimum ad proportionem cæterorum.

Patet itaque, qua ratione tria hæc principia, vegetabilia omnia constituent, tanquam principia hypostatica, eaque producant, conseruent, vegetent, & viribus diuersis instruant. Patet etiã omnia quidem prædicta tria principia rebus inesse, sed de alio plus, de alio minus, vt iam in exemplo vegetabilium ostensum est.

Nullum itaque ex tribus illis principiis simplex, atque solum reperiatur, quòd non participet quoque de alio. Sal enim, beneficio dictorum duorum salium nitrosi & armoniaci, continet in se substantiam oleaginosam, & mercurialē: Sulphur substantiam salsam, & mercurialem: & mercurius substantiam sulphuream, atque salsam. Sed nomen vnumquòdque retinet eius, de quo plurimum participat. Si tamen rem exactè consideremus, depræhendemus cætera omnia à sale, tanquam principio firmo, atque constanti promanare. Cuius sanè natura merito oculos nostros attollat in cœlos, cum vel hinc & in inferioribus istis & naturalibus dilucidè admiranda, venerandaque illa trinitas in vnitatem lucens innotescat, & eluceat. Cùm itaq; principia illa hypostatica sint, atque inueniantur in naturæ rebus omnibus nequaquam existimandum est sine vllò effectu, aut omni prorsus virtute spoliata inesse, quin potius contrarium statuendum, firmiterque credendum ex his potissimum promanare, omnes rerum proprietates, qualitatésque virtuales. Nam quidquid sapore præditum est: is si fuerit amarus erit à sale

gemma. Talia itaque virtutem habent tergentē, euacuantem, seu purgantem. Sic reliqua omnia quæ amaritudinem continent talia esse depræhēduntur, vt & ab ista salis specie illud habeant, & huius beneficio, inter medicamenta tergentia, atque purgantia referuntur: cuiusmodi sunt herbae amaræ omnes, earumque succi. Item omnia fella. Immo sine his ne excretio quidem ritè in corporibus obitur. Natura enim illud per ductū cholidocon, quem vocant, subinde aliquid fellis in intestina egerens, expultricem excitat, ac ad excretionem stimulat, ipsumque per se etiam terget, purgat, atq; euacuat. Quod nisi fiat, quasi sepulta, & obruta expultrix iacet, nec quicquā boni inde sperandum est: succos autem amaros (vt & ipsa fella) esse, de natura salis, facilè vel inde colligi potest, quòd fel sæpissimè in propria vesicula in lapillos, aut sal fixum congeletur. Ex amaris quoque herbis, vt absinthio, centaurio minore, quod non malè fel terræ dixerunt Botanici, plurimum salis elicitur, vti norunt artifices. Ex fellis animalium etiam fel amarum elicitur mirificè purgans. Quorum humiditas si euaporetur, aut dissipètur, vt crassiora euadāt, subsistit in vesicula, & ductu bilario offarcto, hæret, nec naturam stimulat. Sic sal quoque est in vrina; quod sanguinem per venas emulgentes in renes, & inde per vteres in vesicam, & inde rursus per canalem ad id dicatum expurgat. Sed quid istis inhæreo tāquam notis? In opio ipso amaro quod

tam

tam insigniter stupefactium, & frigidum esse clamitant omnes, inest sal amarum & nitrosum, quod si à sulphure suo foetido (cuius solius beneficio narcoticum est) separaueris, insigne purgans efficies. Ita ex centauro, gentiana, ruta, fumaria seu fumo terræ, & similibus omnibus egregia purgantia elicere norunt periti. Sal aluminosum, saporem rebus reddit acerbum: vitriolum adstrictionem, seu stipticitatem: armoniacum aciditatem. Eorundem porro salium diuersa mixtio diuersos parit sapores: & id potissimum beneficio duorum salium volatilium quæ omnium optimè commiscetur propter subtilitatem, atque spirituosam suam substantiam. Armoniacum, quod acidum, copiosius inest vitriolo, rebusque vitriolatis, quàm ulli alteri substantiæ salis, aut metallicæ. Sal enim illud acitum, seu aciditas illa naturæ eiusdem est fermentatio, & coagulationum dissolutionumque rerum omnium causa, ut iam supra paucis attigimus, & pluribus, atque manifestius declarabimus alibi.

Ergo quæ sunt stiptica, atque extrinsecus colorem viridē, seu vitriolatū habent cum interna aciditate, & rubore quodā, ut apparet in granatis, berberis, & limonib. certum est ea id habere à vitriolo, & à sale armoniaco acido naturæ vitriolū. n. extrinsecus viret; & intrinsecus si artificiosa anatomia facta inspicias, rubet. Sic quoque ex cortice prædictorū fructuū ut pote granatorum extrahere licet substantiā quā proximè ad vitrioli naturā accedētē.

Et liquor qui ex illorum granis rubris elicitor aut ex limonum aut fructuum berberis succo, habet vim dissoluendi perlas atque corallia perinde ac spiritus vitrioli: Hocque fit virtute salis armoniaci acidi naturæ, & per naturam mixti: sed ita mixti, vt industria artificis separari possit, ita vt tandè sale illo armoniaco, elicto liquor ille fiat dulcis & potabilis, salque separatim remaneat, quod tamen denuò cum aqua fontana, vel quauis insipida mixtum, illam reddat acidam. Aciditas illa seu sal armoniacum spirituale non tantum reperitur in vitriolo, sed & in sale communi, in nitro imo in ipso etiam sulphure vt & in omnibus rebus. Namque illa aciditas illud ipsum est, quod sulphur coagulat, quod copiosè in eo reperiatur. Nam sine eo sulphur ipsum non vnitum cohæret, sed fluidum esset, vti reliqui liquores oleaginosi. Idem sal armoniacum naturæ nobis manifestatur per extractionem illam olei acidi, quod ex sulphure elicitor: cuius natura longè est alia, quàm dicti sulphuris: tantum enim abest vt flammam concipere possit, sed è contrà impedit etiam vel ipsummet puluerem pyrium aliàs sclopetarium dictum, ne & ipsemet ab ignis contactu inflammetur, vt iam suprà dictum est.

Idem liquor æquè, atque verò haud minùs, ac succus limonum, berberis, aliùsve eius naturæ dissoluit perlas, atque corallium, idque virtute dissolutiua eiusdem salis armoniaci naturæ quod continet. Idem, & simili prorsus ratione præstat acetum.

acetum. Quippe vinum (quod supra reliqua vegetabilia est de natura vitrioli, vti monuimus supra) plurimum continet prædicti salis acidi naturæ. Hæc qui exactè perpenderit, promptè, & ex veris fundamentis dissoluet quæstionem de vera, & genuina aceti qualitate, quæ quæstio plurimos medicos doctissimos diuexauit. Virtus quippe dissoluens quæ in aceto apparet, vel ex eo quoque quòd terræ iniectum velut bulliat, arguunt eius naturam esse prorsus validam. Alij contrà frigidum existimantes acetum summum statuunt remedium ad extinguendas, reprimendâsque inflammationes externas. Item ex gustu acido, què omnino effectum frigiditatis autumant, atque adeò ex eo, acetum frigidum esse concludunt. At verò hæc controuersia facillimè tolli potest ab iis, qui habent cognitionem perfectam salis armoniaci naturæ, quod acetum cōtinet in se. Hoc enim sal, vera est causa virtutis eius dissoluentis. Quoniam autem idem sal vim habet coagulandi spiritus, & dissoluendi corpora, iccirco efficax est, atque remedium singulare ad inflammationes tum internas, tum externas. Etenim coagulat exhalationes nitro-sulphureas, quæ inflammationes illas excitant. Nam ex solis spiritibus, siue nitrosis, siue sulphureis ex sale nitrosulphureo seu tartaro corporis nostri emerfis, atque in euaporationes elatis eiusmodi ardores, atque symptomata febrilia efflorescunt. Id quod nō efficitur dum illi spiritus in propriis corporibus seu fœcibus

tartareis adhuc colligati, & quasi in iis sepulti iacent. Quod si manifestius cognoscere voles vim corrosiuam, atque inflammantem dictorum spirituum, respice ad aquas fortes communes (quæ nihil sunt aliud, quàm spiritus nitri, atque vitrioli) quas videbis dissolvere argētum, aut aliud quodvis metallum solidissimum. At si vel centum libris vitrioli, & nitri, (vt sunt in sua natura, atque corpore) addas vnicam tantum vnciam argenti, hoc tamen non dissoluent vnquam. Patet igitur vires eiusmodi violentas inesse tantum spiritibus à corpore suo separatis, euaporatis, vel dissolutis: quas vires nullo medio tutiori auferes, atque supprimes, quàm si rursus spiritus illi incorporarentur ac coagulentur. Hoc autem præstat sal illud armoniacum acidum naturæ quod in aceto vt & in omnibus rebus aciditatem habentibus inest. At sunt fortè, qui proprio nos iugulatu-
 ros gladio existimantes, eodem exemplo à nobis allato inferēt, eiusmodi essentias à Chymicis paratas ferè omnes esse spirituales, & per consequens remedia violentiora naturæ, quàm par sit: nec satis rutò proinde posse exhiberi. His ita responsum velim. Non esse eandem rationem, ac proinde conclusionem ineptam. Nam si vel spiritum vitrioli, aut salis petræ assumamus, qui verè sunt spiritus participantes de igne terrestri: eos tamen aut dulcorari, atque familiariores naturæ reddi posse aut certè misceri cum iusculis, aut liquore aliquo conuenienti. Tum gratissimos fu-
 turos,

turos, hoc est sapidissimos, atque benignos, non sine insigni interim virtute, atque efficacia. Quin ipse quoque limorum succus per se solus copiosè exhibitus stomacho nocere potest. Quapropter vel cum liquore aliquo, vel cum saccharo commiscere, & in syrupum, vel iulepum redigere solemus, ventriculo non minùs vtilem, quàm gratum. Sed notior est hodie virtus spiritus vitrioli, atque à probatissimis diuersarum regionum medicis commendatus, quàm, vt eius dignitati ac laudi quicquam detrahere possint ignari. In Gallia præsertim nostra iam, passim audio celebrari à pluribus ad ardores, & febres extinguendas. Et meritò sanè. Est enim & ad has, & ad alias plurimas etiam contumacissimas ægritudines singulare remedium, vti suo loco tradetur, sed à medico experto exhiberi par est: non ab empirico, aut tali aliquo qui mortes (vt cū Plinio loquar) per sua experimenta facere consuevit.

Porro spiritus acidus ex solo nitro, aut sulphure (inter salia metallica) elicitus, eiusdem est naturæ, atq; proprietatis. Nā & hi haud minùs, quàm ille cōducunt ad extinguendas cuiuscūq; generis febres. idque virtute sua coagulatiua, qua sulphureos, & excādescētes illos nostri corporis spiritus domant, atq; coagulāt. At rursus nos multa reprehensione dignos iudicabūt alij, q̃ suprà diximus, vnū idēq; sal armoniacū acidū esse virtutis dissoluentis, atque coagulantis: qui cum effectus sint contrarij ab vna eadēq; causa pcedere

neutiquam possunt, iuxta commune dogma philosophorum. Sed rectè istud à nobis dictum est: & ita dictum volumus: Ac dicimus denuò sal istud armoniacum naturæ acidum, de quo loquimur, & dissolvere corpora, & quod magis est admirandum, coagulare spiritus: immo, quod omnem prorsus superet admirationem, in media etiam flamma. Ac de dissolutione non maximo-perè à nobis istud probari necesse est, cum illud constet vel mulierculis harum rerum studiosis. Spiritus namque vitrioli (vt hoc addam propter ignaros) aut sulphuris, aut nitri acidus, benè præparatus, atque ab omni terrestritate separatus, vel in vola manus, dissoluit corallo, atque perlas. Ex qua dissolutione insigne remedium paratur ad fluxus hepaticos, lientericos, dysentericos, vbi hepar opus habet prompta corroboratione. Sed ritè parentur necesse est secundum formulas infra à nobis descriptas. Eadem planè dissoluentia parantur ex succis limonum, granatorum, berberis, ribes, debite, ac conuenienter depuratis à fœcibus suis terrestribus, quæ dissoluentem facultatem non parum impedire solent. Nec minùs idem præstat acetum optimum destillatum. Hæ namque omnes sunt aciditates armoniacæ, seu vitriolatæ, ac perinde vim habent dissoluendi iisdem rationibus, vt dictum est.

Sed de contraria huius aciditatis facultate, contrariòque priori effectui coagulante, (quem harum rerum

rerum ignari mirabuntur) nunc à nobis verba fieri tempus suadet, & ratio. Quamvis nec in his magno opus sit ingenio, aut multiiuga vestigatione. Nam vel mediocriter in arte spagirica versati, atque vix semestres quidam Chymici, aut ipsi etiam vulgò pharmacopœi istud norunt, & viderunt in præparatione (quam vocant) mercurij, seu argenti viui vulgaris. Cuius liquorem ac fluidam naturam nulla frigiditas exterior, nullū gelu elementale, quantum quantum tandem fuerit, congelare potest, aut fixum reddere. At si cū solo vitriolo mediocriter calcinato sublimetur, fiet, vt mercurius, qui coagulationem, tanquam perfectionem suam appetit, virtute quadam magnetica (sicut apicula roscidum illum liquorem ex floribus, vt inquit Ripleus) attrahat in se illud sulphur, aut sal armoniacum naturę acidum fitq; eius beneficio ex fluido, solidus, vt & facillimè manibus contrectari possit. Qua in forma constitutus vulgò sublimatum appellatur. Sed, vt perfectior euadat, artifices maiorem curam adhibentes, addito huic nouo vitriolo, reiterant sublimationes, vt denuò ex eius sale armoniaco naturę impregnetur. Ita tandem solidus euadit, & lucidissimus instar vitri alicuius CrySTALLINI Venetorum. Philosophi Spagyrici hunc mercurium ita præparatum, possunt rursus exuere suo coagulato, seu sale armoniaco naturę acido. Nam aquę iniectus eam omnino reddet acidam, quod proprium est omnium salium.

Quo facto, mercurius suo acore coagulante spoliatus, redit in pristinum statum, fitque rursus ex fixo mobilis, & fluxus: Sed perfectè depuratus; nec amplius mercurius, seu hydrargirū illud vulgare, sed mercurius philosophorū.

Iam verò si aqua prædicta exhaletur, ut restet tantum liquor acidus similis spiritus vitrioli, habebis liquorem quouis spiritu vitriolato excellentiorem ac verè spiritualem. Sic pro magno veneno, quod admixtum erat mercurio (quod tum nihil erat, quàm quidam quasi ignis terrestris corrosivus) nunc habebis verum spiritum vitrioli, cuius maior pars eaque melior euaporat, consumitur, aut deperditur, si modo, & ratione, quæ solent vulgò, igne illo magno, & violento per retortam extrahatur. Talis spiritus ea ratione, qua dictum præparatus, ingens est, specificum, solus domator epileptiæ, si non ab ignaro empirico, sed à medico, uti par est, cum liquore aliquo appropriato administratur. Atque hæc est vna probatio virtutis coagulantis mercurij. Eadem eius vis coagulativa manifestè apparet in præparationibus, quas præcipitationes vocant, quæ fiunt cum spiritibus acidis vitrioli, atque sulphuris, quorum beneficio in pulverem redigi potest, quod non faciliè fit ab igne. Sed, ut constet hanc coagulandi potestatem armoniaci acidi naturæ non tantum esse in mercurium, (in quē hāc vim exercere potest,) neutiquā verò in spiritus nitro
sulphu-

sulphureos corporis nostri, cum quibus argentū
vium nullam habet sympathiam, atque conue-
nientiam) ostendemus illud alia quadam demō-
stratione manifesta, atque verissima: vti consta-
bit experiri volentibus: eoque simul experimen-
to docebo ad minū excellens remedium ad gan-
grænas, & omnia vlcera cancroſa, & phagedeni-
ca, si suspectum sit, quod intra corpus assumatur
propter vrinā ingredientem. Accipe vrinā pue-
ri, aut adolescentis vinum bibentis, bonam quan-
titatē: depuretur secundū artē: cui adde vitrioli
Romani, aut Hungarici (his. n. melior fiet opera-
tio) duplum. Pone ad digestionē in B. M. tepido
per sex vel octo dies, in vno, aut distinctis alembi-
cis vitreis. Nam multa opus est materia. Hac di-
gestionē peracta augebis ignē balnei, vt bulliat a-
qua. Mox imposito capitello, adhibitoq; recipiē-
te destillabis aquam. Ac ea quidem, quæ primo
exibit erit insignis aqua ophtalmica. Secunda
priori paulo acrior, ad dolores podagricos te-
pidē cum lintheolis applicata confert. Estque
hæc vna antipodagricarum mearum. Perge i-
ta vrgendo calorem balnei, aut etiam per ci-
neres calidos, donec materia in alembici fun-
do restet instar mellis. Quam postea infun-
des in vas ferreum, & adhibito igne spatula
ferrea continuo agitabis, ne adhæreat: hoc-
que eousque continuabis, donec omnis li-
quor vi ignis exhalaret, & residere solum sal vi-
trioli, atq; vrinæ in fundo siccū, & in massa quadā.

Hanc puluerisatam in cornutam benè lutatam immittes adhibito amplo recipiente optimè ob-
 signato, ne spiritus exhalare possint: admoue
 ignem vehementem, quali opus est ad paran-
 dam aquam fortem, aut spiritum vitrioli. Sed
 tamen ita moderandus est ignis per gradus, do-
 nec ad summum perueniat, vti ars postulat. Et
 videbis tandem recipientem impleri spiritibus
 albidis vndique, qui in summo illo calore, tan-
 quam in nubibus aëris, congelabuntur in gla-
 cies quaquauersum per recipientis capacitatem
 dependentes. Haud secus sanè ac præ ingenti
 frigiditate hyemis, & aëris, nubes, atque va-
 pores in niuem glaciale seu squammulas con-
 gelatas arboribus adhærescentes conspiciamus:
 ita spiritus hi salis, ignis non frigoris vehe-
 mentia, concrevunt in glaciales illas particulas,
 & quasi in media etiam flamma. Sic duo hi
 prædictorum salium, vulgò philosophis pro ca-
 lidissimis habitorem in glaciem congelantur
 per virtutem coagulativam salis armoniaci acidi-
 naturæ, quem in se continent. Hæc glacies ad-
 servari potest in modum salis nitri. De qua, si
 scrupulum vnum, aut dimidium exhibeas in
 iusculo, vino, aut liquore conuenienti, ingens e-
 rit remediū ad omnes obstructions hepatis, atq;
 lienis, prouocat vrinas, & est specificum reme-
 dium ad dissolutionem calculi. Eadem glacies
 redacta in aquam (nam conuertitur facilè in hu-
 mido) insigne atque præcipuum est remediū
 ad in-

ad inflammationes & gangrænas, quas subito extinguit. Ex hac tam pulchra atque nobili experientia, omnis verus philosophus ac medicus argumentum eliciet ulterius philosophandi atque inuestigandi, quàm solet vulgus: sicque certiùs disquirere poterit de causis coagulationis calculorum, qui ex iisdem salibus aut tartarea materia in diuersis partibus corporis nostri procreantur. Idem sagaciùs inquiret in alios plures morbos qui fiunt ex coagulatione prædictorum spirituum acidorum aut vitriolatorum, vel ex euaporationibus aliorum salium acerrimorum, à quibus inflammationes & dolores podagrici efflorescunt, atque tandem tophi, ex virtute interna condensantium prædictorum spirituum. Ex his quoque facilius patebit remedium mitigandi, atque artificium dissoluendi eiusmodi calculosa, si attendamus & consideremus diligenter in quo latitet virtus illa acris, atque dissoluens, in quo item proprietas coagulatiua dictorum spirituum.

Eadem contemplatio occasionem subministrabit inquirendi in diuersa meteora, quæ fiunt in microcosmo, homine, inquam, ex continuis illis vaporibus atque exhalationibus, quæ ex inferiori ventre, (quem meritò cum terra comparaueris) in aëream, hoc est, superiorem corporis nostri regionem, cerebrum, inquam, subleuantur. Ita patebit ex solis vaporibus mercurialibus in nubes à cerebri frigiditate condensatis, nec digeri, aut dissipari ab eo potentibus: modò pluviæ

moderatae ac simplicis specie, modò densissimarum nubium aut cataractarum in modum descendere: vnde catarrhi mites, aut violenti, quos suffocatiuos nuncupant, quòd materia vno quasi quodam impetu in partes vitales procumbat. Denique ex iisdem contemplationibus hauries veram originem ventorum, grandinum, niuium, à quibus tinnitus aurium, paralypseis, apoplexiæ, & similes morbi, à vaporibus mercurialibus condensatis excitantur. Quorum sanè morborum causa non tantum, quod vulgus facit, ad frigiditatem referenda: sed etiam respiciendum ad aciditatem hanc salis vitriolati, quæ vaporibus illis mercurialibus permixta, eosdem repente, & quasi de improviso coagulare atque congelare potest, vnde apoplexiæ, & eiusmodi morbi producantur. Nam vel exemplo è corpore nostro ex prompto, hoc est, vrinæ, facile patet, qualis istis humoribus mercurialibus acido sale permixtis insit vis coagulandi. Quapropter hoc simpliciter nobis concedi necesse est, quod diximus, sal armoniatum naturæ acidum habere vim dissoluenti corpora, & coagulandi spiritus, vt in prædictis experimentis aliunde explicatum est.

Sed erit fortè sciolus quidam nasutulus, & qui vix ac ne vix quidem limen philosophiæ salutauerit, qui magna confidentia nullo pudore (vt nò ita pridem à quodam sesquiasello, temeratissimi interim ingenij, homine factum) contra nos insurgere & occlamare ausit, in corpore nostro

haud

haudquaquam reperiri naturam vitriolatam, aut tale aliquid simile. Sed hunc, aut eiusmodi homines sufficienter & æquanimiter (si discere non recusauerint) illud docebimus in opere nostro de recondita rerum natura, artisque perfectione: ubi & hoc, & plurimas alias vtilis, & vero medico necessarias quæstiones declarabimus. Sed ne vel hic sicco pede prætergressi videamur, tribus tantum verbis dicam. Primò omnium exactè considerandum suadeo, quis sit ignis ille naturæ, quis sit ille coctionis cibi in ventriculo author, qui eundem dissolvit atque immutat, & tam exiguo quidem tempore, quod nec aqua bulliens, nec ignis elementaris quidem præstare possit, vel longo. Rursus considerent quæso causam famis caninæ quæ tam promptè consuevit omnem cibum in ventriculo consumere, ut ne terminum quidem, aut spatium legitimum naturæ concedat nutriendi sui: unde fames ista insatiabilis. At ex vulgi opinione licet aliquis hoc fieri ab humore quodam acido & melancholico, qui lateribus injectus interdum ebullit haud aliter ac fortissimū acetum, vel potius sicut oleum vitrioli, aut aliud simile quiddam deuorans atque dissoluēs. Enimvero sanè si aciditas illa diligentius fuerit considerata, & per anatomiam philosophicam inspecta, à bonis & candidis facillè iudicabitur, non ineptius dici vitriolatum, quàm melancholicum. Quinimò longè etiam melius: cum melancholia talia nec possit, nec præstare soleat, nisi per acidi-

tatem suprà dictam. Hac enim loquendi ratione, longè melius exprimitur virtus dissoluens, reliquæque proprietates, quod facillè patebit ei, qui examussim omnia considerauerit. Et quid prohibeat tandem vitriolatas eiusmodi facultates, vel humores appellare, cùm constet omnibus suis proprietatibus atque viribus ad naturam vitrioli accedere? Nimirum liberum est, & concessum vulgò medicis bilem appellare æruginosam, vitellinam, porraceam, propter affinitatem rerum, à quibus ista nomina mutuata est: Eccur igitur nō & nobis integrum sit idem faciendi, & humores vitriolatos appellandi, quod de natura vitrioli participant? Sed redeamus ad meteora quæ fiunt in corpore nostro: & iam locuti sumus de iis, quæ excitantur à vaporibus liquorum mercurialium, quæ cum aqueis similitudinem habent, atque etiam cum iis, quæ ex meris terræ vaporibus fiunt in macrocosmo. Restat nunc, vt etiam de aliis aliquid tradamus. Quemadmodum igitur exhalationes sulphuræ, nitrosæ, vel antimoniales ex terra in aërem atque nubes subleuatæ, causant meteora ignita, vt fulgura, fulmina, tonitrua, cometas, & his similia: Ita quoque in corpore nostro à fumis atque euaporationibus fuliginosis ex sanguine retorrido & adusto, atque à tot tamque diuersis tartareis sulphureis, atque nitrosis (quibus viscera nostra scatent) effumationibus excitatis, similia producuntur meteora. Eiusmodi quippe materiæ fuliginosæ, vel in ipsis hepocondriis, à ven-

à ventilatione præpedita æstuantibus, subortæ, vel à calore immodico & febrili excitate, tandem efferuntur & subleuantur in cerebrum atque ignita in eo suscitant meteora, manias diuturnas, phrænitides ardentes, melancholias pertinaces, deliria, dolores capitis, epilepsias, & id genus plura. Horum quædam, ob materiæ fuliginosæ tenacitatem, aut copiam longo tempore durant, ut mania: quædam citius finiuntur, ut phrænitides: quædam ferocius hominem exercent, quædam mitius, nempe prout materiæ prædictæ fuliginosæ, vel plus, vel minus fuerint acres, abundantes, adhærentes, salsæ, sulphuræ, aut talis eiusmodi qualitatis magis, vel minus inflammabilis, vel quacûmque alia ratione noxiæ. Est enim magna istarum materierum fuliginosarum diuersitas: Haud secus sanè, ac ipsorum etiam lignorum combustorum differentes fieri fuligines videmus, nempe alias tenaces magis, alias salsas, sulphureas, & eiusmodi diuersitates. Eadem diuersitas etiam apparet in separatione spirituum tartareorû cereuiisæ, defrutorum, vini, hydromelitis & similiû potuum, quorum diuersitas, vel ex odoribus nares ferientibus abundè manifestè apparet. Ita in salibus quoque, sulphuribus, & oleis, quæ destillantur vaporum diuersitas (qui nihil aliud sunt, quàm spiritus à diuersis materieb. tartareis producti) satis manifestè declarat. Horum namque alij sunt acuti, alij acidi, alij mordicantes, alij fœtidi, alij odorati, quidam tantæ acrimoniæ, ut vel

solo odore ferientes cerebrum, moueant successiones, & sternutationes extraordinarias, aut alia quacunque ratione oblādunt cerebrum, vel obfuscando spiritus, aut obtundendo, & conturbando: vel sulphureis illis fumis, aut narcoticis, quales ex plurimis carbonibus excitari solent, sopiendo: ut videre est in plurimis, qui eiusmodi carbonibus assidentes quodammodo lethargici euadunt, aut quomodocumque cerebro vehementer perturbato. Eadem constituendæ differentię in antimonialibus, arsenicalibus, & mineralibus humoribus, vel vaporibus, idque ex eorū effectū, vel septico, vel certè caustico, quod prædicti fumi continent beneficio salis. Tales acres fumi plus satis sæpè oculis nostris innotescunt, quibus & dolores, & inflammationes, & fluxiones acritudine sua accersunt, nosque sæpè, ceu altera quædam Xantippe aut fœmina rixosa perturbatrixque è domo nostra expellūt & arcēt. Hinc ex ea fumorum diuersitate diuersa suboriuntur symptomata, diuturnitate, malignitate, atque vehementia magis, vel minus instantia, idque pro natura, minera, atque conditione qualitatis, vel quantitatis exhalationum, & earum substantiarum, quæ cum iis ceu vehiculo quodam subleuātur. Rursus quoque videmus in visceribus terræ microcosmi non minùs, quàm macrocosmi, in ventribus, inquam, eiusdē ferè effectus fieri meteororum, tam aqueorum, quàm igneorū. Exemplo sunt tympanites, hydrocele, itēque flatus

ab in-

ab infarctibus inclusi, viscera & partes internas concutientes quæ omnia ventos, pluuias terræq; motus præclarè repræsentant: Aquæ verò intus aut inter cutem, mare, flumina, fontes, & riuulos. Denique & ignita meteora variè fiunt etiam in hominè ab exhalationibus spirituum nitrosorum, & sulphureorum, qui inflammati, tot febrium excitant diuersitates, tot inflammationum. Nascentur etiam in hominè diuersæ substantiæ metallicæ, vt arenæ, lapides, seu calculi, qui in variis visceribus, atque capacitatibus ventriculi, fellis, quique in splene, hepate, intestinis articulis, ac in ipsis etiam pulmonibus, atque cerebro procreari solent, vt alibi fusiùs ostendimus quamuis frequentius id eueniat in renibus atque vesica, in quibus partibus sunt minere omnium fertilissimæ. Sed & succi concreti (quos vocant) gignuntur in humano corpore: vt diuersa sulphuris genera, saliumque præsertim plures differentiæ, vitriolata, aluminosa, nitrosa, gemmea: sal gemmæ, aut sal commune salsum, efflorescit in pituita falsa: sal armoniacū acetosum, in pituita acida, itemque in quadam specie melancholiæ acidæ: sal vitriolatum æruginosum, in bile æruginosa: sal aluminosum pungens, & stypticum, in pituita vitrea, eiusdemmet qualitatis prædita: sal nitrosum amarum in bile amara: vrinæ quinetiam penitus nitrosæ materiam nitro simillimam repræsentat: reperiuntur & in microcosmo, perinde ac in macrocosmo, plures aliæ salium differentiæ: sal fac-

carinum in dulci pituita : itémque sal arsenicale & septicú in humoribus malignis, & pestilentibus. Ex quorum salium resolutionibus, sed maxime stypticorum, fiunt quædam species colicæ, quæ tandem in contracturas denegenerant. Ex corrosiuis distincta dysenteriarum genera oriuntur: ex acribus & falsis, ardores vrinæ: ex acetatis orexes ventriculi: ex arsenicalibus anthraces carbunculi, itémque vlcera cancroſa, phagadenica, dysepulotica & similia. Ex eorundem verò coagulationibus fiunt arthritides, calculi, scirrhī, & varia obstructionum genera, prout ipsæ tartarorum, saliumque, quæ in corpore nostro gignuntur naturæ euariant. Sed vt prædicta omnia explicentur meliùs, & clariùs appareant etiã ad sensum (cum ex his emenda sit vera exactaque cognitio causarum morbificarum, qua sine frustra remedia quærentur, aut adhibentur, subiiciemus quasdam demonstrationes manifestas, & ad sensum patentes. Sed breuiter, cum ampliorem specialiorémque istorum tractationem reseruauerimus ad opus nostrum de recondita rerum naturæ, &c.

Notum est, & in confesso omnibus, vel edicto summi medicorum dictatoris Hippocratis: corpus nostrum constare ex continentibus, contentis & impetum facientibus. Continentia sunt partes solidæ, atque firmiores, vt ossa cartilagines, ligamenta, carnes, quæ continent, & quasi coërcēt partes molliores. Contenta rursus in duplici sunt discri-

discrimine. quædam sunt impetentia, exhalantia, impellentia, seu impetū facientia: (vt loquuntur medici) quædam humectantia, effluentia. Prioris generis sunt spiritus balsami nostri radicalis, quos spiritus innatos vocant, siue pacti alicui infixi hæreant, seu per vniuersum corpus diuagentur, generati ex substantia purissima, atque spirituali liquoris sulphurei, & salis alimentorum vitæ nostræ. Spiritus rursus subdiuidunt in naturales, in vitales, atque in animales. Hi omnes vel genuini sunt, atque puri, vel impuri & fœculenti. Illi profectò naturæ sunt purissimæ, atque adeò æthereæ, & vitæ conseruatores. Hi crassi, atque impuri ad illos collati, obnoxij alterationibus, quipè qui de impuritate fœculenta mercurij, atque liquorum salis, & sulphuris alimentorum, plurimum participant: Ex quibus principiis nos constare supra docuimus. Humectantes partes sunt liquores mercuriales, aut id, quod vulgò humores nuncupant, tam naturales vtilis, & nutrientes, qui retinent aliquid de spiritu vitæ, quàm inutiles, & excrementitij. Effluentia seu exhalantia sunt halitus, quo nomine & vapores, quorum supra meminimus complectimur: qui nihil sunt aliud, quàm vel destillatio, & euaporatio illa humida, sublata ex parte aquosiori rerum humoralium seu mercurialium: vel exhalatio sicca rerum sulphurearum aut tartarearum atque salium corporis nostri. Et tales exhalationes nihil quoque aliud sunt, quàm fumi, fuliginésque spirituales,

sed excrementosi, ideoque superflui. Nam præter primas illas separationes, quas natura facit ex parte alimentorum crassiori, & impuriori, per excretiones fœcum ordinarias: adhuc etiam in Chylo, ac in ipso sanguine humorum nobilissimis, sunt quædam impuritates superfluxæ, quas proinde natura separat. Ergo per euaporationes separantur superfluitates humidiores, & ex tantum, quæ in tertia concoctione separantur, quæ assimilari nutriendis partibus nequiverunt. Quapropter à natura expelluntur per ductus insensiles, poros inquam cutis, ut liberiùs perfletur & ventiletur ab aëre calor noster naturalis, aut cordis feruor,

Superfluitates halituosæ quoque æquè participant de sicco atque de humido: hoc est his quæ ex materiebus sulphureis, salis, atque liquoribus mercurialibus exhalantur, atque euaporantur. Quarum quidem pars tenuior, & halituosior per insensiles transpirationes: aquosior per sudores: sordidior verò, atque ea, quæ maximè est fœculenta cutis superficiei obhæret. Quod si verò iam eiusmodi exhalationes fuliginosæ retineantur in corpore nostro (id, quod vel propter frigus ambiens adstrictionemque cutis, vel propter locorum aut ætatis rationem, victus rationem intemperantem indeque enatam dispositionem, aut cutis densitatem similisve occasiones accidere solet) tum fieri nequit, quin eiusmodi corpora infinitis propemodum morbis aliis (præter eos, quos

quos in meteororum aëreorum, atque terrestriū microcosmi classem retulimus) fiant obnoxia.

Notandum verò etiam hoc loco, in omnibus istis euaporationibus, exhalationibúsque ordinariis, exhalare etiam aliquid substantifici nectaris vitæ nostræ, vel balsami radicalis spiritualis. Quæ exhalatio, si fiat lentè, & absque omni violentia, vel vi quacunque, sed continuatione quadã spontanea, & naturali, protrahitur ætas nostra pedetẽtim interim declinando ad extremam vsque senectutẽ, donec omnis aqua vitæ naturæ oleumve radicale (quod lampadi vitæ nostræ fomitem præbet) suffocetur, aut extinguatur defectu aëris, & humidi radicalis, quo fouetur & sustentatur. At si exhalatio illa fiat vi, vel præcipiti violentia, vt accidit in febribus colliquantibus, ardentibus, & affectionibus, atque commotionibus vehementissimis spirituum corporis nostri, vt doloribus atrocibus, extremis atrophiiis, lipothymiis frequentibus, sincopumque incursum vehementi, aut his similibus symptomatis) certè antè senectutem preueniri, adeoque lampadem nectaris illius olei vitæ nostræ suffocatione extinguere necesse est. Hinc mors præmatura plurimorum, & quodammodo violenta; violentiæ tamen causa, ab occasione interna oborta.

Quoniam autem apprimè conducit, & necessarium est vt rectè intelligantur ea quæ de naturis in nobis contentis, (hoc est impetum facientibus, humectantibus, effluentibus, &c.) modò di-

Et sunt: maximè verò, cùm ex iis deueniamus ad cognitionem spirituum nostrorum, & humoris nostri radicalis, vel nectaris vitæ, itémque ad causas conseruationis, prolongationis, destructionis, abbreviationisq̃ vitæ nostræ: iccirco eadem omnia iam declarabo exemplo, quo ad certam perfectamque earum rerum cognitionem quiuís attentus peruenire queat. Nec magni hic facimus præsumptiones, rationes probabiles, vel etiam authoritates, sed demonstrationem nostram in ipsis sensibus fundabimus, vt & ea quæ à nobis dicta sunt, & videri, & palpari possint. Cui si quis porrò obstinatiùs contradicere non erubescet, illud Auerrhonis si bene memini, occinemus: Plus valet vnica experiètia, quàm plures rationes. Experientia autem fit sensu: & qui sensum negat, ille pœna sensus (vt ne quid grauius dicam) dignus est. Quid? quod ipse quoque Aristoteles omnis, demonstrationis, etiam illius τὸ δ' ὅτι, fundamentum in sensu esse dixerit, quis huic porrò repugnare audebit?

Ergo exemplo rursus assumamus vinum, cùm & illud exempli loco sumpserimus suprà. In hoc quàm quæso appertè, quàmque manifestè apparet, eiusmodi separationes, & excrementa fieri? & propria quidem sua natura hoc facit, vt tantò facilius ex analogia hac, quam habet cum nostro sanguine, constet natura alterutrius, atque vtriusque. Ex depuratione enim vini cognoscimus anatomiam vitalem nostri sanguinis: ex eadem

innotescit quinam sint spiritus nostri innati, ætherei, vt & calor noster natiuus, & humor radicalis: quæ duo corpus nostrum fulciunt, vitamque tuentur, & quorum adminiculo alter alterius opus habet: cum humidū illud radicale, sit pabulum, ac fomentum caloris, atque idem hic calor illius humidi beneficio subsistat. Ita hæc duo vndique spiritu perfusa, & quasi connexa, diffunduntur in omne corpus. Eodem hoc exemplo innotescet distinctio humiditatis vitalis nutrientis, ab inutili, & excrementosa. Denique constabit in effluentium genere, quænam sint humida, & quæ sicca; quæ ex iis, naturæ nostræ obesse, aut prodesse possunt. Ex qua quidem sanguinis anatomia plus proficiet (vt ego quidem arbitror) docilis lector, eo ipso, quod & humores illos quatuor, ex quo sanguinem constituunt, referamus & certa quadam analogia conferamus. Sed ad rem tandem accedamus. Quando igitur vinum paratur, vuae torculari primum exprimuntur racemi: at pelliculæ & acini separantur, abiiciunturque. Mox sordibus, & recrementis inutilibus, partim hominum industria, partim ab ipsiusmet vini natura reiectis: Vinum in cados infunditur, atque dolia. In his digestionem facta, atque ebullitione simul etiam fœculentas illas crassioresque superfluitates suapte vi separat atque eiicit. Quo facto, vinum iam ferè factum est. Et potui aptum, atque nutritioni. Prima illa vini artificiosa præparatio (quæ viuaciorum separatione, & expressio-

ne fit) nobis repræsentat quodammodo præparationem frumenti, in qua & farina, & palea separata, reliquum in farinam conteritur, vt nutritioni magis fiat idoneum. ita in ore nostro prima fit separatio carniū ab ossibus, & talium eiusmodi. Expressio autem fit ore, atque dentibus: mox masticatione ritè peracta cibus in ventriculum deuoluitur. Hæc est prima nutrimenti nostri præparatio analoga cum prima illa vini atq; frumenti: respōdetque id, quod stomacho committitur, ei vino, quod in dolia primum infunditur, & farinæ iam factæ. Deinceps ergo in stomacho altera fit naturæ operatio: Illud enim, quod concipit stomachus concoquit, digerit, hoc est omnis generis simul mixtos cibos, sicut vinum in suo dolio, aut aliud quoduis genus potulenti, ex melle, fructibus, hordeo, aut aqua, cui varia incoxerint, parati. Stomachus itaque dolium illud naturæ est, in quo non tantum ei demandata materia coquitur, atque digeritur, sed ab ea quoque separantur foeces tartareæ, & quicquid in eo est extremitatij per ductus a natura ad id destinatos, tandem multa purificatione peracta sanguis fit depuratus, rubens fons & origo spirituum vitæ nostræ: haud secus, ac vinum ritè purificatum cæteris ferè, quæ nutritioni, ac restaurationi vitæ nostræ deferuiunt, præfertur. Sed pergamus.

Ex hoc vino arte & vel leuissimi caloris interuentu per vasa circulatoria, vt vocant, extrahitur ignis naturæ, quem comitatur humidum radica-

le : nempe aqua vitæ, ignea prorsus, atque ætherea, ac verè essentia quinta, tota spiritualis, & naturæ ferè incorruptibilis. Simili prorsus ratione beneficio ignis naturæ, & per circulationem, quæ à calore cordis atque hepatis fit, elicitur ac generatur in nobis ignis ille viuificus, stipatus, atque focus proprio suo humore vinctuoso, & radicali, qui est aqua vitæ, ac verum atque viuificum illud nectar, quinta essentia, & spiritus æthereus ferè, incorruptibilis fautor atq; cōseruator vitæ nostræ. Illud etiam in prædicti vini operatione notandum hîc obiter occurrit, quôdque animaduersione quidem & admiratione dignum est, nempe quod duo tresve solùm carbones accensi sub amplissimo vase, seu cacabo impositi (quod viginti, vel plures vini heminas contineat) calefaciunt ipsum vinum, vinique spiritum ad destillandum promouent: cum ex illo minimo calore, vel multo minor aquæ portio vix tepesceri queat. sed, quod admirandum magis aut notatu dignum est, dum ille vini spiritus per coluurina, vt vocant, nempe per canales aut fistulas æneas oblongas & retortas, ad hancque destillationem apta transcendit, eas, vt & ingens aquæ frigidæ plenum dolium, & ab igne satis remotum (in quo prædictæ fistulæ madent) adeo calefacit, vt vix quis manum admouere queat. Quod sanè ingenti calori, quem vini spiritus per prædictas fistulas transiens aquæ frigidæ impertit, tribuendum est. nam dum totus extillarit vini spiritus, etiamsi sub præ-

dictum vas ignem multò vehementiorem adhibeas, calorem tamen illius aquæ in dolio contentæ sensim extingui & refrigerari percipies. Quod sanè nobis in mentem inculcare debet, quænam sit caloris nostri emphyti seu symphiti proxima causa & origo: quippe hic calor ex continua & perenni circulatione spiritus viuifici sanguinis nostri in nobis excitatur. Hæc aqua vitæ dum tota tandem à calore quodam interno seu externo & violento destillata, aut temporis progressu penitus absorpta est, iam proculdubio caloris illius viuifici extinctio tandem apparet, morsque frigida subsequitur. Sed vt ad rem redeamus, Post extractionem veræ ac genuinæ aquæ vitæ, seu spiritus vini (qui est tota illa puritas trium principiorum hypostaticorū (cuius liquor mercurium, flamma (quam promptè concipit) naturam sulphuream, acumen verò, & vis eximie gustum feriens, spiritum salis armoniaci repræsentant: magna restat copia phlegmatis, seu liquoris mercurialis, qui continet quidem aliquid adhuc spiritus vini. At quod reliquum est, nihil est aliud quàm aqua inutilis, quæ mox vapescat atque corrumpatur simili quoque ratione post extractionem aquæ vitæ, ac verè spiritualis ex sanguine nostro residuus manet in corpore humidus, & humectans ille liquor, quem partim alimentosum, partim excrementosum diximus. Restant vltimò, præter prædicta, fæces, seu residentia tartaræ, & nitro sulphuræ, quæ in se multas
 foeti-

foetidas impuritates, vt & magnam salis copiam continent. Impuritates oculis, & tetri foetores naribus satis superque se produnt, dum diuersa ex his olea vehementi igne extillantur. At ex foecibus calcinatis sal elicitur, idemque fixum cum proprio phlegmate, vt supra docuimus in operatione eiusdem vegetabilis. Sal istud volatile efficitur cum sale armoniaco volatili in proprio spiritu, seu aqua vitæ contento procedendo, vt iam docuimus. Similiter & in sanguine præter spiritum illum vitæ, & liquorem mercurialem (quæ duo re vera separari ab ipso sanguine, & ad oculum ostendi, post digestionem conuenientes, in calore Bal. Mar. qui fit analogus calori naturæ, vt melius & facilius constet, quomodo idem calor eademque natura in nobis easdem faciat operationes & separationes) præter illa duo, inquam, quædam consistentia mollis liquidi instar residebit in fundo, in qua mellita consistentia multas impuritates inuenies, quas oculis & naribus percipies, si ad ignem cinerum calori febrili analogum materia prædicta exsicceetur. Quippe qui nidorulentus ac nitrosulphureus ille foetor manifestè in nobis causat meteora ignita tam superiori, quàm inferiori corporis parte, aliæque innumera symptomata parit, vt ostensum est supra. Sic ignis quoque vi, (haud secus, ac ex vino) ita ex foecibus, & tartaro sanguinis, separari possunt sulphura atque olea picis in modum crassa atque tenacia: adhæc tanto foetore abominanda, vt ne præsens

quidem præ abominando illo odore subsistere queas : ex quibus multa symptomata in corpore nostro suboriri posse quilibet facile colligere potest. Quo peracto, restabunt cineres ex quibus elicitor sal, quod (virtute salis armoniaci naturæ) effici potest volatile, atque fieri id quod Lullius appellat lunariam maiorem, ad imitationem operis vegetabilis. Admirandum prorsus est hoc opus, ex quo fit vera mumia, medicina vniuersalis, verusque balsamus naturæ conseruans atque restaurans. Atque hæc est vera atque vitalis anatomia sanguinis, quem non temerè, sed verè, & manifesta demonstratione, & quasi ad oculum ipsaque adedò autopsia innitèti ostendimus magnam habere cum vino analogiam: cum verus philosophus equè ex vno, atque ex alio (licet alterum maius artificium requirat) norit separare aquas vitæ penitus spirituales, quæ impetentia dicuntur: præterea liquores mercuriales tam vtilēs, quàm noxios, quæ humectantia: denique halitus & fuliginosas exhalationes, quæ effluentia appellantur.

Quod si igitur in vino, quo in dies vtimur ad nutritionem corporis, eoque puro & claro post separationem spiritus eius, videamus tot res heterogeneas, tamque impuras: quanto, quæso, plures solidioresque impuritates deprehēdemus in tartaro vinorum doliis atque cadis adherescente, atque ex fœcibus & residentia vini eiusdem? Qui eximiam illam tartari nigredinem, (quæ manifestatur in calcinatione eius) separationemque spiritus

ritus eius atque olei rubri, nigri, & foetidi, quæ per destillationem fit norunt, atque intelligant, hiluculenter satis testari, fidemque facere poterunt, quantus foetor insit in ipsius sulphure: quanta item sit acrimonia eiusdemmet tartari propter sal, quod ex ipso extrahitur, atque oleum, quod fit ex resolutione eiusdem salis tartari. At hercle in eiusdem vini foecibus, præter iam dicta, longè impuriora, foetidiora, sordidioraque depræhenduntur, ut norunt plus satis illi, qui propter calcinationem earum, ut efficiant cineres, quos vocant clauellatos, extra vrbes in campos atque loca remota concedere coguntur, propter ingentem earum infectionem, atque foetorem, quo & ipsa loca vicina infici solent.

Quid igitur mirum, ut ostensum est superius, si in sanguine quoque nostro post separationem veri spiritus, reperiuntur tot res heterogeneæ, tot impuritates tartareæ, foetidæ atque sulphureæ? quin inquam, eo etiâ magis plures sordes insint, atque foetores in plurib⁹ heterogeneis Chyli partibus, ex quibus primum ortum compositionis suæ, sanguis ipse traxerit? Tartarus ille est sanguinis, qui vasis viscerû adhærescit. Iam verò fecos Chyli nihilo aliud sunt, quàm tot, tantæque diuersi generis excrementa ipsius alimenti in diuersis corporis partibus existentis. Atque à natura omnino digeri, cuius expellique nitro sulphureæ illæ & tartareæ impuritates cum non possint viscera offerciunt, vnde grauissimorum morborum

seminarium, atque prouentus, ut vel hinc, si libere fateri velimus, quod res est, cum magno Hippocrate dicere cogamur morbos, & radices, & semina in corporibus habere. Quod ex prædicta vini & sanguinis analogia euidentissimè patet. Nam apparentibus innititur fundamentis & ad sensum patentibus signis ceu terminis quibusdā, neutiquam verò imaginatione quadam dubia effictis.

Et quemadmodum videmus vernis temporibus, quando natura flores suos protrudit, vini fœces ipso vino permisceri, istud conturbare, & sæpè corrumpere. Quemadmodū in calore eximio solis aut æstatis æstu, pars calidior sulphurea eiusdem vini nempe spiritus exhalare potest, & solet, unde eiusdem vini corruptio consequitur. Ita quoque iisdem planè temporibus fœces, & tartarea illa colluies sanguini nostro permixta eundem peruertit, atque corrumpit. Unde morborum occasio, atque prouentus multiplex. Nam & ab externo, & ab interno calore dissipato spiritu sanguinis, atque separato, necesse est illum corrumpi, cui sanè corruptioni, & ab eiusmodi quidem causis obortæ, omnino plurimorum quoque morborum causa accepta ferenda potius, quàm nudis, & simplicibus illis qualitatibus. Sicut itaque docuimus in separatione veri spiritus vini (qui nectare cœlesti, ac spirituali vitæ nostræ symbolizat, uti dictum) plurimas eius impuritates demum innotescere: ita prorsus, ac eadem

dem ratione fit cum tritico, cum fructibus, & ex his paratis potionibus & cibis, & in vniuersum cum rebus omnibus vegetabilibus eodem modo procedendo, vt de vino diximus. Habent enim & illa non leuem cum sanguine nostro proportionem, iuxta illud: *isdem nutrimur quibus constamus*, & vice-versa haud malè dicas, *isdem constamus, quibus nutrimur*. Participat autem alterum altero magis, vel de hoc, vel de illo, exempli gratia, spiritu, liquore mercuriali, sale, fœcibus, fœtidis & inutilibus excrementis: quæ ratio, quod ex hoc, aut illo cibi genere laudabilior, aut illaudabilior sanguis generetur.

Ex hydromelite itaque (vt hoc exempli, & quasi superpondij loco addam) ex defruto, ex cereuisia, & similium potionum generibus, eorūque fœcibus easdem præparationes, & separationes tam laudati liquoris, quàm fœcum, eodem planè modo, vt de vino docuimus fieri possunt: nec aliter ex his elici principia, & partes heterogeneæ, quàm ex illo. Denique ex omnibus iis, quæ nutritionem præbent homini, ex quorum præparatione, atque separatione, facta demum cum sanguine nostro analogia longè fœlicius, ac melius morborum fontes ediscere poteris, quàm si, (vt vulgò consuetum) ad qualitates recurras, atque humores, & contemplatione quadam ingeniosiori, quàm veriori morborū & symptomatū causas & origines perquiras, atque decernas & placuit quidem ista de exacta & interna humo-

rum anatomia, eorum denique examine artificioso breuibus anticipari. tum, vt ex iis constet, vnde sint petendæ genuinæ signature rerum, veræ, & infallibiles morborum causæ, vt exinde omnem artificiosam componendi, præparandi, & administrandi medicamenti rationem (quam hoc opere quærere, atque docere intendimus) veri philosophi ac medici intelligant.

Sed tempus tandem est, vt id, cuius gratia susceptum est hoc opus, exequamur: nempe, vt doceamus modum parandi & concinnandi omnis generis medicamenta etiam secundum rationem, & methodum dogmaticorū. Subinde quid in vnoquoque rectè quid perperam passim hodie ab omnibus, atque in vniuersum in cunctis practificantium, & dispensatoriorum libris præscriptum sit ac in pharmacopœorum officinis fiat, graphice depingamus, & commonefaciamus. Sicque nec veterem prorsus, nec omnino nouam, sed veterem *φαρμακοποιαν* restitutam, & plurimis nostris inuentis, experimentis, atque compositionum formulis, quibus fœliciter vti sumus, adauctam demus, atque exornatam.

IOS. QUERCETANI CONS.
 ET MEDICI REGII,
 DE DOGMATICORVM MEDICO-
 RVM LEGITIMA ET RESTITVTA MEDI-
 camentorum præparatione

LIBER PRIMVS.

De medicamento definitione & diuisione.

CAP. I.

MEDICAMENTORVM dogmatico-
 rum restitutam præparationem, (in
 quam nunc incumbo) traditurus, ope-
 rapretium esse duxi aliquid de eius-
 dem medicamento definitione, compositionum-
 que causis, specialius præfari. sed id breuissimè
 me facturum polliceor: exactius eadem alio ope-
 re discussurus.

Medicamentum igitur Galeno, & omnibus
 dogmaticis medicis, est omne id, quod naturam
 nostram immutare, & quocunque tandem modo
 vincere potest. Hoc autè vel simpliciter tale est,
 vel secundum quid. Simpliciter tale purè medi-
 camentum dicitur, quòd verè, & semper cum de-
 finitione modo allata adæquetur, & conuertatur.
 Secundum quid medicamentum, nec ita propriè
 appellatū dicere possumus omne id, quod cum
 alimenti natura, quocunque tandem modo, vel
 aliqua sui parte participat. Eiusmodi appellantur

medicamenta alimentosa, & alimenta medicamentosa: de quibus aliàs, quę etiam si lubet commodè huc referri possunt. Medicamento velut è diametro est oppositum alimentum. Quidni? illud enim immutat, hoc simile fit. Mutare, & assimilare sunt contraria. Ergo, & illa, quę hoc efficiunt. Iam autem medicamentum de utroque intermedio, hoc est de medicamento alimentoso, & alimento medicamentoso recedit, atq; participat: tantum & alimentum. Sed id ea lege, atque ordine, ut medicamentum ad finem sit medicamentum alimentosum: alimento alimentum medicamentosum, cuius rei ratio infra dicetur.

De medicamento hoc opere propositum est agere, siue propriè, siue impropriè sumpto, non autem de alimento. Placuit id tamen hæc in tractationis lumine ita distinguere, iuxta illud doctorum præceptum: *Qui bene distinguit, bene docet.*

Iam verò omne medicamentum, aut simplex est, aut compositum. Simplex appellant medicos, non tantum id, quod purè, & simpliciter tale est, cuiusmodi ignis purus, aqua pura, & impermixta, aut tale quid aliud: & in Spagirica medicina, sal, sulphur, & mercurius: Sed quod ad composita collatum, tale esse videtur respectu eius, quod magis compositum est: ut veriùs, simplicius dicas, quam absolutè simplex. Compositum autem est omne id, quod ex simplicibus prædictis concinnatum est. Vtriusque exempla hæc sunt.

Simpli-

Simplicia: Ex mineralibus; metalla, succi, lapides. Ex vegetabilibus: stirpes omnes, earumque partes: radix, lignum, cortex, folia, fructus, semina, Iuli, excrementa, resine, gummi, herbarum succi, denique quicquid à stirpibus quocunque tandem modo procedit.

Ex animalibus, sunt vel integra, vel partes. Integra sunt scinici, onisci, seu aselli, lumbrici, scorpiones, cantharides, aliaque plurima.

Partes eorum sunt: adeps, cornu, ossa diuersa, pili, sanguis, excrementa, &c.

Hęc, inquam, omnia naturalia simplicia in officinis appellantur, nec ullam adhuc præparationem experta. Sunt namque, & alia etiamnum in pharmacopœorum officinis dicta simplicia, non tamen à natura sed arte parata, ut aquę stillatitię simplices, olea simplicia, syrupi simplices: & his similia, quę collatione cum magis compositis eiusdem formę medicamenti talia dicuntur: & viceversa, composita cum respectu ad illa. Quamuis etiam verè, & absolutè hęc composita dici mereantur. Horum omnium cognitio exacta medico dogmatico non tantum utilis est, sed etiam necessaria, vel ipso Galeno dogmaticorū medicorum omnium coryphęo multis in locis illud attestante. [*com. 3. in aph. 1. sect. 5. & 6. Epid.*] Idē Galenus hanc methodum medicamenta præparandi, atque componendi fusè ac doctè tradidit in suo opere de compositione medicamentorum secundum genera.

Porro medicamentorum omnium tum simplicium, tum compositorum materia, vel ex mineralium, vel ex vegetabilium, vel denique ex animalium familia depromitur, vt iam dictum est. Quorum omnium perfecta cognitio consistit in delectu, in præparatione, mixtione, compositione, quantitate, proportionem, atque forma: Præterea in omnium tam simplicium, quam compositorum administratione, atque vsu legitimo. Electio ex arte fit, indicatione sumpta à substantia medicamenti, vel, vt nuperi quidam profundius philosophantes voluerunt, à totius substantiæ proprietate, à qualitatibus omnis generis, earumque gradibus primis, secundis, tertiis, quartis, horumque latitudinibus: à quantitate, numero, figura, situ, loco: & postremo à tempore tum durationis, tum collectionis, quæ omnia breuitatis causa fusiùs hîc non exponemus. Sed de his consulendi sunt veteres, vt Theophrastus, Dioscorides, Galenus, Mesues, & alij, qui de medicamentorum præparandorum ratione scripserunt. Præparationem vero, mixtionem, compositionem, quantitatem, seu dosin, proportionem atque formam docemus in progressu.

CAP. II.

De causis compositionis medicamentorum, secundum doctrinam dogmaticorum.

Non auaritiæ, aut hominum voluptatis inuentum est compositio medicamentorum,

vti

vti Plinius clamat, & more suo, haud semel tragicè, tanquam officinarum commenta perstringit. Sed eorum, qui dogmaticam medicinā tuentur, atque sectantur, (quam suo loco, suo tempore, sua occasione ritè cum spagirica contemperatam, probatissimam, & nobilissimam censemus) summo consilio, summa prudentia, summaque tam necessitate, quàm vtilitate, adinuenta atque introducta. Nam & ipsæmet morborum vel simplicium, vel compositorum naturæ, qualitatēque contrariæ, & variæ circa eos intentiones, pro varietate causarum, symptomatum, partium affectarum, naturæ ægrotantium, conditionēque eorundem pro ætate, conditione, vigore, consuetudine: addam & illud si lubet, pro voluptate, & placito eorundem medicamentorum compositioni ansam præbuerunt, rationēque suppeditarunt.

Sed vt liberè fateamur, quod res est compositionis medicamentorum, præcipua causa fuit, & esse debet, vt commodius, citius, tutius, atque iucundius morborū cura procedat: iuxta illud, quod in votis habuit summus medicorum dictator.

--- *Cito, tuto, iucundè.* ---

At etiamnum vrgentior, & efficacior causa fuit, vt diligentius, & quo fieri potuit circumspecto artificio respicerent ad impugnationē causæ morbificæ: nimirum vt nunc influentem materiam repellerent, nascentem prohiberēt, crudam coquerent, crassam inciderent, atque attenuarēt,

infarctam liberarēt, extirparēntque, vt eleganter hanc rem explicat Galenus cap.5.lib.1. de comp. med.secundū genera.

Interim dum hæc omnia fiunt ad partium situm, naturam, robur vel debilitatem, respicere par fuit. Hæc,inquam,omnia occasionem,& necessitatem quoque pepererunt compositionis diuersorum medicamentorum. Sunt & plurimæ aliæ causæ,quæ hanc medicamentorum mixtionē introducere medicos dogmaticos coegerunt: Nam,vt omittam alias plurimas,quid non mouit eos ad hoc institutum partium affectarum diuersitas, distinctaque conditio, ac interdum etiam contraria? Quid,inquam, antiquos compulit,vt sua πολύχρηστα pararent, atque concinnarent? quæ sanè ab ipsomet Galeno laudantur, & commendantur cap.7.secundū locos & cap.1.1.de compositione simplicium secundū genera.

Enimuero sanè, partis affectę præstantia eandem medicamentorum compositionem iure optimo sibi vindicauit: Hæc ratio, hoc indicium, ista denique necessitas (quam secundū quid, & propter melius vocant philosophi)suasit,& quasi coëgit eos, vt affectibus vel ventriculi, vel hepatis accommodatis medicamentis, perpetuò resoluentibus, aut aperientibus roborantia, & modicè adstringentia coniungerent. Hoc sanè ipsomet præcipit Galenus, vt passim, sic potissimum lib.1. de compositione med. sec. loc. cap. 8. & cap.15.1.13.meth.med.& cap.95.artis parux.

Sic

Sic medicamenta etiam sapissimè miscentur, quæ proprietate quadam specifica partes respiciētes, aliorum vires ad affectas partes ferant: Sic in medicamentis, quibus in affectibus capitis utimur cephalica admiscemus, ut & in remediis quæ cordis, ventriculi, hepatis, lienis, & uteri affectibus conducunt, cardiaca, stomachica, hepatica, splenica, hysterica admiscuntur, ut ex Galeno lib. de comp. med. sec. gen. cap. I. intelligere licet.

Præterea miscentur quoque medicamenta, quando simplicia propter sui crassitiem, aliamve quandam ob causam ad partem affectam internā non peruenire, aut certè vix & egrè pertingere possunt. Idcirco parant sua oxycrata: & metallicis tritis acetum admisceri iubet ipsemet Galenus, [cap. I. lib. 8. de comp. med. sec. gen.] quò nimirum facilius ad intima usque penetrare possint.

Sed & huic mixtioni simplicium studere, ipsa quoque necessitas compulit dogmaticos: Nam cum perciperent plurimis medicamentis simplicibus, maximè verò purgantibus inesse aliquam malignitatem, aut odoris, aut saporis ingratitudinem, necesse fuit admiscere quæ & malignitatē corrigerent, aut saltem infringere, & palatui, atque naribus gratiam aliquam commendarent, atque ingrati saporis, ac nauseabundi molestiam vel reprimerent, vel certè quodammodo obfuscarent. [Gal. cap. 3. l. 8. secund. loc. & com. in aph. II. l. 2. & de rat. vict. in acutis.]

Et quoniam medicamenta non præparantur

solum in rem præsentem, sed etiam in vsus futuros, nempe vt quouis tempore, quauis occasione sint in promptu: ideo & his, & multis aliis de causis reservari debere censuerunt: idque etiam ex summi dictatoris consilio. [*lib. de decenti ornatu*]
 Quare ne putredinem contrahant, suis compositionibus ea admiscent, quæ humiditatem excrementitiam putredinis autorem, exiccent, & absumant: vt sic integra ad plusculos non solum menses, sed & annos, viribusque valentibus conservare possint. Qua de causa mel, saccarum, sal, & his alia similia commiscenda censent.

Porro, si quis alias mictionis, compositionisque medicamentorum causas, & quæ ad legitimam medicamentorum mictionem comparandam requiruntur, exactius scire velit, cõsulat Mesuem in principio Theorematis secundi. Exactè etiam legat Galenum in locis citatis, vt suam hac de rementem consequatur. Cuius tamen fundamenta, & institutũ paucis etiã hoc loco libet delineare.

Galenus itaque postquam morbos ex intemperie simplici & nuda subortos, & cum materię affluxu introduxisset symptomatum manifestis iniuriis animum adhibens, humorũque vitia, ex quibus morbi derivantur, in ipsorum copia, asperitate, visciditate, crassitie, mollicie, cruditate collocasset: istis aduersa opponenda esse remedia ex lege contrariorum censuit. Itaque alteratis, & intemperatis, calida, frigida, humida, sicca: causarum vitiis expurgantia, læuigantia, attenuantia, inci-

incidentia, relaxantia, constringentia, coquentia & his similia opponenda esse decreuit. Saporum proinde beneficio, deinde applicatione (vnde indicatio illa à iuuantibus, & lædentibus) & partim prisorum experientia, partim propria industria, aut etiam empiricorum partim analogica quadā ratione, atque coniectura ad eiusmodi virium atque facultatum cognitionem peruenit.

Iam verò postquam idem Gal. (qua erat summa industria atque ingenio præditus) depræhendisset in vna simplicique substantia interdum dissimilis, & contrarias inesse proprietates, hic correctione, atque retusione alterutrius obfistendum esse iudicauit: (quamuis contrarias illas qualitates leuiusculè tantum & velut per transfennam solummodò attigerit:) hoc autem aliter fieri non posse putauit, quàm admixtione alterius alicuius, vel vnius, vel plurium. Rursus, quia in medicamentis simplicibus vel pauca, vel nimia inerat vis agendi, aut odores & sapores erant ingrati, aut facultates contrarię, omnia obstacula hæc sustulit mixtione, & compositione iam à nobis commemorata. Itémque violentis remediis proprias & anodynas correctiones attulit: venenatis & malignis confortantia, & cordialia adiūxit: ingratamque remediorum amaritudinem cum mellis, & sacchari fœcunditate ab Arabibus deprompta, in quandam dulcedinem, sed vt ingenuè fatear, plerisque nauseabundam, transformauit.

Atque hæ sunt causę, & potissimæ rationes

dogmaticorum cur sua medicamenta miscerent, cur tot compositiones suis pharmacopœis parâdas, & tot pixides, phialas, scatulas, atque ollas medicinis refertas ad vsum reservandas præciperent: quibus non tantum se addictos volunt, sed omnes reliquos, qui medicinam profitentur: empiricos appellantes illos, atque ignaros, qui hisce non tanquam delphicis quibusdam præceptionibus confidunt. At mehercle, ut non usque quaq; improbo ordinem talem in arte præscriptum, ita tyrannidem inconsideratam omnino abdicandam censeo. Toleranda sanè esset vel illa, si non ut habet *αὐτῶν*, ut plurimum *aliud in scripto, aliud in pyxide*, reperiretur. Sed age ut constet etiam illud eorum nobis probari institutum, proponamus & per classes digeramus, quicquid, & olim, & hodie in officinis medicamentorum paratum, & adservatum sit: singulaque, qua ratione fiant in officinis, quæ rectè quæ perperam perpendamus. Subinde si quid novimus melius, publici commodi, & salutis ægrotantium, iuniorumque medicorum (quibus hic noster labor totus dicatus esto) gratia, in medium proferamus: & nostris experimentis propria magna ex parte industria acquisitis, collustremus. Ita fiet spero, ut nec nova prorsus, aut nostra, sed veterum dogmaticorum medicorum placita rectè intellecta, restituta, nostrisque inuētis adaucta, nasutissimus quisque, & vel ipsemet Theon fateatur.

*Ordo & classis omnium medicamentorum vel
arte, vel ratione compo-
sitorum.*

Consuetum est hodie officinis, & quasi in legem abiit, pharmacopœorumq; hodie præcipuam curam summumque studium esse nouimus, ut ad omnis generis affectus peculiaria sibi remedia parent, eaque in officinis, ceu thesauros quosdam, in usum dogmaticorum medicorum adseruent. Nimirum ut felici operis successu, id postulante necessitate, in promptu statim habeant, quod artis nominisque sui dignitatem & gloriam augeant, atque tueantur. Veteres quidem, ut iam supra monuimus, in domo sua conficienda curabant remedia, quibus in casu præcipiti usuri essent, vel etiam ex tempore, si morbus daret inducias. At hodie, quia separata habetur ferè pharmacopœia à medicina, hæcque à liberali disciplina, non mirum si descuerit (excusent, quæso, modesti & prudentis ingenij viri) ferè in mechanicam: quod pharmacopœorum inscitia tribuendum est, qui nullo iudicio consilioque medicorum doctorum directi, sua parant medicamenta. Sed aliter melius multo ab iis, qui reipsa veri sunt pharmacopœi, quique nihil nisi ex arte & præceptorum autoritate & imperio ducti agunt, talia parari solent.

Aque
Vina tam confortantia, quam purgantia
Hydromelita
Oximelita, mellisque varie compositiones
Decocta tum preparantia, tum purgantia, tum sudorifica
Syrupi
Opiate
Condita
Conserue
Sape & Rob
Electuaria mollia lenientia & solutina
Electuaria sicca solutina
Catapotia, seu pillule
Pulueres medicati
Confectiones cardiaca, & ad varios morbos conferentes
Confectiones aromatica, seu species cordiales
Tabelle
Trocisci
Antidota, & compositiones opiate somnum conciliantes
Collyria sicca, quæ Fies Arabibus dicuntur
Olea
Vnguenta
Cerata
Emplastra.

Sed præter ista sunt etiam plura alia, quæ in officinis vel ex tempore, vel sanè in paucorum dierum usum præparari assueti sunt.

Epithemata

Fotus

Balneæ

Collyria

Clysteres

Decocta

Varij succi vel liquidi, vel inspissati

Emulsiones

Scuti

Sinapismi

Suppositoria

Pessi qui etiam à nonnullis Lyciniadi dicuntur,

& plura alia, quæ idcirco prætereo, quòd trita sint omnibûsq; cognita, nec præparatione aliqua egeant, cum in rem præsentem præscribantur.

At in omnibus istis formulis variæ præparationes inseruiunt. nempe

Maceratio

Expressio

Digestio

Infusio

Puluerizatio

Trituratio

Coctio

Solutio

Mixtio, conservatio, & similia.

Quę omnia merę sunt operationes à pharmacopœi industria dependentes.

De his omnibus & singulis ordine quodam sumus acturi, suas præparationes, præparationumque modos consuetos, & non consuetos, sed tamen ad artis præscriptum conuenientes tradituri.

At verò sunt & alia quę in officinis vulgò non habēt, suis tamen præparationum modis vel possent, vel certè tum ad gratiam, tum ad necessitatem & commoditatem interim, omniumque medicorum honorem habere deberent. Cuiusmodi sunt

Diuersarum rerum

Extracta tum purgantia, tum roborantia, & ad sanandos morbos specifica, vegetabilium

Liquores mercuriales, seu spiritus aquei medicati, vegetabilium

Liquores sulphurei, seu olea chymicè extracta medicata aromatum, liquorum, herbarum, florum, seminum, & diuersarum aliarum rerum vegetabilium

Salia vegetabilium aperientia, detergentia, purgantia, & ad plures affectus specifica remedia

Salia pyrotica, seu caustica vulgò dicta ex vegetabilibus comparata.

Operas autem pharmacopœum scire decetia non tractant, aut certè rarissimè, & paucis in locis,

locis, nisi ab industrio & harum rerum gnaro medico fuerint edocti: Vt sunt, Calémationes seu incinerationes, dissolutiones, filtrationes, coagulationes, destillationes. Nimirum talia, & similia ad Chymicam, seu Spagyricam medicinam putantes, cum tamen, & eadem sibi commodo, utilitati, summoque honori sint profutura. De his omnibus autem eo ordine, ac methodo agemus, ut singula suo tantum loco, & ubi ars, & necessitas tractationisque series id postulat, perspicue, atque dilucidè explicemus. De his in nostra pharmacop. Spagyrica si Deus vitam cōcesserit plura dicturi.

CAP. IIII.

De aquis destillatis, & de destillatione in genere.

Posterior ferè ætas aquis stillatitiis maxime incumbit, ut eas parandi ars hodie mulierum verius esse videatur, quam medicorum. Ergo methodo, & ordini nostro suscepto insistentes, dicamus prius, quæ, & quales aquæ hodie habeantur in officinis: Deinde quomodo ab iis parentur. Tum in quo delinquant, & peccent in earumdem præparatione, & qua arte atque industria parari debeant aquæ stillatitiæ, clarè, & veraciter doceamus. Tandem plures pulcherrimarum, utilissimarumque aquarum tam simplicium quam compositarum longa, diuturna experientia, atque industria multorumque ægrotantium, cum salu-

te, atque solatio conquiritarum, & in vsum translatarum, descriptiones & præparationes aliquot proponamus: sicque caput hoc de aquis, secundum dogmaticam medicinam paratis, finiemus.

Sed antequam ista omnia fiant, aliquid in genere de destillatione, & ad eam pertinentibus rebus, ac operationibus differendum. Et si destillatio Spagyricum sit inuentum, vt in Spagyrica potius pharmacopœa de ea agi conueniat, ita tamen hodie non tantum in officinis, sed apud vulgus quoque innotuit, vt destillationis modum plurimos se intelligere putare videam, paucos vero, qui ea in re aliquid recti, atque perfecti sapiant. Non possum itaque non summam quæ ad illam pertinent, hoc loco opportuno complecti, maxime, cum id pharmacopœi, quem informare, & corrigere intendimus, sit opus haud minimum. Reliquum quicquid esse potest specialioris considerationis in aliud, quod paramus opus referatur. Ergo Alchymia seu Spagyrica, quæ inter quatuor medicinæ columnas à nonnullis recensetur, quæque omnium corporum compositiones & dissolutiones, eorumque præparationes, alterationes, atque exaltationes patefacit, illa, inquam, & destillationis quoque inuentrix est, atque magistra. Vtitur namque ea septem operibus, ac ceu quibusdam gradibus, quibus, tanquam organis quibusdam necessariis, rerum transmutationes instituit atque perficit. Per transmutationem autem hoc in loco intelligimus, cum res suam

formam

formam extrinsecam amittit, & ita alteratur, vt prorsus priori substantiæ, & formæ suæ pristinæ non sit similis, sed aliam nunc induit formam, atque aliam assumit essentiam, alium colorem, aliam virtutem, aliam denique naturam, & proprietatem. Exemplum esto, vt cùm lintheamen sit papyrus: metallum vitrum: pelles seu coria gluten: herba cinis: cinis sal, & sal liquor: mercurius res mobilis admodum, quoddam fixum, vt cina-
brium, & puluis. Septem autem isti operationum gradus sunt.

Calcinatio
Digestio
Fermentatio
Distillatio
Circulatio
Sublimatio
Fixatio.

De quorū omniū vtilitatibus hîc maximopere à nobis differi nihil attinet, cum eæ in hoc opere passim & alio opere exactius sint manifestandæ, & aperiendæ. Quanquam autem solutio, & putrefactio, vt plurimum præcedat, aut certè præcedere debeat destillationem in ipsa praxi, placuit tamen primo loco de hac agere tanquam de principaliori operatione, communiori, & ad quam reliquæ ferè referantur, vel saltem propter eam fiant.

Hic multa dici possent de destillationis etymo: cur sic appelletur: An destillatio differat ab

elixatione : item de antiquitate destillationis : de dignitate, eiusdemque vtilitate : An præstent destillata decoctis dilutisque. Sed ista omnia in aliud tempus sunt reſeruata,

Destillatio autem, de qua hîc orationem inſtituimus, eſt liquoris aquei ſeu partis humidioris in halitus à calore extenuatio, atque ſublatio, & ob frigiditatem aëris in aquam conuerſio. Vel eſt puræ, & liquidæ ſubſtantiæ à diſpoſitis adhære corporibus extractio per calorem.

Arabes, & qui eos ſequuti ſunt complures nō nunquam appellarunt ſublimationem latiori nomine, qua in ſublime vapores ferūtur, ſed Spagyricis hæc ſatis proprio. Nam aliud gradus eſt à deſtillatione diuerſus, ſublimatio, in qua in altum quidem vapores à rebus ſiccis attolluntur, ſed nō vt in aquam degenerent : verum vt ſicciores puriores, ſplendidioresque fiant, adhæreantque ad vaſis latera, & operculum. Neque enim, quod ad ſublimationem propriè dictam pertinet, roſtrato pileo opus eſt, niſi ſit colligendi aquam animus, quæ exundabit. Itaque, vt ex rebus terreſtribus partes puriores ſeparentur, ſublimentur ſulphura volatilia, & ſalia volatilia. Cū deſtillatio contrà in aquam fluentem, ſeu liquorem eas adducat, ex deſinitione deſtillationis facilè patet, quænam ſint ea, quæ deſtillari poſſint. Cū enim deſtillatio nihil ſit aliud, quàm liquoris aquei, ſeu rei humidioris in vapores extenuatio, & in aqua conuerſio : ſatis inde conſtat ea tantum deſtillari poſſe,

posse, quæ & humiditatem in se continent, & halitus emittunt, qui rursus in liquorem fluentem cogi possint. Peripatheticę philosophiæ princeps Architectus Aristoteles constituit discrimen inter ea, quæ exhalant, & quæ euaporant. Nam exhalant, inquit, quæ à calido comburente fumum emittunt, in quo siccæ, & humidæ partes ita coniunctæ sunt, vt non tanquam duo, sed vt vnum calido subiiciantur, & diuelli vna pars ab altera non queat. Quamobrem huiusmodi fumus, neque madefacit, ob siccum combustum sibi iunctum, neque in spiritum vertitur, cùm distrahatur, dissipeturque, sed magis inficit, quod in fumo lignorum videtur: qui, vt docet Albertus Magnus, ob siccum terreum adustum atro inficit colore, qui adhæret propter humidum, quod tamen cum exiguum sit, non continuus est, & durus apparet, nisi ab vnctuosio educatur. Tū enim nidorem appellant, quemadmodum è pingui fuliginē: vt ex resinis ferè omnibus fit fuligo. Quid verò intersit inter pingue, & vnctuosum Aristoteles insinuat. Nam picem, ceram, thus, & quæcunque picem habent pingua vocat: oleum autem, & quæcunque oleosa sunt, vnctuososa. Videtur itaq; ex his, quæ Aristoteles prodidit colligi posse, ligna, ossa, oleum, ceram, thus, & huiusmodi destillari non posse, cum horum fumi non madescant, ex ipsius sententia: sed in aërem extenuentur, nec possint in aquam cogi. Oleum enim ex sententia Aristoteles, non incrassatur, neque eli-

xatur, quia non est vaporabile, sed exhalabile. Ad hæc cum idem dicat mirrham, thus, & cætera, quæ lachrimæ appellantur terrea esse: quæ autem talia sint non exhalare, cum nequaquam liquentur. Quapropter frustra eorum instituetur, aut suscipietur destillatio. Satis etiam perspicue idem Aristoteles asserit mel, lac, oleum, salem, nitrum, & sanguinem in igne non euaporari, sed crassiora reddi: causamque adferens, ait, ideo id evenire, quod mel sit naturæ terreæ: & alibi, inquit, oleum esse aëreæ, atque terreæ, lac aëreæ & aqueæ & sanguinem (præsertim fibrosum) aqueæ, & terreæ, sed magis terreæ, sal, nitrumque eiusdem naturæ, quare incrassari igne, neque euaporari.

At mehercle contrarium nos docet philosophia Hermetica, ipsa experientia rationum vi-
trice stipata. Nam ex prædictis omnibus stillati-
tij liquores elici possunt, sed per diuersos modos
vti norunt id, vel semestres Spagyrici, & nos suis
locis exactius docebimus. Nec est omitten-
dum etiam illud Aristotelis, & prisca illius ævi e-
tate multa vera fuisse præsertim quæ de hac disso-
lutionum ac eliquationum materia disputari pos-
sunt. Vera, inquam, non simpliciter, sed secundum
quid: quia eiusmodi operationes Chymicæ istis
temporibus nondum innotuerant. Nondum sa-
nè cognitum erat tum salis genera à calore dis-
solui, & rursus alia in eodem, & quidem summo
congelari posse. Nondum innotuerant liquores,
qua ratione ex salibus elicerentur, quæ vel corpo-
rum

rum durissima metalla dissoluerent. Non olei ex cera conficiendi ratio, nō sublimatio corporum fixorum, atque solutio; non coagulatio volatiliū, atque spirituum. Et, vt breuibus rem compræhendam, ad externa, & ordinarium naturæ calorem respexit vir ille, cuius vires, & exactè cognitas habebat, & quid in vnamquàmque materiam possit: ita in artificialibus ipsum, aut non exercitatum fuisse, aut certè de iis nihil prodidisse, satis constat ex iis, quæ ab illo prodita ad hanc nostrā ætatem peruenerunt. Non igitur cognitas habuit operationes Chymicas. Non enim ita scripsisset summus ille vir. Sed ex iis principiis, & fundamentis, quæ posuit ille, Geometricorum more, & rectè, & euidenter, & candidè decreuit. At, inquires, vnius rei vnica tantum veritas, At inquam, veritas non est nisi in animo percipientis: Veritas, inquam, considerationum, & operum artis, neutiquam verò scientiæ quæ perpetuò vna est, & simplex. At artis variat, pro artificum ingenio, industria, & inuentionis modo, pro cuius diuersitate effectus sæpe contrarij consequuntur. Ergo Aristoteles excusandus est hac ratione, & præterea ei gratia quoque habenda, quod tam viuus, & tanta facilitate compræhensibilibus rationibus externis posteritatem docuerit. Non tamen ita suspiciendus est, vt huic nihil detrahi, nihil demi posse videatur. Nam artes contrarium docent, & ex his potissimum artium nobilissima pharmacopœa artificiosa, quā à Spagyrica nihil nisi no-

mine solo, differre existimamus.

Dicamus itaque longè aliter, atque diuersa ratione de rebus hodiè decernèdum, statuendūque esse, postquam tot aquarum, tot liquorum, tot præparationum genera, & dixerim penè ipsis, si reuiuiscant, miracula futura, sunt introducta.

Enimuero si vel Hyppocrates vel Aristoteles, vel ipse etiam Galenus nunc reuiuiscat, obstupe-
scat sanè tot ornamentis artem adauctam, atque illustratam: tot nouis inuentis ditatam, tot mirificis operationibus confirmatam. Quod si nuperus ille Budæus, lumen illud Galliæ, & vniuersæ adeò Europæ præcipuus literarum cultor, & restitutor, coniugis auus, in vltima hac ætate miratus sit crysulcam aquam, quam fortem vocant, dissoluere metalla, quo tamen seculo id non vsque adeò infrequens erat: quid quæso faciant, aut dicant illi qui nihil istorum nec cogitarunt, ac ne subolsce-
runt quidem? Verissimum itaque est, quod sapi-
entum quidam medicorum nostri seculi ait: Cre-
uerunt cum ingeniis, & ipsæ scientiæ, artésque magna & inæstimabilia incrementa sumpserunt. Sed vt (quod nostræ ingenuitatis sit, atque modestiæ) tueamur quantum licet priscos illos Atlātes, fatebimur vel vltro, eo calore, hoc est exter-
no, eoque artificio ignis de quo ipse loquitur, fornacibus notissimo, dissolui non posse, atque destillari: At posse alia, ipsis, & omni illi seculo, aut in hoc, & aliis nostris operibus methodo per-
facili docebimus, atque declarabimus.

De destillationum differentiis.

Destillationis modi diuersi sunt pro diuersis rationibus, modis, atque subiectis; vnde diuersæ destillationis differentiæ exurgunt. Prima à rebus è quibus humorem, vel liquorem elicimus desumitur. Nam alio modo mel, alio sulphur, alio vinum, alio cera, alio terebinthina, gūmi, vt mastix, euphorbium, styrax & reliqua eiusmodi: alio salia, alio herbæ, alio radices, alio flores, alio denique semina destillantur.

Secunda, ex differentia liquoris stillatitij desumitur: nam aliter aquæ, seu stillatitij liquores: longè autem diuerso modo olea ipsa eliciuntur. Exempli causa ex herbis, floribus, radicibus & seminibus non siccis, sed virentibus aquæ per simplicem destillationem eliciuntur sine admixtione alicuius liquoris. At ex radicibus herbis floribus & seminibus siccis & odoratis præsertim mediante aqua aut quouis aliquo alio liquore admixto olea superuacantia eliciuntur. Tertia differentia à materia, & figura vasis dependet. A materia: nam aliud est terreum, aliud æneum, aliud plumbeum, aliud vitreum. A figura: alius namque destillationis modus per alembicum, alius per cornutam, alius per matrarium, alius per pellicanum &c.

Quarta à vasis situ, nam vel recta cucurbita, cui rostratum capitellum imponitur, vel incurua, aut inclinata. cuiusmodi destillationes per a-

scensum dicimus: seu cùm vnus matratij (quod vocant) seu cucurbitæ collum in alterius collum immittitur, quod bociam contra bociam, vel botum barbatum destillatores Chymici nuncupāt. Nimirum quando per concursum vasa ita iunguntur, vt alterum alterius os excipiat, idque diuerso positu, & situ recto obliquo, procumbente, &c. Atque his ferè destillantur, quæ difficile ascēdunt, succique minus habent. Multa etiam per descensum destillantur, vase eo, quod materiam continet, inuersim alteri imposito: qui modus per descensum vocatur, & contrarius est ei, qui fit per ascensum. Per descensum destillantur gages, & varij generis ligna pingua, vt Gaiacinum, iuniperinum, & resinarum genera. Quod si verò accipiamus latius destillationis nomen, vt sit humidieductio à calore: Ad hanc etiam referri poterit ea, quæ per descensum fit inuerso cucurbitæ ore.

Quinta à gradibus ignis, qui sunt quatuor, primus, secundus, tertius quartus. Primus est lentus, qualis est ignis balnei, aut vaporis: secundus cinerum: tertius arenę vel sobis ferri: quartus est ignis nudus, vt vocant.

Cum primo, & secundo ignis gradu destillamus per ascensum: cum tertio & quarto, per concursum, & descensum. Sic destillantur olea ex salibus, vt sale communi, vitriolo, & reliquis huiusmodi. Item

Destillatio complectitur sub se tanquam partes,

tes, ac veluti succenturiatas, aut certè haud multum abfimiles operationes,

Exaltationem

Exhalationem,

Circulationem,

Rectificationem

Cohobationem.

Exaltatio est superflui, & impuri humoris à puro euaporatio, in quo differt à destillatione, in qua liquores extrahuntur specie vaporis congelati in liquorem, seu aquam. At exhalatio fit penitus euaporato humore aquèo, idque sola cucurbita absque pileo, aut patella vitrea, cuiusmodi operatio frequens est, & consueta in parandis extractis vt essentia croci, sennæ, radicum omnium, rhabarbari, hellebori, & similib. vti docebimus.

Circulatio est frequens & crebra rei destillatæ ascensio in vasis ad id accommodatis, fitque per se sine fœcibus in organis, quæ pellicani artificibus appellantur exempla sunt.

Rectificatio est repetita liquorum destillatio, quò multum purificentur, & magis exaltentur.

Cohobatio, est quoque destillationis repetitio, qua liquor destillatus rursus fœcibus affunditur, & denuò destillatur, vt fit in arcano vitrioli.

Porro per destillationem omnes aquæ liquores & olea proliciuntur ex omnibus lignis, herbis, seminibus, & floribus. Ex omnibus verò pinguius oleum extrahitur.

*De destillationis quibusdam quasi præludiis co-
mitibus, & veluti ancillis, nempe fermenta-
tione, concoctione, & digestionē:
operibus apprimè phar-
macopœo neces-
sariis.*

NON sufficiat pharmacopœo simplicē tenuis-
se destillationis modū: de quo iam egimus
in genere: sed opus habet insuper, vt præparatio-
nes sibi inservientes exactè cognoscat, si, vt indu-
strius pharmacopœus debet, suas res ex arte pa-
rare velit.

Eiusmodi autem sunt, fermentatio, concoctio
atque digestio. Quas operationes si ritè intelle-
xerit, naturam quodāmodo imitatus, varias pul-
chras atque vtilēs præparationes efficere pote-
rit. Nec pharmacopœum tantum easdem novis-
se par est, sed ipsum etiam medicum pharmaco-
pœis præcipientem, si suo honori, & ægrotan-
tium salutē consultum velit. Sed talia hodie ita in
despectum abierunt, vt vel negligent ista multi
medici, vel certè superciliosè contemnant, ne-
scientes nimirum, quid utilitatis eiusmodi præ-
parationes post se trahant. Et certè, non video,
cui potius causæ eiusmodi pertinacissimum de-
spectum tribuam, quàm meræ ignorantia: cum
satis notum sit, non contemni aliquid, nisi ab i-
gnorante. Et quid non contemnunt isti larvati,
qui

qui & præparationes medicamentorum contemnunt? qui nihil aliud, quàm cruda, & impuritatibus scatentia suis ægris propinant? malunt nimirum obstinatius in errore suo pergere, etiam cum ignominia, & ægrotantium iactura, quàm rectè monita sequi, ne non satis sapuisse, aut ab aliis aliquid melius didicisse videantur. Necessitatem aspiciant vitæ nostræ, ut discant eam coëgisse nos querere præparationes ciborum ad alimenta corporis necessariorum: in quibus tamen præparandis tanta fortè necessitas non fuit, quanta debet esse in præparatione medicamentorum sanitatis causa generatorum. Respiciant frumenta: quæ non cruda, qualia ex terra emerferunt, statim pro cibis offeruntur: sed separata prius palea & furfure in farinam rediguntur: quæ etiamnum non cruda, sed fermentata ritè probèque subacta pinfitur & coquitur, ut fiat panis aptus nutritioni. Non itaque vnica tantùm & simplex præparatio est panificium: sed multiplex, artificiosa, & insigne magisterium. Nam fermentationem considera, qua panis levis & ad nutritionem aptissimus fit: tantòque leuior atque salubrior, quantò magis fuerit fermentatus. Ponderosior verò, nutritioni ineptior, & insalubrior, quanto minùs fermentatus fuerit. Quæ sanè præparatio, si non præcedat, sed farinæ simplici aqua affusa, & ita cocta, pro pane, glutinum naturæ noxium parabis. Nūquid vides, ut amyllum, res tenacissima, sola aquæ infusione paretur? aut panis non fermentatus, si cum

modico aquæ irroretur, digitisque subigatur in tenacem, ceream, & prorsus glutinosam substantiam abeat? Quid igitur putas futurum in stomacho atque visceribus, præsertim debilioribus, si eiusmodi offeratur? nempe talis nihil aliud quam obstructions, materiam calculosam, & plurimorum morborum seminaria procreare potest. Quapropter in regimine therapeutico eiusmodi vsum, cuiusmodi sunt placentæ farinaceæ pistæ, (sougassés vocant nostri) pistoria opera, & similibus pastarum non probè fermentatarum curiose interdicere solent. Nec tamen, quod mirum est, satis attētè ad causas, cur id faciant, aduertūt. At sciant eam solam ob causam fieri potissimum, quòd pastæ, ex quibus eiusmodi panes fiunt, non ritè sint fermentatæ. Tantum prodest hæc præparatio, vt pharmacopœo omnino cognitu sit necessaria. Hæc quippe attenuat omnem substantiam, hanc soluit à suo corpore, & impuritate terrestri, vt apta fiat postea ad producendum verum balsamum radicalem, atque spiritum viuificum. Huius solius fermentationis beneficio (vt postea pluribus patebit) eliciuntur aquæ vitæ ex omnibus seminibus farinaceis, atque adeò ex ipsis etiā rosis, deniq; ex omnibus floribus, herbis, & in vniuersum vegetabilibus cūctis. Per hanc fermentationē seu fermētum hoc naturę pari modo omnes corporis nostri humores attenuātur subtilianturque. Hinc cognoscas licet, quemadmodum vel modicum acidi fermenti vniuersam pastam

stam

fram fermentat, & panē leuissimum, atque concoctu facillimum reddit, qui alioqui futurus erat grauis, & ad digestionem ineptus: ita etiam per eandem viam fermentationis, quæ consistit in liquore quodam acetoso naturæ, nostros humores attenuari, atque ad excretionem disponi: ideoque sunt quædam acida quæ sudores mouent, quamuis ea ex medicorum sententia sint frigida. Et sanè qui eiusmodi præparationem, quæ per fermentationem fit, panificio non adhiberet, sed tantum grana frumenti, sicut à natura producta sunt, aquæ incoqueret, quid quæso gratiæ tam nobili alimento conciliaret? Quid vtilitatis adferret naturæ? immo quid non molestiæ eidem, ex re alioqui nobilissima vtilissimâque crearet? At parantur hoc modo, atque huc vsque medicamenta in officinis. Non dicam homines absque panificio etiam fermentato viuere non posse: Notum enim est, & tradunt historiæ plures nationes magna ex parte simplici hordei, aut leguminum, vel radicum (vt hodie solent Indi Americani) decocto viuere. At nostros homines absque eo æquè commodè atque salubriter victitare posse, illud verò pernego. Digni sunt profectò qui allia comedant, qui nolunt meliora. Nimis crassa hercle ista medicatio, & suis cultoribus tantum digna. Referamus, exempli gratia, quod omnibus notum est, quid agatur de vino. Huius pulchram præparationem, qui non attento & philosophico animo contemplatur, non meretur sanè vt bibat.

Primum separantur racemi, vinacea, pelliculæ: tum exprimitur succus, hic rursus in doliis suamet natura efferuescit, spumam eiicit, fœces deponit, atque tartaream materiã, donec depuretur perfectè. Quæ profectò præparatio, licet naturalis quodammodo sit, iuuatur tamen ab arte. Frustra namque vinum à natura præstoleris, si non exprimas succum, & ritè præparatum in dolia infundas. Nec similis utilitas ex uvis, quæ ex vino. Helveticos milites nouimus, ceu strage quadam, vineta obruisse, vuasque magna voracitate depauisse. At quid accidit? Nimirũ crudũ, non coctũ, nec ritè fermentatum vinum, quod vorare, quàm bibere maluerunt, voracitatis inconsideratè (licet fortè ob famem utcunque necessariæ visæ) dederunt pœnas. Nam dysenteria paulò post maxima eorum pars interiit. Salubrius, & lætius egissent, si quo vnice gaudent, merum perfectum, & ritè fermentatum fuissent præstolati. Quid dicam de reliquis cibis? carnes non crudæ, sed debite coctæ, atque conditæ comeduntur. Eadem quoque ratio est in aliis cibis.

Nunquid vides, vt industriæ percupidæ mulierculæ nonnullæ, suis ægrotantibus ex carnibus, & volatilibus parare norint colaturas, gelatinas, consummata? At hæc extracta sunt. Separantur quippè terrestria à laudatiori substantia, & ægro conducibiliori. Cur non idem facimus de medicamentis? Ægri certè natura, iam plus satis prostrata, crudeos istos cibos sustinere nequit, sed ab
iis

iis patitur, aut etiam succumbit. Quantò istud magis fiat à medicamentis non ritè præparatis, & ab impuriori sua substantia seiunctis? Nihil profectò aliud, quàm impedit eiusmodi impuritas, quo minùs medicamenti vis genuina cum hoste suo, morbo, inquam, eiusque causa congregiatur, eumque vincat commodè, atque pessundet.

Quid igitur fiat de iis medicinis, quæ non tantùm cruditatem in se contineant, sed malignam quoque qualitatem aliquam: & talem non separatam, aut ritè præparatam, vel castigatam etiam porrò exhibere audebimus? Solent, & (proh dolor?) solent, ac nimis verò, sæpè, inquam, solent, eiusmodi decocta, puluerata, mixta, nec alio vllò artificio parata medicamenta ægris plus molestiæ, (ne quid grauius dicam) adferre, quàm solatij, atque auxiliij. Non itaque spernendæ, aut negligendæ sunt eiusmodi præparationes, concoctiones, inquam, digestiones, & fermentationes. Nam hæc si fiant, ad imitationem fient naturæ, quæ iisdem vtitur operationibus ad perfectè maturandos fructus, resque, quas producit vniuersas. Sed pergamus.

Aristoteles in quarto meteoror. tres constituit πείπσις, siue concoctionis species. Prima est πείπσις, quæ est humoris in humido semine existentis & indefiniti, à calore naturali facta cōcoctio. Modus autem hic concoquendi, maturandi, atque perficiendi plantarum, & reliquarum rerū semina, vt germinent, & fructus vberrimos pro-

ducere possint, est autem opus solius naturæ, quæ pro instrumento vtitur illo calore viuifico, qui elemento stellarum proportionem respondet, ut idemmet ait Aristoteles. Hunc ars si non imitari, ipsius tamen sequi vestigia potest. Secunda concoctionis species est, *ἡ δρις*, seu elixatio, quæ est indefiniti in humore existentis concoctio ab humido calore facta. Tertia, & vltima est *ὁπθρις* seu assatio, quæ est eiusdem interminati à calore arido, & alieno facta concoctio.

Hæ duæ vltimæ concoctiones ab arte præsertim fiunt: circa quarum moderationem diligentes pharmacopœos erudiemus, diligentes, inquâ, & verorum medicorum, artisque obseruantes, non nugiuendulos, qui candelas, faces, & nescio quid nugarum conficere, atque diuendere malût, & mercatoria merce officinas suas opplere, quam artis operibus incumbere, suamque artisque suæ, quàm temerè profitentur dignitatem tueri. Sint igitur pro liberalibus, mercenarij, & sordidi, non artifices, artisque (quotquot sunt humano generi summè necessariæ, & almæ medicinæ famulæ) cultores, sed mercatores, mechanici, spem in pōpa collocantes, atque lucro. Hostem in vrbe malim videre, quàm hos nebulones. Ab illo enim cauere norunt sibi ciues. At ab istorum perfidia, quam vel ignorantia, vel malicia vel sanè negligentia præstant, quis sibi cauebit, nisi qui eosdem extra vrbium pomeria eiiciet, atque exterminabit? De impostoribus hoc dico, & pharmacopœi
titulum

titulum falsò vsurpantibus, & mercatoriam auaritiæ causa cum ea confundentibus, non de candidis, bonis, atque diligentibus, ad quos hic noster labor pertinet, quibûsque hæc nostra studia, & admonitiones in salutem plurimorum, ipsorumque laudem & emolumentum dicata sunt. Cautius prisci medici, iisque summi viri sibi consulentes, in maiori hanc artem habuerunt honore, & domi suæ manibus propriis medicamenta parabant. Solemus sanè, & nos nostra quædam arcana, neutiquam istis porcis prostituenda, curare, vt ab amanuensi parentur domi nostræ; non vt lucrum exinde quæramus, sed honorem, artis laudem, & amicorum gratiam, quod norunt omnes, qui nos norunt & à nobis acceperunt. Tam alienus est animus noster ab auaritia, & habendi satagentia. Sed de hac re satis, pro occasione, nunc dicta sint. Pluribus non opus est. Res loquitur ipsa. Vos verò quotquot estis genuini dogmaticæ pharmacopœæ sectatores, incumbite saltem vobis necessariis operationibus iam dictis, atque porro etiam dicendis. Non obruam vos nouis & inauditis præceptis, aut præparationum modis: non difficilibus aut nullius utilitatis, sed qui vestram officinam deceant. Non noua formacum introducā genera, sed ea ipsa, quæ vobis si non consuetata sunt, at sanè esse debent, atque vestræ necessaria existunt. Denique non nouo aliquo docendi, instruendive genere hiantes animos vestros opplebo, vel cōfundam ne videar vobis

prodiisse nuper ex nescio cuius Paracelsi omnibus ferè, vt video, exosi schola. Hoc iniuriæ enim nomen inurunt hodiè plerique eis, quos non suæ farinæ homines, hoc est, res tibi nō cognitæ proferre animaduertūt. Aiunt enim (viri etiam præcipuè notè) detegisse istum mercēs pharmacopœorum auratas eorum adaperuisse pyxides, in quibus vix aliud quicquam, quàm aërem putidū, pro salubribus istis mercibus quas petebat reperisse. Hinc, quòd talia sparserit in vulgus, mirum quot opprobriis, quot conuiciis miserum laceffuerint. Atque vtinam non tota etiam Galenicorum schola genij sui morbum in eo ostendissent. Qui sic sapiunt, rectius meo quidem iudicio sese Galenicos dicent, quàm dogmaticos. Erat Galenus eximiæ eruditionis vir, & magnæ experientiæ, sed reprehendendi studio, si quis alius probatorum autorum flagrabat, vt patet ex eius scriptis. Veri autem dogmati non sic. Sed veritatem sectantes, & rationis ductum modestiores se, atque equanimes præbent, non turbulentos, maledicos, & reipublicæ medicæ perturbatores, ad me quod attinet, fateor, & gestio dogmaticū me medicum melioris omnis genium cōstituisse; ad quorum ordinem vocatione legitima promotus sum iam antè annos triginta. Summorum virorum, & publicæ Reipublicæ dogmaticæ iudiciū esto, an dignus eam spartam sim nactus, & an cum laude in illa etiamnum verfer. Quicquid sit, istud mihi satis esto, placuisse conatus, & studia

dia mea ipsaque adeò etiam artis officia, summis regibus, atque principibus, qui me sibi in ordinem intimorum, atque familiariorum medicorum suorum haud postremum asciuerunt. Summi Hippocratis diuina scripta, cœu quædam quasi oracula suspicio: admiror Galeni summum ingenium, & in docendo sagacitatem, atque promptitudinem. In horum scholis nutritia mea hausi, eadêmque in dies publice vtilitati rependere conor. At mehercle non ideo me schismaticum esse autumo si Paracelsi quædam scripta præsertim ea, in quibus Hermetis dogmata sectatus est, probem, dilaudem atq; dilucidem: maximè cum constet indubiè omni vero, candido, atque cordato medico, illum velut ex Cimmeriis produxisse multa præclara artis ornamenta, multas admirandas præparationes, atque medicamentorû proprietates, quibus artem nostram locupletauit. non tamen me sibi aduocatum constitui, vt causam eius suscipiam defendendam. Nec multum curo, quid in Theologia ille scriptitarit, aut in philosophia, aliisque scientiis abstrusioribus, Ipse viderit, si quid præter diuinorum oraculorum veritatem, & reuerentiam à se prolatum. Assumo ea tantùm, quæ ad artem faciunt, quorum tot, tantæque inuenio mysteria, vt habeat posteritas, in quo ipsum commendet, & admiretur. Si quæ nouo, vel cælato scribendi genere scripsit, nec probo, nec non probo. Non probo, si animo prorsus cælandi id fecit: Approbo, si propterea id

fecit, ne, quod in prouerbio est, *Perlas obiciat porcis, mysteria ignorantibus, sapientiam contemptoribus*. Si quid secus improbo, imo detestor, ut iam istud feci publico scripto in libello nostro iam ante viginti quinque annos edito cōtra Aubertum quendam. Et certè optandum esset, doctissimos & summi alioqui nominis medicos nō se ita in publicis suis scriptis mutuis conuitiis lacessere, quæ plerūq; ita iniuriis offerciunt, & replent, ut iam non amplius literati, sed Thrasonēs potius gloriosi videantur: veriūsq; in libris suis animi morbum prodant, quàm doctrinam, & iuuandi præsentis, & posterī seculi studium. Qui hæc vident, & aduertunt, vel ij etiam, qui literas non profitentur, ab iis tamen prorsus non sunt alieni, rident & in contemptum postea trahunt eiusmodi doctores: probe gnari parū decentis, eruditionis atque moris esse, inuidiis, iniuriis & insectationibus se mutuo, vel scriptis, vel verbis per urbium compita per angulos, aut apud ipsos etiam ægros clam, vel coram impetere, atque prostituere. Breui, non decent ista medicum, & Philosophum Christianum: sed agyrta & circulatoraneos, qui in scamnis, atque mensis sublimioribus stantes sua dilaudant, & alios præ se continent, populo ut placeāt, quæ improvidis, & non circumspectis obtruduat. Sanè si vel Hippocrates, vel ipse etiam Galenus nunc reuiscant, summo gaudio utique perfundantur, si videant artē tanto, & tam nobili accessorio ditatam, & manus porri-

porrigant, & herbam vel vltro, pro omnibus iis, quibus ars hodiè ampliata: illis verò prisco illo æuo incognita, atque inexperta fuerunt. Multa fortè etiam suorum placitorum, præ nouis, vel ipsimet reiicerent, assueti maximè nimirum summi illi viri, rationi cedere, & manifestæ experientiæ. Nam patet ex eorum scriptis, quàm in multis sæpè hæsitent, in aliis fluctuent, propter fundamenti, cui superstruxerunt, imbecillitatem. Quæ tamè eorum ædificia penitus destruere, vel quomodo-cumque quaterere, candoris nostri non est. Quin potius fulciamus ea strenuo ingenij, atque experientiæ nisu: vt & constet posteritati, nos nō fungos, sed nostro etiam ingenio præditos fuisse, & mentem nobiliori illo sale conditam habuisse. Quod fiet, si maiorum scripta non repudiantes, nouis interim inuentis ornemus, atque ditemus. Tradantur enim artes veluti per manus, & quisq; suam nouis inuentis adornat, quo quisque altero est ingeniosior, vel magistro etiam in aliquibus superior. Inuentis, inquires, facile est addere. Quid tum? inuentoribus gratiam habeamus, & ditatoribus, qui nunc sunt, aut fuerunt, eandem referamus, nostræque si quæ sint etiam conferamus, vt à grata posteritate prædicemur.

Sed latius digressi sumus, ac fortè extra ipsa etiam instituti pomeria. Verùm placuit tamen in re non parui momenti, vtrumque hoc loco arrepta occasione & nostram sententiam proferre. Excusabunt candidi Medici & probè docti, & e-

qua mente, non iniquâ prolata interpretabuntur. Nunc verò ad propositum redeamus: ad digestionem, inquam, tantopere operibus pharmacenticis necessarias, quarum utilitates ad purificationes, & exactas, atque veras omnium rerum concoctiones facile percipient, qui eas ritè adhibebunt. opus est tantum vel vnico Balneo Mariæ, vel saltem cacabo pleno aqua, quæ vel tepida, vel calida ad ignem, si opus sit, reddi possit. Nam differentias, & earum regimen postea trademus. hoc medio apozemata, atque decocta pura, & clarificata parabuntur: non, vt illa, quæ vulgò parata, albumine repurgata hoc est crasso illo modo parata, vel vnus quartæ horæ spatio omnem fœcem in fundum deponunt, quam tamen iterata agitatione cum liquore perfusam misero egro obtrudere non erubescunt. Has fœces paucis aliquot horulis separabimus per digestionem, viribus nihilominus integris seruatis, aut certè etiam longè valentioribus redditis, dempto nimirum eo, quod laudationis essentię vim, atque actiones obtundere, obfuscare, aut penitus impedire posset.

Sic solatio erimus egris, sic naturam eius tuebimur, morboque, minore eius molestia frēna iniiciemus, donec à natura specifici medicamenti ope adiuta penitus extirpetur extermineturque. Eadem porro digestionem perfectè depuratum succi radicum, foliorum, florum, vti docebitur in progressu. Et quod magis etiam est, dum digeruntur coquantur quoque, hoc est dulcorantur,

tur,

tur, atque per Balneum Mar. humido liquore seu vapore separato in Syrupi consistentiam rediguntur, quem diu seruabis, absque melle, vel saccharo. Ut vel hinc constet verissimè ab Aristotele prolatum, omnia concoctione dulcescere, id quod experientia verè confirmat. Aut, ne quid noui introducere videar in officinas, & à pharmacopœorum communi methodo, duas tertias tamen sacchari minùs, quàm solent, in ritè digesto atque concocto succo addendas suadeo, vt palatui magis deferuiam exempli gratia, in quo Syrupo antea posuerunt sacchari lb. iij. iam vnā tantum adicient: eritque talis Syrupus minoribus paratus sumptibus, nihilominus longè utilior, & qui longe minori possit exhiberi dosi, quæ tamen communibus illis longè sit efficacior. Nam coclear vnicum Syrupi de succo rosarum pallidarum hoc modo parati sufficiet ad euacuationem sufficientem molliendam. Cum interim Syrupi, vt vulgò, solent confecti, vix plures vnciæ sufficiant. Nec mirum: Quid enim aliud ferè in iis, quàm saccharum cum minima succi quantitate? At notum est saccharum nec purgare, nec refrigerare, quod tamen conditio Syrupi rosarum pallidarum maxime requirit. Sed de his plus suo loco agemus.

CAP. VII.

De Aquis.

Opportunum iam est, vt, quam tradituri sumus pharmaciā in ordinē, ducto à liquori

bus (quibus ipsa vti solet, aut saltem debet) exordio, remedia, quæ iam suprâ inseruimus, eadem methodo discutientes, redigamus. At quoniam inter liquores aquæ primum sibi vendicant locum, earû descriptiones præmittere operæ pretium esse duxi. Has autem in simplices & compositas diuidemus.

Ex simplicibus aliæ sunt calidæ, aliæ frigidæ, aliæ denique mediam inter utrâque qualitatem retinent; calidis ad humoris pituitosi, ac melancholici (quos frigidos esse autumant) præparationem vtuntur; frigide verò ad bilis omnes species (quæ etiam calidæ, ignisque in homine naturam retinere existimantur, quemadmodum pituita aquæ & melancholia terre) præparandas vsurpâtur.

Aquæ autem calidæ, quas pharmacopœus in officina sua paratas adseruare, omnique tempore destillare debet, sunt

Aquæ

Aquæ calidæ	Camomilla	Iuc. arthritica
Abrotani	Cardui bened.	Juniperi
Anethi	Ceterac	Laurendula
Absynthij	Centaurij	Maiorana
Ambrosiane	Chelidonia	Marrubij
Artemisiæ	Ebuli	Matricariæ
Basiliconis.	Enula Capana	Melissæ
Bardane	Fœniculi	Meliloti
Betonice	Hyssopi	Nucum viridiû
Calamenthi	Iridis	Florum nucum

Origani

Origani	Plantaginis	Eupatorii Anic.
Petrocelini	Papaveris albi	Fraxini
Pulegij	Papaveris rubri	Fumarie
Peonie	Portulacæ	Filicis
Rorismarini	Ranarum aut po-	Genistæ
Raphani	tius spermatis	Halicacabi
Ruthæ	illarum	Iuæ arthritica
Sabinæ	Rosarum	Florum lily
Salviæ	Semperuini	Lapathi acuti
Satureiæ	Solani	Lupuli
Serpilli.	Violarum.	Malvæ
Frigidæ sunt	Temperatæ sūt	Mercurialis
Acetosæ	Absynthy	Milij solis
Boraginis	Adcanthi	Paracetariæ
Buglossi	Agrimoniæ	Primulæ veris
Succi citri	Argentariæ	Politurici
Cichory	Althææ	Prunella
Cucumeris	Archimillæ	Sambuci
Cucurbitæ	Asparagi	Senetorum
Cerasorum acid.	Akekengi	Scolopendrij
Cerasor. nigror.	Bursæ pastoris	Scabiosæ
Endiviæ	Caudæ equine	Tamaricis
Eructus fraga-	Cerefolij	Tussilaginis
riæ	Cōsolide vtrius-	Valerianæ
Lactucæ	que	Verbasci
Limonum	Caprifolij	Veremæ
Melonum	Citoniorum	Verbena
Nymphææ	Euphrasiæ	Vrticæ
		Vlmariæ.

Inter enumeratas aquas alię sunt Cephalicę, aut Cerebri affectibus accommodatę, siue hi generales sint, siue particulāres & proprij, & aurium, oculorum, & reliquarum capitis partium morbi.

Aquę cephalicę, siue cerebrales sunt, aquę basiliconis, betonicę, calendulę, calamenti, iuniperi, lilij conuallij, maioranę, melissę, pœonię, primulę veris, rorismarini, satureiæ, serpilli, florum tilię arboris, visci querni. Omnes hæ aquę frigidorum humorum, qui in cerebro existunt, pituitę nempe, ac melancholię præparationi inferuiunt: ac potissimùm quidem Aquę Basiliconis, betonicę, saluię, rorismarini, stœcados, serpilli, Apoplexię, reliquisque eiusmodi soporiferis affectibus ex pituita, & humore crudo natis dicatę sunt.

Aquę calendulę, granorum iuniperi primulę veris, (quę & herba paralysis dicitur) mirę ac specificę ad paralysem conducunt.

Aquę peonię lilij conuallij, florum tilię arboris, visci querni antipilepticę nominātur, vt & ipsa etiam ceraforum nigrorum aqua.

Aqua fraxini cum suo sale mixta specificum est ad surditatem non inueteratam remedium.

Aquę chelidoniј, euphrasię, sceniculi, rosarum & peculi rosarum, caprifolij ophtalmicę sunt, ac alię quidem oculorum inflammationibus, alię reliquis eorum affectibus, imò & acuendę ipsorum aciei, conseruandęque accommodatę sunt.

Aquę

Aquæ Bardanæ, camomillæ, enulæ campanæ, iridis hyssopi, vrticæ, peti, adianthi, scabiosæ tussilaginis, buglossi, boraginis, violarum, papaueris rubri pectoris vitiis mirificè conducunt, ex quibus quidem aliæ humori crasso viscidóque bronchiis pulmonum contento attenuando, & iuuandæ expectorationis: aliæ verò tenuiori ac subtiliori incrassando per se, aut syrupo conuenienti immixtæ, mirum in modum conferunt.

Aqua papaueris rubri (quam semper paratam pharmacopœi habere deberent) singulare specificumque ex intensissimo rubore notum, ad peripneumoniam, pleuritim, cæterasque pulmonum inflammationes, remedium est.

Aqua peti (quam nec parant pharmacopœi) generosissima est ad effectum, quem Asthma vocant, vt & ipse etiam syrupus, qui ex illo conficitur, vti dicetur suo loco.

Aquæ Melissæ, scabiosæ, acetosæ, succi citri, succi limonum, granatorum, cardui benedicti, rosarum & violarum corroborationi cordis sunt saluberrimæ: pestilentibusque febribus, syncopis, palpitationibus tum assumptæ, tum forma epithematis extrinsecus admota medentur.

Aquæ Absynthij, menthæ, Ambrosianæ, coto-
neorum Aomachales sunt. Aquæ cichorii, endiu-
iæ, adianthi, hepaticæ, agrimonix eupatorii A-
uicennæ, Capathi acuti hepaticæ sunt, intempe-
riésque iocinoris humores præparâdo, ipsûmque
corroborando, corrigunt.

Splenitice sunt aque ceterac, scolopendrij, genistæ, tamaricis.

Aque raphani, halicacabi, florum iuniperi, parietariæ, milij solis calculum comminuunt, arenulasque & materias tartareas in renibus accumulatas dissoluunt.

Aque maluæ, bismaluæ, cucurbitæ, melonum, cucumeris, nymphææ, renes ipsos leniunt, vrinæq; ardorem & acrimoniam contemperant.

Aque plantaginis, bursæ pastoris, alkimille, veronice, pirolæ, caudæ equinæ, consolidæ vtriusque renum vlceribus, ac excoriationi conferunt, suntque aque vulnerariæ.

Aque cardui benedicti & vlmariæ sunt aque sudorificæ, ac pestilentibus affectibus conducunt,

Aque arthemisiæ, matricariæ, marrubij, mercurialis hystericæ sunt, vterumque iuuant, & affectibus ipsius profunt.

Et hæc quidem sunt aque, quæ singulas corporis nostri partes respiciunt, singulisque ipsarum pathematis siue affectionibus medentur: & inter eas quidem sunt, quæ diuersis tam internis quam externis, præter supra enumeratos, morbis specifica quadam qualitate accommodantur: videlicet aqua anethi, florum camomille, sambuci, florum nucum, rutæ colicis doloribus ex ventō profectis, leuamē tribuunt.

Aqua hyperici, & portulacæ, puerorū lumbricos enecat.

Aque cerasorum acidulorum, fructus euphrasie,

gię, papaueris albi, florum centaurij tertianis febribus & biliosis non mediocre ferunt solatium.

Aquę ebuli, iuę arthriticę, verbasci arthriticos dolores sedant, si partibus dolentibus lintheamina suprà dictis aquis imbuta tepidè apponantur.

Aqua ex foliis & radice filicis destillata omnibus adustionibus & lintheaminibus tepidè imbutis singulari profectu confert.

Aqua spermatis ranarum mense Martio destillata, antequam excludantur, excellens est ad omnes oculorum faciei, totiùsque corporis partium phlegmonas eo, quo dictum, modo admotæ, remedium.

Ecce tibi aquarum stillatitiarum, quibus nullo tempore carere debent pharmacopœi, cathalogum: ecce, inquam, específicas verasque vniuscuiusque proprietates. Nec sanè satis est illud nosse, verum & ipsas destillandi, seruatis integris virtutibus atque proprietatibus, modus tenendus est: qui quidem alia longè ratione perficitur quàm vulgari illa destillatione, qua phlegma solum, & inutilis quędam aqua citò putrescens & flaccescens extrahitur.

Itaque vt eam methodum planè restituamus, nouamque prorsus ei dissimilem introducamus: herbas, flores, aut reliqua eiusmodi integra in alembicum, siue æneum aut vitreum sit, coniecta, destillandi loco: flores destillandos conteremus, eorùmq; iure torculari expresso, & in commune alembicum infuso virtutem eius integram,

substantiamque more solito extrahemus. Quę quidem vt efficacior euadat, vegetiorque, excipiendę sunt fęces, & quę post succum expressum, & quę in alembici fundo remanserunt, quas in vas terreum impositas, igni ardentissimo calcinabis, donec omnino in cinerem abeāt. His peractis cineres istos in manicam hippocratis iniicies, quibus infundes prædictam aquam destillatam, vt omnem salem recipiat reāffusione sæpius repetitā; & ita quidem habebis aquam suo sale imbutam, præcipuisque stirpis, ex qua emanauit, virtutibus præditam. Aquam, inquam, quę multos menses, imò & annos integra incorruptaque cōseruari potest, cuius etiam vel vncia vnica plus præstabit, quàm plures illius, quę communi via extrahitur. Nec sanè labori parcendum, aut ab ea operatione nequaquam deterrendum, cū tantę rei tāmque preciosę, sanitatis nempe humani corporis, gratia fiat. Quod si prædictę aquę colorem, & odorem proprium imprimere sit animus: ingentem eorūmet florum copiam in rostro Alembici impones, vt inter destillandum, aqua sursum ascendens ex istis floribus colorem & odorem (quę vtilēs & pulcherrimę sunt qualitates) alliciat, & retineat. Et hæc tibi est, concinna, ni fallor, breuitate, vera & legitima aquarum stillitiarum præparatio.

At verò, si vnico pharmaceopœo omnes suprā enumeratas aquas præpare per ocium ac commoditatem non liceat: plures eiusdem vrbs inter se con-

se conuenire deberent (vti fit plerisque in locis ac potissimum in Italia) vt vnusquisque sibi partem earum præparandam assumeret, aliisque si opus fuerit, mutuo suppeditaret. Et ita quidem artis medicæ dignitas conseruaretur, illorumque gloria, & honos, non sine ingenti populi utilitate, augeretur.

Porro non nobis satis esse duco primam illam & simplicem aquas, cum integris virtualibusque qualitatibus destillandi restitutam methodum instituisse: quaquidem methodo (præter ipsius aquæ bonitatem) si furni vasæque propria & comoda suppetant, plus vno die, quàm pluribus, & faciliori longè negotio destillabis. vt cuius experto facile patebit. Quinimò etiam eadem ratione, si per balneum vaporosum aquam extrahere in mentem veniat, totum penè succum prædictum destillabis, ita tamen, vt aqua ne minimum quidè fumum, aut vstionem suboleat: neque hoc solum, verum etiam & eadè methodo ex omnibus plantis calidis, ac odoriferis præsertim (quas sulphure ac oleo ex odore illo abundare constat) vna cum aquis olea purissima, clarissimæque elicies, quæ quidem quòd aquis supernatare percipiantur, facili negotio separabis. Sed & ultra progredi, ac certam facilè quæ aquas vitæ, ex plantis, floribus feminibusque cuiuscumque generis sint. extrahendi methodum tradere est animus. Et id quidem per digestionis, & fermentationis viam, qua sanè cuius candidi, synceri que ingenij viro indi-

care per facile erit, nos non perperam suprà operationes istas tãtis laudibus & encomiis sustulisse. Ac ipse quidem altiùs penetrare, (nisi stupido prorsus, ac hebeti sit ingenio) philosopharique poterit, & percipere, quàm scitè quàmque commodè supra in tractatu nostro de signaturis internis rerum, sanguinis nostri analogiam, cum viño, ipsiusque aquæ vitæ cum nectare vitæ nostræ, balsamoque radicali contulerimus. Cum ex omnibus rebus, ac iis potissimum, quæ in alimentum veniant, sola prædictarum digestionum, & fermentationum ope, imò etiam & ex iis, quæ frigida existimantur, aqua vitæ elici possit, quæ sit vera rei quinta essentia. Aqua, inquam, vitæ, quæ de natura cœlesti ætherea, flammamque nõ secus, ac ea, quæ ex viño elicitur, concipientes participet. Experientia etiam ipsa satis planum faciet, quomodo non tantum vinum, sed & triticum, omniaque cerealia, & semina alimentosa, multò plus nectaris illius viuifici, quam reliqua vegetabilia alendo corpori nostro inepta contineant.

Hanc autem methodum vt tandem aperiamus, ordiemur quidem à rosis, quæ frigida esse autumantur, ex quibus tamen odoratissima aqua vitæ extrahitur, & adeo excellens, vt vnica eius guttula, ingenti satis aquæ copię odorem suum communicare, eamque vtilissimam iucundissimamque reddere possit. Rosę igitur debita tempestate, nec ea quidem pluuiosa, roridæque, cum
scili-

scilicet plantæ madido rore humescant, sed expectandum, donec sol radiorum suorum vi omnem istam roridam humiditatem dissipauerit, copiosa satis quantitate colligi debent. Rosas itaque collectas & quam fieri potest diligentissimè tritas, in vase terreo vitreato, aut paruo dolio quærneo includes, & quàm optimè manibus premes, quo vas prædictum pene impleatur. Quod quidem vas clausum obturatúmque, vt facilius fiat digestio, repones in cella vinaria per mensem vnum, aut diutius, si opus fuerit, donec materiam prædictam vinum acetatum subolare odoratu percipias: quo argumento iam absolutam fermentationem esse cognosces, & eò quidem protelanda est, quò prædictum signum appareat. His peractis, assume tibi quartâ, quintâmve rosarum fermentatarum partem pro vasis tui magnitudine (quod sanè necessario tale esse debet, qualia ea sunt, quibus destillatores Chymici olea sua & aquas vitæ eliciunt; quæ quidem ampla, æneæque potius, quàm plumbea sunt, refrigeratoriisque suis, vt vocant instructa, quibus aqua plenis, spiritus frigore condensati facilius commodiúsque eliciuntur) Assumptam illam rosarum fermentatarum portionem, more solito destilla; quo facto, fœces residuas in fundo Alembici subsidentes separa, & tantundem prædictarum rosarum fermentatarum eidem vasi repone, hisque prius extractam aquam affunde, omnia rursus (vase hermeticè clauso, vti dictum) ad siccitatem usque

destillado. Collige iterum resiccatas fœces, (quas etiam si velis cum prædictis referuabis) & Alembico eandemmet prædictarum rosarum quantitatem, quam prius inñice, quibus denuò totam aquam destillatam reaffundes, & toties iterabis, donec omnes prædictas rosas fermentatas destillaueris. His ritè, vt decet absolutis, vniuersam, quam elicueris, aquam assumes, & lento igni in vase colli oblongi, siue matratio, siue quo aquæ vitæ extrahi solent, duodecimam eius tantum partem (quæ omnium penè spiritualium quantitas est) destillabis. Ita vt, si, verbi gratia, duodecim aquæ libras habueris, vnicam tantum aquæ odoriferæ tamen, & iucundissimæ, spiritualisque atque flammam equè, ac ea, quæ ex vino est, concipientis, elicies. Quam etiam, vt magis virtualis reddatur, adhuc rectificare poteris. Reliqua verò aqua, quæ in fundo Alembici subsidebit, odorifera, longèque suauior, & melior, existet, quàm ea, quæ communi ac vulgari modo destillatur: cui etiam sal suum imprimere poteris, si prædictis fœcibus in puluerem reductis & manicæ Hippocratis impositis, eam sæpius affundas, quo salem suum facilius alliciat, retineatque. Eadem planè ratione ex violis, aliisque floribus, ac iis potissimum, qui calidi, odoriferique existunt, vt rorismar. saluæ, betonicæ, cæterisque eiusmodi aquas vitæ elicies, quæ multo præstantiores efficacioresque sunt ad morbos, (quibus supra conuenire docuimus) propulsandos, quàm si communi illo

vulga-

vulgarique tramite perficiantur. Adde quod vel minima quidem quantitate exhiberi possunt, ut admirandos prorsus, & incredibiles effectus pariant.

Ita etiam ex stirpibus (cuiuscumque generis sint, sed ut plurimum calidis) tritis, ac, quemadmodum supra, præparatis, prædictæ aquæ vitæ facillimè extrahuntur. Idem fit ex fructibus optimè fermentatis, ut satis abundè testatur experientia in pomaceo, pyraceoque, quæ ex pomis pyriscque in vase proprio (non secus ac vinum) præparantur, quodammodo vineſcunt, ac tunc ex iis demmet aqua vitæ extrahitur.

Eademmet aqua vitæ ex tritico, granis, seminibusque farinaceis omnis generis elici potest. At quoniam iisdem seminibus non tanta inest, quanta floribus, foliisque liquoris mercurialis, seu aquæ copia. trita, crassoque modo pulverizata, in parvulum dolium, quod ex ligno querneo confectum sit, iniici, & aqua tepida, donec in liquidiorē quandam consistentiam abeant, imbibi debent. Quibus etiam ad digestionem accelerandā (cui præcipuè incumbendum est) tantillum fermenti comminis, aqua vulgaris distemperatæ ad iicere poteris. His peractis, vasque optimè clauso, in loco frigidissimo (quò facilius fiat fermentatio) reponantur, donec accescere, vinumque redolere perſentias. Tunc eadem methodo, destilandique ratione procedes, quam supra in extractione aquæ vitæ rosarum docuimus. Hactenus de

aquis simplicibus. Restat tandem, vt de compositis verba faciamus, vtilisque quarundam descriptiones tradamus, quas pharmacopœi non modò scire, verum etiam paratas semper habere, aliisque quamplurimis aquis nullius, aut parui momenti præferre debent.

Aquæ artificiosè compositæ sunt

Elixiria vite

Aquæ theriacales diuersis affectib. specifica

Aqua contra venenum & pestilentes omnes affectus

Aqua antipoplectica & antipileptica

Aquæ antipileptica

Aquæ antifebricitæ

Aquæ ophthalmicæ

Aquæ antinephreticæ

Aquæ hystoricæ

Aqua imperialis

Aqua vulneribus selopteariorum accommodata.

Elixir descriptionis nostræ admirandum remedium ad inueteratos morbos penèque desperatos propulsandos sanitatem conseruandam, vitâque ipsam pro- rogandam.

℞ radicis Zedoariæ, Angelicæ, gentianæ, valerianæ, tormentillæ, barbæ hirci, galangæ, ligni aloes fantali citrini: ana ℥ iij. melissæ, méthę rubiæ, maioranæ, basiliconis hyssopi, chamedryos, chamæpi-

mæpithiosana m.ß. granorum lauri, iuniperi, seminis peoniæ, fescleos, anethi arthemisiæ, & cardui benedicti ana ʒ ij. corticis citrij visci querni, myrobalanor. omnium ana ʒ j. Caryophyllorum Cinnamomi, macis, zinziberis, cubebæ, cardamomi, piperis longi & rotundi, spicæ nardi ana ʒ j.ß. Aloes, hepat. myrrhæ, olebani, mastiches ana ʒ vj. florum rorismarini, saluiæ stæchados, calendulæ, hyperici, centaurij minoris, betonicæ, tiliæ arboris. ana p. ij. florum cichorij, rosar. rubrar. buglossi. ana p. j. mellis granati, sacchari albi ana lb j. aquæ vitæ optimè rectificatæ lb x. incidenda incidantur, & contundenda contundantur. Omnia hæc in matrarium capax, & hermetice clausum, ne quid exhalet, injecta, in fimo equino mediocriter calido per 8. aut 10. dies putrescant: putrefacta fortiter exprimantur, expressio verò per cornutam ad conuenientem ignem destillentur in alembico. Aquam, quæ primum ab expressione illa effluet clarissima (prætiòsa tamen) seorsim asseruabis. cum verò recipiens, (quod capax, vitreumque esse, & optimè cum collo cornuta adherere debet, ne vel minimum quidem expiret) obscurari, spiritibusque subalbidis offerciri percipies. Aliud eius loco, aut idemmet repones, si prius extillatum illum primum liquorem seorsim asseruandum separaueris. Iunctoque denuò optimè, vt prius, cum collo cornutæ recipiente, ignem per gradus vt artis est, pedetentim augebis, quò prædicti spiritus subalbidi non amplius

appareant. Dein aufer tuum recipiens, vt eam, quæ secundo elicitæ est aquam (quam matrem balsami vocant) seorsim etiam separes, adseruesque & hæc quidem, tum ad plures morbos extirpandos, tum ad conseruandam sanitatem mirabili profectu conducit. accommoda rursus prædictum recipiens, sicut fecisti antea per gradus auge, donec destillato primò oleo subflauo, deinde rubicundo, materiæ, in fundo siccæ remaneant, nec tamen perfectè aridæ, ne qui extillarit liquor adustionem suboleat. Quibus peractis assume tibi aquam illam clarissimam, quam primò satis copiosè elicuisti, affunde residuis fœcibus, & fac, vt simul per 6. aut 7. dies digerantur ad calorem balnei mariæ donec aqua coloretur, & flauescat, attracta scilicet magis ignea & oleaginoſa materiæ portione fœces residentes, cum scilicet omnem tincturam suam prædictæ aquæ impresse- rint seorsim ad dicendos vsus adseruentur. post omnes prædictos liquores (seruata tamen si libuerit ex vnoquoque portione aliqua ad affectus supra commemoratos, quibus mirum in modum profunt) & eum quoque ipsum, qui ex fœcibus tincturam attraxerit, simul miscebis, vt inde præciosissimum, longèque prædictis excellentiorem elixir vitæ allicias: more sequenti procedendo.

Tres itaque prædictos liquores simul mixtos per cornutam, aut Alembicum vitreum (nulla tamen præmissa digestionem præter mixtionem ipsam) destillabis, eademq; planè ratione, qua prius ele-
 menta,

menta, principiâque liquorum separabis. elicies namque primam aquam clarissimam, quam seorsim reseruabis, cum scilicet recipiens fumo nubiloso obscurari cognoscas, dein mutato recipiente, accommodatôque vt prius ignem eò continuabis, quo liquorem subflauum effluere percipias, quem etiam seorsim vt priorem adseruabis. Interim dum prædictæ destillationes, aut elementorum siue principiorum duorum separationes fient, reseruatas superius fœces ad ignem reuerberij calcinabis, ex quibus in cinerem reductis sal, vt artis est, cum prima tua aqua clarissima allicies, quæ quidem aqua sale suo imbuta, cum reliquis duobus adseruatis liquoribus permisceatur, vt tandem ex triangulo facias circulum vt loquuntur philosophi, nempè, vt ex tribus illis distinctis aquis, per circulationem in pellicano ea, qua decet arte, factam, vna essentia erumpat. Fiatque ea ratione magnum illud elixir vitæ, arcanum admirandum. Et id quidem via satis succincta, facili, atque philosophica verisque philosophis nota, ex qua viam, & certam methodum conficiendi elixiris ex omnibus rebus assequuntur. Huius elixiris ineffabiles sunt virtutes ad curandas, & præcauendas vertigines, epilepsias, apoplexias, paralyses, manias, melancholias, Asthmata, syncopas, li-pothymias, stomachique & aliarum partium imbecillitates, cachexias, hystericas passiones, & alia id genus summa, & deploranda symptomata. Huius guttulæ aliquot tantum exhibentur cum de-

cocto conuenienti, morboque appropriato. vt, verbi gratia, ad epilepsiam, cum aqua peoniæ, lilij conuallij, aut florum tiliæ arboris : Ad paraly-
sim, cum Aqua calendula, ad pestem, cum aqua
vlmariæ, aut cardui benedicti, ad Asthma, cum a-
qua scabiosæ, peti, tussilaginis, aut similibus. Va-
let quinetiam illud elixir ad restaurationem, &
conseruationem Balsami nostri radicalis si qua-
tuor, aut quinque gutturæ exhibeantur cum iu-
sculo, vino, aut conuenienti aliquo liquore.

Sed dices laboriosiore æquo, prolxiorem-
que esse huius elixiris præparationem: At sanè lō-
gè satiùs, necessariùmque magis est tempus in
tantis, tamque admirandis rebus, quàm in refer-
cienda vilibus, ac inutilibus penè medicamentis
officina collocare. Attamen vt omnibus etiam
indulgeam, faciliorem, & iucundiorẽ forsan e-
lixiris ad sanitatem conseruandam, vitamque
prorogandam efficacissimi præparationem sub-
scribam.

Aliud elixir vite facillimum.

℞ radicum gentianæ in taleolas sectarum &
ex ficcatarum ad lentum calorem. Et radicis cen-
taurij minoris ana ℥ iij. Galangæ, cinnamoni,
macis cariophyllorū ana ℥ j. florum saluæ, hype-
rici, rorismarini. ana p. ij. vini albi generosissimi
℔ vj. macerentur in matraccio vitreo bene clauso
per octo dies ad ignem balnei mariæ lentum,
deinde fortiter exprimantur, & per Alembicum
vitreum

vitreum destillentur per cineres ad ficcitatem. Aquam destillatam fœcibus reaffunde, vt ex his in balneo mariæ tepido totam tincturam elicias: fœces post tincturæ extractionem reducantur in cineres, quos impones in manicam Hippocratis: prædictam aquam tinctam cineribus illis sæpius reaffundendo, vt totum proprium salem attrahat. Ex hoc elixire quarta cochlearis pars aut per se, aut ex liquore conuenienti diu exhibeatur. Specificum est remedium ad omnes cachexias, stomachi imbecillitates, quem à viscidis & mucilaginosi humoribus, huic adhærescentibus, expurgat, mundificatq; vermium generationem prohibet, corpusque sanum conseruat, & ab iniuriis tuetur. Hoc autem bis tantum in hebdomade, sed tamen longo tempore vtendum est.

Aqua Theriacalis cephalica, & affectionibus cerebri deploratis, nempe apoplexia, paralyfi epilepsia, & similibus specifica.

℞ radic. peoniæ visci querni, acori vulgaris, ana ℥ iij. granorum Iuniperi maturorum seminis peoniæ ana ℥ j. cariophyllorum, macis ana ʒvj. castorei ʒ β. florum stœchados. Calend. betonic. anthos, saluiæ, lilij conuallij tiliæ arboris ana p. ij. incidenda incidantur, contundenda contundantur, & macerentur per triduum ad ignem balnei calid. in vini albi generosi lb ij. & aquæ peoniæ

saluix, & calendulæ ana ℥ j. dein exprimātur fortiter. Huic expressioni adde theriaces Alexandrinæ ℥ iij. confectiois Anacardinæ mel. ℥ j β. diamolci & Aromatici Gabriel. ana ℥ β. macerentur denuò per duos tréſue dies ad ignem lentum balnei mar. dein exprimantur, & deſtillentur per cineres ad ſiccitatem: fiat aqua theriacalis. Datur ex paruo cochleari argenteo ad inſultus epilepticos, apoplecticosque, & prædictos morbos mirificè conducens.

Alia aqua theriacalis, cordialis, & Bezoardica omnibus cordis pathematis, peſtiferis que affectibus miro progreſſu conferens.

℥ rad. Angelicæ, cariophyllatæ, barbæ hirci, tormentillæ, petasites, enulæ campanæ ana ℥ ij. ſantali citrini, & corticis eiſdem ana ℥ j. β. diptami albi, ſcabioſæ, rutæ vlmariæ. ana m. j. florū centaurij minoris, hyperici, geniftæ, violarum, boraginis, bugloſſi, nymphææ, roſarum rubrarum ana p. j. macerentur per quatrídium ad ignem balnei mariæ in ℥ iij. vini maluatici, & ſucci limonum, & aquæ meliſſæ, acetosæ, & roſarum ana ℥ j. dein exprimantur. Expressioni adde theriaces ℥ iij. confectiois de hyacintho ℥ j. confectiois alchermes ℥ vj. diamarg. frigid. diatria-ſantali ana ℥ iij. diambæ, & diacoralli ana ℥ ij. croci, myrrhæ. ana ℥ β. macerentur denuò per duos tréſue dies ad eundemmet ignem balnei. Dein deſtil-

destillentur per cineres ad siccitatem: fiat aqua theriacalis: vt præstantior, & efficacior fiat extrahendum est sal ex fœcibus residentibus ea, qua decet arte, atque cum aqua prædicta commiscendum.

Aqua theriacalis communis pro gregariis.

℥. theriaces Alexandrinæ. ℥ iij. myrrhæ ℥ j. β. croci ℥ β. misceantur, digerantur, & destillentur ad siccitatem in balneo vaporoso. de hac aqua exhibe ℥ β. cū aqua rutæ, vel fumariæ. potēter sudores mouet, valet ad pestilētes omnes affectus.

Aqua contra venena & pestilentes omnes affectus.

℥ rad. Angelicæ, carlinæ, tormentillæ, & corticis olibiani ana ℥ ij. cardui benedicti, vlmarię, fantalorū omnium ana ℥ β. mytridatij theriaces & confectionis de hyacintho ana ℥ ij. specierum diamargariti frigidi camphoræ ana ℥ ij. terantur crassiusculè, & indantur in alembicum vitreum superaffundendo aque vitæ rectificatæ ℔ iij. digerantur vase optimè clauso: dein per cineres aut balneum vaporosum destillentur, & est aqua mirabilis ad venenum & pestilētes omnes affectus, dosis semi cochleare argenteum.

Aqua antiopoplectica & antiopileptica.

℥ aque florum tilię arboris, lilij conuallium,

ceraforum nigrorum, saluię, eo quo dictum supra modo extractarum ana lb j. β visci querni, dictami cariophyllorū cinnamomi nucis moscate, macis, cubearum zinziber. ana \mathfrak{z} j. seminum peonię baccar. iuniperi dictami ana \mathfrak{z} j β florum anthos saluię bethonicę stoechados calendulę hyssopi ana p. j. camphorę \mathfrak{z} iij. digerantur per aliquot dies, dein destillentur per balneum vaporosum ad siccitatem dosis cochle. j.

Aqua Hirundinum antiopileptica.

\mathcal{R} Hirundinum adhuc in nido existētium viij. aut x. decem paria florum lilij conuallium p. ij. cariophyll. macis ana \mathfrak{z} β . coquantur omnia in duabus tribusve eminis vini albi optimi, dein exprimantur fortiter & destillentur, huius aquę cochlearia duo hoc morbo correptis exhibeantur: promptę enim a pręsenti paroxismo liberat, futurumque prohibet. Hanc me primam docuit Dominus Rondel. medicus celeberrimus Monspelliensis, & pręceptor meus: quam tamen promagno & non reuelando secreto celabat. Eidem autem Hirundinum aquę paucula, quę sequuntur adieci, cuius etiam felices & admirandas vidi experientias.

Alia aqua Hirundinum nostra descriptionis.

Accipe suo tempore sex aut septem, vel plures, si velis, hirundinum nidos, cū ipsę lanugine cooperiri incipiunt. Has integras in alembicū proprium

prium conijce, destilla, & aquam inde effluentem asserua. dein fœces residuas in fundo subsidentes in cinerem, qua decet arte, redige, ex quo sume lb ss cinerum cranij humani, & si fieri possit, inhumati ℥ iij. castorei ℥ j. ss pulueris visci querni ℥ j. succi rad. & foliorum peoniæ ℥ vj. aquæ hyssopi, florum tiliæ arbor. lilij conuallij ana lb j. acetis scillitici lb ss aquam omnem quam ex hirundinibus elicuit: maceretur omnia per aliquot dies ad ignem balnei, dein per cineres, aut saltem per balneum vaporosum ad integram vsque siccitatem destillentur: ea enim ratione aqua adustum non redolebit, sed cum omnibus suis qualitatibus integris & requisitis effluet. Hæc aqua per se sola sale dulci proprio imbuta (premissis tamen per mensem integrum generalibus remediis conuenientibus) ad medium cochleare sumpta mirabiles effectus prodit.

*Aqua picarum composita ad epilepsiam
quoque specifica.*

℥ pullos picarum n. xij. frustatim vnâ cum intestinis & pennis incidantur, & ponantur in vas terreum vitreatum addendo radicis peoniæ Zedoariæ & visci querni ana ℥ ij. florum tiliæ arboris lilij conuallij hyssopi ana p. ij. concoquantur in lb viij. hydromel. ad medietatis consumptionem, dein exprimantur. huic expressioni adde granorum lauri, iuniperi, peoniæ ana ℥ ss cariophyllum, nucis moscata, croci, cinnamo. cubebarum

ana 3 iij. castorei 3 ij. ꝑ. florum anthos, betonica, stechados arabice, primule veris citrij mali ana ꝑ. ij. anagallidis purpureis floribus ꝑ. iij. confusis cōtundendis, digerantur per 4. dies, dein destillentur per balneum vaporosum ad ficcitatem. Dosis huius aquæ est cochlear vnum.

Aqua antifebricitica, quam mihi D. de la Taulade doctissimus honestissimisque vir communicavit.

℥ melisse, betonica, argentinæ ana partem vnam, vt ex illis omnibus simul tritis & expressis lb iij. ad minus succi extrahi possint. succi foliorum & radic. centaurij minoris (quod febri-fugam vocant) lb ij. Aquæ Astacorum seu cancrorum fluuiatiliū cum crustis cōquassatorum lb j. ꝑ. aquæ ex succo capitum viridum papaueris albi elicita, aquæ fructuum fragariæ ana lb j. misce & in alembico vitreo per cineres destilla: specificum est ad omnis generis febres, ac intermittētes potissimū, sed maximè tertianas nothas & exquisitas. Huius autem vsus est eiusmodi: vt xij hor. ante paroxysmum clyster emolliens & refrigerans iniiciatur. dein quinque ante prædictū paroxysm. horis iusculum optimè consummatum exhibeatur. Accessus verò initio propinanda ægro sunt 3 iij prædictæ aquæ.

Aqua alia ad febres etiam pestilentes, & ardentissimas.

℥ rad. Angelicæ buglossi. scorzonæ, aceto-
sa

ſæ ana ꝑj. Theriaces, Alexandrinæ ꝑij. ſucci limo-
num depurati, aquarum fumarizæ vlmariæ, cardui
benedicti, & centaurij minoris ana ꝑiiij. diamar-
garit. frigid. ꝑß. macerentur per quatrimum,
dein exprimantur, & deſtillantur, de qua æger fe-
bricitans capiat ꝑiiij, & coopertus paulò plus ſo-
lito ſudabit.

Aqua ophtalmica.

℞ ſucci euphragiæ, chelidoniæ ana ꝑß. lactis
caprini ꝑj. miſceantur omnia ſimul addēdo zin-
ziberis macis craſſiuſculè conquaſſatorum ana ꝑj.
Aloës ꝑß. vitrioli albi ꝑiiij: macerentur quatuor
aut quinque dierum ſpacio, deſtillētūq; per bal-
neum vaporolum. Aquæ deſtillatæ adde tuthiæ
fruſtula, non tamen pulueriſata, quæ priuſ in co-
chleari ferreo nouo ignita fuerint, nouies extin-
guantur, & tandem cum aqua prædicta continuo
reſidere ſinantur, cuius guttula vna oculo etiam
inflammato admoueatur; nec reſpiciendum ad
calida illa, quæ prædictam aquam ingrediuntur
etiãſi initio dolor ingraueſcat, ferueatque per
tempus aliquod, miros enim effectus prodeſt, tar-
tarum illud oculis adhæreſcens, pungens aceri-
mūque dolorem inferens, & ſaſas mouens la-
chrymas, diſſoluendo. Singulare eſt remedium ad
omnes ophtalmias, præferendūque ſanè omni-
bus iſtis ſimplicibus aquis refrigerantibus, vt ro-
ſarum, plantaginis, cerefol. & ſimilibus, collyriiſ-
que oculorum refrigerationi dicatis, vt ipſa etiam

experientia, præter allatâ supra rationem, fidem faciet. confert etiam ad ἀμβλυπίαν, & ἀνδρωσιν si huic crocus metallorum admisceatur, qui vera basis & fundamētum est Aquæ ophtalmicæ Martini Rulandi, doctissimi celeberrimique medici Germani, cuius ipse admirandos effectus miro successu expertus est, vt videre est in suis centuriis iamdiu in lucem editis.

Alia aqua ophtalmica

Componitur, etiam alia Aqua ophtalmica ex lb ij. vrinæ puerilis optimè purificatæ, additis libris duabus vitrioli, totidemque vnciiis tuthia: ex quibus omnibus per dies aliquot maceratis, dein per cineres ad siccitatē destillatis fit aqua ophtalmica, cuius guttula vnica inflammato oculo, aut debilitato admouetur.

Aqua Antinephritica.

℥ rad. Arestæ bouis, petroselini yringiorum ana ℥ j. β. parietariæ saxifrag. cum toto ana m. j. foliorum vitis viridum m. j. β. amigdalarum, & cerasorum seminis lithospermatis, & baccarum alkekengi conquassatorum ana ℥ ij. milij solis, fceniculi dulcis ana ℥ j. conquassentur, & macerentur in vini albi, & aquæ æquis partibus, de hac aquaumat cochlear vnum, singulis matutinis assumpto prius bolo ex cassia aut electuario lenitiuo, vel diasebesten.

*Alia aqua antinephritica nostra
descriptionis.*

℥ succorum argentariæ, raphani, parietariæ,
ana

ana ℥j. β. succi limonum ℥j. in his liquoribus simul mixtis macera per 5. aut 6. dies ad ignem lentum Bal. Mar. granorum iuniperi contusorum ℥iij. milij solis, saxifragiæ, althææ, bardanæ, sceniculi ana ℥ij. pulueris radice Arestæ bouis cinnamomi ana ℥j. camphoræ ℥ij. dein destillentur per cineres. De hac aqua exhibe ad ℥ij. cui aquæ si sal proprium ex arte paratum & conuenienti quantitate addas, longè præstantius euadet remedium.

Aqua hysterica.

℥ aquarum rutæ, matricariæ, saluiæ præparatur ex succis vt docuimus ana ℥j. nucis moscatæ, cinnamomi macis ana ℥β. florum roris marini p. ij. castorei ℥vi. vini albi generosi, vt supernatet tribus quatuorve digitis, digerantur per tres aut quatuor dies: dein destillentur per balneum vaporosum feruentissimum: fiat aqua pro hystericis omnibus affectibus. dosis cochlear i. manè.

Aqua imperialis communis & paratu facilis.

℥ corticum arantiorum exsiccatorum ad solem, nucis moscatæ cariophyllor. cinnamomi ana ℥iij. herbarum melissæ, maioranæ, thymi, saluiæ, hyssopi prius per se exsiccatarum ana m. j. incisis & contusis, quæ incidi & contundi, aut imminui quoquo modo debent: ponantur in alembicum supra 4. affundendo aquarum rosarum, & vlmariæ ana, vt supernatent materiâ duobus tribusve

digitis digerantur vase optimè clauso ad calorem balnei Mar. per octiduum, dein per cineres destillentur vt artis est. & fiat aqua imperialis. cui si proprium salem (reductis scilicet in puluerem fœcibus, extractaque ingenti olei quantitate ad vsus dicendos adseruata) addideris, validior efficaciorque efficietur.

Mira est hæc aqua à D. Camillo à Camillis patritio Genuensi nobili, atque medico excellenti iam à 24. annis mihi communicata ad sanitatis conseruationem si guttulæ aliquot in iusculo exhibeantur, cerebrum, cor stomachumque imbecillem corroborat: dentium dolores sedat illorumque putredinem arcet, atque gingiuas vacillantes conseruat. specifica præsertim quoque est ad iuuandam in sterilibus conceptionem, huic adiecta prius copiosa satis testiculorum leporum quantitate ex quibus prædicta aqua per viam digestionis salem allicere poterit & præstantior reddi.

Aqua ad iclus fiat scelopetariorum.

℞ Aristolochiæ rotundæ, baccarum lauri in puluerem reduct. ana ʒß. pulueris veronicæ, pirolæ in vmbra resiccatarum ana ʒii. Astacorum in plenilunio captorum & in furno exsiccatorum, & puluerisatorum ʒvi. peti eodem modo resiccati ʒiii. omnes hi pulueres inter se mixti lineo sacculo includantur. Quibus peractis accipiendum est vas nouum, terreum, vitreatumque & satis capax, cui infundendæ sunt eminae tres vini albi

optimi miscendo simul, peruinca recens collecte m. i. dein sacculū prædicto puluere refertū, & optimè deligatū. Quæ omnia ita disposita macerentur per dies aliquot, exprimantur fortiter, & destillentur ad mediæ aut duarū partium consumptionem. tūc reservata seorsim aqua destillata fæces residuæ per manicam Hippocr. transcolentur & seorsim etiam asseruentur. Huius autem vsus est eiusmodi, vt saucius vncias circiter duas aquæ destillatæ singulis matutinis per dies xiiii. continuos capiat & ex eo, quod in vasis fundo remanserit, optimè vt dictum colato vulnus lauet, & turundam, (quæ parua esse debet, etiam si cauum & profundum vulnus fuerit) illinat, cui tādē folium caulis rubri super imponat, itaque mirabiles eius aquæ effectus experietur. vulneraria quoque est prædicta aqua miròque progressu vlcera inueterata tam interna, quàm externa sanat. Confert etiam ad càncrum si cum ea decoquas vermiculos qui multipedæ dicuntur. Præter aquas, quorum supra mentionem fecimus, aliæ rursus diuersis affectibus specificæ, alio modo extrahuntur, cuiusmodi sunt aqua cinnamomi, & aliorum aromatum, quorum hodiè vsus frequentissimus est.

Aquam vero cinnamomi (& si pharmacopœorum vulgo parum notam, ideòque rarò dispensari solitam) spagyfici, artēque destillandi probè callentes, sequenti modo præparare solent.

Accipiunt igitur tres, aut quatuor vncias cin-

namomi, quod crassiusculè conuassatum, ac in æquis vini optimi, & aquæ rosarum (alii in solo vino) partibus trium, aut quatuor dierum spacio infusum in alembico destillant, atque aquam lacteam, quæ simul in se partem sulphuream, & oleaginosa prædicti cinnamomi, ubi tota vis eius penetratiua, incisua, mēsumque motiua consistit, eliciunt: Ex sæcibus verò quæ post prædicti liquoris extractionem in fundo subsident, Admirandum adstringens conficitur, & contrarios prorsus primò liquori effectus habens. vt autem aquam cinnamomi, vt & reliquorum aromatum efficaciorē elicias: prædicto cinnamomo prælibito conuassato & in matrarium vitreum colli oblongi coniecto spiritum vini affundes, vt tres aut quatuor digitos supernatet: dein per tres, quatuorve dies in loco frigido macerabis, donec mēstruum totam tincturam & virtutem sibi ascinerit. His peractis separata per inclinationem spiritum vini tinctum & affunde supra lb i. ipsius spiritus ℥ ii. aut tres saccari candi puluerisati. Quibus simul optimè mistis, & saccaro in prædicto spiritu resolutō, omnia in patellam argenteam iniice, & ignem cum charta accensa admove, tunc repente vini spiritus flammam concipiet. Dein argenteo cochleari baculo ligneo vstionis metu alligato, tandiu agitabis, donec flamma extingui videatur. Sed si suprà indideris aliam argenteam paropsidem citiùs suffocabitur & extinguetur ignis. Atque ita quidem aquam multò præstantiorē,

rem, & prætiosiorẽ ea, quæ per destillationem prædictam elicitur, tibi comparabis. Porro eam tandiu vri permitto, prout ipsam magis, aut minus infirmam optaueris: Si enim eam validiorem volueris, citius flammam extinguēs, quò enim tardiùs suffocatur, eò vires aquæ imbecilliores sunt. Et ita aromatum omnium aquas conficere poteris.

Quod autem spectat aquas odoriferas, vt aquam, quam angelicam vocant, & plures alias; sicut & etiam aquas nostras cõsmicas, quæ faciei decorandæ, & ornandæ inseruiunt, eas in alium locum referuabimus, tum, quòd curiositatem potiùs, quàm vtilitatem adferant, tum etiam, quòd parum sanitati corporis humani (cui præcipuè incumbimus) restituendæ ac conseruandæ inseruiant.

CAP. VIII.

De vinis.

EXpositis iis, quæ aquarum tum simplicium, tum cõpositarum (quòd ob simplicem suam & elementarem naturam omnis generis liquores præcedere debent) differentias, virtutes, proprietates, descriptionisque modos spectant: Æquum est, vt vini etiam liquorum omnium, qui magis cõpositi sunt, post aquas communissimi, hominisque nutritioni maximè, ipsum roborando, restaurandòque eius balsamum naturale, inseruiantis, tractationem secundo loco aggredia-

mur. Nec verò hîc diuersa vinorum genera, quatenus, scilicet, gustu, viribus, proprietatibus, & aliis huiusmodi qualitatibus inter se differunt, exponere statuimus: neque etiam huius loci est, diuersos vina corrigēdi, validiorēmque eis virtutem & excellentiam imprimendi, modos explicare. Quæ ratione, inquam, ipsorum emendanda sit cruditas, ex aquosa & excrementitia humiditate contracta, quæ ob caloris vitalis defectum (cū nempè sol quibusdam annis imbecilliores radios immittens terram minus calefacit) digerī, consumique à sole non potuit: vnde fit, vt vina aliquādo cruda, viridia, imbecillaque & minùs restaurantia existant, diūque conseruari non possint. Quæ sanè omnia arte naturam imitantē emendare, ac corrigere facillimum est, si superfluitas illa aquea, & excrementitia coctione, artificiali quidem, sed naturali tamen æmulante, à vino separatur, & expurgetur. quæ tunc solummodò separari potest, cū vinum iam expressum in doliis à calore suo naturali & interno concoquitur, & ex suo tartaro, solito more expurgatur. cuius enim appertè demonstrabit experientia, vt substantia illa, quæ primò à vino separatur, extillatque, nihil aliud, quàm pura, putaque sit aqua passua, nulliusque saporis compos, ac instar fontanæ insipida. quæ nihil vino, præter viriditatem, cruditatem, imbecillitatēque imprimit, ac ipsius corruptionem iuuat & accelerat. Quinetiam aciditatem ipsam prædictæ humiditati, ab imbecillo calore

calore minus absumptæ, & digestæ tribuit. Qui quidem calor (vt alio in loco dictum est) omnia perfectè dulcorare potest, & cuius opera prædicta humiditas omnino separatur, at eo solum tempore, quo vinum in mustum redigitur, digeriturque. Absolutis enim primis illis digestionibus & fermentationibus, id nequaquam fieri potest: nā quod primò ex prædicto vino vel minimo quidem calore admoto extillat, spiritus vini est, qui cum vino coniunctus illud viuificatiuum & nutritiuum efficit, quòque separato vinum amplius non est vinum, sed acetum & corruptum quid, mortuum, atque nutritiua facultate expers respectu superioris vini. Talis, inquam, bonificatio, vini que rectificatio sicut & plures similes, pluresque aliæ non minùs iucundæ, quàm vtilis inuestigationes in alium locum remittuntur, vbi ex professo de vino, vini que natura disputabimus. At in rem præsentem sat esse duximus, plures vinorum tum simplices, cum compositas præparationes restitutæ nostræ Pharmacisë inserere, quæ corporis humani conseruandæ sanitati, morbisque depellendis inseruiant.

Diuidemus vina (sicut & aquas supra) in simplicia, & composita, nempe quòd ex variis rebus componantur, cum simplicia ex vna tantum constent, vnde & ipsorum orta differentia. Eodem porro ordinè recensenda sunt.

	<i>Vinum Acori</i>
	<i>Vinum Angelicae</i>
	<i>Vinum Enulatum</i>
	<i>Vinum Anthosatum</i>
	<i>Vinum Saluatatum</i>
	<i>Vinum Buglossatum</i>
	<i>Vinum Euphrasiae</i>
	<i>Vinum Foeniculatum</i>
Vina simplicia sunt	<i>Vinum Hyssopi</i>
	<i>Vinum Anisi</i>
	<i>Vinum Epithimi</i>
	<i>Vinum Absynthii</i>
	<i>Vinum Iuniperi</i>
	<i>Vinum Hypericonis</i>
	<i>Vinum Centaurii minoris</i>
	<i>Vinum Alkekengi</i>
	<i>Vinum Tringiorum</i>
	<i>Vinum Scilliticum.</i>
Vina simplicia laxatiua.	<i>Vinum Sennae simplex</i>
	<i>Vinum Hermodactylorum</i>
	<i>Vinum Turbith</i>
	<i>Vinum Sem. ebuli maturi</i>
	<i>Vinum Sem. ebuli non maturi</i>
	<i>Vinum Seminis sambuci</i>
	<i>Vinum Seminis hederæ.</i>
Vina composita	<i>Vinum Zedoariae</i>
	<i>Vinum Ophthalmicum</i>
	<i>Vinum Antinephriticum</i>
	<i>Vina Hippocratica clareta dicta</i>
	<i>Vinum Chalibeatum.</i>
	<i>Vina purgantia composita. Inter</i>

Inter prædicta vina, vinum Acori, Angelicæ, Anthosatum, Saluiatum frigidis cerebri affectibus cõducit.

Vinum Euphragiæ, & sceniculi, oculorum & aciei corroborationi confert.

Vinum Enulatum, Astmatis, & pulmonum vitiis medetur, valétque ad detergendum, & iuandam expectorationem.

Vinum Absynthij in Germania ad lumbricos, omnémque corporis arcendam putredinem cõmune est, non secus, ac vinum hipericonis, & cętaurij minoris, quę ad liberandas iecoris obstructions, ipsũque roborandum maximè conducunt.

Vinum buglossatum cordi, omnibũque melancholicis affectibus accommodatum est.

Vinum anisi ad colicum dolorem ex flatu profectum, siue is in stomacho, siue in vniuerso ventre existat, laudatur.

Vinum epithimi, sicut & vinum tamaricis, lieini confert.

Vinum passulatum admirabile est ad virium restitutionem in senibus.

Vina Alkekengi & yringiorum, nephriticos, & calculosos iuuant, vt & ipsum vinum Iuniperinum, quod mirè etiam cor, cerebrũque, & reliquas partes nobiles corroborat.

Vinum scilliticum præstantissimum est ad humorum præparationem, & digestionẽ; hoc enim ad incidendas, & attenuandas crassas, pituitosas,

melancholicasque materias vtuntur, quo etiam nullum est ad attenuandos omnis generis humores mucilaginosos, tartareosque excellentius remedium.

Vinum senne melancholicos, imò etiam alios humores purgat. Facillimum quidem est, nec iniucundum remedium, quo libenter ij etiam, qui à potionibus medicinalibus abhorrent, vti debent, cum benignè & sine perturbatione vlla, vel commotione purget.

Vina hermodactilorum, & turbith, serosos, pituitososque humores ex ipsis iuncturis euacuât, vnde ad arthritidem vsurpantur.

Vina seminis ebuli, & sambuci aquas potenter ducunt, & ad hydropis curationem adhibentur, quemadmodum & vinum hederæ.

Haftenus vina, eorumque virtutes, & proprietates ordine, & cathologo proposuimus. Restat iam, vt & præparationis quoque vinorum cum simplicium, tum cõpositorum modum inferamus.

Quod verò simplicia spectat, ea quidem omnia, vna prorsus & eadem methodo præparantur. Haut perspecta cuiuslibet præparatione, non sit difficile reliqua omnia ad eius imitationem componere. Sequenti itaque via progrediendum est.

Accipe vini musti, cum scilicet absoluta adhuc non est ipsius separatio, quantum libuerit ad implendū doliū magnitudinis pro libito constitutæ: simplicis, ex quo vinū comparare est animus, pro vini hemina, quæ lb iiij. circiter cõtinet, ʒ ij. verbi
gra-

gratia, pro xij. heminis vini: lb ij. radicum, herbarum aut florum, ex quibus vinum præparare cupis. Prædictæ radices, herbæ florésque priùs soli, aut lento calori exponantur, vt paululum exsiccata humiditatem suam excrementitiâ deponâr. dein conquassentur, & nodulo, vel pluribus ad proportionem debitam includantur: hinc in dolium prædictum per foramen medium immittantur, quibus postea per idem foramen mustum affundatur. Notandum tamen non penitus replendum esse dolium, sed relinquendos adhuc vacui quatuor digitos, quò melius vinum circulari queat. & id sine vlla euaporatione: obturandum enim optimè eo fini est foramen: doliumque per xxv. aut xxx. dies ad naturalem digestionem & fermentationem relinquendum. His peractis dolium rursus vino semicocto replebis, vt illi maiorem liquorem seu gratam dulcedinem imprimas. Tunc reobturato denuò dolo, aliòque in loco, vt solet, perforato, vino medicinali per annum integrum (tâdiu enim incorruptè seruari potest) continuò vteris.

Hoc verò si gratius delicatiusque efficere sit animus, post prædictam mensis vnus fermentationem & digestionem perforato dolo liquor clarus, stirpisque virtutibus imbutus à fœcibus separandus est, quò nouum dolium ad dimidias implebis, & vinum semicoctum (quod vindemia-rum tempore præparaueris) superaffundes. Tunc noua digestio fermentatioque fiet, vinumque

gratius multò & iucundius efficietur. Et ita quidem omnis generis vina simplicia, siue corroborantia sint, siue purgantia, præparabis. nec sanè maiori hîc instructione opus est, cùm ista satis facilis sit, nec laboris plena.

At verò vina seminum ebuli, & sambuci, quòd hæc semina vinosa, & eo solùm tempore, quo racemî, matura sint, paulò aliter quàm dictum sit, præparari debent. Quare prædictorum seminum vtrûlibet exprimendum est, & succus extrahendus, qui cum dupla musti optimi vini albi quantitate admisceatur, & in dolium magnitudinis convenientis, ad solitam digestionem & fermentationem, infundatur. Notandum verò hic melius esse, si id obturato dolio peragatur, hoc est, si dolium penitus non repleatur, & obturetur, ne quid exhalet. Quibus absolutis, & perfecta per mensem integrum fermentatione, aperiri dolium, & vino vt suprà penitus adimpleri potest.

Porro vina quouis etiã tẽpore ex vino albo iã à naturali calore digesto, & ab impuris fœcib. separato facilè præparari possunt, si flores, herbas, & radices, quarum facultates vino imprimere cupis, mediocriter seorsim exsiccet, id est, si fuerint radices, in talleolas disseces, & filo transfixas in aliquo officinæ angulo suspendas: si folia vel flores super mensa aut lecto expãdas: dein in proprium dolium aut vas vitreum (si minorem vini copiam expostules) seruata, vt suprà, quantitate imponas. Quod ea ratione perficies, vt prædictas radices
intal-

in talleolas dissectas, aut flores, vel herbas, vt libuerit, in vas tuum vitreum ad sextam partem iniicias, & superaffundas vinum album, donec 8. aut plures digitos supernatet. dein vas hermeticè clausum in loco frigido, ne vel modicus calor vini spiritum separet, acescatque vinum, colloques, quo facilè stirpis vires & facultates attrahere possit. Hoc autem vino per mensem ita digesto pro necessitate singulis matutinis ad \mathfrak{z} ij. aut iij. vteris.

Verum, vt ingratum vinorum purgantium saporem, quo prædita sunt, auferas, eaque clara & iucunda efficias: post prædictam macerationem illa per manicam Hippocratis sæpè transcolabis, & cum saccharo, paululòque cinnamomi & coriandri aromatizabis, & eadem methodo plura vinorum tum roborantium, tum purgantium genera præparare poteris. Quæ vtique grata & iucunda vel minimis sumptibus confici, & quibuslibet, siue artifices mercenarij & similes fuerint, accommodari possunt. Adde quod eadem per manicam Hippocratis transmissa, incorrupta diutius conseruantur.

Cæterum vinū scilliticum paulò diuersa, quàm dictum superius, ratione parari debet. Scilla enim gladiolo ligneo, aut eburneo, vel alio quouis, qui tamen ferreus non sit, mundari & in talleolas dissectari, solique exponi debet per xxv. aut xxx. dierum spacium, vt exsicceetur. Cuius quidem scillæ ita præparatæ accipies lb j. & in vitreum vas con-

ueniens impones superaffundēdo vini albi optimi ſb viij. His absolutis vas benè clauſum obturatumque in balneo mar. calido per 5. aut 6. dies ad digeſtionem ponatur. dein omnia per manicam Hippocratis tranſcolentur, additiſque mellis optimè depurati ſb iij. parùm bulliant, & purificentur. Itaque perfectum erit vinum ſcilliticum, quod ad vſus poſtea curioſè adſeruabis in aliquo vaſe optimè clauſo. Præſtantiffimum eſt ad præparandos omnis generis humores, vt dictum, remedium.

Reſtat iam, vt de vinorum etiam compositorum præparatione, ducto à vino Zedoariæ exordio, verba faciamus.

*Vina compoſita, ac primum vinum
Zedoariæ.*

Accipiendum eſt vini muſtum vindemiarum tempore, quod lento igne ad tertiæ partis conſumptionem concoques: in cuius dein quatuor, aut quinque menſuris ea quæ ſequuntur aromata macerabis, & ſuspendes.

℥ zedoariæ ʒ ij. cariophyllorum, macis, cinna-
momi ana ʒ j. β. zinziberis, piperis longi ana ʒ j.
nucis moſcate ʒ β. omnia craſſiuſculè conquaſſa-
ta, vno pluribuſue nodulis lineis includantur, &
ſuspendantur, per dolioli foramen, in prædicto
muſto quadraginta dierum, aut ad minus menſis
vniuſpatio, ad macerationem. quibus poſtea ſu-
blatis vinum ad cerebri, cordis, vetriculique cor-
robo-

roborationem tempore necessitatis exhiberi potest.

Vinum Ophthalmicum.

In vini ophthalmici præparatione, eodem planè modo, quo suprà in vino Zedoariæ, procedendum est, suspendendo in musto, prædicta ratione præparato, (aromatum loco) radicis enulæ campanæ in talleolas primò dissectæ, dein exsiccatae ℥ ij. Euphrasiæ m. j. sem. fœnic. Dulcis & sileris montani ana ℥ j. contundantur crassiusculè, & omnia in vnum, aut plures nodulos immissa suspendantur in dolio, in quo prædictum vinum fuerit, aut phiala vitrea, & per mensem macerentur. Cuius vna aut altera uncia ad visus clarificationem singulis matutinis datur.

Vinum Antinephriticum.

Vinum Antinephriticum tibi comparabis, si dolium conuenientis magnitudinis ex vino albo generosissimo (non penitus tamen) adimpleas, quod quidem priùs concoctum, & ab aquea sua humiditate separatum esse debet. super huius vini heminis octo dolio inclusis, vt suprà, addes lb j. fructuum alkekengi: radicum stærestæ bouis, & yringiorum in talleolas primò dissectarum, dein paululum exsiccatarum ana ℥ iij. sem. bardanæ, milij solis, saxifrag. bis mal. ana ℥ ij. flor. genistæ p. iij. aut iiij. macerentur omnia per mensem integrum, dein ad vsus seruetur vinum.

Si post prædictam macerationem illud transcolaueris, mellisque optimè depurati tertiam

partem addideris, &, vt suprà, in vino scillitico ebullire fueris: vinum efficies, quod diu conseruari poterit, neque iniucundum gustu vllomodo erit. Cuius vncia vna aut altera (præmissa tamen primæ corporis regionis expurgatione cum bolo aliquo ex cassia, aut simili) ad calculi expulsiōnem, & prohibendam eius generationem, exhibetur.

Vinum chalibeatum.

℥ Limaturæ chalibis ℥ iiij. radicū yringiorū, enulæ campanæ ana ℥ j. β. santali citrini ℥ j. coralli rubri, rasuræ eboris ana ℥ vj. cariophylli macis cinnamomi, zinziber. ana ℥ iiij. ceterach flor. genist. anthos, epithym. ana p. ij. vini albi generosi lb vj. mæcerentur per octiduum ad minimum ad ignem Bal. Mar. calidum, dein transcolentur per manicam Hippocrat. ter quaterve, vt vinum optimè clarificetur, quod dulcorari saccharo poterit, vt fiat vinum gustui gratum, dosis vnum aut alterum cochleare manè ieiuno stomacho.

Vinum Hippocraticum claretum dictum.

℥ cinnamomi ℥ vj. galangæ, cariophyllorum, nucis moscatæ ana ℥ j. macis, granorum paradisi ana ℥ ij. saccari ℥ viij. vini mensl. vnam fiat, secundum artem, Hippocraticum, vt vocant.

Aliud pro diuitibus, & delicatis.

℥ cinnamomi ℥ j. zinziberis ℥ j. saccari lb j. vini mensl. j. fiat Hippocraticum, vt artis est.

*Vina purgantia composita, & primò
Vinum elleboratum.*

Accipe radices ellebori nigri benè mundatas, & ab omni terrestri impuritate purgatas, quas minutim concisas in Bal. Mar. cum sufficienti vini rubri quantitate, & semine anisi per xxiiij. horas macerabis: hinc post quatuor aut quinque dies vinum prædictum separabis: eo enim modo omne venenum ex prædicta radice extrahetur, quæ dein exsiccare debet. ℞ radicum ellebori ea, qua dictum, ratione præparatarū ℥ ij. fœnic. dulcis, anisi ana ℥ vj. corticis citri ℥ s. macerentur omnia in duabus vini albi optimi, & iam purificati mensuris per quatuor aut quinque dies in Balneo Mar. calido, coleturque vinum absque expressione ylla, dein bis terve per manicā Hippocratis transmittatur, & aromatizetur cum sacchari sufficienti quantitate, & pauculo cinnamomi. Excellens est educendis à cerebro pituitosis & melancholicis humoribus. Optimum igitur est ad maniam & melancholicos omnes affectus tum intrò assumptum, tum extrinsecus capiti cū linteolis in eo madefactis tepidè admotum, ut docebimus fusius alibi.

*Claretum vel Hippocraticum laxatinum
compositum.*

℞ rad. acori ℥ j. sem. anisi, fœniculi ana ℥ iiij. epithimi, florum genistæ, violarum. bugloss. acori ana p. ij. hermodactilor. albor. ℥ vj. fennæ ℥ j. s. turbith. ℥ s. corticis myrobalanorum citrinarum

& chebularum ana \mathfrak{z} ij. zinziberis, cinnamomi, cariophyll. galangæ ana \mathfrak{z} j. vini albi optimi mensur. ij. saccari q. l. vt fiat Hippocraticum purgatiuum. Dosis \mathfrak{z} ij. hoc vinum omnes penè humores blandè purgat, præstansque est remedium ad calculum, arthritidem, & plures alios affectus: ac præsertim delicatis naturis, iisque, qui sunt imbecilliori ventriculo, quique reliqua medicamenta purgantia abhorrent, conducit.

Aliud vinum purgans optimum compositum.

Aut si velis vindemiarum tempore paruum dolium, quod octo mensuras circiter vini contineat, ex querceo ligno confici curabis, per cuius foramen immittes foliorum sennæ mundatorum \mathfrak{z} vj. (plus vel minus, prout vinum efficacius, aut mitius purgans efficere sit animus) hermodact. \mathfrak{z} ij. turbith \mathfrak{z} ij. cinnamomi, macis, zinziberis ana \mathfrak{z} ij. seminis fœniculi dulcis \mathfrak{z} j. prædictum mustum supra iniicies (nec tamen totum dolium replendum est) tunc obturato optimè dolij foramine, ne quid exhalare queat, permitte, vt maceretur, & à calore naturali circulentur, per mensem integrum ad minimum. Peractis solitis ebullitionibus & naturali digestionem, tunc dolium vino cocto omninò adimplere poteris, & quàm optimè obturare. Tunc habebis vinum purgans excellētissimū, quod etiā per integrū annū durare poterit. Gratissimum est, & iucundissimum purgans remedium, de quo \mathfrak{z} ii. pro dosi sufficient, pro conuenienti purgatione.



DE ARTHRITIDE ET

MORBO EI AFFINI, CALCULO,

Consilium primum,

AD CELEBERRIMVM ET ERVDI-

TISSIMVM VIRVM AC D. DOMINVM

Riuierum,

HENRICI MAGNI IIII GALLO-

RVM ET NAVARRENORVM REGIS

Christianiss. ac potentissim. Ar-

chiatrum.



VIA Consilia hæc mea statui subiicere iudicio celeberrimorum medicorum Europæorum: quos quidem vel cōuersatione & consuetudine familiari, vel per literas, vel per doctissima eorum scripta noui: non potui, imo vero etiam non debui, quin te celebratissime & ornatissime Domine RIVIERI, primū, ceterorumque quendam Antesignanum constituerem. Te, inquam, quem eruditio & virtus tua primariū fecit, inter cæteros medicum magni illius HENRICI, & quotquot habuit terrarum orbis AVGVSTISSIMI, fœlicissimique atque inuictissimi Regis

nostri. In quorum ordinem talis qualis & ipse iamdudum ascitus: eo honore utcunque defunctus, nescio an Spartā susceptam prodignitate exornarim. Cur ergo, non & ego te faciam primum quum & ab eo qui non potest nisi prima, hoc est summa velle, primus habearis, & me; (quod lubens fateor) multis præcurras parasangis? Sed & illud me commouit ut, cum morbo huic, arthritidi inquam, hactenus inuicto, & qui in merum hodie medicorū opprobrium abiere, edomando, imparem me esse crederem: non è vulgo aliquem, sed te imprimis tanquam alterum Æsculapium deligere voluerim. Age ergo, tu qui in vtriusq; medicinę cognitione excellis præ aliis. Si quid rectè vel perperam in disquisitione causarum à me prolatum, quo polles iudicio, & ingenij acumine, iudicato. Tu, inquam, qui vulgaris philosophandi ac medendi ratione nequaquam contentus: sed altius quid spirans sub auspiciis insignis illius herois illustrissimi ducis de Bouillon, Germaniam doctissimorum ac in rebus perquirendis sagacissimorum virorum feracissimam adiisti, in quorum conuersatione solerti studio singulariq; ingenii dexteritate reperisti non quod pueri in fabis, ut paroemia dici solet. Rectè sanè: Sic decuit sed maximè talem genium non nisi abstrusissima atque difficillima fecerat, vel summi Pla-

mi Platonis exemplo, qui nullis laboribus, & peregrinationū difficultatibus pepercit : ut cum magno illo Iarcha, aliisque celeberrimis viris exoticis, foelicius inuestigationi mysteriorum incumbere posset. Quod & Galenum, quum in Lemniam nauigaret, ut vel terram illam, cuius virtutes tantopere prædicabantur, contineretur ipse, & alios plures primæ notæ philosophos ac medicos, factitasse cōstat. Talia herclè vulgò medicis ignota mysteria, vel sola ornamento siue arti, eiusque dignitatem, quæ vltimo & corruptissimo hoc seculo labascens, parum abest, quin in contemptum abierit, tuentur. Quin sine insigni illo ornamento, medicina hodie aliud nihil esse videtur, quàm illud quod plerique pharmacopœi, ipsæque adeò obstetrices & famulæ norunt atque tractare solent. Sed illud etiam apprimè me permouit. Cur hoc, quicquid erit consilij, tuo potissimum iudicio subiecerim: quòd disciam eundem eminentissimum virum ad quem hoc pertinet D. de Frene Canæ hoc tempore apud serenissimam Remp. Venetorū Regium legatum, & præcipuorum totius Galliæ ingeniorum, stellam, te & amare, & magnificere, ab eo tempore, quo eidem legati Regij munere apud Principes Germaniæ fungenti innotuisti. Et quū possim, aut debeam aliter, quàm eundem reuereri, quē

à tam nobili, & tam erudito ingenio maximi fieri animaduerti? Toto sapius cupiui corde, summisque votis exoptavi profectò, vt sicut tu ex meritis tuis agnosci & suspici dignus es, hoc beneficium consequerer, vt tibi amore, & eiusdem significatione familiariori innotescerem. Sed nescio quid fati hoc identidem cogitantem, atq; etiam molientem hætenus prohibuerit. An prodeò tandem, non quidem in amorem tui, qui, verè dico, vetus est non nouus: sed in eiusdem significationem, atque testimonium publicum. Quod si intellexero hunc meum affectû aliquam apud te inuenisse gratiam: faxo sentias posthac maioris etiam momèti, Integritatis, obseruantiaæ atque amoris erga te mei notas, & eueniet fortè vt arctior hæc nostra necessitudo, atque familiaritas, si in mysteriorum secretorumque naturæ cõ-
 municatione, inuestigationeque occupetur, redundet in bonum atque vtilitatem publicam, haud vulgatam: ad quam omnia nostra studia & conatus nostros dirigere atque intendere debemus. Pluribus nunc agerem tecum, nisi vox amici illius nostri, etiam dis-
 sita valde, denuò occineret illud, Ad sis amice: Et quid de eius mali natura & causis tibi videatur, ediffere, ac simul curationem, ex vtriusque medicinæ fundamentis depromptam præscribe. Quapropter, qui nihil aliud
 quam

quàm tanto talique viro, atque amico inferuire gestio, deinceps in eiusdem morbi, atque causarum inuestigationem me accingo. Cui deinde tutius, eiusdem curandi rationem subiungam. Hæc autem ea lege facio atque omine, vt te virum summa doctrina, & multifaria experientia præditum, omniū, quæ hîc à me docentur, iudicem poscam, vt tutius citius atque iucundiùs prospiciatur sanitati, vtriusque nostrum amici, cuius vigor & sanitas, non possit non esse nostra. Sed iam ad te me conuerto eruditissime & amplissime Canæ. Tua res hîc agitur. Tuū vel maximè etiam est attendere animum, quid ex anatomia huius tui morbi, cognitionis ad te redundare possit. Tibi hæc tradō. Tibi ingenij vela pando. Tuum itaque sit etiam discernere, num cursum veritatis ex discursu causarum, & ex causis verè cognitīs, felicitatem remediorum, quibus iuari possis obtinuerim: Sed ad rem veniamus.

Arthritis, seu morbus articularis Latinis, nomen obtinet à parte læsa, Galeno authore. Est enim articulorum dolor ex interual-
 Arthritidis definitio.
 tis ferè inuadens, ab aliqua humorum fluxione, vel congectione excitatus. Nā quum humor redundans affectam occupat articulationem, fit vt ligamenta & membranæ vicinæ & nervosæ partes omnes distendatur:

vnde dolor ille acerrimus excitatur. Non enim doloris causa est *δυσκρασία* aut inæqualis intemperies, cum omnis alteratio temporis successione fiat, quæ motus est, vt scribitur ab Aristotele. Igitur *δυσκρασία* illa, cum sensim generetur, & nunquam tota simul & præcipiti ac quasi momentanea inuasione, idcirco dolorem parere, non potest; qui cōfertim fiat, seu vt loquuntur *ἀθρόως*. Hac de causa Galenus pluribus in locis scribit, nihil dolorem inferre posse, nisi idem continuum soluere valeat. Merito itaque diximus, arthritidem esse articulorum dolorem non à nuda, seu simplici intemperie: sed ab aliqua humorum fluxione, seu potius congestione excitatum. Porro articulorum appellatur, quod articulos occupet ille affectus. Articulatio autem nihil aliud est quàm ossiū quædam, seu cohæsiō. At tribus modis connectuntur ossa in vniuersum. Vel enim inuicem coalescunt modò sine materiæ alicuius interuentu, vt in mulieribus & fungosis: modo intercedente aliqua materia, vt in duris & siccis *καὶ σύμμεσιν*. Vel ita connectuntur inter se, vt obscurum & difficilem habeant motum *συνάρθρωσιν*: vel manifestum & euidentem per *διαρθρώσιν*. In prima articulorum connexionione dolores non fiunt, vt in ossibus cranij videre est. In secunda rarò, nisi topi & œdematosi tumores interueniāt,

vt in

Lib. de in-
zq. intép.
c. 6. lib.
4. de simp.
med. fac.
cap. 2. &
comm. ad
part. 34.
sect. 3. lib.
de fractu-
ris.

Partes af-
fectæ.

vt in articulis carpi & metacarpij accidit. Tertia arthritidis sedes est inter membranas, tendones & ligamenta, quæ oriuntur à perioftio, & proinde sensum habent: ex quibus omnibus formatur articulus. Vnde dolor vehementissimus excitatur, si aliqua materia illic intercipiatur, vel distendens, vel acrimonia pungens. Atque ex partium illarum affectarum articulorum scilicet numero & nomine, sequentes differentias constituerunt medici. Nam si malleus vel articuli digitorum pedum doloribus illis excruciantur, podagram appellant. Si genua infestantur, gonagram. Si in coxendicis aut inguinum regione inferna adsit dolor, ischiaticum nuncupant. Si manum torquet, chyragram. At quando simul & vnà multi articuli doloribus diuexantur, verè & propriè Arthritis nuncupatur. Qui morbus facillimè excitatur, tam propter robustam principum partium expultricem, quæ fit seu per *μετάσσειν*, vti Græci vocant: tum verò propter imbecillitatem, frigiditatem & *δυσθερίαν* partium articulorum, scilicet tendinum, vinculorum & membranorum, quæ ossa vel connectunt, vel ambiunt. Quæ quidem quo acutiori sensu sunt præditæ, eò magis etiam dolent. Ista paucis de natura morbi, partibus affectis, & Arthritidis differentiis dicta sint.

Medici causas huius grauissimi affectus, *causæ*.

diuidunt in externas, antecedentes & con-
Externæ. iunctas. Causæ externæ sunt, equitatio assidu-
 ua: sed potissimum ea, quæ pedibus fit pē-
 dulis, aut non firmiter stapedis innixis. Vnde Scythi tradunt frequentem hunc mor-
 bum, quòd stapedis equites careant. Item
 motus vehemens, præsertim si statim fiat à
 cibo: Assiduus & immodicus crassorum &
 crudorum ciborum, vt casei, leguminum, &
 fructuum non rectè digestorum, vel maturorum vsus. Vita genialis ocio gaudens, &
 palati deliciis. In summa Arthritis est Dea
μίσοπτωχος, odio trahens pauperes, quòd sit
 Bacchi & Veneris filia, vt veteres Poëtæ fin-
 xerunt. Hippocrates etiam, eandem ob cau-
 sam eunuchos, mulieres, & pueros ante v-
 sum venereū podagra non affici dixit: Quod
 tamen intelligendum est, modò temperan-
 ter viuant. Nam Eunuchi alioquin Arthride
 conflictari possunt, vt & mulieres. Atque
 hæc fuit causa cur Seneca, in quadam episto-
 la in eas inuehitur, quòd per luxum Hippo-
 cratem mendacem fecerunt. Non minima
 etiam causa est vini ingluuies continua, præ-
 fertim generosioris & meracioris vini. Nā
*Ut Venus enervat vires: sic copia Bacchi
 Et tentat grossius, debilitatque pedes.*
 Vt ait Poëta. Idcirco Cleomenem Spar-
 tarum Regē cum Scythiis agentem, & illo-
 rum crapulas imitantem in Leonem versum
 fuisse,

fuisse, ac tandem tremulum, & planè podagricum senem, extitisse tradunt.

Causæ arthritidis antecedentes, ex eorummet medicorum sententiis, sunt humorum à capite, vel aliis partibus defluxio, & partis imbecillitas. Nam citra illam (vt aiunt) haud euenire potest hæc passio. Etenim quæ nihil colligunt, aut suscipiunt superuacui, eæ tempore in tuto manent, vt ait Galenus alicubi. Origo autem defluxionis est vel à capite, vel ab hepate. Omnes enim, qui hisce doloribus conflictari solent, sunt hepate vt plurimum calidiore & frigidiore ventriculo: in quo variæ mucilaginosæ impuritates atque cruditates procreantur. Ex cruditatibus à calore imbecilliore fiunt vapores, qui euecti in caput, ac proinde ipso etiam cerebro magis ac magis intemperato reddito: moxque vaporibus in humorem conuersis, irruunt & destillant in subiectas, imbecillasque corporis partes: sed maxime in articulos propter motum atque imbecillitatem eidemet humori recipiendo aptissimos. A cerebro namque inter tunicas tædonum per foramen pituita exudat, quæ per palatum aut nares repurgari debebat. Ab hepate verò, quando venæ magnæ, & ipsum hepar humorum copia grauatur: quam si cōtinere vel non possunt: aut si qualitate quadam vitiosa molestantur, fit, vt vel à plenitudine, at-

Causæ antecedentes.

que venarum redundantia fiant refluxiones in articulos vel à recrementis aliarum partium, potissimum cerebri.

per quas
vias deflu-
xio descen-
dat.

Per quas autem vias eiusmodi defluxio descendat, non eadem est omnium medicorum celeberrimorum sententia. Alij enim per venas & arterias decumbere statuunt, cum sit defluxionis species talis, qua partes robustæ ad imbecilliores excrementa sua transmittant. Alij verò à capite sub cute materiam per summa corporis, ad extimas partes influere putant. Prioris sententiæ Galenus, & eius sectatores: posterioris Fernellius vir doctissimus author est, qui primò se eam introduxisse contendit. At quæcunque articulosis cōtingunt, eorum circa articulos causa est imbecillitas. Arthritici enim omnes articulos habent imbecilles. Nam citrà imbecillitatem non fit ista passio, vt ipsi volunt: quoniam membra fortia, quod in ipsis abundat, ad infirma delegant: & hæc rursus ad infirmiora transmittunt, donec in partem decumbant, quæ vim excretricem omnibus imbecilliolem obtineat, & proinde propellere aut digerere recrementum nequeat. Ex quo liquet idem ferè euenire in partibus humani corporis: quod in Republica illa vitiosa, quam Aristoteles *ὀλιγαρχίαν* vocat, in qua scilicet qui plus possunt, minùs potentes opprimunt. Patet etiam qua ratione partes situ

infe-

inferiores omnium primæ, excrementitiis morbis corripuntur, iuxta Celsi sententiam. Quotiens enim offensus est corpus, vitiosa pars maximè sentit: hoc est, quæ magis est imbecillis. Est autem imbecillitas nature robori cōtraria, quæ vel ob *δυσκρασίαν*, vel propter meatum *ἀνερπίαν*, eueniunt: membrum autem imbecillius facile recipit defluxiones, vel ob raritatem, vel ob amplitudinem, aut capacitatem viarū, vt idem Celsus: vel propter situm ampliolem, vt vult Serapio.

Hæc est trita & vulgaris de antecedente istius affectus causā, omnium medicorum opinio.

Fernelius nouam, & à prædicta diuersam suam sententiam propugnaturus, cōtra Galenum acerrimè contendit, omnis arthritidis materiam esse pituitosam omnino & ferrosam: neque ex aliis humoribus, sanguine scilicet & vtraque bile fieri. Addit insuper, tenuem illum humorem, non è cerebro, & interiorib. eius vetriculis, per spinalem medullā: sed à pericranio, parte capitis externa, per summa corporis sub cute deorsum decurrere, vt iam diximus.

Causa autem coniuncta est humor in articulis interceptus dolores illos excitans: siue acrimonia sua id præstet, vt bile: siue frigiditate, vt pituita: siue asperitate ex gypsea materia, vt vocant, siue distensione mem-

Arthritidis causa antecedens ex Fernelio.

Causa coniuncta.

brarum & ligamentorum : aut inflammatione. quod ab omnibus humoribus fieri posse contendunt.

Porro quoniam dolores interdum suboriuntur absque humorum præcedente aliqua defluxione: asseuerant præstantes medici, materiam illam in articulis colligi, non tantum per affluxionem humorum ab aliis partibus: sed & per ipsorum congestionem, malè scilicet concoquente parte.

Ius hereditarium inter causas arthritidis recensetur.

Præter hæc omnes causas externas, quàm internas, addunt & quartam, quæ quasi hereditario iure iis accidit, qui patres, vel auos habuerunt arthriticos. Nam seminis ea est natura, ut tale quid actu efficere possit, quale id à quo est excretum. Sperma enim est secundum complexionem generantis, ut loquitur Auicennas : unde genitale semen hominis abstractum esse non temerè à Zenone Stoicorum principe dictum est, & tanquam animal potentia, quemadmodum sulphur potètia est ignis. Atque hæc sunt ex dogmaticorum medicorum sententia, omnes arthritidis causæ : à quibus suos scopos curatiuos, vel indicationes therapeuticas, quas vocant, deducunt. Ablata enim causa tollitur effectus, ut celebre illud habet axioma. Curationis igitur indicationem à causa desumunt, ut ea extirpata ipsum τὸ πάθος cesset citius, scilicet & tutius. Et hæc est dogmaticorum

corum medicorum doctrina, de causis Arthritidis perspicua, ni fallor, breuitate à me collecta. Sed antequam ad eorum remedia accedamus, animus etiam est prius de calculo arthritidis amico familiarique, seu proximo cognato, ex eorundemmet dogmaticorum doctrina differere: cum ipsimet vtriusque affectus naturam, vti dictum, similem faciant, siue causam spectes, siue generationis modum. Idcirco pro eiusdem calculi theoria, si lubet, in vireta dogmaticorum expatiemur: Tum postea audiendi erunt Hermetis sectatores: quorum certè philosophandratio ab ipsis sensibus deprompta, & demonstratione τῆς οὐσίας comprobata, mihi vehementer probari solet.

In calculi igitur essentia peruestiganda, mirum quàm variè se mutuò lancinarint, atque torserint dogmatici authores. Alij morbum dixerunt: alij symptoma. Nonnulli aptius & rectius causam dici efficacissimè cōtenderunt. Et sanè mirum est, viros, alioqui clarissimos in re tam facili, vix trimeltri logico conspicua, hæsitasse. Attamen dicamus, si lubet, vt placeamus omnibus, calculum & morbi, & causæ, & symptomatis nomen sibi vsurpasse, diuerso respectu. Morbum esse tradit Galenus: & post hunc acriter tanquam pro aris & focis, peculiari à se edito libello, defendit Fuccius. Et quidem morbum esse

Varie opiniones
de calculi
essentia.

aiunt in numero, quatenus nimirum sit substantia præter naturam in corpore nostro. Sic illi philosophantur. Quàm rectè sentiāt, norunt, qui quid morbus sit ex eorummet sententia tenent. Esse etiam morbū in via, quidam dogmatici tradunt. A calculo siquidem viam intercipi & obstrui, quominus vrina liberè vel per vretes, vel per vesicę ceruicem defluat, aut excernatur. Quamuis hoc ipso, vt liberè fatear quod res est, causam magis esse probent quàm morbum. Causam, inquam, non sui. (Quis enim ita statuat.?) sed obstructionis, & impeditæ transcolationis vrinæ. Dicit etiam potest τὸ δυσκράσις σύμπτωμα: quod & in aliis plurimis euenire nouimus.

Partes affectæ.

Partes affectæ, vt & morbus ipse, à signis facile deprehenduntur: quorum præcipua sunt, & ad sensum patentia, suppressio vrinæ, sedimenta arenosa, stillicidium & tensio crebra pudendi, si calculus sit in vesica. At si sit in renibus, circa illam regionem dolor apparebit fixus, per interualla accedens & recedens cum grauitate: & plerumque vomitu, ac colicis doloribus, aut certè colicam passionem quàm proximè mentientibus, quæ sunt signa calculi renum ex Hippoc. Maximè si in vrinis arenulæ substiterint. quod vtique signum est παθογνωμονικόν.

Lib. de affect. inte. & 6. Epid. 5. l. p. 6. Causæ cal. exter.

Causæ huius affectus, vt & arthritidis, est praua

praua victus ratio, nempe ciborum crassorum, & crudorum, atque viscidorum: vt pote leguminum, casei & eiusmodi. Hinc pueros sapissime calculo etiam vesicæ laborare constat. primò quòd edaces sint: à cibo statim ludant & agitentur, profilientésque impetuosius, calorem à ventriculo auellant, vt concoctrix sufficere nequeat. Hinc cruditas, & materie ad generationem calculi quædã quasi *δυσχυσία* ἢ *ἀδύσχευη*. Deinde quia neque horas sumendi cibum ordinatas, neque etiã eundem, quem assumunt, ritè cõterunt. Sed quæ inter externas, præcipua collocanda esse videtur, quòd fructibus omnis generis etiã lapidosi atque viscosi delectantur. Ex his sanè vt in pueris calculi: ita in senescentibus & calculi & arthritidis causæ antecedentes progigni possunt, & solent. Namque ex cruditate coaceruata non multò post crassa atque viscosa materia generatur, commisceturque sanguini, & per venas emulgentes ad renes, in quibus calor ipsorummet renũ (vt illi aiunt) huius materiæ humorem, seu liquidiorẽ substantiam euaporat, siccatur, & cogit in lapidem: Vel à renibus falsuginosum illud naturale lixiuium per vretes ad vesicam defertur: Vbi retentum diutius, tanquam in vase conuenienti, atque capaci, ac ceu in balneo quodam maris naturæ, illa materia purificatur, fœcesque (beneficio

Antecedentes.

huius digestionis) in fundo vasis reliquuntur: purior verò pars per urinam, tanquam per inclinationem, ut vocant, separatur. At sedimentum illud crassum in fundo prædicti vasis naturæ relictum, in vnum coiens, concretionis & coagulationis aut coagmationis initium capit. Quicquid deinde viscosi, glutinosi, seu, ut melius loquar, tartarei simul in vesicam delabitur, priorî massæ facillimè agglutinatur. Et sic semper maior, ac maior calculus, tóphus, vel tartarum redditur: perinde ac tartarea materia ex vinis in doliis separata, eiusque superficiei internæ, seu cavæ adhærescens, primo anno in tenuè pelliculam tartaream, ac tandem temporis progressu in lapideam materiam atque tophaceam concrevit. Quin & qua ratione tartarum fiat, non tantum in vinorum cadis ex vino: sed aliis quoque rebus externis manifestè deprehendere licet. Videmus namque urinam, si diutiùs in matula remanserit, lateribus & fundo adhærescere: ibique, ut in dolio vinum, in tartaream substantiam concrevere. Ita ex omnibus ferè succis, qui per aliquod tempus in vase subsiderint, tartaream illam materiam concrevere, ut in ceruisia, citrio, defruto, ac omnium quoq; fructuum decoctis, vel succis licèt depuratis. Iam verò si calor quoque vel mediocris cōcurrat, non parum operatur ad condensandum

dum lapideum. Sed præcipuè ac primariò
 materiæ qualitas cruda, indigesta ac vitrio-
 lata internæ istius compactionis causa exi-
 stit. Sic sanè videmus vina cruda, atque sub-
 austera & immatura: qualia ferè sūt Tiguri-
 na, multum tartareæ materiæ in doliis de-
 ponere. Vnde fit vt incolæ eius loci, calculo
 & arthritidi plurimum sint obnoxij. At ge-
 nerosa vina, qualia sunt Hispanica, Cretica,
 Falernitana, & multa talia, quæ nimirum &
 solum & solem habent propitium: quæque
 à natura magis digesta sunt, vel nihil, vel
 certè parum fæcum & tartati deponūt. Sed
 video nos latius diffundi in hoc disputatio-
 nis campo. Quod ideo fit, quoniam & ma-
 teriæ dignitas, quam à nemine dogmatico-
 rum hæctenus ad viuū (vt liberè fatear quod
 sentio) tactam nouimus, id postulare videat-
 ur: & vt aliæ quoque difficultates apprimè
 cognitu & explicatu necessariæ, ad verum
 intellectum morborum, qui ex tartarea ma-
 teria originem trahunt, dissoluantur, atque
 patefiant. Quod vix aliter fieri pōt, nisi eadē
 materierū coagulationem exactè intelliga-
 mus, tantòque minùs dextrè curam, hoc est
 earummet resolutionem veram tentare at-
 que moliri valeamus. Ergo si paulò liberiùs
 ad ambitum excurreremus: curabimus tamen,
 ne id fiat, quod aiunt, extra pomeria. Ita e-
 nim similes atque affines sunt vtrique affe-

Calculi &
 arthrit. af-
 finitas.

ctus quod ad causas, coagulationem, resolutionemque attinet: ut qui alterius historiam, atque generationis modum ritè percipiet, alterum non sit ignoraturus. Ita tamen cursum velitationis nostræ moderabimur, ut subinde *αὐτὸς τὸ δέον*, ut loquuntur, ad id quod est opus, ad quod (inquam) collimamus, orationis nostræ stylum dirigamus. Nam quoniam dogmaticorum, qui tam morborum, quàm remediorum causas attribuunt quibusdam humoribus, atque qualitatibus elementaribus, sententiam & opinionem de arthritide & calculo, iam latius satis exposuimus: Tēpus est ut & Hermeticos fluctus secemus, & nunquid aliquid laudabilius, atque utilius inde reportari possit, ingenua confidentique velitatione tentemus.

Hermetici itaque Philosophi, quos & spagyricos & chymicos nominant, morborum causas eorundemque remedia non qualitatibus, sed substantiis: non quatuor tantum humoribus: sed tribus illis hypostaticis principiis potiùs accepta ferenda censuerunt: salis, inquam, liquori, quem mercurium vocāt, & sulphuri, seu substantiæ oleaginosæ. Quæ tria principia, siue substantiæ, reperiuntur in resolutione mixtorum omnium corporum, ut alibi clariùs docuimus. Substantia salis, quæ reliquis duabus est crassior, solidior, &

Morbi ex
substantia
salis.

den-

denfioſiore corpore prædita, diuerſa morborum genera producit: ac inter alia arthritidem, & calculum, de quibus tanquam affinis, coniuñctim hoc loco agimus: non affinis tantum ratione cauſarum, ſed generationis etiam modo. Nam vterque fit à coagulatione ſalis, vel tartari, quod nunc declarare aggredimur: vt ritè cognita perfectaque cauſa, & modo generationis, tutius procedat remedium ſpecificum, eiſque delectus atque adminiſtratio. Sed antequam hoc fiat, vtriuſque opinionis rationes ſunt conferendæ, ne alterutra pars cauſa indiſta, repudiata, condemnataue videatur.

Ac primum quidem in cauſis externis, atque antecedentibus vtcunque conueniunt inter ſe dogmatici & Hermetici. Quapropter quum de iis iam ſuperius à nobis ſit actum, ne verbum quidem addam amplius.

Coniuñctam verò tam arthritidis, quam calculi cauſam, dogmatici conſtituunt humorem quendam viſcidum, craſſum atque terreſtrem, cuiuſmodi eſt pituita. Hanc materiam faciunt: Efficientem verò dicunt calorem, qui prædictum humorem craſſum cogat, induret, & in lapideam ſubſtantiam conuertat. Ex his duabus cauſis, omnis calculi generationem deriuant. Sic Arthritidis cauſam coniuñctam & ipſi quoque eandem faciunt, nempe pituitoſam atq; terreſtrem:

Cauſæ Arthri. ſecundum opinionem dogmaticorum.
Dogma illorum.

nimirum quia vident & in ea manifestè generari tophos atque calculos in iuncturis: At moti immanitate doloris, quo miserè torqueri podagricos perspexerunt, adiecerunt & pituitam falsam & biliosam, ac æruginosam quandam materiam torrefactam: aut similem quandam acrem interim & mordicantem, à qua eiusmodi cruciatus intolerabiles excitari statuerunt, in membranis, tendonibus, ligamentis, cæterisque nervosis iuncturarum partibus, acerrimo sensu præditis. Ergo consentiunt utrique in eo, generari nempe, & reperiri in corpore nostro humores crassos atque terrestres, quique sint falsi, acres & mordicantes. At qua ratione generentur non conveniunt. Galenus namque dogmaticorum coryphæus, humorem crassum atque terrenum ut plurimum dicit pituitam & melancholiam, quos ille humores aquæ comparat, atque terræ: Quæ duo elementa sunt crassissima. Ideo aliquando inter humores crassos refert humorem quemdam biliosum, quem vitellinum vocat. Causam verò crassitudinis istorum humorum, tribuit frigiditati, à qua eiusmodi pituita congeletur, coaguleturque, ut in glacie fieri videmus. Bilem verò contra

Ratio generationis
arthritidis
secundum
Gal.

trà ait indurari ac torrefieri à calore vehementi dissipante, exhalantéque parte eius liquidiori. Hæque sunt causæ cōiunctæ, & rationes generationis calculi, atque arthritidis secundum doctrinam dogmaticorum.

At Hermetici his sese opponunt, moti
 rationibus, quas docebimus postea. Sa-
 nè si vtriusque partis sententiæ, & fun-
 damenta sine præiudicio, atque affectu
 æstimarentur: utique conciliari possent:
 nec id absque ingenti plurimorum ægro-
 tantium commodo, atque solatio. Nam
 frustra herclè remedia quæras, aut adhi-
 beas non bene cognita causa. Curatio-
 nis siquidem initium est cognitio mor-
 bi. Hic non cognoscitur nisi perspecta
 prius causa. Tum demum enim rem sci-
 re nos putamus, cum causam eius cognos-
 scimus, quòd ita sit. Nec aliter fieri potest,
 vt legimus apud Peripateticorum princi-
 pem.

Ergo vt specifica & propria remedia scia-
 mus intelligenda est morborum causa. Sed
 quì fit quòd non omnes, aut maior etiam
 pars doctissimorum, rarissimè ad veram
 morborum cognitionem penetrare soleât.
 nimirum in sua opinione confirmati (vt sibi
 quidem persuadent) atq; obstinatiores red-
 diti, subinde repetitam illam suam crambè

Hermeti-
 corū sen-
 tentia.

i. de de-
 monstr.

proferunt, à qua ne latum quidem vnguem recedere volūnt, ne prius non rectè sapuisse videantur. Alij me credunt quidem aliquid noui aut melius, quàm quod à suis magistris promanauit, proferri posse: tantum potest præiudicata sententia, & pertinax semel cōcepta opinio. Sed quis euentus apud tales? Nempe vt hodie in prouerbium abierit, *In Arthritide atque quartana non plus videre medicos, quàm qui cataraëta, seu suffusione laborant.* Lepidiùs nostri Galli in medicorum opprobrium occinunt,

*En la fièvre quarte & goutte
Le medecin n'y voit goutte.*

Nec hi modo: sed alia morborum genera hodie pro incurabilibus habentur: quorum tamen bonam partem (ne audiat Nemesis) non semel scelicissimis auspiciis persanauimus.

Sed agè, audiamus nunc Hermeticos suam causam agentes: atque id fiat modestè, eaque obseruantia quæ antiquitati debetur: Videntur etiam omnes ambages, atque ænigmata: qualia illic alioqui consueta sunt: ne Lycopironis, aut alterius *ἀνρύπιδος*, alicuius poëtæ instar, potiùs quàm veri philosophi, ac medici ritu, quid sentiamus prolocuti videamur: sed verbis apertis, atque intelligibilibus: vt causa eorū probè intellecta, rectiùs, & saniùs de ea iudicari queat, secundùm rationis

tionis & veritatis ductum. Atque eò libentius id faciemus, quum notum sit pleròsque, chymicam atque spagyricam causam celare potius quàm prodere. Ita ænigmatis & gryphis res suas inuoluunt, vt sibi potius quàm aliis scripsisse videantur. Digni mehercle, qui vt non intelliguntur, ita non magni etiã fiant à plerisque. Sed inquit philosophiam suam esse cabalisticam: ac proinde mysteria sua Eleusina, non esse temerè profananda. idque exemplo suorum prædecessorum, quibus solenni iuramento se obstrictos profitentur, omnia sua mystico docendi genere proponere. Sed maximè Democrito illi magno. Abderitarum principi, quem Plato tantopere admiratus est, Hippocrates celebravit. Quid si hîc ad illius imitationem, iuramentum illud, quod Hippocraticum appellant, quòdque tam parum, tamq; exiguæ obseruantix apud eius sectatores, conscriptum dicamus, atque statutum? Quicquid sit, probent vel improbent, qui velint talem philosophandi modum. Attamen nobis istud permissum esto, quod iustè denegari non potest, vt illorum causam apud æquos, & scientissimos iudices, atque doctores defendendam suscipiamus. Nec enim vlla causa, licèt dubia, vel infirma, quæ non patronum & authoratorem aliquem non reperiatur, talem qualem.

Vides, magne & perdocte Canæ, quibus fluctibus per impetum, istius Oceani abripior. Te hinc iudicem posco rationū & verborum meorum: iudicem, inquam, & æstimatorum attentum, atque severum: quo digniorem & *παραμυθεύσειον* neminem nunc video. Lex mihi fuerit, & norma quædam Lesbia, si quid censuræ ab eximio tuo iudicio, quod genuinæ sapientiæ animam, cum magno illò Scaligero nostro appellare soleo. Potes hoc, modò velis, inter tot tantasque & tam sacras curas, quas tractas in summa illa Repub. quàm veriùs oculum mundi dixerò, qualèsque non committuntur, nisi summi ingenij, summæque prudentiæ viris, hoc est, tui similibus. Vis autem sat scio, tantòque promptiùs istud, si ad sanitatis tuæ prerogationem, hæcce pertinere intellexeris. Et quidem velis, dum nō ita pridem, nihil istarum valetudinum adhuc suspicatus, ex vivis fontibus, de maximis naturæ mysteriis inter nos contulerimus: dum adhuc ex turbulenta nostra Gallia, in portum tranquilliorē essemus coniecti, in quo seu altero peripatetico porticu, præsentē tertio Morleō, illo nostro, versaremur: & Peripateticorum more deambulando, philosopharemur. Non possum enim, quin dulcissimi illius nostri amici communis, & patriæ spei summæ, idētiq̃ em recorder: & pro gratissima, doctissimāque

mâque eius conuersatione, nunc doleam mortuum, quo uiuo sapissimè sum recreatus. Sed vereor, ne tibi desideratissimæ illius memoriæ vulnus refricem. Interim fruamur nos (Eximium Galliæ nostræ decus) hac philosophi Christiani vitâ: & nunc *ῥεχιδασιν* cum theoretica contemperantem, & tibi ex deuoto animo deseruientem audi, æstima, iudica.

Hermetis itaque discipuli fatentur quidem esse in corpore nostro eiusmodi humores frigidos, insipidos, seu merè pituitosos, acetosos, amaros, sallos, retorridos, aut tale quid simile, vt dogmatici perhibent. At non conueniunt cum iis in generationis modo, naturæque eorum æstimatione.

Primum enim, inquit, humores, si propriè loqui velimus, hoc est, quatenus sunt tales, nihil esse aliud quàm substantiam tenuem, liquidam & aqueam: adeoque corpus quoddam fluidum, *ὑδαρμας*, & alieno termino circūscriptum: quæ tota exhalare possit vel euaporari à calore: & à se aut in se nihil solidi, nihilque terrestris substantiæ continere.

His multa dicunt, si rectè aduertamus: atque ex iisdem etiam colligunt, quod intendunt: & ex quo, ceu scaturigine nullitatis sententiæ dogmaticorum fundamentum desumunt: eiusmodi sumptum humo-

In quibus
non con-
ueniunt
dogmatici
& herme-
tici.

re, causâ esse posse cōpactionis alicuius corporis solidi. Aiunt insuper multa corpora solida reperiri, quæ sunt omnino terrestris aut arenosæ substantiæ: quæ tamen humor crassus post se relinquit (postquam aquea seu humoralis pars caloris vi euanuit) quæ cum neutiquam cum humore permisceri possint, nec humoris etiam, vel largè sumpti) denominationem mereri queant. At illi id tantum de humoris natura & essentia esse dicunt, quod humido mixtum, cum eo coeat, perfectè misceatur, fiatque corpus vnū, hoc est, liquidum & fluidum.

Quoniam autem nihil omnino est, quod ea ratione, qua dictum, in aquam transire possit per dissolutionem (vt experientia fidem facit) quod nō sit de natura salis in genere: omnino necessarium est, humorem illum, quem crassum appellant, de salis natura participare. Per salē, non tantum marinum intelligunt, sed & alia multa, eaque diuersa salium genera: quæ non omnia falsa, sed & acida, & amara & dulcia sunt, vt manna, mel, & saccharum. At de his alibi nobis dabitur disputandi locus. Porro saluginosa ea substantia, quum semper admixtam habeat aliquam portionem terrestrem (licet liquefactiua in ea prædominetur) in homine appellatur tartarum, apto profectò, & apprimè significanti vocabulo: quod indi-

rum

tum est ab analogia, quam humores corporis nostri, atque ipse etiam sanguis, habet cum substantia vini, quod inter omnia vegetabilia plurimum continet tartari. Per tartarum hic non tantum intelligo eam substantiam, quam liquefactam cum vino recenti turbido adhuc & musto appellato, admixtum esse constat: quæque postea separata tanquam crassior, terrestrior atque impurior abeat in fœces, & subsideat in fundo, quam vini fœces nuncupant. Neque illud tantum etiam tartarum intelligo, quod temporis progressu à vino secretum, doliorum parietibus adhæret, quodque proprie tartarum appellatur. Sed per tartarum illud potissimum intelligimus hoc loco, quod perpetuò cū vino liquefactū, admixtū atque coniunctum est cum vino etiam purissimo, quodque colorem ei tribuit rubrum, aut alium quemvis. Verum hoc tartarum per evaporationem, aut distillationem simplicem, vel per ipsum etiam balneum maris mediocriter calidum deprehenditur. Nam residet in fundo, separata ea humoris parte, quæ est liquidior, quæque dissolutum in se tartarum illud cōtinebat, eiusque erat quasi vehiculum. Hic sanè humor totus albus, & limpidissimus extillat, si vel ex vino rubro fuerit. Substantia verò corpulentior atque rubra, quam tartarum dicimus, in fundo re-

manet: substantia solida, tantòque durior atque siccior redditur, quo plus substantifici humidi per calorem elicueris. Nec tantum in vino albo, vel rubro, aut quouis alio defruto tartarum hoc: sed & in nostri corporis humoribus seu liquoribus existit & reperitur. Nec solummodò in chylo, qui proportionem respondet musto vini modò extracto ex vindemia: à quo chylo, haud secus ac à musto, plures denuò fœces impuriore atque tartaræ substantiæ separantur. Sed & in sanguine nostro, etiàmque purissimo, simili prorsus modo & ratione, vt de vino diximus: quemadmodum ars destillatoria (etiàmque ea quæ per temperatissimum ignem fit) ostendit ac patefacit nobis eiusmodi tartarum. Sic quoque Natura igne suo naturali efficere potest, & in dies efficit eiusmodi separationes tartari, etiam per consumptionem partium humoralium corporis nostri: ex quibus dogmatici calculos generari putant. Ex quâ separatione mirum quot morborum genera, obstructionum, seu oppilationum interuentu procreentur. Speciatim verò, etiam illi duo, de quibus hoc loco nobis est sermo, nempe arthritidis & calculus. Qui morbi, vt & ipsimet sentiunt dogmatici, frequentius iis superueniunt, qui hepate sunt calidiore atque feruentiore, & per consequens ventriculo frigidior, quique

que multas ingenerant cruditates & mucositates: quæ non ritè coctæ atque digestæ, conferuntur cum fructibus crudis, qui defectu maturationis debitæ & conuenientis (quæ fit à calore temperato omnia coquente & dulcorante) remanent acidi, austeri, acres, acerbi atque crudi. Hi sanè permixti cum sanguine ac de integro coquuntur à calore naturali, fitque separatio partis crudioris atque tartareæ, quæ postmodum & visceribus obhærescit, variâsque causans obstructions, in articulos protruditur atque decumbit. Natura quippe cuiusvis corporis partis gaudet suo simili: partes carnosæ portione sanguinis magis liquidioris & mercuriali vescuntur: adiposæ & medulosæ ea portione sanguinis delectantur, quæ magis est oleaginosa, seu sulphurea. At quum articulorum partes suapte natura glutinosæ, & mucillaginosæ sint, glutinosum etiam, & per consequens salsuginosum & tartareum poscunt. Quæ partes in quibusdam naturis, cum vel ob imbecillitatem, vel ob dispositionem innatam, seu hæreditariam, vel ob similem aliam causam, crudam & iam indigestam, tartaream illam materiam, propria & particulari digestionem, digerere aut expellere non possint: fit vt illa materia de natura falsa & viscida coaguletur, & articulorum ligamenta, partesque alias sensiles of-

ferciat, atque tandem excruciet. Quæ vera est, atque ex veris, hoc est, naturæ fontibus, dolorum atque tophorum arthritidis causa coniuncta, atque proxima. Eadem causa, alia minùs, alia magis excruciat: idque pro natura atque conditione eiusdem tartari. Nā quemadmodum videmus in macrocosmo magnam esse salium diuersitatem: quippe terra nobis producit & salem gemmæ, qui sali marino proportionem quadrat, qui gustu tantum est salus, & salem nitri sapore amaro: salem aluminosum austero & adstringente: salem vitrioli & armoniacum acerbissimo, acido. Itémque ut nobis producit sales quosdam alkali dictos, corrosiuos & acres: & alios saccharatos & dulces. Ita quoque in microcosmo, corpore inquam humano generatur tartarum aut sal: qui dissolutus solummodo salum efficit humorem, quem dogmatici pituitam salis vocant, aut simpliciter humorem salum. Aut nitrosus & amarum sal generatur, quem bilis amara refert, atque vrina. Aut vitriolatus & acidus, quem pituita acida continet, atque melancholia. Ita etiam tartara sunt aluminosa, & austera, quæque salis acrimoniam referunt: ut manifestè patet ex tot contracturarum & adstrictionum neruorum affectibus, & ex tot acrimoniarum, ut dysenteriarum, & variorum vlcerum tam internorum, quàm ex-

terno-

ternorum molestiis, quæ ex diuersis salium differentiis, diuersa corporis mala producūt. Nec mirandum est ab Hermeticis huic tartarorum diuersitati ista tribui nomina. Cur enim id non faciant, quòd & conuenientiora sint, & significantiora: & naturas diuersitatesque causarum, ex ipsa natura rerum fidelissima interprete melius exprimentia? Melius hercle morborum tartareorum seu salforum distinctiones, atque essentias exprimunt, quàm quatuor illi humores, qui sanguinei, pituitosi, biliosi & melancholici vulgò appellantur, tum quod nihil expriment, quod sit de essentia morbi, tum quod in illis formandis, applicandisque dogmatici plurimùm fluctuent.

Galenus sanè, de pituita falsa decernens, eiusdem effectus modò tribuit calori, modò putredini, modò admixtioni bilis, aut humoris ferofi cum pituita. Tam variè huc illic iactatur fluctibus inconstantia. Et merito certè. Nam si ex rei veritate statuere velimus, nullus humor vel falsus, vel acidus, aut alterius generis saporis. Quippe humor simplex nec salem, nec tartarum, nec calculum efficere potest, nisi sal vel materia tartarea, ei prius fuerit admixta. Quin potius ex salis vel tartari coagulatione, quod est in humore fit calculus, aut tophus, humore nihil prorsus sua natura ad illos conferente. Sal

Nullus humor cal-
culum ef-
ficere po-
test, nisi
admixtū
salem ha-
beat.

reuera, & ipso effectu est in aqua marina, & fontibus plurimis, qui scaturiunt ex terra, sicut patet. Si enim aqua eorum vi ignis euaporetur, tū subsidebit sal coagulatus in fundo: non quod ignis salis sit author, aut causa: neutiquam verò. Vis enim ignis, aut caloris potestas, non habet ex se producendi aut efficiendi salis facultatem, imò ne granū quidem generet: qualitas siquidem substantiam producere nequit. At si ignis producit, vel vt substantia producit, vel, vt qualitas. Prius nemo vnquam dicere ausus est: Sed nec posterius verum. Sal enim substantia est, & substantificum quid, quod à qualitate nequaquam affici potest. Ergo neque à calore, licet igni exponas in cacābo, aut aliquo alio vase quantum velis dulcis aquæ fontanæ, & ad flammam coquas & recoquas, ne micam quidem efficias salis, etsi vel omnis aqua euaporet vi ignis. Ridiculum igitur humori simplici, aut calori, effectum falsedinis attribuere: aut ex bile adusta fieri atrabilarium, dicere, quoniam humores in corpore nostro corrosiui apparent. Nimis impropriè loquuntur, qui humorem adustum dicunt, non aduritur vllus humor. Nam in exhalatione vel siccum quid residet, vel penitus nihil. Siccum si aliquid in humore fuerit, vt sal, tartarum, aut terrestris quæuis materia est. Nihil, si merus humor fuerit, & simplex.

Ignis non
est author
salis aut
causa effi-
ciens,

Humor ad-
uri im-
propriè
dicitur.

simplex. Sic bilis æruginosa, sic pituita salsa, non quatenus humores: sed quatenus salem acrem, amarum, nitrosum, aut quacunque ratione pungentem continent, qui corrosiuos hosce effectus causari possunt, plus minusve, prout plus vel minus humiditas adiuncta, fuerit exhausta, atque exiccata, arthritica symptomata, dolores, & ab iis inflammationes excitare solent. Quò enim plus humoris eiusmodi, sali aut substantiæ tartaræ fuerit admixtum, eò magis acrimonia eiusdem contemperatur. Vnde videmus Mulieres arthritidi minus obnoxiz. mulieres rarissimè arthritidis doloribus diuexari, quòd hæ sanguinem habeant copiosiore humore refertum atque contemperatum. Quemadmodum & in vniuersum maribus sunt humidiores, vt vel ex eo pateat, non quà humor, sed quà salsus, quà tartarus, quà nitrosus, vitriolatus, aluminosus etcæ. (Neutiquam verò adustus quum tale quid in humore non fiat: neque sal aut tartarum humor adustus est, sed quiddam ab humore secretum) eiusmodi morbos procreare posse. Si igitur, qua salsus, qua tartareus, vtique à sale vel tartaro illud fiet, iuxta illud Logicum, *Propter quod vnumquòdque tale, illud magis tale*, At propter salsas aut tartareas substantias (τὸ propter enim, hoc in loco nō finem: sed causam efficientem respicit) fiunt arthritidis dolores, tophi atque calculi: Qua-

propter sal & tartarum corporis humani seu in corpore humano & genitum & secretum, illud magis efficiet. Analogiam enim inter vinum & sanguinem corporis nostri iam antè ostendimus. Nam varia sunt vina pro solis & soli dispositione: Alia aliis acriora, acerbiora, austeriora, & quæ plus sæcum & tartari seponūt. Sic secundum corporum diuersam naturam & temperiem de sanguine iudicandum. Adde etiam, quod notandum est magis, in eodem corpore varia esse sanguinis genera, venis singulis proprium suum sanguinem & ab aliarum venarum sanguine diuersum habētibus: quemadmodum passim videre est in eodem solo fontes scaturire contiguos, qui natura & conditione prorsus dissimiles sunt: Vnde etiam fit, vt magna dolorum sit varietas & dissimilitudo, etsi ab eadem causa ij proficiantur: nec ex sanguinis colore de substantia & virtute eius crassè iudicandum est, cum propè omnes aquæ, eundem colorem referant, substantia tamen & potestate diuersissimæ. Is sanguis, aut is humor, qui magis de natura tartarea participat, magis & citiùs tartareos illos morbos producet. Res à simili pulcherrimè elucescet. Proponamus exempli gratia lixiuum, quod diuersimodè & ex rebus diuersis parari solet: éstque aliud alio magis pungens, prout plus aut minùs conti-

net

net salis: vel prout iidem ipsi sales de hac vel illa qualitate magis vel minùs participant. Ita videmus sales extractos ex cineribus clauellatis (quos vocant) seu ex vinearum aut fabarum sarmētis extractos, lōgè esse acriores, quàm qui ex aliis lignis. Quin imò sunt multa vegetabilium, quæ aut nihil, aut quàm exiguum salis continent: aut si aliquid sit, illud nulla acri qualitate erit præditum, ita vt causticum ex eo nullum conficere queas. At ex clauellato cinere, & reliquis suprà dictis, non tantùm sal acer, sed acerrimus elici potest. & in dies quoque ex eo caustica parari solent. Patet itaque sales non fieri à calore ignis, sed quod iam existat in rebus aqueo humore euaporato, in apertum dari. Pulchrè illud apparebit, si aquam cineribus affusam, quam exhalare intendis, identidem degustaueris. Nam quò plus aquæ fuerit exhaustum, eò salsa magis fiet aqua & contra quò minùs, eò minùs salis aut acrimonix imprimet linguæ. Eadem prorsus ratione, sicut in diuersis lixiuiorum generibus: sales plus vel minùs acres, salsi, acidi, acerbi, & amari conspiciuntur: Ita etiam in nobis pro diuersitate vegetabilium, aut animalium, ex quibus nutrimur. Ita vt vel hinc manifestum fiat considerantibus, quemadmodum ex cineribus clauellatis, vel sarmentorum vitis, omnium acerrimus & acutissimus sal elici

soleat: quod plurimum eius insit in vino: ita quoque in homine euenire, qui plurimū vini ingurgitat. Et vt vini natura plus salis continet, quā omnium reliquarū potiorum: aqua verò omniū minimum. Ideò rectè ab omnibus sapientibus medicis, vino vt plurimum podagricis & calculosis interdicitur: iis præsertim, quorum mali causa deprehenditur esse à salsa aut acri aliqua materia, & non à gypsea, & solummodo frigida, boleari aut tophosa. His enim malum vinū generosum, & minùs tartareum aqua mediocriter dilutum præscribere, quā merā aquam. Habenda est igitur temperamenti ratio. Nam siquidem mali, partiumque dispositio iam adsit, & exhibeātur quæ ei causæ morbi natura sunt similia, faciliè alliciuntur, quæ ipsi sunt homogenea. Idcirco cognitum fuit, vt supra in calidis articulorum doloribus ex salis acrimonia excitatis, vini vsum talibus obesse potius, quā prodesse. Quod malum irriteret potius, & alius ei supeditando materiam tartaream, eamque acrem ac pungentem.

Obiectio-
nes ex A-
rist. senten-
tia.

At aiunt, fortè, qui hanc meam rationem oppugnant: ex opinione Aristotelis contra me argumentabuntur sic. Causam falsedinis maris tribuit Aristoteles euaporationi tenuioris substantiæ maris, quæ fit à calore, atq; attractione radiorum solis. Sic illi quoque

que calore corporis nostri fieri eiusmodi sal-
sedines inferent. Sed corrueat utique hæc il-
lorum obiectio, si simpliciter Aristoteli ne-
gauero, calorem solis, salsedinis maris esse
causam: quin potius ita statuendum, Crea-
torem summum, postquam liquidum à sicco
separasset, istud siccum non tam fuisse terrâ,
quandam frigidam, siccam, aridam, aut sim-
pliciter arenosam, qualem depingunt nobis:
sed coniunctam cum principio, & balsamo
naturæ, & ceu igni quodam vitali calido ge-
nerante, atque conseruante: Quæ terra fue-
rit verè elementaris & pura, & de natura sa-
lis participans. Sic etiam liquidum illud, seu
humidum, non purum putum & simplicem
fuisse liquorē frigidum & humidum, sed li-
xiuium quoddam totius inferioris globi,
quod ad sui & piscium conseruationem, at-
que ad ipsammet terram irrorandam intra
viscera sua cōtinebat: salem- met ipsum bal-
samicum, & rerum omnium conseruato-
rem. Nihil itaque huc facit, quod adferunt ex
Aristotele, maris salsedinem fieri à calore
solis. Nam sanè non fiat, si non sit prius, cum
caloris non sit salem efficere, ut dictum est
prius: at instabunt fortè eo ipso quod dixi-
mus ad salis confectionem opus esse incine-
ratione: & per consequens calore cum id li-
xiuium artificiale, ex sale elicitur. Necessario
quoque calore sit opus. Calcinationē enim

præcedere oportere. Quapropter negari nō
posse causam generationis falsis esse calo-
rem. Ideoque & rerū falsarum. Ad quod re-
spondendum consequentiam esse falsam.
Non enim procreat ignis quæcunque per i-
gnem manifesta fiunt, vt liquidè apparet in
destillationibus aquarum stillatitiorum, at-
que oleorum, quæ ex lignis, herbis floribus,
feminibus, aliisque rebus plātarum eliciun-
tur vi ignis: non tamen ab eo generantur:
sed à natura generata, ignis interuentu, ceu
medio atque sequestro, in apertum magis
dantur oculis nostris. Quod verò attinet ad
calcinationes, aut incinerationes, quæ fiunt
à calore vehemēti, vel vi ignis: quis, quæso,
per eam alicuius rei generationem fieri, nisi
fortè cinerum velit, quamuis improprie, di-
cere auserit? Cur non corrumpere potius ea-
dem aiunt ignem, quem corruptorem cla-
mitant rerum omnium? Manifestantur per
ignem liquor, oleum, atque sal. quæ prius in
corpore, ceu principia hypostatica demersa
latebant: Manifestantur, inquam, separatis
partibus impuris, sœculētis, atque terrestri-
bus, aut aliis quoque humidioribus, atque
heterogeniis quibusdam dissipatis, vt prō-
ptior, atque facilius fieri queat segregatio e-
ius, quod intus continetur: nempe id quod
est substantificum, homogeneous, & vt vno
verbo dicam, intimum, viuificum, atque cō-
stituens

stituens rei principium, qui sal est, vsque ad-
 eo terrestri, vel etiam humidiori parti inhe-
 rens, vt non nisi vi ignis separari atque erui
 queat: Necessarius itaque est ignis: ac ignis
 interdum etiam salis violentus ad extractio-
 nem salis è rebus faciliorem: non item ad
 generationē eiusdem. Nam si sola calcina-
 tio, etiam vehementissima, procrearet salē:
 eiusque esset causa efficiens: sequeretur res
 omnes calcinatas, esse salem, aut salvas, vel
 certè in salem conuerti posse. At cōtrarium
 docet experientia. Quid enim caloris, aut i-
 gnis vim perſentit aut magis magisque ad-
 uſtum, aut calcinatū est quàm lateres, quos
 cōstat mera calcinatione esse factos. At pul-
 ueriscentur licet, affusāque aqua ponatur in
 locum calidum, qui modus est eliciendi sa-
 lis: lixiuium tamen nequicquam acedinis
 acquireret, aut nihil, aut certè quàm minimum
 proliciet salis. Aut si aliquid etiam eliciat, il-
 lud fixum esse existimandum est, quódque
 iam inerat in ea terra, ex qua cocti sunt late-
 res: neutiquam verò ab igne progenitum.
 Idem cēsendum est de ipsa calce viua, quàm
 ſcimus ex omnibus lapidibus aut calculis
 neutiquam fieri posse: sed ex certis quibus-
 dam, qui & sulphuris glutinosi, & salis fixi a-
 liquid in se contineant. Adde quod nō sem-
 per opus sit calcinatione forti, ac ne quidem
 exigua, ad salis extractionem: quem in mul-

tis absque vlla adustione elici posse comperimus, vt patet in nitro, seu sale petræ, qui separatur beneficio aquæ calidæ sæpius transfusæ per terras pingues, cœmeteriorum, stabulorum, columbariorum, aliorumque locorum, quæ sua natura multum continent illius salis nitrosulphurei. Aliud exemplum manifestum, ad demonstrandum calcinationem vel calorem ignis non esse salis procreatorem, tale est. Redige in cineres stipites cucurbitarum, melonum, cucumerum, lactucæ, aut aliud quid simile, quod nō multū salis in se contineat: deinde ex equali portione sarmentorum vitium aut fabarum itidem cineres fac: quod vtique fiet adustione: ac ad cucurbitarum quidem stipites, multa & vehementi adustione opus erit: ad sarmentorum non item, quia promptè comburuntur, & in cineres abeunt. Calcina separatim, si lubet, ampliùs, & quantum voles cineres cucurbitarum, nec tamen vel grano salem augebis. Nam perpetuò ex cinere vitium, plurimum: ex cinere cucurbitarum, vel similium, minimum elicies salis: Quod tamen & id quantulum sit, acrimonia & vigore, neutiquam respondebit. Cur ergo dicimus à calcinatione, vel vi ignis salem produci: aut

Cōclusio. ignem seu calorem esse salis genitorē. Concludendum itaque, ignem, neque adustionē vllum genus salis, aut humoris falsi posse pro-

producere Nam uti iam diximus, nulla qualitas efficere potest substantiam: nec res quæpiam dare potest id, quod non habet. Sed longius his inhæremus, quàm par est. At ita placuit, & necessarium utrique duxi ista paulò specialius diducere, cum plurimum conferant ad exactam fundamenti, omnisque causæ materialis arthritidis, de qua potissimùm hunc meum discursum institui, cognitionem. Nam hinc colligere est, quænam sit vera generatio tartari, vel salis acris, acerbi, acidi pûgētis aut amari: à quibus distinctæ arthritidis species causantur. Causarum liquidem distinctio tenenda, ut morborum differentiam cognoscas atque intelligas. Quæ, quàm liquidè pateat, ex differentiis salium tartarique allatis, sapientes & candidi iudicabunt. nec amplius recurrent ad frigidum, calidum, humidum, vel siccum, ut vulgò scholis consuetum esse nouimus.

Diversitas itaque tartari aut salis contenti in ipsis iuncturis arthritidis atque dolorum etiam differentias facit. Hinc alij immanissimis doloribus torquentur: alij tolerabilibus: alij minimis, alij nullis. Ratio est, quia sal aliud alio est acrior ac mordicantior: aliud amarior, aliud mitior: aliud fatuus prorsus atque insipidus. Quod de sale dico, intelligendum est de tartaro seu sale in tartaro comprehenso. Nam quando tartarum

Salis diversitas
dolorum
diversitatem facit.

dico, sub eo salem comprehendo: at non contrà.

Sal in tar-
taro com-
prehendi-
tur.

Actio autem & doloris causa proxima, est salis acrimonia, aut alia aliqua qualitas, articulorū partibus sensibilibus noxia atq; infesta: nisi fortè tartarea materia, eousq; excreuerit, vt vel asperitate, vel tensione, aliāve aliqua de causa, à duritie & copia proficisci solita, dolores moueat. Tartarum ergo congestum atque contentum in iuncturis, causa est proxima atque immediata arthritidis. Fiunt autem dolores arthritici communiter, vernis & autumnalibus temporibus, vt summus Hippocrates scribit. Quippe iis temporibus terra, calore solis viuifico, excitata, sinum suum aperit fœcundum, vt balsamicos spiritus suos per naturalem sublimationem, plantis omnibus communicet, easq; semi sepultas, & veluti mortuas viuificet vegetetque vt reuirescant, atque suos fructus vberrimos proferant. Tūc etiam res omnes, quæ in ea degunt, commouentur. Imò ipsa etiam vina, licet dilutissima & limpidissima turbari solent. Ita & sanguis & humores & spiritus corporis nostri. Vnde fit, vt in vere crebrioribus simus obnoxij defluxionibus: quæ cum in arthriticis vt plurimū à serosis humoribus (quod vnus Fernelius obseruauit) nempe à fæcinoso humorum lixiuio fiant, atque in arthri-

thriticorum iuncturas iam per se imbecillas
 facilius incumbant: causam coniunctam seu
 materiam tartaream vel augment, vel inter-
 dum ingenerant: aut iam generatam dissol-
 uunt, unde dolores ingeminantur. Haud se-
 cus enim ac calci affusa aqua, à qua sal calcis
 dissolvitur, & fit ardens quædam ebullitio.
 Ita analogia quadam & in iuncturis fieri e-
 xistimandum est. Defluxio itaque causa est
 quidem arthritidis, sed non proxima & im-
 mediata, sed accidentaria, quam Plato, sine
 qua non, appellat. Nam materia illa quæ in
 iuncturis continetur, aliquandiu otiosa ma-
 net, & non iam promptè dolores semper
 excitaret, nisi noua quædam accederet de-
 fluxio, quæ eam commoueret. Quemadmo-
 dum item iam aquæ copia, fusa calce atque
 lignata, paulo post cessat calor: & aqua rur-
 sus exhalata vel consumpta denuò indura-
 tur: ita fit in quibusdam arthriticis insulti-
 bus. Nam dum fluit materia in articulum,
 summus est dolor, ut pote defluxione, per-
 fusa calce tartari, & incensa: qua iam fluxa,
 & parte propter copiam humoris, doloris-
 que vehemētiam in tumorem eleuata, pau-
 latim cessat dolor. Tum sensim euaporatur
 humiditas, vel à calore partis, vel à reme-
 diorum impositione: à quibus materia tar-
 tarea vel mitigatur, vel resoluitur & diffi-
 patur. Quod quàm rectè fiat à multis, dice-

tur in curatione.

Obiectio.

At, inquit aliquis, videmus interdum podagricos dolores infestare, etiam si nulla adsunt deflexionis indicia.

Solutio.

Cui ita respondendum, hoc fieri tum quando materia iam digesta à natura, certis temporibus suos quasi fructus parit & profert: hoc est, suas euaporationes spiritales nitrosas, vitriolatas, aluminosas, aut eiusmodi alias: quæ acres atque pungentes (quales sunt spiritus salium aquæ fortis) tendones, ligamēta, cæterásq; articulorū partes sensibiles pūgūt atq; corrodiūt, vnde acerrimi illi dolores, quos vulgò putāt à maligna quadam qualitate proficisci: vt nō desint, qui & malignā podagrā statuerint, quā tamē vix aliā puto, si non sint luis venereæ quædam reliquæ. Nam manifestus alioqui vapor est à materia excitatus, quæ per viam congestionis (vt loquuntur, & de qua suprā aliquid dictum) in parte fuit accumulata, quam digerere nesciens, ipsa interim exaltata fit, vt & vires exerat, & symptomata podagrica producat.

Ius hereditarium quid sit.

Restat aliquid dicendum de illa causa antecedente quæ acquiritur, ceu iure quodam hereditario. quod ius nihil est aliud quàm *Idædesis*, seu vis quædam seminalis impressa femini, quod parentes contribuunt ad generationem liberorum: vel, vt cum Hermecis

ticis loquar, est impressio quædam tincturæ fixæ arthritidis in ipso semine, quod ideo suo tempore eisdem producit fructus, quales fuerunt in causa, seu typo generatæ, nempe alterutrius vel vtriusque parentis. Nam, ne mireris, & à matre hereditario quodam iure descendit podagra, ut liberi non tam bonorum quàm malorum interdum fiant heredes: eo quòd sceminæ, ut & maris semen de natura salis participet. Sal enim solus & vnicus ex tribus principiis hypostaticis est fixus atque firmus. Quapropter qui ab eius vitio fiunt morbi, radices fixas habent, ac proinde plerunque sunt hereditarij, ut lepra, calculus, arthritis & his similes.

Hereditarij morbi radices fixas habent à vitio salis.

Reliqui autem morbi, qui à principiorum fluxibilibus, aut volatilibus vitio, ut à mercurio vel sulphure procedunt, ut sunt omnes catharri & febres, haud ita facilè ad posterum pertingunt. Nam nec semina sua firmiter figunt, nec tam altas agunt radices: quòd tenaciùs impressas tincturas non habeant. Salis vel etiam sulphuris eiusmodi natura fixi, pulchrè elucescit in plantarum seminibus & radicibus: quarum si vel partes transplantent, facillimè tamen nouas agunt radices, atque regerminant: adeoque nouos edunt fructus. Quod neutiquam fiat de folijs aut floribus, in quibus liquor, aut mercurius volatilis, & sulphur siue oleum vola-

tile sedem habent. Sed sal fixus perpetuò cōtinetur in radice, & in quibusdam caulibus, & surculis medullosis. At sulphur fixum in semine. Quapropter ex his etiam transplantantur omnia vegetabilia. At à mercurialibus, quę facillè euanescunt, non item: Quemadmodum nec à sulphure volatili præditis: cuiusmodi sunt flores & nonnullorum folia.

Morbi proprii qui dicantur.

Morbi hi hæreditarij dicuntur proprii, quia sponte & à prima origine nobis sunt ingenerati, aut (vt verius loquamur) congeniti: adeoque suapte natura in nobis pullulant, nec opus est nouo aliquo semine ad eorum productionem. Cæteri verò qui non iure hæreditario nobis insunt, vocantur accidentarij & acquisiti, quoniam transplantantur. Transplantatio autem ista, est quoddam quasi accidens generationis quòd facillè superueniat iis, in quibus est affinitas quædam seminis, cum natura illorum morborum, qui hæreditarij sunt, vt arthritidis aut calculi & vt proprii illi morbi originem trahūt à causa interna. Ita accidentarij ab externis, vt crapula, venere, etcæ. Proprii sunt permanentes, nisi fortè vt in declinationibus morborum accidit, semen morbi prorsus exhaustum fuerit, in quibus enim parentibus tandem morbi semina desinunt & ad finem suum peruenerūt, senio cōfecto: nihil morbidum

bidum transire potest in liberos hæreditario iure: quemadmodum ex leprosis parentibus, non sequitur semper leprosos nasci liberos, si semen lepræ in postremis parentibus extremo senio confectum exaruerit. Omni enim morbo suus præscriptus est terminus. Accidētarij seu acquisiti morbi, sunt transeuntes. At tanta est horū cū illis affinitas, atque similitudo, vt facillimè degenerēt in illos, ita vt effectū rei extrinsecus aduenientis, fiat effectus naturæ, seu vti loquuntur Græci ex affectu in *διασει* affectus in *εξαι*. Haud secus namque ac radix balsami vitæ nostræ in perpetuo vigore conseruatur à perpetua illa irroratione aquæ vitæ illius generalis, atque purissimi balsami radicalis, qui in omnibus rebus alimentariis consistit, ac nobis per nutritionem ad conseruationem prorogationemque nostri impertitur, iuxta illud Hippocratis, ex iisdem nutrimur, ex quibus constamus. Ita vicissim quando prædictus balsamus noster contaminatur à quadam admixtione impura rerum alimentariarum: fit vt plurimis morbis atque symptomatibus præbeant occasionem, & generationis causam: tantoque id magis, si vitale nostrum semen, atque principium vitæ nostræ fuerit inquinatum ab impuris istis tincturis, atque impressionibus fixis, quæ morbos hæreditarios ingenerant per con-

tinuam illam propagationem, qua manifestè apparet vigor seminis earum.

Ratio trans-
plantatio-
nis mor-
borum.

Morbi contagiosi eximiè nos docent rationem transmutationis morborum, quemadmodum & ij qui ætatibus sunt proprii, certisque temporibus aut locis inuadunt, ut non malè statuunt, qui etiam morbis sua semina, suasque radices inesse aiunt, quibus repullulent. Ecquid, quæso, similius, & magis ad mentem atque sententiam Hippocratis proferri pòt? Is enim scribit in libro suo de flatibus morborum omnium modum, unum esse: nempe eum qui ex seminibus atque radicibus proficiscatur. Quicquid igitur in parentibus continetur, quod firma, eademque spiritali impura, morbida, maligna tinctura seu impressione balsamum illud radicale, vitale semen, humanæque naturæ radicem afficere aut inficere potest, transplantatione hæreditaria malum in posteros transfert. At si morborum impura illa semina, non ita adeò profundas radices egerint: Vel si balsamum humanum adeò potenter non occupauerint: vel si ope naturæ, & interno illo balsamo separentur, vel artis ministerio ab externis remediorum specificis balsamis debellantur, aut etiam suum vitæ terminum assequuta fuerint: podagrici podagricos, leprosi leprosos non semper generant. Nam his mediis morborum radices fixæ, atque inqui-

inquinatæ eradicantur, impuræque semina purificatur, vel senio suo extinguuntur. Quæ morborum eradicatio, atque purificatio radicum, atque seminum infectorum, interdum fit beneficio terræ, nempe matricis mulierum robustarum, bono temperamento, optimæque valetudine præditarum. Vnde fit, ut licet patris semen eiusmodi vitio morbo sit inquinatum, istud tamen emendetur à vigore laudati balsami radicalis ipsius matris, ne à patre calculoso calculosi, aut arthritico, arthritici generentur. Et quod magis est etiam, tales generant interdum, qui ne his quidem morbis sint obnoxij, vel ad eos proni, atque proclives. Et è contra fieri potest, ut à patre sano, vegeto, & laudatum semen contribuente, proles tamen morbida, aut morbis hæreditariis obnoxia procreetur: nimirum patris semine concipiente vim illam malignam morborum, quibus mater diuexatur. Sanè verò semen tritici, licet laudatum alioqui, si in terram non bonam coniciatur, in zizaniam abit, aut certè frumentum illaudatum: quod tamen denuò coniectum in terram bonam, pristinam naturæ bonitatem acquirit. Hæc dicta sint in genere de natura atque essentia prædictorum morborum, magnam inter se affinitatem habentium, de arthritide, inquæ, atque calculo. Dictæ enim sunt differentiæ, partes affectæ, causæ

Quomodo fiat morborum eradicatio.

Dogma-
ticorū se-
ctā nō est
distincta
ab Her-
metica.

tam secundū opinionem dogmaticorum,
quā hermeticorum: seu, vt melius dica-
mus, purē dogmaticorum, ne distinctas fa-
ciamus sectas, quæ re vera vna & eadem est,
si bene intellecta vtriusque dogmata, can-
didè à doctis atque eruditis, æstimentur,
& interpretationem sanam accipiant. Non
enim is sum, qui vel huic, vel illi me addictū
putari velim, aut esse schismaticus. Nequa-
quam verò: Sed pro ingenij modulo, iudi-
ciūque vel tantula, quam summus ille Ge-
nius concessit, sagacitate: omnia quæ possum
probare, soleo: vt quod melius & veritati,
atque vtilitati conducibilius arbitror, ac de-
prehendo retineam. Ea est enim philoso-
phorum libertas, vt in nullius magistri ver-
ba iurent.

Progno-
sis.

Restaret nunc in theoria horum morbo-
rum, aliquid more nostro, de prognosticis
dicere: Sed lubens illa prætereo, cum probè
cognitum habeam, non multum solatij, aut
iuuamenti ægro adfore. Quapropter nunc
recto tramite ad curationē accedam, ac seu
in tabula, per *σκιαγραφία* quādam propona-
mus omnes intentiones curatiuas, tam do-
gmaticorum, quā hermeticorum: atq; o-
stendamus in quo differant, & in quo con-
ueniant. Mox vtrorūque *τέχνησιν* *ὑπαπαν-
τεῖν* propositurus, primū remedia do-
gmaticorū tam generalia quā particula-
ria,

ria, & tam interna, quàm externa exponam. Subiiciam deindè quæ sint specifica eorum remedia, eorùmque vsum & administrationem præter vulgi morem docebo.

Non agam hoc loco de cura calculi nisi in genere: licet de causis eius abunde discusserim. Illud enim factum à me, vti dictum, propter magnam vtriusque morbi affinitatem. Tradam itaque hoc loco potissimum curam arthritidis, calculi curationem specialem in quòd sequitur consilium reservaturus. Idque ne remedia diuersarum partium affectarum, iuxta se inuicem posita, aliquam parere queant confusionem.

Ergo de cura arthritidis, ex mente dogmaticorù acturus, primo loco proponam quasi ob oculos, illorum remedia omnia, quibus vtuntur ad domandam tanti morbi ferociam: sed hætenus sine vllò profectu, effatu digno, vt notum est omnibus: sed potissimum miseris podagricis. Quapropter operæ pretium me facturum atbitror, si ostendam, qua illi vtuntur methodo ad euincendum hunc morbum, cui tantopere hucusque insudarunt, vt iam factus sit quasi opprobrium non tantum medicorum, sed ipsiusmet etiam artis medicæ, iuxta illud poetæ.

Tollere nodosam nescit medicina podagram.
Certè nescio quæ fundi nostrorum dog-

maticorum est calamitas. At in expositione eorundem medicamentorum, pro honore artis & artificis, aliquas descriptiones præter morē vulgi dabo: quas nō ex libris: sed maximo illo medicinæ volumine, ipsa, inquā, natura hausi, multaque inquisitione propria, & collatione cum celeberrimis medicis Europæis didici.

Curatio secundum
dogm.

Arthritici itaque curam suscepturi dogmatici, duplici incedūt via. Nam & ad præcautionem respiciunt, & ad curationē perfectam. Præcautio debetur causæ antecedēti: Curatio coniunctæ. Vtraque perficitur tribus illis celeberrimis organis: nempe diætā, pharmacā, & chirurgiā. Incipientes itaque, à præcautione, ante omnia exactam viuendi regulam præscribunt, quæ consistit in legitima administratione sex rerum non naturalium, quas vocant. De qua re quia libri ferè sunt pleni, & eandem quilibet vel à mediocriter experto, ac docto ingenio habere possit: idcirco his supersedebo: maxime cum sciam nobilissimum ægrum, cui hoc nostrū consilium dicatum est, talem esse, in quo & ratio præsideat in omnibus, & rationi appetitus obtemperet. Nec quod libet, sed quod licet: imò nec quod licet, at quod decet, expectet, flagitet, factitet. Adeoque omnes suas actiones ad temperantiam dirigat, vt de his ampli⁹ vel chartā offerere neutiquā sit op⁹.

Sic

Sic ritè instituta diætetica viuendi regula, singulis annis bis purgant ægrum, Verempe, atque Autumno, quibus temporibus arthritides maximè pullulare solere, ià ex Hippocrate dictum est. Primum autem intestina alluunt clystere aliquo emolliente: sequenti die propinant ægro minoratium eccoproticum, quod vocant ad expurgandam primam regionem corporis. Tale conficitur vel ex cassia cum pauco rhabarbaro, vel ex electuariis, diasebesten lenitiuo: catholico, aut simili aliquo in forma boli. Vel infusiones parant ex rhabarbaro, agarico & similibus cum decocto fennæ, prout fuerit natura ægrotantis: in quibus dissoluunt syrupum rosarum pallidarum ex nouem infusionibus, vel alium aliquem similem, qui expurget serositates.

Pharmacia ad præcant.

His peractis transeunt ad præparationem humorum per cantium: in quibus itidem respiciunt ad temperamentum ægrotantis, & ad qualitatem arthritidis, sitne calida, vel frigida, biliosa an pituitosa. Nam causarum seu humorum peccantium diuersitates respicientes, singulos conuenientibus remediis contemperant, atque ad expulsionem præparant: quod cognitum esse debet cuius medico. Ad quod præstandum parant apozemata, seu decocta ex radicibus oxylapathi, graminis, asparagi pro vna intentione, addi-

Humorū præparatio.

tis radicibus caryophyllatæ, helenij, aut si-
 milium pro altera, cum herbis eichoraceis,
 agrimonia, fumaria, betonica, qua arthriti-
 ca, capillaribus: seminibus ebuli, cardui be-
 nedicti, citrij, cum corticibus eiusdem, pas-
 fulis, liquiritia cum mirobal. citrinis, chepu-
 lis, floribus genistæ, primule veris, calendu-
 læ steechados, violarum, borraginis, buglos-
 si, atque similibus: Ex quibus decocta parare
 rubent, aut in aqua, aut in sero aut hydrome-
 lite pro natura agrotantis, & potissimum
 morbi: respicientes interim ad hepatis, vel
 cerebri intemperaturæ emendationem, eo-
 rundemque roborationem. In prædicti de-
 cocti vncijs sedecim, plus minùs, dissolunt
 aliquem syrupum conuenientem, vel sacca-
 rum cum paucò cinnamomo, vel sandalo ci-
 trino, ad dulcorationem atque gratiam: fitq;
 apozema clarum & aromatizatum, vt in-
 quiunt, pro quatuor dosibus matutinis. Qui-
 bus sumptis, purgationem eradicantem in-
 stituunt ex electiue purgantibus, quæ vocat.
 Tales fieri solent ex decocto polypodij, car-
 thami, fennæ, singulorum ʒß. epithimi, se-
 minis anisi & florum cordialium quod suf-
 ficiat. In quo decocto infundunt rhab. ʒij.
 agar. ʒiiij. in expressione addunt syrupi ro-
 sati ʒj. pro delicatioribus, aut sumunt syru-
 pum de cychorio cum rhab. aut rosarū pal-
 lidarum cum agarico: Cum decocto fennæ,
 si infu-

si infusionem facere nolint. In vniuersum autem sequentia parata habent, quæ dissoluere solent, in suis decoctis: vt, si pituita purganda sit, & mitiorem purgationem efficere velint, dissoluunt hieram puram, vel hieram cum agarico, diaphœnicum, diaturbith minus. Si valentius medicamentum reddere, sit animus, priorum loco addunt hieram compositam, electu. Indum maius, vel minus, diacarthami, diaturbith maius. Si purgandam censeant bilem, mitiora habent, cassiam extractam, elect. lenitiuum in diapr. simplex, diasebest. cathol. Valentiora, elect. de succo rosarum, elect. ros. Mes. elect. de psyllio, Catharticum Imperiale.

Cholagoga.

Denique ad purgandam melancholiam mitiora habent Cassiam cum senna, diasennam. Valentiora, elect. de epithymo, Confect. hamech. trypheram Persicam, hieram Pacciij. Si mixti humores vacuandi sunt: diuersa inter se mixta adiiciunt in suis decoctis: atque ita potiones parât quatuor, quinque aut etiam sex vnciarum eradicantes, siue electiuè purgantes humorem peccantem prioribus illis aut similibus apozematis præparatum. Qui suis ægris etiamnum magis placere cupiunt tabellas exhibent per se, vel ex suis decoctis, aut insculis dissolutas: cuiusmodi sunt tabellæ elect. de citro: de elect. ros. Mesuæ, vel diacarthami. Has & si-

Melanagoga.

miles potiones ea dosi qua dictum est, exhibent. Sed quo cum successu norūt, qui tales hauserūt. Quantitas enim & qualitas ipsa nauseam creare solet: & vel odore fastidientas detestantur eiusmodi potiones arthritici ferè omnes, quotquot hactenus nouimus, aut vidimus. Sed nimirum digna sunt tam ingrata putida & diagrediata remedia, quæ prædicentur, quòd nauseam creare possint & vomitum, antequam degustentur: immo vel solo odore. Ausim addere & istud, solo aspectu. Norunt illud pharmacopœi, qui nè nihil egisse videantur, linteis aceto madidis, sua pocula argentea medicinalia ægrotanti propinanda obtegunt: vt si non verbis, at odore saltem fallant dubium. Quòd si & eò audaciæ, vel inuito etiam palato & ventriculo deuenerit, vt haustum illum hauserit æger, Dij boni! qui singultus, qui ructus, & quid non deliquiorum misellum non premit! Pharmacopœus adstans, & rubore sepè & madore (si inconfirmatior fuerit) facie delibutus atque perfusus, ne medicamentum, quod fecit imperitante medico in nouas molestias miserum adducat, pomi frustula masticanda præbet, sic falli putat stomachū & fauces. Animum addit spem, faciens salutis futuræ. Sed quid fit? Nempe nouas turbas iam potio mouet in stomacho: quærit exitū. nuspiam nisi per superna. Quapropter ventri-

ventriculus hūc hospitem ferre neutiquam potens, contrahit se ad excutiendum iniquum colonum. Sed noua arte instructus, atque in procinctu stans, non amplius odoramenta atque gustui grata adhibet; sed ceu vi quadam naturam coerciturus, ouum frigidum palato, & collo extrinsecus apprimat, ne regurgitet quod infudit. Medicus adueniens propter ingentes ægri labores fortè vocatus, clysterem extemplò vel suppositorium subdi præcipit, vt statim descendat, quod exhibuit. At ego vel vnicum vomitum etiam decuplo conducibiliorem in eo casu duxerim, quàm vel octonas sedes. Denique quod ad eiusmodi potiones attinet, vel statim re intacta redduntur ab ægro, vel certè plus molestiæ quàm solatij bonis illis podagricis præstare solent. Quod si non in omnibus, certè in plerisque obseruare licet. Sed mittamus isthæc, & ad institutum redeamus.

Multi igitur quòd tam impuris violentisque remediis vel nihil, aut parum tribuât, vel quòd benigniores in cura esse velint, malunt istarum purgationum diagrediatarum loco, parare decoctum sennæ, cum agarico & hermodactylis (qui peculiariter articulos respiciunt) ad quatuor vel quinque doses: in cuius quantitate colata dissoluunt syrupi de cichorio cum rhab. \mathfrak{z} iiii. vel \mathfrak{z} v.

ficque præparant & purgant simul, idque per epicrasin, vt vocant. At quando vident egroꝝ naturas omnino abhorrere ab vsu potionum, tum vnicum est eis refugium ad pilullas. Ergo pro diuersitate humorum diuersas præscribunt pilullas. Si calida sit arthritis, patiẽsque sit biliosus, atque delicatissimæ naturæ, pilullas habent mitiores bilem expurgantes, vt pilullas de rhab. & sine quibus. Fortiores sunt aureæ & aggregatiuæ. Quapropter & robustioribus accommodatæ. Pituitosis humoribus, atque naturis delicatis, mitiores hæ conueniunt, pilullæ de agarico, Arabicæ, de hiera cum agarico, imperiales. Fortiores sunt sequẽtes fortioribus naturis competentes, coccia, de sarcocolla, lucis. At si purgandi sint humores pertinaces, adusti atq; retorridi, mitiores has habent: Indas de fumaris. Fortiores has, de lapide lazuli, & de lapide armeno. Quod si etiam bilis & pituita simul, ac vna eadẽque opera sit purganda, prosunt pilullæ de euphorbio & mezereo. Si pituita & melancholia, pilullæ de colocintide. At si omnes sint simul exturbandi humores, conducunt eæ, quas de octo rebus appellat. Et ne quid omittatur, quod specificum videatur dogmaticis, ad arthritidem supersunt adhuc pilullæ arthriticæ, scetidæ maiores & minores, de hermodactylis, benedictæ, de opop-

Pilull. bilē
expurgan-
tes.

Pituitam
expurgan-
tes.

Bilē & pi-
tuitam si-
mul.

Pilullæ ar-
thriticæ.

popanace, ad quas tanquam ad sacram quādam anchoram confugere solent, vt frustra sit hac in parte, qui de remediorum defectu conqueri velit. Nam & delicatis & robustis, & pituitosis, biliosis atque melancholicis electiuè purgantia medicamenta dicata esse vides. Dosis autem eiusmodi pillularum est à ʒj ad ʒiij. Ex quibus formantur pillulæ nouem, septem aut quinque, prout faucium meatus ad deglutitionem fuerit pròptus & expeditus. Sed quòd mirum semper in numero impari consistunt, argumento sumpto ab eo, quod ait Poeta,

Numero Deus impare gaudet.

Quasi verò & Dij ipsi imparitatem in medicinis, quarum authores esse perhibentur, spectari velint. Sed sunt qui & ratione aliqua naturali suffulti, inæqualitate positas aut sitas in ventriculo, vndique latera melius contingi, atque camini instar extergi sibi persuadeant. Præter prædicta purgantia omnia, sunt adhuc alia quibus dogmatici vtuntur, in delicatis & ditioribus, quos benignè & placidè sanare, iisdémque plurimum placere gaudent. Nam syropos faciunt magistrales, quos vocant, quorum vus est, ad morbos longos seu chronicos dictos: cuiusmodi est & arthritidis, atque in iis corporibus, quæ frequenti purgatione indi-

Benigniora & gratiora remedia.

gent. Tales autem bis in anno præscribunt, nempe Vere & Autumno. Parantur ex eorundem aut similium decoctis, quæ in apozemate prædicto citata sunt: vel ex succis depuratis herbarum atque florum conuenientium, in quibus infunduntur aut decoquuntur folia sennæ, hermodactyli cum tantullo cinnamomi aut cariophyllorum, quod correctionis loco adiiciunt. Quorum dein liquorem transcolatum cum sacchari sufficiente quantitate, coquunt: & circa media decoctionis affūdūt infusum rhabarbari factum in aqua cichorij: Sicque ad syrupi perfectionem coquunt, qui benignè admodum purgat sine vlla offensa ventriculi vel stomachi delicatissimi.

Remedia
quibus dogmatici
stomacho
prospiciūt.

Atque his absoluunt totam prophylacticam seu præcautionem, quod quidem faciat ad pharmaciam purgantium. Interim & stomacho prospiciunt, & quæ eundem roborare possunt, præscribunt. In quem scopum instituunt pilulas vsuales, quas vocant: quarum vsus est ante cibum singulis septimanis semel aut bis, prout plus aut minus stipata fuerint aluo: cuiusmodi sunt pilullæ de hiera simp' ci, pilullæ assaieret, elephanginæ aut similes. Nec intermittuntur pulueres digestiui, vt vocant, quos sumunt post pastum. Sed & diuersioni materiæ peccantis studentes, quidam hydrotica seu diaphore-

phoretica commendant, sed talia, quæ hepar non calefaciât, itémque diuretica, ad diuertendos & euacuandos superfluos humores per vrinas atque sudores. Alij solis frictionibus matutinis contenti sunt. Ad partium verò affectarum roborationem, vtuntur lixiuiis & lotionibus, quibus pedes & manus abluunt. Tales conficiunt ex decocto saluæ, iuæ arthriticæ, betonicæ prinulæ veris, absynthij & similium.

Iam quod ad chirurgiam attinet tertium Chirur. præcautionis organum, statim post minorationem tempore verno, vna vel altera interiecta die mittitur sanguis: aliquibus etiam autumnali, idque aliàs in brachio, aliàs in pede ex vena malleoli. Vtuntur & ad reuulsiones atque deriuationes causticis: applicatione cucurbitarum etiam cum scarificatione sæpius iteratarum.

Ecce omne mysterium, quo ad præcautionem vtuntur medici dogmatici: ac ij etiã qui ex illis doctiores habentur, atque exercitiores, quique consilia sua ex arte præscribunt atque methodo.

At ego huic ipsi dogmaticorum legi obtemperans mitius, & paulò benignius tecum agam. Interim magis vtemur specificis, & quæ morbo huic si non penitus extirpare, frænum saltem iniicere queant: sed id ex Hippocratis præscripto, altius, tutius & iu-

cundiùs. Primum itaque quod ad præcautionis præcipuum caput attinet: approbamus planè debitam ac legitimam diætæ, atque rerum sex non naturalium administrationem.

Humorū
præpara-
tio vera,
qualis.

Ad præparationem ergo humorum, Ioco oxymelitis simplicis, mellis rosati aut anthosati, syrupi de betonica, de stœchade, & succo acetosæ, de succo borraginis, qui & præparationi humorum peccantium cum aquis conuenientibus ei partes principes (sed maximè hepar calidum) respicientibus prodesse possunt. Item loco apozematum, quæ in quatuor vel quinque dierum vsum præscribuntur, vt dictum est suprâ, quæ omnia parum prodesse possunt: cum eiusmodi remedium nihil aliud sit, quàm elixatio quædam simplex variarum rerum vt dictum depurata cum albumine oui: quæque vel quatrIduo facilè acescat aut corrumpatur, vt taceam de gustu nauseabundo, atque ingrato. Horum, inquam, tam syruporū quàm apozematum loco, suaferim ego præparari tibi hydromel quoddam simplex communi modo paratum, quod fieri potest in propria domo: in cuius librīs sex bullient radices hennulæ campanæ in talleolas dissectæ, ac mediocriter siccatae ad solem, aut lentum calorem, $\text{℥} \text{ij.}$ radices felicis & acetosæ ana $\text{℥} \text{ii.}$ ligni rosarum $\text{℥} \text{j.}$ chamædrys chamæpytis ana

m. j. macerentur & digerantur omnia per viginti quatuor horas ad lentum calorem: postea coquantur ad consumptionem tertię partis: addendo sub finem decoctionis floram verbasci, primulę veris, calendulę ana p. ij. colętur per manicam Hippocratis, aromatizentur tantillo cinnamomi, aut coriandri præparati cum succo citoniorum: transcoletur aliquoties per eandem manicam, donec dilutissimum euadat, & lucidissimū. De quo capies ℥ ij. in principio: postea sensim augebis dosim. Radix helenij aliquem amarorem huic hydromelliti conciliat, qui tamen non ita sit ingratus, quin consuetudine fiat gravior atque acceptior. Gratissimū est alioquin, & nulla nauseabunda qualitate molestum. Ad hæc colore & luciditate refert vinum album. Quod si etiam gratius, ad gustum adiicere velis, & ad præparandos corrigendosque humores aptius: addes aliquot guttas spiritus vitrioli dulcorati, vel aciditatis sulphuris. Hoc enim ceu fermento acido naturę, melius fermentabuntur superfluitates tartareę, & ad expulsionē aptiores reddentur. Sed singulis hebdomadis hydromel hoc conficiendum: & singulis matutinis assumēdum ad ℥ iij. vel ℥ iiij. tribus vel quatuor horis ante prandium, continuando, nō ad quatuor vel quinque dies, vti solent vulgò: sed per plures menses, aut etiam annos.

Sicque perfectè detergentur viscera, vt stomachus & reliqua membra interiora, à tartareis & mucilaginosiis impuritatibus, quæ tunicis eorum obhærescunt. Atque sic etiam vna & eadem opera corroborabuntur. Ita demum fluidi reddentur humores: atq; hoc ipsum est quod Hippocrates præcipit, quum dicit, *Vbi quis corpora purgare voluerit, oportet fluida prius facere.* At meherclè video paucos hodie nouisse quid sit illud *fluidum reddere*. Nam si, vti conuenit, talia reddantur. Vix leui pharmaco aliquo opus est ad exturbanda, vel fluida, vel quicquid humoris etiam peccantis restare possit. Semel namque natura victricem manum admouens, non cessat, donec omnem eiiciat hostem. Et boni isti tribus vel quatuor diebus id peragere tentant. Tentant fanè, nec efficiunt quod sperant. Nam vt fluida reddantur quæ intus latent morborum causæ tenaces, tempore opus est: & natura functionibus suis adiuuante, cum crassa difficulter moueantur ex medicorum decreto. Hoc autem non fit breui, sed arte, tempore, longa atque continuata viuendi ac medicandi industria: & quidem tali quæ nec partes prosternat, nec naturam frangat, aut molester, nec vllam effatu dignam, vel corpori, vel naturæ interiori creare possit molestiam. Sic medicandum est: sic expellendæ morborum causæ: sic denique

nique morbi sanandi: vt natura & vigor ille vitæ, verus morborum antagonista, atque expulſor conſeruetur. Quem, caue credas alium eſſe, quàm ipſammet naturam, ſeu baſamum naturæ, familiari, ſed interim efficaci remedio adiutum. Poſtquam ergo fluida reddita fuerint corpora: natura per ſe, per criſim, vt per aluum, per vrinas, per ſudores, aut alias vias excrementorum ſic ritè præparatorum, exitum molietur certis temporibus, ſed tum præcipuè, quando à moleſtantiſſimis cauſis diuexata fuerit, ipſa interim artis & medicamenti ope victrice exiſtente. Immo vel abſque arte tandem hoſtem eiiciet, vbi vires nuperas recollegerit.

Ergò vt ad has operationes, purgante aliquo naturam promoueamus: hoc eſt impedimenta ſubleuemus: quo melius illud præſtare poſſit, purgans in eam rem præſcribemus: ſed facile illud, nec nauleam mouens, interim ex dogmaticorum penu depromptum, ſed arte noſtra elaboratum.

In eodem igitur hydromelite ad lentum calorem per aliquot dies macerabis flores recentes violarum (nam talia ſuis, hoc eſt conuenientibus temporibus paranda ſunt) perſicorum, roſarum pallidarum, florū prunorum ſylueſtrium, & purgans efficies gratū, quod abundè ſeroſitates euacuabit. Quod ſi efficacius reddere voles, addes aliquid ra-

dicis mechoacam, in talleolas sectæ atque siccata. Sed longiuscula opus est digestionem. Nā hæc sola & vera est correctio eiusmodi remediorum. Adiciēs tamen aliquid, si lubet cinnamomi, aut seminis anisi in eadem infusione, ut gratior fiat potio, atque correctior: cuius dosis est duarum vnciarum, quæ sufficienter purgabunt. Aut si virtutem etiam augere lubeat, & simul purgare efficaciter atque benignè, humores crassos atque serosos: aut etiam purgans specificum efficere in hoc affectu: addes sennam, vel turbith album & gummosum, aut hermodactylos, aut de singulis aliquid. At diu digerenda sunt in prædicto hydromelite ut dictum est. Nam à calore extrinseco adiutus calor interior, fermentari incipiet, digeri, atque tandem bullire & depurari: sed longè alio atque nobiliori modo, quàm in officinis vulgò fieri consuetum, leui eaque momentanea ebullitione vnius semihoræ, aut horæ integræ ad summum. Ebullitio siquidē hæc atque digestio, non tam ab externo calore, quàm ab interno: Imò ab hoc vel multò etiam magis. Omne enim optimū, quod à natura fit. Quid tum fiat, si natura artis ope fuerit adiuta? Nimirum & coquetur & digeretur, & depurabitur: sed absque vllò albumine oui: fietque magna separatio impuri, quod in fundo residebit, à puro limpido atque

atque clarò , quod vini diluti instar supernatabit. A tali medicina utique, nec nausea nec vomitus, nisi ei exorietur, cui vel nomē medicinæ exosum: At qui semel sumpserit : ille & gratiam commendabit, & effectu commendabiliori sine dubio fruetur. Sic purgantur humores tutò atque iucundè fidem faciet ipsamet deiectionio.

Tales purgationis rationes plurimas propediem, tam vini quàm hydromelitis formadabimus in lucem, Deo vitam & vires concedente, in nostra pharmacopœa restituta, quam paramus, & vix, ac ne vix quidem, ab importunis amicorum extorsionibus, pro vltima (quam vocant) manu retinemus, iuris publici facturi, si Deo visum fuerit, hoc anno. Potes etiam prædicto hydromeliti suo tempore flores prunorum domesticorum addere. Itémque rosas muscatellinas. Nam his & excellentem & gratissimam efficies purgationem. Talia quippe aut similia in hydromelite (quod verum est nectar cœleste à rore nimirum collectum) macerata, quâvis cassia, quovis syrupo magistrali, quâvisve alia purgatione vel gratissima, visa sunt præstantiora : ut cessent hîc syrupi magistrales ubi istud adsit. Quod si syrupi placeant, eorundem trademus descriptionem, in nostro prædicto libro. Porro à prædicta potione non opus est custodia, aut ut maneat domi:

sed liberè exire potes ad negotia. Placidè enim ad naturæ officium vocaberis, nulla vi nullaque naturæ prostratione: tantùm abest vt stomachus quicquam, vel aliud, vllùmve viscus ab ea patiatur. Sed continuato vsu opus est. Nam ita demum fluida reddentur corpora ad excretionem: malique ferocia, si vel altiùs radices egerit, domabitur, nec quicquam ab eo natura grauabitur. Nec dubito hanc meam sententiam, à quouis ingenio & candido medico approbatum iri: velint modò etià quod vnice opto & suadeo, relictis impuris & nauseam mouentibus apozematis huiusmodi artificiosioribus digestionibus, & medicamentorum præparationibus studere, atque vti. Norunt enim (nec nos fugit) in medio vsu istarum coctionum vulgarium, quæ tamen vix ad quatuor dierum spatium conseruabuntur, sæpè desistendum esse: quòd æger propter ingētem, quam concepit, nauseam, vel dictu prouocabilem, fastidiat eiusmodi apozemata. Hoc autem non fit de hydromelito illo, aliisque tam præparantibus, quàm purgantibus quæ propediem publici iuris facere decreui, cum aliis rarissimis ac nobilissimis præparationibus omnis generis morbis accommodatis, docebo præclara extracta: electaria liquida, solida, corroborantia, purgantia, sed mitissimè, & vnius dragmæ

gmæ dosi, cum in vulgaribus, vel vnçiæ vix
sufficiant: sed longius protrahor quàm spe-
speraram. Nec pœnitet tamen, qui tibi hæc
scribo, atq; suadeo. tibi, inquam, alteri mei,
quem colo, & veneror. Idcirco in hoc consi-
lio extra viam digressus sum consuetam:
quam tenere & sequi ipse tamen noui, si cō-
sultum videatur ægro salutare: vti constabit
ex plurimis consultationibus, quas & breui
in lucem dabo. Nam & ibi constabit, non
semper lata incedendum esse via, qua currus
& equi transeunt: sed semitas interdum esse
breuiiores tutiores ac iucundiores. Saluta-
re & benignum quin etiam purgatiuum est
puluis noster Diasennæ. Concinnatus est ex
senna, ex crystallo tartari purgantis & acidu-
li, quæ duo basim constituunt. Adiectum est
aliquid sacchari & aromatum ad maiorem
gratiam: facillimè assumitur: est enim gra-
tus nec nauseam mouet, vt ne os quidem sit
colluendum, vel alia facienda, post purgan-
tia assumpta fieri solita. Dosis est à cochleari
semis, ad cochlear vnum argenteum pro
natura ægrotantis. Quo sumpto statim hau-
ries iusculum. Est enim familiare & egre-
gium purgans, naturæ tuæ conuenientissi-
mum. Non addo descriptionem. Est e-
nim artificiosa admodum, & laboriosa satis
prædicti crystalli præparatio: quam tamen
docebo in nostra prædicta pharmac. Por-

Puluis dia-
sennæ
Querceta-
ni.

rô loco pilularum Elephanginarum, mastichinarum, de assaieret aut similium, quarû vsus esse solet creber ante pastus ad corroborationem ventriculi, atque hepatis, eorûque expurgationem à tartareis & viscidis impuritatibus. Harum, inquam, loco sequentes pilulas nostræ descriptionis suo tēpore parare curabis.

℞ aloës succotrini optimi ac laudatissimi ex vesica ʒ vj. aut lb. ss. vel tantum, quantum lubet: quam redactam in puluerem immittes in matratium, seu cucurbitam vitreā. affûde aquæ endiuivæ aut acetosæ, vt quatuor vel quinque digitos superemineat: pone in balneo maris calido, ac ferè bulliente, vase optimè clauso cum subere ac cera hyspanica. Stet ita per duos vel tres integros dies, & videbis aquam ab aloës essentia tinctam, & rubicundissimam rubini instar euadere, quā lētè per inclinationem à fœcibus separabis, ne quod crassum est exeat simul. Liquorem effusum seorsim asserva in alembico probè clauso. Materiæ relictæ aliam affunde aquā endiuivæ, sed non tantum quantum prius. Denuò digere vt ante: coloratam separa, priorique adice, ac rursus aliam affunde, donec aqua nullum amplius eliciat colorem. Et videbis residuum, quod est in fundo, arenæ instar aut cineris, in magna satis copia. Et ex media libra magis quàm tres vnciæ restabunt:

stabant : éstque fœx aloës inutilis , nec in aqua dissoluitur. Aquam omnem tinctam destilla per alembicum , aut permitte vt exhalet in patina argentea , carbonibus aut cineribus calidis imposita : donec materia restet crassitudine mellis : quæ erit lucidissima rubini instar , & maiori artificio atque iudicio præparata, quàm solet vulgo simplici illa ablutione, si vel centies abluatur. Quæ ablutio aut nihil, aut certè parum prodesse potest. Dicam & obesse posse, quum tenuior & nobilior eius pars ablutione possit separari. Hæc aloë sic rectè præparata erit basis nostrarum pilularum : quam pones in vitrum, affundendo suo tempore succi florum violarum optimè depurati in balneo maris (vt docebimus in nostra pharmacopœa restituta) ℥ iiii. nisi necessitas urgeat. Expecta donec tota inspissetur in consistentiam aloës: quod ad calorem solis fieri potest. At si promptè perficere voles , exhalare facies aqueam humiditatem supra cineres , donec redeat in consistentiam mellis. Adde rursus succi primulæ veris optimè depurati, ℥ iiii. aut si voles vt citius res peragatur , florum succos qui eodem tempore florent , simul & iunctim affundere potes. Item succi florū pruni domestici & sylvestris ℥ vj. succi rosarum pallidarum , succi florum cichorij ana ℥ viij. succi florū calendulæ ℥ iiii. Omnes hi succi

probè depurati, aloë consistentiæ mellis affunde, vel simul plures, vel seorsim singulos, prout libuerit: Et subinde digere & coque ad lentum calorem, dum ad pristinam consistentiam redeat. Quod si in principio, aloës fuerint tantum vnciæ quatuor, iam ad decem adauctam eius massam videbis, ab extractis succorum quos adiecisti. Huic massæ adde foliorum sennæ electorum, & tenuissimum pulverem redactorum ℥j. β. rhab. puluerisati minutissimè ℥j. myrrhæ ℥β. croci ℥j. β. macis ℥j. hos pulveres paulatim admisce prædictæ massæ optimè miscendo, & malaxando, addendo aliquid syrupi rosati solutiui, si opus sit, vt omnia redigantur in debitam massam pilularum. De qua formabis pilulas duas magnitudine pisi, quas sumes paulò ante cibum, vel prædij, vel cœnæ, prout libuerit.

Eadem basis aloës misceri poterit cum succo esulæ, extracto sennæ, hermodactylorum, aliorumq; purgantium prædicto morbo præparatorum: & fiet specificum purgans pro arthritidis præcautione. dosis est pilullæ duæ, quæ sufficienter purgabunt.

Addam & descriptionem pilularum mearum helleborinarum, antipodagricarum, quas voco. Nam & alias antepylepticas dictas parare soleo, & plures alias diuersis morbis accommodatas. Præstans est hoc reme-

remedium ad ipsam etiam arthritidem, hæreditariam aut inueteratam: & in qua vulgata remedia nihil proficiunt.

Accipe radicū helleb. nigri transplantati in aliquem hortum, vel qui in aliquo loco calidiore creuerit, non in montium iugis ℥ iiij. depurentur optimè ab omni immunditie, atque terrestreitate. Bulliant integræ in mensura vini rubri optimi, in quo adde caryophyllorum seminum citri ana ℥. β. bulliant omnia simul in olla terrea vitreata per quartæ horæ spatium. Postea aufer vinum & radices siccato ad ignem lentum: siccatas crassiusculè cōtunde. Similiter seorsim puluerisa crassiusculè hermodactylorū ℥ iiij. pulpæ colochyntidis ℥ j. rad. angelicę & gentianæ, ana ℥ j. pulu. saniculæ, centaurij minoris & hyperici ana ℥ β. pulueris chamædryos, chamæpityos, florum primulæ veris & betonicæ ana ℥ vj. pulueris seminum cardui benedicti, acetosæ & sem. citri ana ℥ j. seminum anisi caryophyllorum ana ℥ β. croci, castorei electi ana ℥ iiij. Omnes isti pulueres secundum artem probè inter se mixti ponantur in cucurbita vitrea ampla, affundendo feri lactis per destillationem facti quod satis sit, vt prædicti pulueres benè humectentur. quod videbis, si probè misceas in vase: tantum autem affundes, vt duos vel tres digitos superemineat. Claudatur & obturetur

vas probè, nec quid expirare valeat : & ponè ad digerendum in balneo maris per dies sex ad minùs. Postea liquorem effundes, & materiam intra linteamina coniectam torculari exprimes, vt omnis liquor substantificus extillet:quem digere in balneo calido, in vase optimè clauso, & materiam postea digere denuò, & purifica, atque omnem humiditatem exhalare permitte, donec resideat consistentia crassitudine mellis: Ad cuius materiæ \mathfrak{z} vj. adde sennæ \mathfrak{z} ij. & fiat massa pilularum: quarum dosis \mathfrak{D} j. pro pauperibus. Sed pro te, tuæque conditionis hominibus, meliùs adhuc præparare oportet. Nā prædictus liquor, postquam rite fuerit digestus, infundendus in cucurbitam vitream cum recipiente, optimè iuncturis obsignatis, ne spiritus, qui subtilissimi sunt, exhalare possint: Pone ad ignem cinerum mediocrè, aut ad ignem balnei vaporosi, si meliùs efficere velis, donec omnia destillent ad ficcitatem vsque. Liquorem extillatum serua in vase bene clauso: cum quo & saccaro rosato aut violato fit syrupus purgans præstantissimus. Sed vt fiant nostræ pilullæ helleborinæ, ita procedendum. Si prædicti liquoris fuerit libra vna, addes rhab. puluerisati \mathfrak{z} j. puluer. sennæ, agaris trochiscati & in puluerem redacti ana \mathfrak{z} vj. pulueris hermodact. \mathfrak{z} ß. masticeis \mathfrak{z} ij. aromat. ros. Gabr. diamoschi

fchi dulcis ana ʒ iij. Omnibus his pulueribus probè mixtis, affundes prædictū liquorem, sensim imbibendo ad lētissimum calorem, donec prædicti pulueres omnem liquorem imbiberint. Adde sub finem essentiæ aloës præparatæ vt dictum, ʒ iij. & fiat massa pilularum, addendo sub finem inter malaxandum aliquid syrapi myrtillorū. Diu ac multum malaxentur, & pistillo tundantur.

In podagra confirmata, aut in qua iam nodi fiunt, atque tophi datur ʒj. ex qua duæ exiguæ pilullæ formantur, quas capiat singulis septimanis semel, superbibendo iusculū, in quo bullierit acetosa, borrago, buglossum, portulaca & his similes herbæ refrigerantes. Idque continuandum à Nouembri ad finem vsque Aprilis. Postea aduentante tempore æstiuo cessandum. Hoc remedium ad radicem vsque mali pertingit, & seruit tam præcautioni quàm curationi. Valent & eadem pilullæ in aliis plurimis morbis chronicis & contumacibus.

Pro diuertentibus & reuellentibus, nihil est quod addam. Quantum verò pertinet ad roborantia tam vniuersalia, quàm particularia, nos loco conditorum, opiatarum, tabellarum, quas formulas omnes præscribere possemus, vt respicerent cerebrū, hepar, ventriculū, aliasque partes quæ roborandæ sunt in hoc affectu. Item loco puluerum

Robora-
tio visce-
rum.

digestiuorum, qui parantur ex aniso, coryandro, præparato in succo cidoniorum, conserua rosarum siccarum, cinnamomo, saccaro rosato, & similibus, quæ plurimum valent ad roborandum ventriculum. Horum, inquam, omnium vice suademus vsum pulueris specifici, cuius vis sit efficax ad dissoluendas tartareas impuritates, mucositatesque stomachi seu ventriculi & viscerum nutrientis facultatis, in quibus causa materialis, & quasi minera arthritidis atque calculi (qui morbi per coagulationem fiunt) consistit ac generatur.

Cùm enim horum morborum generatio, vti dictum, fiat per coagulationem tartari & mucositatum, consequens utique est, vt cura procedat à resoluentibus eiusmodi tophos tartareos. Ea autem fiunt ex remediis propriis atque specificis: quorum alia vim habent resoluendi tartarum huius, alia alterius generis & naturæ. Nam vt diuersa sunt tartarorum genera atque salium, ita & dissolutionum atque causarum dissoluentium. Res exemplo fiet illustrior. Gummi Arabicum dissoluitur in aqua: ratio est, quia est de natura aquea. Gummi tragacanthi, gummi cerasorum, prunorum item sunt aquosa: sed maiore opus est copia aquæ ad dissolutionem eorum. At mastix, thus, lacca, in aqua nunquam dissoluuntur. Nam
quia

quia hæc gummi sunt de natura sulphuris, facilius dissoluuntur in oleis ut ipsummet sulphur. Quæ autem gummi partim sulphurea, partim aquosa, & de salis natura plurimum participant, ut ammoniacum, sagapenum, galbanum: ea cum spiritibus salis, ut cum vitriolato, acetoso spiritu, in ipso aceto vini contento dissoluntur: aut simili aliquo alio spiritu acetoso, partim mercuriali, partim sulphureo. Hinc patet, in quo consistat dissolvendi vis. Patet etiam non omnia purgantia conferre ad dissolutionem, & per consequens evacuationem tartari, ut frustra sint, qui febribus quartanis, aliisque morbis pertinacibus, varia medicamentorum genera sine ullo discrimine præscribunt: cum plurimis ex iis non sit vis particularis & specifica resolvendi atque deturbandi tartareas materias & viscositates compactas. Quinimò talium usu pertinaci, ex quartana simplici faciunt duplicem, aut triplicem. Ratio est, quia non dissolunt gummosas viscositates, cum convenientia non adhibeant: nec naturam iuvant, sed lædunt potius, atque insultus febriles ingeminant. Nam gummi quoddam est tartareum, quod visceribus inhæret, & unoquoque quatuor spiritus suos nitrosulphureos exaltans, quartanariorum symptomatum vera est & immediata causa. Quod gummi tartareum

cùm gummi tartareo dissoluitur, & ebibitur, deletur febris. Nam in similibus potius quærenda est sanitas, seu morbi curatio, quàm in dissimilibus aut contrariis & repugnâtib. Hæc est Chymicorum opinio, quæ verbo solùm & non re à dogmaticorum opinione differt: cùm ad vnum & eundemmet finem vergant ambæ sententiæ. Nam si causæ habeatur ratio, in simili remedium quæres, vt iam diximus de febre quartana. Si effectum ex causâ respicias, cōtrariis eam propulsabis. Sic calculus à tartaro, seu sale coagulato factus, curabitur, sale quidem, sed resoluente. Arthritis quinetiam à salibus tartareis acribus ac corrosiuis genita, salibus curabitur lenitiuis & consolidatiuis. Simili ratione in morbis sulphureis à sulphuribus rerū petenda sunt remedia. Sed sulphuri inflammatorio febrem excitanti opponitur sulphur acidum, vitriolatum: quod summè refrigerat: sulphureosque illos commotos spiritus coagulat & compescit. Atque hoc modo & similia similibus curantur, & contraria contrariis debellantur. At merentur sanè hæ contemplationes, quibus omnes veri medici diligenter incumbant. De quibus pluribus agemus in opere nostro, De recondita rerum natura, artisque mysteriis. Ista tantum *παχυλῶς ἢ παρέρχῶς*, hoc loco aspersa sint. At in vniuersa ista cōtemplatio-

ne cogit quidem parum digredi ratio à dogmaticorum principiis & fundamentis, donec vel meliora ostendant, vel hæc nostra solidis rationibus euertant. Nam, inquiunt illi, in cura arthriticorum & aliis morbis similibus, humores crassos & coagulatos, attenuandos esse: quam attenuationem, attentant calidis & potenter siccantibus. Quid sit? Loco resolutionis quam intendunt, indurât & cogunt magis, à medicamêti nimirum calore resolvente ac dissipante, euacuato eo quod aqueum est & tenuius. Hinc tophi, hinc nodi, quos rectiùs à medicamento cautos dicas, quàm ab ipsa deflexione, quæ non potest esse alia quàm liquida. Nam dissolutio eiusmodi tartareæ materiæ; non consistit vel in vi caloris, vel in facultate attenuante: sed est virtus quædam propria ac specifica, quæ etiam dissolvere potest. Vnde videmus id quod dissolvit aurum, non dissolvere argentum: & vicissim quod dissolvit argentum, non dissolvere aurum. Nec vlla est aqua fortis, quæ sulphur dissolvendi vim habeat, quod tamen cum metallorum durtie non est conferendû: At ab oleo dissolui potest, quod & illud sit de natura oleosa atque sulphurea. Quapropter infinita prope modum dissolventium genera esse in natura existimandum est: quorum disquisitioni, & causis, doctis incumbendum suadeo. Ne-

que enim sat est nouisse effectus & τὸ ὄν, seu ad oculum vidisse: sed pergendum vltcrius, atque deueniendum ad τὸ διότι: ad causas, inquam & rationes. Id quod inter meæ fortis ac conditionis philosophos, me non vltimū præstitisse profiteor. Nam quicunque cognouerit dissolutiones rerum, nouit & earundem compositiones, & anatomiam vitalem seu internam, & non tantum externam seu superficiariam.

Sed reassumo puluerem, de quo dicere aggressus, & iam ferè minùs digressus sum. Is enim insignem habet vim dissoluendi propter salem alkali mordacem, atque pungentem, quem continet aron, quæ basis est & præcipuum ingrediens eiusdem pulueris. Ergo in principio veris, quando aron germinare incipit: & radix eius sale naturæ est referta, quo vegetetur eius species: tum colliges eiusdem radicis quantum voles: mundetur optimè à terra: sed cautione opus est. Nam si importunius atteratur manibus, vesicas excitat. Probè mundatam & leuiter exiccatam, pones in ollam partiam vitreata, aut in vitrum, affundendo vinum albū, vt supernatet aliquot digitos: atque ita macerari, fines in loco frigido per totam diem. Tum separa istud vinum, quod iam magnā eius salis partem extraxit; & aliud affunde, donec prædictum vinum, non amplius pun-

gens

gens aut mordicans euadat: quod lingua facile percipies. Quo facto radices siccabis, & deprehendes non amplius tanta mordacitate esse præditas, vt linguam lædere valeant. Radicis huius ita præparatæ accipe ℥ ij. pulueris acori vulgaris communi modo præparati ℥ j. pulueris florum betonicæ ℥ β. lapillorum qui in cancris reperiuntur, quos oculos cancri vocant ℥ iij. cinnamomi ℥ j. β. Omnia optimè puluerisata cum saccari rofati quantitate ad libitum misceantur vt gratiora sint, fiat puluis: de quo capias manè cochlear semis: idque alternis diebus, vt vno videlicet alternorum prædictum sumas puluerem, altero hydromel superius descriptū. Sed non desistendum ab vsu. Nam ita dissoluentur tophi tartarei, qui iam sunt coagulati, & prohibebunt eorundem coagulationem atque generationem. Valet certè plurimum idem puluis ad calculos quoque, cuius etiam vsus esse potest ad præcautionem.

Haftenus de cura arthritidis prophylactica dixisse sufficiat, in qua fortè longiores fuimus quàm decebat: sed ita placuit tua causa, & quòd hoc ipso consilio & remediorum formulis præcaueri possint omnis generis morbi, qui fiunt per coagulationem materiæ tartaræ, quorum innumerus est numerus. Credo tamen nihil hîc superflue

dictum fuisse, & quod non mereatur intelligi ab omnibus veris medicis Asclepiadæis. Si qui sint alij, quibus ista non sapiant non moror, nec multum curo: mihi modò sat sit, in tuam gratiam hæc conscripta, si tibi arri-ferint, quem optimum habeo & veneror patronum. Nam hîc mihi scopus est vt te instruam specialius in omnibus, quæ ad consolationem & placitum aliquid cõferre possint, & vt quasi videas ad oculum, & causas morbi, qui te nunc habet, & eiusdem remedia.

Restat nunc itaque vt aliquid etiam dicamus de therapêtica, vel curatiua, quæ malum præsens respicit, seu symptoma dolorificum, quod miserè sæpe miseros torquet & lancinat. Dolor sanè vehemens arthriticus est, qui etiã annumeratur inter atrocissima symptomata quæ ægros affligere solêt. Nul-lum enim symptoma aliud æquè egrum molestat sicut vehemens dolor, vt ipse testatur Galenus. Dolor quippe etiam animi deli-quia, inflammationes, abscessus, febrésque inferre potest, & solet, vt docent Hipp. & Gal. plurib. in locis. Præterea vires dissoluit, prohibetque membra à suis functionibus seu operationibus. ex 2. prognost. com. 7. Eadem grauissima symptomata, quæ dolores consequi solent, coëgerunt Galenum, vt sua methodo nobis consulens in hæc verba procu-

proruperit, Satius esse multo, inquit, quicquam ægris exhibere, quod dolorem lenire & demulcere possit, quam in asperis aut aliis quibuscumque affectum demulcentibus auxiliis perseverare. Quapropter in dolore arthritico, summopere infestante dolore, omnes indicationes nostræ curatiuæ eò collimare debent, ut sedetur dolor, qui interdum non tantum symptoma est: sed morbus ipse, & grauiorum symptomatum fit causa.

Sed cum de dolore doctrina, à priscis philosophis & medicis adhuc non sit nobis satis enucleatè proposita, nostrique dogmatici longè à scopo aberrasse videantur, par est de eo, & nos aliquid dicere, ne quid intactum nobis excidat. Docent dogmatici dolorem, tristem esse sensationem à subita & violenta mutatione factam, sensui tantum tactus propriam. Nam in partibus tantum sentiētibus hanc affectionem doloris repositam esse volunt: Verum quid sit illud quod sentiat in parte aut membro, non exprimunt. Istius autem sensationis causam esse volunt alterationem, & solutionem continui. Alterationem quidem fieri ab intemperie qualitatum elementarium: Solutionem verò continui, ab incisione ferri, adustione ignis, & acris humoribus corrodentibus vel inflāmantibus, & id genus aliis. Humores eiusmodi volunt secunda illa corporis elemen-

De dolore.
re.

ta, sanguinem, pituitam, & vtramque bilem, sese in diuersas figuras instar alterius Prothei conuertentia. Vbi adhuc hærent, quum non explicent, quid sit illud quod tam acutum sensum habet sentiendi. Et si enim veras causas doloris afferrent, verèque affirmare possint corpus esse quod patitur. Quum tamen cadauer formam adhuc & substantiam corporis retinens, omnem tamen sensum deposuerit, vt dolori amplius non sit obnoxium: sequitur aliquid esse in corpore aliud, quàm crassam illam corporis materiã, quod sentit, & corpori omnem sentiendi facultatem impertitur: Quid illud autem sit, norunt hermetici: Qui (vt dogmatici) agnoscunt quidem materiam & formam corporis: sed virtutes omnes vitales, non crassæ illi materiæ adscribunt, sed spirituali substantiæ. Triplicem igitur hominis agnoscunt esse substantiam, vnã terrestrem & elementarem, alteram astralem & cœlestem, tertiam verò diuinam, de qua hac vltima hîc nobis sermo non est futurus. Terrestris aut elementaris corpori materiam subternit. Astralis verò substantiam spiritualem, quæ balsamus vitæ est, in quo vita, ratione & vi spirituum, astralium facultates omnes toti corpori ubique suppeditat. Cum igitur in vita positæ sint eiusmodi vires omnes: vita verò constet spirituali balsamo: sequitur in spiritibus balsami

balsami, omnes facultates corporis esse reconditas. Ergo & illa vis sentiendi in illis posita est. Quid est igitur quod sentit & dolet? Spiritus scilicet ille astralis per totum corpus diffusus, qui omnes etiam alias corporis functiones per sua instrumenta obit. Ergo si spiritus patitur, à re corporea pati non potest, præterquam à sibi simili, hoc est à corpore spirituali, vel à spiritu corporali. Dum enim concurrunt spiritus corporei, inter se contrarij & repugnantes, turbas excitant, & bellum movent: si quidem spiritus spiritui bellum infert, ut inimicus inimico: quales videmus esse venenosos spiritus, qui spiritibus nostris salutaribus vim inferentes, tandem vitam illis subtrahunt si fortiores fuerint. Sic calor alterans ut vocant dogmatici, si intentior est, igneis spiritibus suis, per cutem subit spiritus nostros, ubique per totam cutem diffusos (ut nulla sit cutis atomus quæ vita aut spiritu suo vitali careat,) ac nostros violentia sua offendit & lædit: Qui alioqui ignei spiritus, quum benigniores sunt & moderatiores, imminutum frigore, vel alia re nostrum calorem fouent, nedum destruunt: ut non secus afficiantur nostri spiritus ab adurente calore, ac suffocatur vita nostra ciborum ingluvie, & nimia eorum copia. Quanquam præter quantitatem, alij cibi sua qualitate lædunt & molesti sunt.

Quid sit
quod do-
let.

Quod præstat vehementior calor, idem efficit ferrum, sed alio instrumento & alia proprietate: siquidem dum in corpus intruditur, harmoniam & compagem corporis quam spiritus corporis sustinent, dissuit: idcirco ipsos spiritus afficit ipsos vellicando & pungendo, illorum scilicet continuum soluendo & dissecando, qui soli vim sentiendi obtinent, eamque ex consortio corporis cum omnibus membris communicant. At quod varius sit dolor & multiplex, bene quidem dogmatici, quum diuersas species illius constituerant, ut alium pungentem, alium grauem, alium stimulantem, alium distendentem, alium ulcerosum, & id genus alios stabilierunt. Quod nascitur partim & diuersorum spirituum diuersis proprietatibus, partim ipsorum membrorum differentiis. Sed hæcenus de ea parte corporis, quæ verè dolorem sentit dictum sit quibus pauca præter ea quæ superius ubique conspersa sunt, de causis doloris adiiciemus: quarum cognitio veram sedationis doloris methodum suppeditabit. Causas diximus à dogmaticis referri ad qualitates elementorum quæ alterationem inducunt, & ad continui solutionem. Quod ad alterationem attinet, Galenus ex asperi & leui tactu dolorem inferri scripsit qui symptoma est tactus, idque contendit contra Archigenem, qui alia doloris principia & causas

causas ex Hippocrate statuebat, acerbū videlicet, acidum, austerum, mordax, dulce, salsum, amarum, & alia saporum nomina, quæ suis proprietatibus sensum tactus afficiunt, prout natura spiritus eorum, vel violentior vel moderatior existit. Quod videre est in saporibus linguæ admotis. Quamvis enim tactum omnibus sensibus communē esse apud philosophos, tum Peripateticos tum Platonicos in confesso sit: neque vllam actionem nec passionem sine ipso tactu fieri posse, affirmant: sapores tamen acres, acidos, austeros, sallos linguæ dolores inferre etiam differentes ipsi nō negabunt: quum id quotidiana experientia comprobet. Etenim ex re acri, vt à fumo oculi dolent, & lacrymas emittere coguntur, atque inde ophthalmiæ plerunque generantur: ex salsa à cerebro in tracheam arteriam aut fauces destillatione, doloribus etiam acerrimis illæ partes conflitantur. Galenus igitur immemor, quòd vel ipse Hippocrates, febrium differentias, quæ tactu ipso dignoscuntur, mordaces, appellasset, acutas & saluginosas, iniuste Archigenē accusauit, quod dolorū differentias saporum nominibus manifestas reddiderit. eisque nomina, ex saporum differentiis desumpta accommodarit. Discrepantes meherclè adeo sunt inter dogmaticos de dolorum causis sententiæ, vt illud quod in

dolore sentitur, hæcenus incognitum illis fuisse scripserit Bentius. Conciliator enim ut & ipse Bentius disputabant num dolor sit passio tactus sensusve cõmunis; an imaginatiuæ imperfectæ, sensui exteriori coniunctæ. Doctus Scaliger asseuerat dolorem non sentiri neque voluptatem, sed speciem quæ dolorem parit. Alij autumant dolorem non esse sensum, sed affectum seu passionem in appetitu ortam ex sensu. Cum enim sentimus, sequitur in appetitu affectus & passio. Animal enim in sentiendo laborat ut scribitur septimo Ethic. Sentire autem pati est, ut secundo De anima opinatur Auerrhoës. In hoc tam inconstanti & fluctuoso Oceano ad portum tranquillum, & tutum hermeticum me confero, atque cum illis cõstanter asseuero, dolores in vniuersum omnes à spiritibus salium resolutis proficisci, in quibus saporum dona & proprietates adesse alibi diximus. Facilius enim intelligitur dolores quosdam colicos ex acetosissimis, acerbissimis & acutissimis salium tincturis per omnia penetrantibus proficisci, quàm si ex frigiditate (quæ tanta in viuente vix esse potest, ut tam immanes dolores ciere possit) vel ex ficcitate eos oriri dicamus. Notum est acida valde dentes & gingiuas dolètes reddere: salsa verò & acria oculos, linguam, palatum ut iam diximus. Similes igitur dolores in

res in aliis quoque partibus fieri, ex simili-
bus causis non est dubitandum: quarum a-
crimonia & erosione vera causa dolorum
ex dogmaticorum sententia excitatur: cum
galenus scripserit multis in locis, nihil in-
ferre dolorem posse, nisi idem soluere con-
tinuum valeat. At verò sapores qui non sunt
extremi, dolores non inferunt, etsi tactu
sentiantur, quales sunt dulces nutritiui, mi-
tēsque potius quàm corrosiui, aut vlceran-
tes. Cæterum loca, quæ intensissimis dolo-
ribus afficiuntur, confluentiam habent cum
salibus potentissimis, ut orificium ventricu-
li, intestina, vesica, ipsique articuli, de quibus
nunc agimus. Continent enim mucilagines,
in quibus spiritus salium acutissimi & extre-
mi sæpe latent: tandemque post longam di-
gestionem separantur, atque efferuescentias
suas pariant? sicque dolores isti arthritici
prodeunt in iuncturis: similēsque dolores
in aliis partibus, ut hemicrania in capite, o-
rexes in ventriculo, dysenteria in intestinis,
ardores urinæ in vesica inde efflorescunt. At
viscera quia non habent magnā salium tin-
cturam, magisque de mercuriali & natura
sulphurea participant, tantis doloribus haud
afficiuntur. Qui verò dolores sunt ab iniu-
riis externis, ut a contusione, sectione, vltio-
ne, caustione vel refrigeratione, toto ge-
nere à prædictis differunt, quòd non fiant à

tincturis, seu qualitatibus vitalibus in corpore existentibus: sed à qualitatibus externis & mortuis producantur. Cognita verè dolorum causa cum partibus dolentibus simul intellectis, ut suprà demonstratum est, veræ anodynæ, dolorumque sedantes inuestigari poterunt. Atque dolores ex salium acrium vel coagulatione, vel resolutione aut effervescentia subortos cum salibus, tanquã specificis anodynis medicandos esse ediscēt qui hoc nesciunt, vel scire nolunt. Spiritus enim salis vitriolati exaltatus, acerrimus, acutissimus non solum cum liquore aliquo anodyno, suæ acri qualitati contrario contemperabitur: imò etiam cum sale vel oleo tartari acerrimo & acutissimo, ita ut ex illorũ mixtione, à quadam antipathia, alter alterius acrimoniam ita absumat contemperetque, ut ex his, vel per se exhibitis, vel cum pauco saccharo commixtis fiat medicina vel syrupus suavis gustu, & valde gratus atque potabilis ad febres omnes intermittentes, icteritias, cachexias, hydropes, ut ad roboranda, & ab obstructionibus liberanda, nutritioni famulantia viscera, utilissimus. Atque hæc sunt à fundamentis medicinæ hermeticæ, veræq; medicinæ Hippocraticæ depròptæ: quæ qui luscus aut lusciosus videre & faber fabrilia tractans mentis oculis contemplari negligit, meretur sanè ut in cæcitate sua, & caligi-

caliginosa incititia relinquatur.

Porro omnia remedia, quæ dolorem sedare possunt, secundum doctrinam dogmaticorum (quos merito semper præfero & honore prosequor) sunt in triplici differentia. Alia enim sunt paregorica: alia anodyna: alia narcotica.

Paregorica sunt ex eorum sententia, quæ *συνεργειαν* mutant, quæque qualitate contraria causam morbificam oppugnant: ut quando ad intemperiem calidam applicant frigida, aut refrigerandi vim habentia, ad frigidam calida.

Anodyna dicuntur ea quæ verè dolores sedant: quibus resoluendi tribuit facultatem Galenus: quæ tenui sunt substantia, calida primo gradu, & ita contemperata, ut familiaritate elementorum, naturæ partium consentiāt: cuiusmodi sunt butyrum, lac, & pinguedines omnium animalium tam terrestrium quàm æreorum & aquatiliū. Inter animalia terrestria, axungia taxi, vulpis, vrsæ, felis, cuniculi meliores habentur. Sed his omnibus præfertur axungia humana. Inter aues pinguedo gallinæ & anatis primas tenent. Ex piscibus præferunt axungiam anguille, cuius usus proinde vulgatissimus est. Inter olea commendantur composita sequentia, oleum catellorum, lumbricorum: Inter alia olea, oleum visci pomorum sim-

plex & compositum, quod ante plures annos descripsimus in libro nostro De preparatione spagyrica, & in sclopetario. Item olea chamæmeli, liliorum, florum sambuci, florum verbasci, amigdalorum dulcium, seminum papaveris albi. hæc præ aliis celebrantur. Inter semina sunt semen lini foenugræci, malvæ, bismalvæ, cotoneorum psyllij, & eorum mucilagines, quæ in officinis elici solent. Inter farinas sunt farinæ prædictorum seminum, farinæ hordei & avenæ.

Narcoti.
ca.

Superest ut addamus aliquid de tertio ordine, qui narcoticorum est. Narcotica vocant dogmatici, quod stupefaciant, ut opium, cicuta, mandragora: qualia existimant esse summè frigida: & improprie dicuntur à Græcis, *ὀνότιστα*, seu somnum inducentia, quum pro somno veterum inducant atque stuporem, ut & summè frigida: verum non quatenus talia, ut sentiunt vulgò. Nam ita & ab aqua hoc fiat, niue aut glaciæ, quæ summè sunt frigida: quod earum rerum vapor aut halitus, seu foetidus odor ad cerebrum pertingens, eius actiones offuscet, obruat, & in veterum præcipitet. Adde quod ea ipsa calida potius sint dicenda, quam summè frigida, quod, præter euaporandi vim quam habent, sint oleaginosæ atque sulphureæ, ut patebit ea rectius intuenti: qui reperiet ex similibus, papaveris, hyoscyami oleum

oleum elici flagrans, flammamque concipiens. Sed de his ex veris fundamentis disputabimus alibi.

Ex prædictis omnib. tã paregoricis, quàm anodynis & narcoticis, parantur variæ formulæ remedium, ad sedandos dolores accommodatorum, vt sunt olea, vnguenta, linimenta, cataplasmata, embrocationes, fomenta, & similia, quæ partibus dolentibus applicata dolores sedant, vt aiunt: aut quod qualitate prædita sint contraria causæ morbi: quod paregoricorum proprium est: aut quod offuscent, & quasi auferant sensus. Eiusmodi sunt narcotica: aut propter magnâ similitudinē atque familiaritatem cum partibus, quæ calorem contemperant: quod anodinorum est. Omnia ista remedia dolorem sedantia, deprompta ex familia vegetabilium, & animalium, pertinent ad therapeutica, & administrantur tum quando malum est præsens, dolorisque vrget necessitas. Et quanquam ex Galeni præscripto iam dictum sit, in magnis doloribus & cruciatibus, statim ad compescendos eos animum esse adhibendum, relictis etiam aut postpositis tantisper aliis intentionibus, donec doloris carnificina cesset. Nihilominus tamen sunt inter dogmaticos nec infirmi quidam, qui tamen volunt semper generalia præire particularibus atque topicis.

Quapropter etiam tum quando dolor premit, ægrum purgant: aliquo leniente. Præterea frequentes iniiciunt clysteres, ac in summis & intolerabilibus cruciatibus, tandem etiam recurrunt ad venæ sectionem: quam tantopere tot locis Galenus celebrat ad sedationem doloris. Ergo si dolor fuerit in pedibus, aut genibus, sanguinem mittunt ex basilica, aut mediana brachij dextri, aut sinistri: in qua & lienarem secant. Si in brachiis aut manibus dolor infestet, venam saphenam aperiendam præcipiunt: & conferre affirmant multum eiusmodi sanguinis missiones in tempore factas in omnibus doloribus; maxime verò in temperamentis biliosis & melancholicis, quibus etiam speciatim hæmorrhoidas prouocant cum sanguifugis.

Probo autem omnes intentiones generales, atque scopos, quos suscipere possunt docti & experti medici: quorum sine dubio plurimos præstantissimos ac eruditissimos, in summa illa totius orbis Republica: cui nihil minus deesse scio, quàm viros prudentes excellentique doctrina atque experientia præditos medicos, à quibus credo te iam sæpè leuamina accepisse. Interim non video, quid gratius atque vtilius ægro adferri possit, quàm certum & tutum leuamē, tum quādo maximè excruciat, & in eū carnifici-

nam

nā exercet dolor. Hīc clamat, hīc opē poscit æger. Quid fit? Accurrunt medici plerique, & cataplasmata applicant confecta ex mica panis cum lacte & croco, addito puluere rosarum & chamæmeli, fiuntq; varię formæ ex supradictis rebus ad sedationem doloris. Sed quali id fiat cum ægri leuatione, norunt miseri arthritici, & lugent. Nam ista omnia vanè, & sine vllō profectu. Ipse verò medicus astans, non minùs sæpe rubore suffunditur, & pudore, quàm eger ipse dolore. Quod videns dolore pressus, relicto sæpe medico, alioqui docto, ad extrema recurrit: & nunc opem ab ignorantissimo quodam rustico, nūc à Iudeo, nunc ab empirico nescio quo, nunc à vetula reposcit: secreta existimans, quæ ab ignaris proficiscuntur: quasi à quodam, nescio quo genio ipsi essent inspirata. Et dolendum sanè vnicuique, se medicum profitenti statim credi: cum in nullo mendacio periculum sit maius. Sed mundus vult decipi, decipiatur ergo.

Singula vulpino more modòque patent.

Singula vulpino tegmine tecta, latent.

Quapropter adhibentur interdum res, remedium loco, quarum nec vis, vel virtus, vel facultas talia præstandi, nec ratio vlla inest. Ideo dico, vt ostendam in eiusmodi paregoricis, nullam aut exiguam esse dolores sedandi certitudinem, quacunque tamen

forma & modo fuerint administrata.

Quod si præ doloris fetosia necessitas cogat (vt sæpè ac nimis fit) recurrere ad narcotica: Illaque non aliter nec maiori artificio administrata, quàm solent vulgò tum interdum quidem sedatur dolor, sensu nimirum partis extincto. Sed ex podagrico tandem fit contractus & claudus. Quare eiusmodi narcoticorum electio, præparatio & adaptio artificiosa, summe necessaria est, vt his sæcè rebus medico necessario incumbendum sit, si ægrorum salutis, & honori, & artis dignitati consultum velit. Perquirere igitur eum decet, quæ verè paregorica sunt, etiam si non pugnet qualitate manifesta, vt vulgò postulant. Peruestiganda etiam, quæ propriè & ex effectu anodina sunt: nec magnopere respiciendum quid calorem contemperet: denique vera comparanda sunt narcotica, non stupefactiua, & quæ sensum auferant, quales ferè sunt opiata & mandragora, atque his similia: sed quæ verè narcotica sulphurea sunt discutientia ac resoluentia: qualia sunt, sales vitriolati, atque mercuriales: & si ad qualitatem respicias manifestam, potius calidæ quàm frigidæ potestatis. quæ remedia subito, & quasi incantamento quodam dolorem sedare possunt ad miraculum etiam vsque tum ægri, tum eorum qui adstant. Sensus verò, ceu incunditate quadam perfundunt,

dunt, siue intro assumantur, siue extrinsecus applicentur, vt fateri cogatur æger, talem verè ac propriè esse medicinam dolorum: quale fuit quondam Nepenthes illud Helenæ. Contribuamus ergo & nos talétum nostrum nobis à Deo optimo maximo post diutinam peruestigationem, benignè concessum.

Remediorum internorum vices abundè supplebit meū laudanum, quod iam à multis annis Nepenthes appellauī, propter eximias virtutes quas habet, non tantum ad sedandos dolores, sed etiam fluxiones sistendas, inflammationes prohibendas & extinguendas, &c. Dosis est granum vnicum magnitudine grani piperis minimi. Nimirum tale longè aliud cōpèries, quàm Philonium illud officinarum, aut pilulas de cynoglossō, aliàque his similia, quæ pro basi habent opium. Non quòd improbè opij vsum, quod scio etiam ingredi theriacam, quamuis longè aliter præparatum velim, quàm fit à vulgo. Præparationem legitimam docebo alibi. At nostræ opiatae longè sunt alterius naturæ, quæ potius sunt nitrosulphuræ, & per consequens calidæ potius quàm frigidæ, vt ex descriptione eiusdem facillè deprehendes. Describam autem hic formulas quasdā verè anodinas & paregoricas, communes tamen atque desumptas ex schola dogmati-

corum: at quæ electione & præparatione vulgata illa longè antecellunt, cuiusmodi ante me pauci hæctenus, vel ediderunt vel in lucem emiserunt. Postea subiiciemus & illa, quæ Spagyrici multa inquisitione, & diligenti anatomia interna rerum, ipsarumque adeò metallicarum inuenerunt, & iis scelicissimis auspiciis haud semel postmodum vsi sunt. Quibus sanè multa tribuo: & spero iisdem me plus tibi solatij allaturum, quàm omnibus istis formularum centonibus, qui passim prostant. Formulas autem has, tua potissimum gratia, huc conferam quidem, sed in eum quoque finem, vt quilibet vti possit, & frui: quum hoc ipsum consilium nostrum cum aliis plurimis, non ex vulgata practicanrium schola prodeuntibus, breui Deo volente in lucem sim editurus.

Anodina generalia ad dolores podagricos.

Oleum visci pomorum
sej pomorū Quercetani.

℞ foliorum visci pomorum minutim concisorum lb. ss. florum verbasci albi, chamæmeli, liliorum, sambuci, hyostyami omnis generis cum suis capitulis (quæ pericarpia, vascula, aut thecas seminum appellant herbarij) recentibus, nec dum perfectè maturis ana p. j. ranularum viridium, aut earum loco, spermatis ranarum, quod in stagnis & gurgitibus sub initium Martij reperiri solet lb. j.

℥.j. seminis papaueris albi contusi ℥.iiij. cā-
 crorum seu astacorum fluuiatilium itidem
 conquassatorum cum suis crustis num. xx. li-
 macum rubrorum, & lumbricorum terre-
 strium, vtrorumque prius ex optimo vino
 albo lotorum ana ℥.iiij. pinguedinis taxi ℥.
 vj. spermatis ceti ℥.iiij. olei violati, aut nenu-
 pharini, recenter facti ℥.vj. Aut si voles, e-
 ius loco accipies olei oliuarum tantundem.
 Si tempus permittat, & occasio non vrgeat,
 coniecta in vas vitreum conueniens & pro-
 bè obturatum, pones in fimo equino per
 septem aut octo dierum spatium. Aut si ne-
 cessitas vrgeat: aut citius absolueres velis,
 bulliant omnia in vase cupreo ad ignem per
 duas horas: postea fortiter exprime. Quod
 etiā facies, si ad digestionem in fimo col-
 locaueris. Huic oleo, ab aquositate per co-
 ctionem secundum artem separato, addes
 croci ℥.ij. camphoræ ℥.ß. Omnia infundan-
 tur in vas vitreum, & denuò collocentur in
 fimo, aut in balneo, aut ad solem per aliquot
 dies, & habebis balsamum præstantissimum,
 ad sedandos quosuis dolores podagricos.
 Valet etiam ad puncturas nervorum, ad
 contracturas & dolores, qui ab iis excitantur.
 Et sua serim profectò omnibus pharma-
 copæis paratum haberent, cum eo nihil ha-
 beant præstantius, & cuius vsus ita frequens
 esse possit, vt fortè ne multa vasa plena ipsis

sufficere possint. Quapropter & idem dabitur in pharmacopœa nostra restituta,

Cataplasma anodinum ad omnis generis dolores podagricos.

Remedia
antipoda-
grica
Querceta-
ni.

℞ medullæ cassiæ ℥ iiij. theriacæ recentis (quò recentior fuerit, eò melior) ℥ ss. farinæ hordei & auenę ana ℥ iiij. micæ panis albi ℥ iiij. lactis vaccini lb. ij. vel iij. Coquantur omnia in formam cataplasmatidis, quod applicabis calidè partibus dolentibus. Si addideris ℥ j. vitrioli calcinati & subtilissimè pulverisati, multò præstantius efficies.

Aliud cataplasma.

Aliud.

℞ aquæ destillationis verbasci albi, & filicis cum toto ana lb. ss. vitrioli calcinati ut prius, & mundissimè triti ℥ j. ss. farinæ auenę ℥ iiij. croci ℥ ij. fiat cataplasma.

Aqua antipodagrica.

In festantibus maximis doloribus, parte rubore & multo calore oppressa, cōfert plurimum aqua sequens, suo tempore parata, ex mea descriptione.

Aqua antipodagrica.

℞ aquæ destillationis spermatis ranarum, capsi barbatı & filicis ana lb. j. ss. In his macera, rutię, lithargyri ana ℥ ij. vitrioli calcinati, aluminis ana ℥ j. foueantur partes dolentes tepidè, sæpe noua immersione renouando linteamina. Potest etiam foueri locus dolens, aut propria ægri vrina, vel cum sale fusco, in liquore cōueniēte dissoluto, vel salis muria.

Aqua

*Aqua alia antipodagrica præstantissima qua
omni tempore ferè parari potest à D. Mi-
chelio, patricio Lucensi, doctissimo
medico communi-*

cata.

℞ saponis Genuensis albi ℥j. salis fusi ad ANA.
fortissimum ignem ℥j.β. vitrioli ℥j. acaciæ
℥β. bulliant omnia in mensura, seu pinta a-
ceti rosati, aut alterius communis. Cola, &
de colatura tepidè foveatur pars dolens.

*Emplastrum excellens, quod superpositum
nodis & tophis podagricis, eos
dissolvit.*

℞ olei visci pomorum nostræ descriptio- Emplastrū
nis ℔j. aut ℔ij. Calefiat in vase ad ignem.
Calefacto adice saponis rasi ℥iiij, miscean-
tur semper probè cum spatula, donec sapo
cum oleo bene incorporetur. Postea adde
cerusæ venetæ, litharg. ana ℥ij. (semper mi-
scendo cum spatula) vitrioli ad rubedinem
calcinati, & pulverisati ℥j. cinnabrij ℥β.
semper agitabis dū adiciūtur p̄dicta, donec
optima fiat emplastri consistentia, quod ap-
plicabis nodositatibus. Conducit etiam ad
tophos venereos, ad omnes callositates, at-
que ylcera phagædenica. Atque hæc sunt
quidem remedia præstantissima, quæ ex do-
gmaticæ scholæ præscripto parari possunt.
At longe nobiliora efficacioraque reme- Specificæ
remedia
chymica.
dia, ex minerarum familia depromūtur, quæ

ad sedandos dolores, nulli alteri cedunt, ut experientia multiiuga compertum habeo. Ergo calcem viuam per quinque vel sex dies immerge in aquam fontanam, ut sal eius elicias: Aqua autem superemineat calci ad quatuor vel quinque digitos. Huius aque accipe lb iiii. In qua laminam chalybis feruentis duodecies, aut etiam sæpius extingues. Postea in eandem immerge æs vltum in puluerem redactum ad ℥ iiii. cinnabrij ℥ β. Stent per quatuor aut quinque dies, & viridem ea aqua acquirat colorem ex vitriolo interno æris vlti. Et habes excellens remedium ad subito compescendos dolores. Sūt qui loco prædictorum addant mercurium dissolutum in aqua forti: sed melius, magisque placet ratio prior: quamuis & hæc quoque sit bona, atque probata: quàmque à nonnullis audiuius esse eandem, qua scelicissimè, vsus est Martinus Rulandus vir percelebris, svt videre est in eius curationibus empiricis. Denique omnino necessarium est ut talia metallica præstent hos effectus: & inter omnia, potissimum vitriolum. De cuius stirpe ex sententia Spagyricorum est quoque cuprum. Quæ metallica sulphur in se continent verè narcoticum, non frigidum aut stupefactiuum, sed tale quod corporeas materias dissoluere & spirituales coagulare possit. Aut in prædicta aqua vel infusione addi possunt

Aqua præ-
stantis.

possunt marcasitæ, antimoniam & similia: Omnia in eum finem, vt sal ex iis eliciatur. Aut in eadem aqua decoquantur flores verbasci albi, flores & cortices sambuci: & in eadem per biduum aut triduum macerentur ꝯ iiiij. vel v. colchotaris, vel scœcum, quæ restant post aquæ fortis extractionem: qua aqua tepidè foueantur partes dolentes, cum linteaminibus sæpius iteratis. Phlegma vitrioli suo proprio sale & sulphure narcotico, imprægnatum, singulare quoque est specificum remedium. Quemadmodum etiam viriditas, seu oleum salis marini: qui nobis in cibos venit: ac in eo tantum intincto linteamine partes dolentes oblinantur. Reseruo mihi meam aquam antipodagricā, (quā tamen à me factam transmittam tibi) tum quia difficilior eius parandi modus, quàm vt à vulgari pharmacopœo confici possit: tum verò mihi tanquam veterano militi, aliquid athletici artificij reseruandum esse censeo. Dicam tamen vnicum esse singulare, nec vulgari industria à me conquistum, interim certissimum atque tutissimum remedium. Dicamne? Fit ex aqua fortana simplici, in qua iteratè & aliquoties extingo quædam metalla, cui addo duas substantias metallicas, quas vel per os ritè præparatas dare solemus, quarum spiritus impressi in aqua prædicta, vim ei tribuunt penetrandi ad radices

Aqua antipodagricæ Quæ præstâtissima omnium.

vsque morbi, atque verè resoluendi & euacuandi, materias tartareas, gypseas, atque sales in iuncturis concretos: à quibus tam intolerandi dolores excitantur. Nam ingens eis inest vis dissipandi omnis generis gummi, tophos & nodositates podagricas, ipsaque adeò etiam venereas, vt experimento confirmare possumus. Ad hæc vim habent reprimendi, atque contemperandi simul earum acrimoniam, adeoque prohibendi nouas generationes, atque influxus materiæ tartaræ. Vt paucis dicā, vera ea sunt resoluentia & refrigerantia simul: sed longè præstantiorū virium, quàm oxycrata, aquæ plantaginis aut solani, aut talia, quæ à vulgo parari solent: quæque obstruunt potius atque incrassant magis materiam tartaream, gummosam atque gypseam, iamque plus satis crassam, atque in articulis & iuncturis contentam: ac proinde dolores potius ingeminare & augere, quàm sedare aut placare solent. Sed sufficere possunt prædicta: cum sciam talia à nemine vnquam ante me tam dilucidè explicata. Quid, inquires, gloriaris senex? Iuuenile hoc est. Audi amicorū summe. Glorior sed in vera, non momentanea vel leui illa gloria, quæ merè iuuenilis est. Hanc autem mihi concessit Deus, peperit labor. Nec tamen mihi adeo Suffenus sum, vt Nemesein non semper post me stantem

reuerear atque obferuem. Sic ſoleo, vti noſti, nunquam non mihi eſſe ſimilis, & interdum poëticas meas nugæ grauioribus inſerere. Neque hic maximopere curo Cenſores naſutiores, obgannientes forte luida nare, & fronte ſupercilioſa: quod vni & eidem remedio tribuam, vim reprimendi aut repellendi, & attenuandi; quodque confidenter aſtruam & aſſeuerem, illud idem vim habere coagulandi & diſſoluendi. Sunt enim quæ dico, talia, quæ oculis obſicere, & manibus palpana exhibere poſſum. Talia enim & iam dictis & alijs metallicis tribuimus, quæ præſtant beneficio ſalis, quem in ſe continent, & aquæ prædictæ communicant ac imprimunt; beneficio macerationis atque infuſionis. Quæ & acrimonia materiæ tartareæ atque falſæ tollitur. Quapropter eodem medio refrigerant & attenuant: reſoluunt, diſſipant atque conſumunt, cauſam coniunctam huius mali. Et per conſequens ſunt vera paregorica, gemina anodina & ſpecifica narcotica dolorum.

Ecce, vir ampliffime, anatomiam exoſiſſimi huius morbi, qui te vel in ætatis hoc flore per certa interualla inuadere, dolorificiſque inſultibus diuexare atq; fatigare auſus eſt. Longior, fateor, fui quam decebat: apud te præſertim & talem, cui nihil magis placere ſcio, quàm concinnam breuitatem

ab exacto iudicio profectam. Sed nimirum volui ex professo introducere vtriusque ordinis medicorum tam dogmaticorum, inquam, quàm spagyricorum dogmata & fundamenta præcipua ad arthritidis historiam pertinentia: simul & vtrorumque *τεχνασπον* curatiuum ceu athletarum probatorum arma probata in tui defensionē proferre ad euincendam atque domandam crudelissimam artuum illam carnificinam: ne nimirum te posthac vti hætenus tantis & tam sublimibus dicatum curis publicis ac verè regis, cant abstractum, impeditum, atque prostratum. Ne, inquam, doctissimas tuas manus deinceps impediant ab opera, qua constet quale sit & quid possit sublimis ingenium tuum. Ita fiet, spero, vt & hæc à maledicentium theonum virulentis, moribus vindicare, & almæ tuæ Mineræ, cuius assiduus es cultor, etiam porro litare queas. Interim hæc nunc habe, & alia quædam maiora propediem in publicum proditura à me expecta. Quibus operibus annexum erit præsens hoc consilium, cum aliis plurimis. Opuscula mole quidem parua: at subiecto & argumentis dignitate maxima, vt plurimorum cū delectatione atq; vtilitate proditura indubiè mihi polliceri ausim. Hæ sunt meæ lucubrationes, quas Solaturri hyeme præterita moliebar optato fruens otio, &

libe-

liberiori multò, quàm quando verſor in mundo hoc Lutetiano: de patrociniò ſummi mei & omnium doctorum virorum Mæcenatis, & veri Senatus illius Regij Catonis, illuſtris genij, & ingenij viri D. de Sille-ry, &c. De cuius eximia prudentia & in rebus gerundis ſingulari fide, induſtria atque dexteritate, vt quid amplius addam ne expecta: ne ſcilicet culpam potius ſi frigidè laudem. Sed fruebar quoque patrociniò eminentiſſimi viri D. de Vic legati regij, & apud Helueticos atque Rhoetos ordinarij, tuique amantiſſimi: in cuius viri ingenio poliendo, ſi fateri velim quod res eſt, Mercurius præfuit, Pallas atque Minerua certatim operas ſuas collocarunt. At ne muquidem addo Lucinianum. Notior eſt vir ille; quàm vt vel à me, vel à mei ſimilibus commendari dilaudariue debeat, aut prodignitate etiam poſſit. Sed hiſte viris atque patronis meis, (vir omni æſtimatione digniſſime) ſi merito tuo cõnumerauero, & quod corditus facio, inter ſummos meos patronos & amicos recensuero, qui non poſſint hæc mea opera cunctis ipſoque adeò inuito Momo, eſſe grata atque accepta? Audebo itaque trium harum ſtellarum fulgore illuminatus, & ſumma eruditione ac multiplici experientia Archiatri Regis noſtri, viri utique celeberrimi ſuffultus, pro-

dire, & quicquid est lucubrationum mearum
in publicum dare: quorum iudicium atque
censuram vel vniuerso Senatui Attico, aut
Lacedemoniensi prætulerim.



DE NEPHRITIDE

CONSILIUM

Secundum.

AD CLARISS. ET CELEBERRIMUM

VIRUM D. LAURENTIUM CONSILIARIUM,

*Medicum ordinarium, & Professore**Regium, Reginaeq; Archiatrum.*

HOC CE nostrum de Nephritide
consiliū, illustri & excellent. D.
ac patrono D. Lafinio, Nephri-
ticis dolorib. obnoxio, viro ge-
nerosiss. ac de patria benè merito mereti-
q; cōsecram⁹, dicamus atq; deuouem⁹. Tu autē
celeberrime Laurēti auxiliāres tuas manus,
ad tam immanē domandum debellandū-
que hostem, manibus nostris præbe; consi-
liū istud consilio tuo dita exornāque; at-
que grato animo accipe, hoc munusculum
& testimonium, propensi animi amorisq;
summi erga te mei. Quod si tibi tali genio
nato, ac tanta doctrina & experientia va-
lenti

lenti viro, satis dignum sufficiensque esse potest, fac excipias hoc quicquid est de Nephritide iudicij, & tuo iudicio limato, etiãque sæuiori æstima atque iudica. Id enim lubens tuo iudicio committo, quod probè sciam, te mecum, me tecum, in meritisimi tantique viri, vtriusque nostrum amici, sanitatem integram tum recuperandam, tum conseruandam, conspirare.

Ex atroci dolore circa regionem renis dextri fixo, vrina arenosa & subcruenta ex vomitu pluribusque aliis signis & symptomatis abundè colligere licet hunc morbum nephritidem esse. De cuius affectus causis pluribus à me nunc disseri nihil attinet, cū boni medici officium in prompta artificiosaque sanatione potius quam in theoretica disceptatione consistat. Ne tamen ne in eo *ἀσύνετος* prorsusque mutus esse videar: Dico longè aliter sentire me de calculi causis, materiali præsertim; quàm vulgus medicorum opinatur. De materiali, inquam, hoc est ex qua, non in qua, (quod morborum subiectum vocat in scholis) generetur & fiat calculus. Statuunt, si quidem medici ferè omnes generari eum, ex crassa lenta & nescio quali viscida materia in renibus ab eorum calore cocta indurataque. At me herclè què illi tam insignem calorem renum in calculosa senum constitutione reperiant, quos vo

plurimum frigidissimæ naturæ esse constat
 nondum aduerto. Arena multo antè cum
 vrinis egesta & in matulæ fundo subsidens,
 aut si vel pura & limpidissima illa videatur,
 diutius tamè subsistens & in tartaream ma-
 teriam vasi adhærescens, satis opinor potius
 conuincant, non à crassa aut viscida tantum,
 sed tartarea quadam materia à proprio sa-
 le concrefcere atque in renum cavitatē con-
 densari. Haud secus sanè atque in vinorum
 cadis illud quod tartareum est, (in quo sal
 vini præcipuè latet) conuexæ vasis superfi-
 cie adhærescere atque in lapidosam substā-
 tiam concrefcere videmus: Quod si quid
 glutinis quoque cum vrina interdum egera-
 tur: nihil id mirum, cum idem & vel multò
 sæpius per aluum magna eius copia mucī
 reiiciatur, in qua tamen numquam secūdum
 Galenū, aut certè perrarò secundum quoti-
 dianam experientiam calculi generantur.
 Et magni Athlantes illi non vident, causam
 generationis viscidī illius humoris semet
 facere frigiditatem cruditatēq; , vt frustra
 nunc sint, si à renū calore in calculum co-
 gi opinentur, cum tantum calorem in reni-
 bus absque febre esse posse, non sit rationis,
 qui calculum ex materia frigidissima con-
 coquere & lapidescere possit. Ceu verò for-
 nax quidam esset, in quo gluten istud calci-
 netur. Quinimo potius existimandum, tar-
 taream

tartaream illam calculi materiam, sine calore villo extraneo, suapte natura vergere ad coagulationem & indurationem. Sic videmus in multis fontibus aquisque frigidissimis ligna ipsa tandem lapidescere. Sic in Auer-
nia nostra, riuulus quem incolæ Tiretine nominant ex propria spuma pontem sibi lapideum construit: ibi tamen nullus feruor nullusque calor. Sed sit ita, adsit gluten, adi-
uiuet calor, non habent tamen quod intē-
dunt, materiam calculi esse simpliciter visci-
dam sed potius tartaream, arenosam quam visciditas illa citius conglutinet, visciditas, inquam, nō mucosa tantum, sed tartarea &
ipsa salsuginosa: qualem qui in corporis hu-
mani lixiuiq, (nempè in nostra vrina) vt &
in reliquis omnibus saponariisque lixiuiis non deprehendit aut agnoscit: quid vrina, quidque lixiuium sit ignorat. Vrina enim omneque lixiuium, si diutius stent in vase tartarum proprium affigunt: Nullus ibi ca-
lor eximius nisi qui vel in vrina vel in lixi-
uis inest proprius. Sic videmus simili de causa ex eademque prorsus materia, calculos in vesicula fellis, in hepate, splene, cere-
bro, ventriculo, intestinis, articulis, denique in omnibus ferè corporis partibus etiam frigidis, generari: quod certè notius est, quā vt pluribus conuincere nunc sit opus. Sed his missis, rectā ad curationem me confeto,

maximè cum hæc omnia in nostro de Arthritide consilia fufius iam à nobis explicata & comprobata fint. Duplex igitur instituenda est cura: Prophylactica seu præferuatua & Therapeutica seu curatiua. Hæc causam coniunctam tollit, nempe calculum & arenas seu tartaream illam materiam quæ cruciatus Nephriticos excitat, in sensibili renum & vreterum cauitate, quæque stranguarias aliquando, aliæque grauissima symptomata inducit. Illa causam antecedentem auferit, corpus nimirum à mucilaginosa tartareæque materia expurgando aliàsque impuritates, ne generationi calculi deinceps sit locus atque occasio.

Vtræque hæc curandi ratio, tribus perficitur instrumentis, nempe Dietetico Pharmaceutico, atque chirurgico.

Ordiendum suadeo à prophylaxi seu præseruatione, tanquam vtilissima, nobilissima tutissimaque. Nam vt habet versus.

Tardius eiicitur, quàm nō admittitur hospes.
Nec parum herclè profecerimus dum modo recidiuam tam execratorum cruciatuum impediamus: Quare omni studio initemur, vt Spartam, quam Deus nobis largitus est etiam hoc in negotio ornemus atque amplissimū & generos. D. voti & immensi sui desiderii ac voluntatis (quæ est eius erga nos fiducia) compotem reddamus.

Quod

Quod ut consequamur, ante omnia necessarium est ut quouis loco, quouis tempore, bona cōuenientique utatur victus ratione. Hæc consistit in legitima debitæque administratione sex rerum quas medici non naturales appellant.

Caveat itaque quantum fieri poterit ne aëri turbido atque nebuloso sese exponat: nec item radiis solaribus, aut crepusculi humidis exhalationibus.

Exercitium ante cibum, horis præsertim matutinis apprimè confert: improbat plurimum violentum, maximè quod statim orbitur à cibo. Nimio enim illo motu, cibus adliuc crudus aut certè semicoctus tantum, intempestiuè rapitur à venis mesaraicis ad hepar, ac inde in renes.

Abstineat quantum potest à somno pomeridiano, quippe quod repleat caput, unde magnæ incommoditates in corpore oboriuntur. Alius semper sit lubrica: quod si non sit natura, saltem arte: in quam rem horis matutinis capiat iuscula in quibus summitates violarū, malug, borraginis, buglossi, aliarumque lenientium bullierint: aut horum loco decoctum prunorum. Idem præstabunt interdum utiliter suppositoria atque clysteres emollientes.

Longè absint tristitia, ira, melancholia, cæteræque animi perturbationes: item gra-

uiora negocia vel occupationes à cibo præfertim.

Porro sobrietatem ac temperantiam, cibi, inquam, ac potus moderationē, vt alias semper ita vel imprimis in calculoso omni affectu, hocque corporis statu magnoperè utilem esse constat apud omnes medicos: Prædere, tamē perpetuò paulò liberius, parcius verò cenare præstiterit. Bis enim tantum in die cibum sumi velim, idque ex iustis interuallis quæ concoctioni sufficiant. Famem tamen atque cruditatem vitandam censem: illam tanquam omni ætati senili, & senilis proximæ, nocuam, & ne repentina fiat consuetudinis mutatio qua nihil magis suspectum viris aulicis præfertim: hinc ne calculosæ materie præbeatur occasio.

Alimenta itaque sint boni succi & facilis coctionis, omnino varios & diuersi generis cibos euitet præfertim in vno eodémque pastu. Quod si cibo delectetur vario, vt delectatur & antehac assuetus fuit, deinceps paulatim remittat: quamuis in ea ipsa varietate aliquam similitudinem, & naturæ ὁμογενείαν obseruare non fuerit difficile neque inutile. Nam dissimilia quæ sunt vel summo illo medicorum Hippocrate teste, seditionē mouent, dum ex his alia citius, alia tardius & mitificantur & in corpus ipsum diuiduntur.

Vitabit in genere omnis generis cibos
crudos,

crudos, vaporosos aut flatuosos, viscidos & crassos: Animalium partes extremas: omnis generis acetaria, legumina, lacticia, sed ante omnia Caseum & quæ à pistoribus in furno parantur nec ritè fermentata sunt: itè frixa, pisces omnes. quibus tamen si vti velit (in quadragesima diebusque aliis prohibitis) eligat saxatiles, & id moderatè rariùsque.

Vtatur quinetiam tunc temporis astacis seu cancris fluuiialibus, ouis sorbilibus, atque etiam butyro: Butyrum enim prohibet generationem calculi, si manè præsertim sumatur ante omnes alios cibos: rationem exposuimus alibi.

Aquas fugiat crassas atque limosas arenosâsque tam in cibis quàm in potu. Præterea vina dulcia, crassa, nigra turbida & plurimis fœcibus tartareis referta. Talia quippè præcæteris materiam suppeditant calculorum generationi: Quare eligat potius rubellum aut album oligophoron, benè maturatum, non fumosum, mediocriter aqua limpidissima temperatum. Panis sit benè coctus & fermentatus. Hæc sit Diætæ seu viuendi cōsuetudinis summa, quam sequetur qua poterit cura atque diligentia.

Secundùm instrumentum prophylacticū est Pharmacia ex qua depromuntur remedia cum interna tum externa, ad præparationem, vacuationem, derivationemque

causæ materialis vel antecedentis, & ad roborationem partium quæ id postulant. Et talia remedia certis temporibus atque locis ex arte parari atque conuenienter administrari debent.

Suadeo itaque vt amplissimus D. singulo vere atque autumnò purgetur præmissis prius præparantibus. Tempore igitur dièq; conuenienti electo, curationis initium ordietur à clystere anodyno & emollienti ad euacuationem intestinorum, quem caput sub vesperam paulò ante cœnam. Sequenti matutino accipiet bolum pro minoratiuo, talem.

Acc. Calsiæ rec. extractæ ʒj. rhab. ʒj. pulu. diatrag. frigid. ʒj. Misce: fiat bolus quem deglutiat cū syrup. violatò. Quod si adsit plethora, & ea vel leuis tantum, postera die secetur vena hepatica cubiti dextri ad quantitatem sanguinis conuenientem. Sequentibus diebus vtatur sequenti apozemate.

Acc. polypod. quern. ʒj. β. rad. gram. asparagi. feniculi, eryngij, raphani ana ʒj. passul. inudatarum à vinaceis liquirit. ana ʒvj. iuiubarū sebest. ana p. iiij. cichorij, fumar. beton. lupul. pimpinell. capillarium omnium ana m. j. sem. alth. saxifrag. bardanæ ana ʒβ. sem. anisi, fceniculi, citrij & corticis eiusdem ana ʒiij. florum genistæ, viol. borrag. bugloss. ana p. j. fiat decoctio in hydromel. in lb j.

in lb j. In colatura clarific. dissolue syrupi de limonib. ℥ iiij. misce ꝑ 4. dosib. aromatizatis: 3 j. cinnamomi. Si addideris guttulas, aliquot vel spirit⁹ vitrioli, vel aciditatis sulphuris multò præstantius fiet istud remedium.

Sic itaq; ritè præparato corpore, deinceps purgabitur, sequenti medicamento.

Acc. polypod. q. femin. carthami ana ℥ β. a-nisi, epithymi & sem. malux ana 3 ij. trium florum cordialium ana ꝑ. j. fiat decoctio in suff. quantitate colaturæ clarificatæ. mace-ra ad ignem lentum: & tãdem decoque fol-liculorum oriëntalium ℥ β. in expresso adde, rhabbari, seorsim in æquis partibus vini albi, aquæ endiuix & rosarum macerati & expressi 3 ij. syrupi ros. sol. cum agarico 3 j. misce fiat potio, quam sumat, finitis apoze-matis cum custod. & regimine.

Vel si velis, in eodemmet apozemate, ad-des sufficientem quantitatem prædictorum purgantium, vt vna & semel humores præparentur, atque deturbentur, idque per epicrosim.

His aut similibus præparationis atq; purgationis formulis vti poterit omni vere atque Autumno.

Reliquis verò temporibus suadeo, vt purgetur aliquo grato ac miti medicamento, vt bolo ex cassia præscripto, elect. lenitino, diasebest, alioue simili. Aut cum syrupo ali-

quo magistrali, parato ex decoctione prædicti apozematis: addito succo rosarum optimè depurato, quibus admisceri poterunt fenna rhabarb. agaricum, cum suis correctiuis, & saccharum in sufficienti quâtitate. Hoc blando remedij genere uti poterit singulis lunę declinationibus aut decrescētis. Quod si his non delectetur propter ingratum saporem, utatur nostro diatartaro solutiuo quod descripsimus in nostra Pharmacop. reſtituta, cuius hæc est formula.

Diatartarum solut.
Quercet.

Acc. folliculorum fennæ tenuissimè pulverat. ʒvj. cristallorum tartari optimè præparatorum ʒj. fœniculi dulcis anisi ana ʒj. cinnamomi ʒß. sacchari rosati ʒj. ß. miscæ, fiat pulvis. Præparationem cristallorum tartari docuimus in prædicta nostra Pharmacop. dosis huius remedij est cholear argentum, nullum ingratum habet saporem: Adustos, retorridos melancholicosque succos sufficiēter & blandè tamē purgat, tartaream & muscilaginosa materiam in ventriculo atque in ipsismet vasis conceptam & soluit & deturbat eoque nomine tartareis omnibus affectibus confert calculosis præsertim.

His aut similibus ritè & benignè purgatus, quatuor matutinis sequentibus sequens capiet iusculum.

Acc. rad. graminis, asparagi, fœnicul. petrosel. eringij quantum lubet, acetosæ cum
toto

toto pimpinell. summitatū malux violar. feminum cucurbitæ melonum bismalux itidē pro lubito: fructuum alkekengi numer. vj. florum genistæ p. j. limonij medij segmenta cū suo cortice, cum pullo farcto vuis corinthiacis, atque capparibus iuscula fient pro quatuor matutinis. Quod si fuerit quadrasema, parabuntur cum butyro recenti: & salis communis vel marini vice, condientur sale extracto ex cineribus restæ bouis, eo modo quo dicetur: cum constet nobis tales præparationes in omnibus officinis nō fieri. In eodemmet iusculo addes si velis vel 3j. prædictorum cristall. tartari: vel guttulas aliquot aciditatis sulphuris, quò palatur suauius & efficacius iusculum reddatur. Hæc, inquam, singulis nouiluniis sunt faciēda. Reliquis verò temporibus ad purgādum stomachum à mucositatibus & viscida seu materia tartarea, eūdemque vna eadēque opera roborandum, suadeo vt semel in septimana etiā in hyeme capiat duas aut tres pilulas mastichinas aut de hiera cum rhab. idque paulo ante prandium aut cœnam.

Pilulæ Aloës nostræ descriptionis (cuius essentiam extrahimus cum aqua endiuizæ in Bal. mariæ) separādo terrestrem atque inutilem eius fœcem, additis succis depuratis rosarum pallidarum, rosarum moschatarum, florum quinetiam cichorij & bugloss. & es-

Pilul. de
aloë Quer
cet.

sentiis, seu extractis rhab. sennæ cum paucis guttis olei anisi pulueribus item mastichēs, myrrhæ & croci, vt omnia in pilularū massam redigantur) longè præstantiores sunt ad hunc scopum quàm omnia prædicta. Nam benignè admodum purgant, & balsami aliquius loco sunt stomacho atque hepati: Dosis exigua pilulæ, magnitudine pisi, quæ mira præstat pro euacuatione, & roboratione prædictarum partium. Hæ pilulæ descriptæ sunt fusiùs in nostra pharmac. Ad roborationem verò particularem ventriculi, plurimum confert puluis digestiuus sumendus post pastus, ad quantitatem vnius parui cochlearis, studio ad id parati.

Acc. anisi fœniculi dulcis ana ʒ iij. Coriandr. præpar. cum succo cidoniorum ʒ vj. saluæ exsiccata & in tenuissimū puluerem redacta ʒ ij. coralli præp. margarit. præparatar. ana ʒ ij. conseruæ è rosis siccis ʒ j. cinnamomi ʒ iij. mastichēs ʒ ij. β. sacchari ros. tab. ad duplum omnium. Misce: fiat puluis quo vtatur vt dictum est.

Aut loco iusculorum quorum supra mentionem fecimus singulis mensibus sumendorum, post leuem aliquam purgationem, quæ semper præcedere debet, capiet paruum cochleare de puluere sequenti specifico contra generationem calculi, hic puluis quin etiam ad vrinæ tarditatem & dysuriam cōfert.

Acc.

Acc. nucleorum mespilorum, milij solis
 feni bardanæ, saxif. alth. anisi. fœniculi dulcis
 ana ʒ iij. cristallorū, tartari ʒ vj. lapillorum
 qui in astacis reperiuntur (qui vulgò oculi
 cancri vocantur) ʒ β. salis restæ bouis ʒ j.
 cinnamomi ʒ j. β. sacchari violati ʒ ij. β.
 Misce: fiat pulvis. Quo sumpto superbibat
 parum vini iuniperati, vel aquæ nephroca-
 thartice præseruatiue, cuius descriptio sequi-
 tur.

Pulvis an-
 tinephriti-
 cus Quer-
 cet.

Acc. rad. eringij, restæ bouis, & quicq; rad.
 aperit. an. ʒ j. corticis limonū ʒ j. β. iij. sem.
 frigid. maior. sem. maluæ, alth. ana ʒ iij. sem.
 saxifrag. milij solis, raphani maioris, barda-
 næ & granorum iuniperi maturorum ac re-
 centium ana ʒ vj. fructuum alkekeng. num.
 xx. iuiubarū paria vj. diptami, florū genistæ,
 hyperici, beton. & maluæ arboreſcentis a-
 na p. ij. liquiritiæ ʒ ij. β. cassiæ lignæ ʒ j. cō-
 tundenda cōtundantur & puluerisanda pul-
 ueriscentur & macerentur in aquæ argentinæ
 fenelorum parietar. ana lb j. β. vini albi ge-
 neroſi lb ij. idq; per quadriduum in B. Mar.
 calido, dein fortiter exprimantur: expressio-
 ni adde specier. diatrag. frigidi: & throchisco-
 rū alkekēg. sine opio ana ʒ j. denuo digerā-
 tur ad ignem Bal. mar. per vnum diem vel
 alterū, & destillentur per alembicū vitreum
 vt artis est. Hæc aqua etiam per se sumpta
 crassas materias incidit & attenuat: leniendo

Aqua ad
 præserua-
 tionē cal-
 culi.

detergit, renes, vteros ipsamq; vesicam ab infarctu vel arenularum vel crassorum humorum liberat, itemque præseruationi vt & curationi nephriticorum mirum in modum conducit: exhibentur huius aquæ ℥ij. pro dosi per se, aut cum syrupo aliquo conuenienti: vel ex iisdemmet commemoratis simplicibus, parabuntur vina hydromellita, oxymellitæque antinephritica, qualia descripsimus in pharmac. nostra. Vti poterit hisce remediis duobus tribusve matutinis continuis (post prædictas euacuationes) iusculorū loco. Atque hæc curæ prophylacticæ inseruiant siue præcautioni.

Quod verò attinet ad therapeutica: ea vtemur tum cum morbus & dolor nephriticus eminentissimum virum infestabunt.

In quo negotio clysteres plurimum possunt & promptè proficiūt: clysteres, inquā, conuenientes & ex arte idoneo tempore administrati.

Primus itaque anodynus esto talis.

Acc. sūmitatū alth. malua. violar. parietar. mercur. brāche vrs. berulæ, semi. lini scœnogr. alth. florum camomillæ meliloti sambuci & sūmitatū anethi q. suff. coque in iure capitis arietini, in lb j. colaturæ dissolue diasebest. hiene mellitæ ana ℥vj. mellis anthosati ℥j. β. olei rutar. & liliorum ana ℥j. croci ℥j. vitellum oui vnus misce, fiat clyster.

Dolore

Dolore urgente, utendum frequenter iteratis clysteribus, additis decoctioni seminibus carminatiuis (si flatus adsint, sicut ut plurimum accidit.) & baccis lauri atque iuniperi, dissolutaq; \mathfrak{z} j. bened. laxatiuæ elect. de baccis lauri: vltimis clysterib. addes the-rebinth. \mathfrak{z} β . cum vitello oui dissolutæ, at-que tandem olei scorpionum compositi \mathfrak{z} j.

Si dolor infestet foueatur locus decocto clysterum, postea sequenti linimento inun-gatur.

\mathcal{L} mucaginis s. altheæ lini ana \mathfrak{z} ij. axun-giæ cuniculi \mathfrak{z} ij. β olei scorpionum & amy-gdal. amararū ana \mathfrak{z} j. croci \mathfrak{z} β . spermatis ceti & ceræ q. suff. ad fingendum lini-mentum.

Quod si fortè dolores non remittāt post iniectiones trium aut quatuor clysterum: antequam ad alia remedia quæ morbos ra-dicitus euacuant deueniamus, repurgādum erit vel cum bolo ex cassia, vel syrupo ma-gistrali, ut supra à nobis descripto, vel alio aliquo benigno medicamento. Nec dubita-rim etiam cum dolor immanis perseue-rans excruciat, aliquot sanguinis vncias ex-trahere primū ex basilica vel mediana brachij dolentis, postea ex vena malleoli, aut saphena pedis eiusdemmet lateris: idque ad reuulsionem, deriuationem, inflamma-tionisque prohibitionem.

His remediis generalibus præmissis, ipsoque morbo etiamnum perseverante, egrum collocabimus in semicupium paratum ex decocto simplicium prædictorum clysterum. Sed antequam in eo constituatur clyster iniiciendus erit, & in eo per quadrantem horæ constituto exhibebis sequentem potiunculam.

℞ olei amygdalarum dulcium rec. extracti ℥ ij. β vel tres vini albi & aquæ nephrocatharticæ præscriptæ, vel betonicæ aut argentinæ ana ℥ j. succi limonum ℥ β. misce fiat potio.

Quod si morbus adeo rebellis & contumax perseveret, & prædictis non cedat remediis, nihilominus sæpè iterandus continuandusque usus præcedentium clysterum. Præterea imperabis denuò balneum vel semicupium: tumque ad ea deveniendum quæ calculum in vreteribus retentum dissoluant ac rumpant, vnde intolerabilis ille cruciatus. In quam rem prædicti varia remedia præscripserunt cum simplicia, tum composita ad lapidis attritionem expulsionemque.

Inter simplicia sunt lapis lycis, Iudæicus, lapis spongiarum, vitrum combustum, sanguis hircinus præparatus secundum Ætiū aliæque plurima.

Inter composita primum locum tenent elect. lithontrib. nephrocatharticū, & iustiū

Nicolai, elect. de cineribus Clementis, de cicadis Manlij, de lepore combusto Montani, compositiones nouem Myrepsij calculum conterentes, aliæque similia prisco & nostro æuo comprobata etiam à doctissimis, expertissimis & celeberrimis medicorum. At nos ad suppressiones vinarum & comminutiones contractionesque calculi vtimur non cineribus, sed salibus bene purificatis extractis ex cineribus conuenientibus vt restæ bouis & ex radice Buphtalmi, betonica, milio solis, cortice fabarum, & similibus quæ singularem effectum producant in hoc casu: quibus adnumerandum sal extractum ex ouorum corticibus, ex osse sepiæ, itémque sal tartari dulcoratum cum spiritu vitrioli, vel liquore acido sulphuris, aliisque similibus ad quantitatem mediæ drachmæ exhibitis cum aqua raphani, cepæ, aut allij, vel cum aqua antinephritica curatiua nostræ descriptionis, vt sequitur.

Acc. succi raphani limonum ana ℥ j. β. aquarum beton. argentariæ, saxifragiæ, verbenæ ana ℥ j. hydromellitis, maluatici ℥ ij. in his liquoribus simul mixtis macera per quatuor aut quinque dies ad ignem lentum Bal. M. granorū iuniperi maturorū & recētiū contusor. ℥ iij. milij solis, sem. bardanæ, raphani maioris, saxifrag. vrticæ, cepe, anisi, feniculi ana ℥ j. β. quatuor sem. frigid.

Aqua antinephritica Quercet.

maiorum mundati seminis alth. ana ʒ vj.
 speci. lithontr. electuarij Ducis & Iustini
 Nicolai ana ʒ β calcis testium ouorum,
 cinnamomi ana ʒ iij. camphoræ ʒ ij. dein
 fortiter exprimantur & destillentur per ci-
 neres de hac aqua exhibe vt supra : quæ sola
 exhibita ad ʒ ij. mira præstat in suppressio-
 ne vrinæ, contritione & expulsionem calculi.
 Cui aquæ si sal proprium ex arte paratum
 & conuenienti quantitate addas, longè præ-
 stantius euadet remedium : vel si ipse addi-
 deris ʒ j. extracti betonicæ. At vera & ge-
 nuina ad attritionem & expulsionem cal-
 culi specifica sunt, essētia seu cristalli liquor:
 & oleum camphoræ cum proprio men-
 struo paratum, & ad ʒ β. exhibitum cum vi-
 no albo aut vna ex aquis prædictis alijsve
 conuenientibus. Hęc, inquam, extrema sunt
 remedia, extreminis his morbis adhibenda,
 alijsque omnibus præferenda.

DE



DE LVE VENEREA

CONSILIVM TERTIVM.

Ad celeberrimos viros D. Michaëlem Marescot, Guill. de Ballou, Ioannes, Marten, Hautin, Riolan, Duret: Simonem Pietre, Petrum Seguin. Iacob. d' Ambyse; Anton. Quiquebæuf, Petrum Ponson. professores & inedicos Academia medicæ Parisiensis, mihi vel mutuis consultationibus vel familiari consuetudine cognitos & amicos: viros utique omni doctrina & eruditione clarissimos.

Hoc meum de lue venerea consilium nobili cuidam amico efflagitanti impertitum, cum in lucem edere constituissem: Cui potius quam vobis, viri celeberrimi, & omni scientiarum genere instructissimi consecrarem occurrit nemo. Qui si occurrisset nec vobis præferendus videatur, ex quibus in idem argumentum, graues utique sententias sæpè audiui, & auditas recolui. Ergo & quod meminisse ex vobis iuuit, & inter consultandum, quæ grauitè acutè & sapienter à vobis de hoc eodem subiecto disputata sunt mecum, compulerunt, vt huius mei opusculi patronos vos vnicos deligerem; fre-

tus si consilium hoc meum lectione dignemini, vos & vestigia quædam eorum quæ doctè & iudiciosè aliquando pronuntiastis aspersa, agnituros: & me si quid de meo appositè & ad rem attulero, pro candore & benevolentia vestra recepturos & examinatos: Mea enim talibus & tam eruditis lubens pensitanda submitto.

Syndrome causarum &c.

Syndrome causarum, atque symptomatum: ad hæc signa diagnostica atque antecedentia, cuiusmodi sunt vlcera virulenta, atque cancrofa exorta in virga non multo post coitū cū scemina impura: itémq; vlcera in palato & faucibus, quæ iam penè totam vuulam exederunt, adeoque ad ipsum quoque os spongiosum nasi penetrarunt: præterea œconomia facultatum corporis, sed naturalium potissimùm, quas plurimùm deprauatas in hoc corpore, de quo nobis hoc loco habenda est consultatio, cernimus, satis manifestè produnt hunc ægrum laborare lue venerea. Signa enim prædicta, tam pathognomica, quam epigenomena, euidenter nobis ostendunt naturam, & qualitatem mali, adeoque inter eius morbi differentias, seu gradus, summum iam attigisse. Quæ sanè lues affectus est contagiosus, tuberculis, vlceribus, maculis, cruciatibus & doloribus scæuens, concubitu, aut alio impuro contactu su-

Luis venereæ differeptia.

Etu suscitatus. Quem morbum, atq; sympto-
 mata omnia, licet iam multis remedijs atque
 diætis vulgò dictis pro omnimoda eradica-
 tione multi sanare aggressi sunt (vt quaiaci
 decocto, frictionibus argenti viui, seu mer-
 curij) iam à biennio, ex quo æger primum
 tactus, atque infectus fuerat, nihilominus ta-
 men ita semper, atque etiamnum denuò re-
 pullulat, vt altius ac firmius eum radices e-
 gisse certum sit, quàm vt leui nunc & ordi-
 naria illa regiminis ratione, extirpari possit.
 Quapropter luem hanc in quarto gradu cõ-
 stitutam, seu quartam, postremã atque per-
 niciosissimam dicimus differentiam. Cõstat
 enim & in confesso est apud medicos do-
 ctiores, quatuor esse huius inquinamenti
 venerei differentias: quarum prima omniũ
 leuissima est atque mitissima, in qua solum
 capitis, & barbæ pili decidunt, & signũ, seu
 ratio potius est, quòd huius vis maligna in
 tenui aliquo vapore consistit, cuius vehicu-
 lo ad summa corporis, ac pilorum vsque ra-
 dices diffunditur. Hæc frequens est in Italia.
 Secunda species deterior existit, qua vniuer-
 sa cutis maculis pluribus lentiginum instar
 est referta, quæ maculæ modò rubræ, modò
 flauæ non extuberantes apparent: quam spe-
 ciem comitatur interdum gonorrhœa ipsa
 virulenta. Hæc in tenuissimo sanguine ve-
 nenatam qualitatem habet, neque grauiora

Differentia.

I.

II.

- III. vlla sequuntur symptomata. Tertia species grauior est ac vera lues, in qua pustula rubra, ac flaua, eaque sicca apparent per vniuersum corpus, maximè verò in fronte, temporibus, ac propè aures: nunc vlcera maligna, & circa pudenda & in ore ipsisque faucibus, vt in hoc subiecto efflorescunt. Huius vis maligna iecur ipsum occupat, ac proinde sanguinis humorumque massa inquinata est, à quibus mox partes molles, atque carnosae inficiuntur. Quarta species omnium perniciosissima, funestissimaque est, nempe cum solidae partes, vt ossa, vincula, membranae & nerui infestantur: vnde tophi, nodi, dolores & cruciatus, nocturni praesertim, infestissimi. Nam signum est mali semina iam altius subiisse, ac adeò firmas iam radices egisse, vt pulchros eiusmodi fructus ad perfectam maturitatem produxerit, qui misero huic patienti tam saeva pariunt symptomata. Ex quibus profectò satis apparet, contagiosorum morborum causas, (atque adeò huius, de quo modo nobis est sermo) potius esse tenues, subtiles, atque spirituosas, quàm crassas, materiales, & pituitosas, vt nuperi quidam statuere non sunt veriti, licet praeter rationem. Nam cum in spiritu essentiam suam collocauerint, adeoque spirituales sint, spiritibus quoque facillimè communicantur insinuanturque. Id quod etiam

etiānum apertius patebit, si causas eius eternas, internāsque attentius perpenderit, ac æstimauerimus: in quibus maior rectè sentientium, sapientūque medicorum pars consentit. Quippe externa huius mali ^{Causæ extrinsecæ.} causa, ex eorum opinione & sententia, quæ à me comprobatur, est impurus concubitus, aut aliqua alia contagio ex sudoribus, habitu, sputis venenum morbi in aliud corpus inferens. Hæc externa causa ex spiritu maligno, aut quadam aura venenata suborta, cū spiritus nostros, seu potius nostrum *ἐμψυχον*, & *σύνεχον*, innatūque calorem, mannam nostram cœlestem, viuificam illam balsami humani radicem, inficere, & afficere videmus, non solum huiusce contagiosi morbi radices patefecit, sed & ipsa transplantationis documenta ponit: cum ex impuro illo contactu, ab vno subiecto infecto, in aliud venenum transfundatur. At internæ causæ, quas censent omnes esse spiritus, atque humoris quendam tabum malignum, qui nobiles dein partes eo veneno inquinat, quæ maligna illa qualitate imbutæ, istud virus in corpoream molem inferentes, satis superque satis quinetiam declarant, ex spirituali eademque impura, & tabifica impressione, seu tinctura, aut aliqua alia maligna, & venenata qualitate balsamum illud radicale, vitale illud principium, & semen viuificum infectū

esse: unde fructus illi venenati, commemorata nempe symptomata efflorescunt. Quod vitale semen alioqui nobis (vt & rebus omnibus) essentiam viuēdique facultatem præbet: quique mobilem, & momentaneam indiuiduorum naturam stabili, & firma specierum conseruatione ab interitu præseruat. Hic vniuersam œconomiam corporis humani regit, moderatur atque gubernat; qui rector & gubernator Archeus nonnullis dicitur ab Hipp. *φύσις ἀνθρώπων*, faciens alimentorum attractiones, expulsionem, mixtiones, separationes, concoctiones: qui dat, qui accipit, minora minoribus, maiora maioribus adaptat, homogenea homogeneis, heterogeneis heterogenea, quantum in se est ardet, euincit, abigit, tū maximè, cum purum, & ab omni labe mundum est viuificum id vitæ nostræ principium. Interdum tamen adeo perniciosè inficitur vitale illud semen, vt propagatione in tertiam, & quartam generationem, conseruentur illarum impuritarum impressiones. Sic morbi contagiosi in hæreditarios degenerare possunt: qui morbi certa illa, atque continua propagationum constantia, præsentem seminis sui, hoc est, maligni vigorem ostendunt. Quod si dixerim hunc morbum, vt & plures alios, & radices, & semina habere, loquar cum summo nostro dictatore Hippocrate, qui in libro de flatibus

statibus scripsit in hunc modum: morborum omnium modus vnus est, nempe is, qui ex seminibus, & radicibus proficiscitur. Sed ista omnia nobis plus satis repræsentatur in hoc morbo, de quo nunc est quæstio: cuius origo nobis sufficienter ostendit impuritatem, malignitatemque sui seminis. Deinde progressus, dum totam corporis œconomiam penetrando, ipsa etiam præcipua, denique & solidissima membra occuparit, atque infecerit, ita, vt nullis nec artibus, neque remediis, etiam propriis atque legitimis quibus toto ferè anteacto biennio vsus est hic noster æger, hætenus euinci, & extirpari potuerit. Hæ sunt illæ radices, quæ tam firmiter inhærentes germina isthæc, atque stollones sibi similes, hoc est, malignos atque venenatos proferunt, atque expullulant: cuiusmodi sunt vlcera faucium, cæteraque antedicta symptomata. Latissimum hercle hic ingressi sumus campum, in quo de morbis contagiosis, & speciatim de venereo contagio, de quo sermo nunc est, discurrere licet. vt de qualitate eius veneni: cur infectæ metrices hos maiori, atque infestiori, alios minori, leuiori que virulentia inficiant: cur item alij nulla ratione infecti prorsus impunè euadant: aut si vel aliqua ex parte aliquo contagio inquinentur, id tamen adeo sit leue, vt facillima curatione promptè extirpe-

Quæstio:
nes per-
difficiles.

tur. Tales, & aliæ multæ elegantes atque vtilis quæstiones circa hunc affectum suboriri possunt, quæ vel curiosiorē indagationē mereantur: sed consultādū mihi hoc loco esse video, non docendum: & postulat consultationis ratio contemplationis succinctam, atque expromptam breuitatem, administrandorum verò, exhibendorumque medicamentorum rationem fidam, apertam, sufficientem, hoc est indicationibus omnibus, quod satis sit, respondentem. Quapropter prædictas dubitationes, nunc sicco pede transimus; vberius de iis, aliisque multis, alio loco & occasione, publico scripto, si Deus vitam concesserit, acturi. Dicam tamen, & tribus tantum verbis, magnam prælibatarum difficultatum solutionem referendam esse ad insignem vigorem exactamque nectaris vitæ nostræ, vel balsami radicalis puritatem. Hæc illa est interna, atque congenita antidotus, hic oppugnator est contagiosi illius tabi, ne primigenia sua sedes, atque fundamentum radicale inquinetur, occupeturque. Balsamus, inquam, vitæ, Hercules ille est, qui vel in principio statim, primæque inuasionē arcet, oppugnat, eiicit. Hoc eximiè patet in expulsibus illis venereis, quos, si cum Græcis loqui libeat, *κρίσις καὶ μέλας αἷς* haud ineptè dixeris. Bubonibus, dico, venereis, quos natura, & insitus ille vigor protrudit, artique viæ

osten-

Solutio.

ostendit, ac modum, quo velit iuuari, ac liberari. vt medico sagaci nunc facile sit diiudicare attractionem, vel potius extractionem illius contagij venenati moliendam esse, ventosis atque emplastris attractiuis convenientibus. Deinde ad maturitatem reductum bubonem, diu adaperitum esse tenendum, vt longo tempore omnis maligna lues exhalet, atque exstillet: non neglectis interim euacuationibus vniuersalibus antidotisque propriis & specificis. Sed videmur hinc extra cancellos, atque limites digressi de curatione agentes nondum abundè satis omnibus explicatis causis, aliisque, quæ curationi præmittere in consilio conuenit. Quare vt ad priora redeamus, istud volumus, statuimus, & pro rato indubitatoque habemus, subiectum, locum & quasi portitorem luis venereæ, esse spiritum naturalem, potissimum qui in sanguinea massa consistit. Hic quippè contactu illo impuro qui per copiã fit veneream, primum atque primario contaminatus, paulatim sanguinem cui inhaeret inficit, inquinat, quo cum in corpus diffusus, vt alimenti vices subeat, pro nutrimento, quod natura appetit, tam pulchra fercula, vlcera, tophos, nodos, atque cruciatus immanes apponit. Atque eò vsque tandem progreditur, vt post sanguinem, hepar primum, dein partes carnosas, tum neruosas, mem-

branofas, tandem etiam vincula, partefque solidas inuadat, occupetque: vti iam dictum. Et quí poffit aliter? nimirum alimento fuo inhians natura, cum eo, quod iam inquinatum eft contagio, maffa, inquam, fanguinea contaminata, prædictos fibi afciscit fructus.

Opportunè híc adducere mihi videbor pulchram illam fententiam noftri Hippocratis: *Iisdem nutrimur, quibus conftamus*: cuius explicatio ex iis, quæ modò dixi, haud intempeftiuè defumi poteft. Elegans etiam hoc loco institui poffet difquifitio, fi perquireremus, cur aliqua venena citiùs atque potiùs hos fpiritus quàm illos inficiant: caris rabidi morfu iniectus liuor, quacunque tandem id fuerit parte, cerebri fpiritus animales: viperarum & fcorpionum vitales cordis: hepuf marinus pectus atq; pulmones: cantharides veficam: luis denique veneræ labes naturales fpiritus, ac potiffimum hepar cõtaminet. Sed & ifta in alium locum atque tempus referuamus. Sufficiat nunc in rem præfentem, de qua híc agimus, morbi venerèi venenũ, in fpiritu naturali, & fpeciatim in tota maffa fanguinis refidere, cui primũ & præcipaliter cõtagiũ impertiãt, qđ omnino exactè fciri atque intelligi à nobis oportet, vt eò fcèliciùs ad curam, ad quam nunc accingimur, perueniamus. Omittentes etiam hoc loco præter ordinem & morem

rem nostrum, ipsum prognosticum, quod non potest esse, nisi dubium & iudicij suspecti. Etenim morbus inueteratus, magnitudo, & in iteratis etiam curationibus contumax magis atque ferocior redditus, nihil aliud quàm sinistram coniecturam promittunt. Adferamus sanè licèt omnes scopos, indicationesque curatiuas ad emendationem purificationemque sanguinis, ad corroborationem & restaurationem facultatis naturalis, cuius œconomiam in hoc nostro egro planè peruersam nouimus, sed vereor, & vereor herclè, ne id frustra, conandum tamen aliquid, ne arte & artifice, aut etiam remediis hic noster destitutus videatur.

Transitus
ad curā.

Non temerè vulgò nostri dicunt, sudare luem aut pustulas venereas (*suer les verolles*) Est enim sudor haud secus, ac vrina, serosior pars massæ sanguineæ: quamuis sudoris substantia multò sit tenuior, quàm vrinæ. Cùm itaque naturam videamus in plurimis morbis, ac febribus potissimum continuis, & putridis, quæ ex corrupto sanguine excitantur, magna ex parte moliri crises salutares, malique solutionem per sudores: hinc ars, vel potius sagaces artifices naturam imitantes, etiam vi, sudores prouocarunt, vt sanguis veneni luis venereæ labe infectus purificetur, malique immanitas atque ferocia dometur. Remedia quibus illud præstant hydrotica, diaphoretica, & sudorifica

vocarunt. Horum plurima extant genera diuersis malis accommodata: at communissima sunt, salsa parilla, chinæ radix, sassafras, quod à paucis annis innotuit, & luis venereæ specificum, lignum guaiaci, aliàs Indicum, quod ex India primùm attulerunt Hispani. Atque vtinam non mercem hanc indicam, detestandam, inquam, hanc luem, nunc (proh dolor) toti ferè Europæ familiarem, nobis pro perlis orientalibus importassent. Nostra etiam Gállia à profectiōe Regis CAROLI octauī Neapolim facta, cuius milites ibi cum Hispanis impuris conuersati sunt, in eorum reditu hoc contagio conspersa fuit: nimirum vt florentissimum hoc regnum nullo careret malo, quo non vltimis istis temporibus affligeretur. Sed ad propositum. Ab Indis itaque primùm contagij venerei remedium atque antidotum nostris Europæis innotuit. Estque Indis guaiacum semper proprium certumque remedium: vel quod lues hæc (quæ malè ab origine quidam Indicam dixerunt) non tanto, & tam firmas radices agente cōtagio infestet, vt apud nos sit: vel quòd iam assueti ab eo minus patiantur: vel denique quod natura atque temperamento, quam Europæi nostri sint fortiori. Nam, vt liberè fatear, quod res est, à nobis solum illud remedium insufficiens est deprehensum, fortè

tè quòd istud venenum transplantatione plus malignitatis atque contagij contraxerit. Quapropter ad sufficientem tanti veneni expulsionem, iam dictis sudorificis opus fuit addi multas præparationes, euacuationes, atque aliorum alexipharmacorum purgationes: ad hæc, tam strictam atque exactam viuendi regulam, vt huius mali cura, diætæ nomen generale, sibi tanquam proprium, apud vulgus asciuerit.

Porro in remediorum atque regiminis administratione, ne voto suo frustrentur ægri, & remedia sine vlllo profectu notabili, (sicut plurimum euenire videmus) adhibeantur, multa sunt considerata. Primum itaque huius mali differentia, species, atque veneni qualitas perpendenda, num modò incipiat pullulare, an iam altius radices infixit: tum temperamentum atque natura ægri: deinde tempus, atque ordo, seu methodus, quam sequi debeat in remediorum vsu. Nam vt rem paulò specialius attingamus: si ægrum infestet vel sola aliqua inueterata vel incurabilis gonorrhœa, quam comitetur ardor vrinæ, sitque verè venerea, hoc est, contagiosa, omnino tum ad specificum est deueniendum.

Curatio,
& quid in
ea confi-
derandum
sit.

In quo sanè casu diætæ atque hydroticorum vsus suspectus est, quod & sanguinem calefaciat, & vrinas reddat acriores, ideò-

que lues iam præsentem nobis ostendat. Tum igitur ad specificum deueniendum est. Nam hydroticor^{um} vsus cum diætâ consueta, sanguinem, vt dictum, ardentius inflam- mant, ac proinde serositatem quæ est in ma- teria vrinæ, reddunt ardentiores: ideoque malum augent potius quàm sanant: ac proin- de non sunt admittenda. ac tanto etiam mi- nus, quod appareat eiusmodi gonorrhœam inueteratam iam altius radices fixisse, quàm vt prædictis hydroticis tanto, & tam valenti hosti, imparibus expugnari possint. Hæc se- cundo loco sunt cōsideranda. Tertio si for- tè æger hepate sit impensè calido, ac sicco, ipsūque corpus extenuatum, vt non raro obseruare solemus, in his profectò prouo- catio sudoris non est tuta, & utilis, sed po- tius noxia, ideoque reiicienda, quod plus obfit, quàm profit.

Quod si verò lues hæc recens sit admo- dum, & veneni vis consistat tantum in va- poribus, & materie halitiosa, seu spiritali, tum sanè sudorificis facilius dissolui, atque exturbari potest, quod nondum hepar oc- cuparit, aut firmitus contagij basim colloca- rit in partibus membranosis, atque solidis: quodque nondum humori crasso permixta, euaporationem, transsudationemque subeat facilius.

At verò, si æger, *ἰσχυρὸς*, hoc est bene car- nosus,

nōsus, pinguis sit, aut complexione molli,
 humida atque crassa, tū guaiaco vt sufficien-
 ti remedio malum euinci, totāque curatio
 ad votum absolui potest. Sed tempus præ-
 terea considerandum: ordo item ac metho-
 dus, qua sit vtendum, aut incedendum, si-
 cut iam dictum est supra. Nullatenus enim
 probare possum⁹ illas diætulas, quas in duo-
 decim aut viginti tantum dies præscribunt:
 quibus ægris, aut ipsi etiam morbo adulan-
 tes, humores commouendo, ac laceffendo,
 luem potius exasperant, ac irritant, quàm
 superent, aut extirpent. Quin potius quin-
 quaginta, aut etiam sexaginta, vel si ita factu
 videatur opus, plurium dictum spacium, ve-
 ris & legitimis diætis dicandum iudicari-
 mus. Iam quod ordinem spectat, vel metho-
 dum, qua plerōsque vtī comperior in admi-
 nistratione dicti hydrotici, quam leui qua-
 dam præparatione, hoc est purgatione, mis-
 sioneque sanguinis, si opus sit, auspicantur:
 mox sudorifico propinato extraordinariè,
 & importunis stragulis ægrum cooperiunt,
 inuoluunt, & lateribus calefactis variis cor-
 poris partibus applicatis magna vi sudores
 proliciunt: talem, inquam, sudores prouocā-
 di rationem prorsus improbamus, quippè
 quæ & naturam violet: & ante debitas, atq;
 legitimas præparationes peractas, res cru-
 das, atque indigestas expellere, contendunt,

Ordo siue
 methodus
 curatio-
 nis.

contra Hippocratis præscriptum. Vnde fit, vt attenuati : & ad extremam debilitatem redacti ægri, in media cura deficientes, eandem negligent, planèque desistant, quod se plus læsos, quàm adiutos intelligant. His itaque aliisquæ incommodis præuisis, nostrum est in ordinem, debitamque administrationis formam redigere vsum prædicti remedij, vt & huic ægro, (de quo modo agimus,) & cuius alteri indigenti, cum maiori honore medici, sanitatis commodo, possit administrari, quàm fortè antehac præstitum fuit. Hòcquæ faciemus nullo præsumptionis aut vanæ gloriolæ captandi studio ; sed vt faciamus, quod pium circumspectumque deceat medicum, proximique amantem. Quapropter dona, quæ Deus singulari sua gratia nobis liberaliter in peruestigandis naturæ secretis variisquæ cum doctissimis expertissimisquæ artis vtriusquæ Atlâtibus Europæis, iam per triginta annos à nobis comprobata tandem proferamus, atque demus in publicum. Atque hoc non vt legem præscribamus aliis, sed vt censuræ atque iudicio vestro atque celeberrimorum artificum Asclepiadæorum, quod candidè facimus, nos subiiciamus.

Ergò minoratini alicuius, vt cassiæ cum rhabarbaro, alteriusve similis loco, quæ ad expurgandam primam corporis regionem,

itém-

itémque miffionis fanguinis loco, quæ die fequenti, minoratiui, fi plethora adfit, & venæ turgeant, institui folet: præterea vulgarium illarum præparationum vice, quæ apozematis perficitur, paratis ex decocto polipodij, feminis carthami radicum tormentillæ, acetosæ, oxilapathi, barbæ hyrci, graminis, asparagi, herbarum cichorearum, Bugloffi, fcabiosæ, agrimonix, lupuli, betonicæ, chamædrios, camæpythios, & herbarum capillarium: feminum cardui benedicti, anifi, citrij & corticis eiusdem: florum geniftæ, calendulæ, rorismarini, ftœchados, violarû, boraginis, bugloffi, rofarum rubrarum: in quo decocto diffoluunt fyrupos conseruationis citrij, de limonibus, de succo acetosæ, de pomis redolentibus hîsque similibus, ad præparationem, digestionem alterationemque humoris maligni atque peccantis accommodari solitis in sex, septem, octo, plurêve dies. Item loco purgationis, quæ fit ex infusionibus rhabbari, fennæ, agarici, adiectis etiam cōfectionibus, hamech, tripheræ persicæ, electuarij indi maioris, vel minoris, aliisque id genus medicamentis crassis atque viscosis, torridis atque malignis humoribus euacuandis destinatis: Horum, inquam, omnium plurimorum aliorum præparantium, atq; purgantiû loco (quæ in communi sunt vfu, quæque non alia de causa improbamus,

quàm quod à plerisque mirum in modum fastidiantur) nos vna & simplici decoctione specifica ex eodem guaiaco parata, erimus contenti, quæ ægritudinem talem contagiosam, vti diximus, plus satis oppugnabit, & humores malignos eadem opera præparabit, atque purgabit: idque paulatim, nulla vi, nulla violenta commotione, sed benignè, sed lentè, & multo tempore, sicut omnino opus esse iudico, in morbo adeò contumaci, atque diuturno, & veneno, seu contagio iam materiæ crassæ, ac retorridæ impresso. Nec fatigabitur eo remedij genere, nec vllam manifestam debilitatem incurret: sed firmior potius reddetur de die in diem, partibus à maligna illa collunie liberatis, medicamentique benigna facultate roboratis. Sic itaque parandum censeo.

Decoctū.

℞ rasuræ cordis ligni indici, & rasuræ cort. eiusdem ana ℥ iij. sem. cardui bened. ℥ j. β. vlmariæ m. j. florum hyperici p. ij. florum rorismar. p. iij. fantali citrini ℥ β. aquarum fumariz lupuli ana lb iij. macerentur per 24. horas ad ignem lentum: dein coquantur ad vnius tertiæ consumptionem. In colatura clarificata adde foliorum sennæ mundatorū. ℥ iij. macerentur denuò ad ignem lentissimum per duos integros dies, tandem transcolentur per manicam Hippocratis, dulcorentur, & aromatizentur cū sufficienti quantitate

titate faccari, & cinnamomi. Capiat de hoc decocto ℥ iij. vel ℥ iiij. manè tribus horis ante prandium. Cōtinuet hui⁹ decocti vsum per quindecim vel viginti dies ad minimū. Primis quoq; dieb⁹, si aliquot exhibere voles cochlearia, vt ℥ j. aut alteram de eadem decoctione, hora quarta vespertina, nō fuerit inconsultum: præsertim tū quando alius fortè non satis sit lubrica, atq; aperta. Quod si tamen natura sufficenter purgetur, sufficiat consueta potiuncula matutina. Eadem temporis progressu paulatim de die in diem potest imminui.

Hoc remedium continuatum eo, quo dictum est, tempore, optatum effectum producit, nec vllam molestiam ægro creat. Nec intermittet iccirco negociis suis domesticis incumbere, aliisque, vt propterea in lecto, stupha, vel conclau, ipsum detineri minimè necesse sit. Cum igitur prædicto decocto, quod præparationis simul, & purgationis vicem præbet per viginti dies fuerit vsus, sine dubio magna humorum delinquentium pars euacuabitur. Tum reliqua pars etiam, quæ restare potest, digesta atque attenuata, vt facilius, & commodius consumi, atque per exhalationem sudorificam extirpari possit: tum utique hydrotici specifici tēpestius erit vsus ergo.

℥ rasuræ ligni indici ℥ vj. falsæ parillæ Hydroti-
cum.
Z iij

℔ β. sassaphras ℥ iiij. rad. petasites, filicis. ana
 ℥ ij. cinnamomi cariophyll. ana ℥ β. macerē-
 tur per 24. horas in ℔ xij. hydromellitis
 simplic. Dein coquantur ad medietatis con-
 sumptionem. De colatura moderatè calida
 capiat ℥ vj. vel vij. manè hora quarta vel
 quinta matutina, atque mox superdormiat, si
 possit, tectus plus solito, sudet, tergatur: ca-
 ueat à frigore & vento, prandeat nona: cœ-
 net verò sexta. Antequam autem prædictam
 capiat potionem, priùs deglutiat auellanae
 maioris magnitudine de opiata sequenti.

Opiatæ.

℥ conferuæ florum, cichor. buglosi ana
 ℥ j. conser. florum roris marin. ℥ β. theriacæ
 Alexandrinæ ℥ j. β. confect. alkermes, & de
 hyacintho ana ℥ ij. β. diacorallij diatriasant.
 diambrae, & diamosci dulcis ana ℥ j. lapidis
 bezoardici ℥ j. cornu cerui præpar. margar.
 præpar. ana ℥ iiij. cum syrupo cōf. citrij, Fiat
 opiata qua vtatur vt dictum est. Quod si
 sub finem prædictæ decoctionis nodulum
 lineum cum ℥ β. mercurij ex cinnabari ex-
 tracti, atque calcinati, & rursus in puluerem
 redacti per odorem spiritus sulphuris im-
 merferis, mirabiliter eius vires intēdes, atq;
 augebis. Eritque specificum hydroticum ad
 extirpandam sanandamq; luem veneream.
 Quandiu verò prædicto hydrotico vtetur,
 necesse est, vt diætā, seu viuendi consue-
 tudinem exactissimam, strictissimamque
 obser-

Dixta.

obseruet: comedet igitur bis coctum tātūm panem decoctum, pro potu ordinario parabitur, ex salsa parilla, china, & ligno rosarū, coctis in prædicta quantitate aquæ, quod dulcorari, & suavius reddi potest saccaro & cinnamomo, vt palato sapiat magis: quo vti potest, & intra pastum, & extra, omni hora. Non comedat nisi vnicum genus cibi, vt pullos, vel pipiones, affatos potius, quàm elixatos. Pro mensa secunda contentus erit vuis damascenis, aut corinthiacis.

Quod si fortè accidat, vt tempore vsus prædicti hydrotici aluus sit sicca, aut astricta, remollienda erit clysteribus emollientibus sæpè reiteratis, sexto quoque die repurgandus erit cum leue aliquo pharmaco intermittendo ea die vsum hydrotici.

Hanc diætā, atque viuendi rationem studiosè obseruabit per 25. aut 30. dies ad minus. Quam vt eò facilius, immò absque vlla vrgenti molestia ferre possit, nolim ipsum ad sudores tanto rigore compelli, sed via media tenenda, vt id quasi impellente natura fiat. Tales enim sudores longè esse vtiliores, quàm qui arte fiunt cogente, notius est, quàm vt à me demonstrari conueniat. Adhæc scopus, & præcipua curationis indicatio nequaquam ad illud tendere debet, vt naturam vi aut violentia compellamus per vehementes euacuationes, vt à multis fieri

aduerto. Neutiquam verò. Tales, quippe morbi causam habent potius qualitate contagiosa ac venenata, quàm copia peccâtem: quapropter, nec tanto, aut tam effero vacuâdi opus est modo, ceu quadam quasi Tyranide. Quin potius correctioni hîc esto locus. & malignitatem emendâti, seu, vt vno verbo dicam, antidoto specificâ, quòd directè collimet ad malignæ qualitatis emendationem, expulsionemque. Haud secus namque ac vaccam, aut bouem, & in vniuersum iumenta, cestro, asylo, vel horrifono quodam tabano percita, extemplo post ictum aculei intumescere videas, in quo veneni illati latitet tabus, quem haud facilè extirpes feliciùs, quàm si acculeum tollas infixum, vel manuali industria, aut apposita quadam antidoto specifica parti, in qua veneni vim delitescere intelligas: ita quoque planè in hoc contagio accidit: nec multis intro sumptis sudorificis aut purgantibus, pellitur, vi, sed prudentia, sed industria, & ritè ad naturæ, & morbi conuenientiam administratis remediis. Nam omnino ea est nostra sententia, vt naturæ motus, ac impetus diligenter obseruemus: perspectos, atque cognitos sequamur, atq; inuemus: nequaquam verò eamus audentiores contra. Hydrotica sunt quidem diaphoretica, & sudores mouent. Nihilominus tamen interdum fiunt diuretica, & natura-

turam, per vrinas malignos humores exturbare conantem, adiuuant: quam omni studio imitari debemus, cum, vt iam antea dictum, putrida colluies sanguinis per vrinas euacuari non rarò soleat, atque meliùs, & felicius interdum quàm per sudores, quod diuersitati naturæ personarumtribuendum censeo. Atqui hoc præcipuum est medicumunus, vt naturam imitetur, sequatur, & quantum ad eius conseruationem, roborationemque conferre posse intelliget, iuuet etiam. Quod nisi fecerit, ineptè sanè naturæ magistrum, (sic solent nuperi quidam) & frustra ministrum eiusdem se profitebitur.

Ecce, quæ in genere pro luis venereæ curatione nobis dicenda videbantur, in quantum guaiaco præcipua medelæ dignitas sit tribuenda: ex quibus tempestiuus ac legitimus eius vsus, à quouis sagaci ac circumspecto medico facilè intelligi potest. Iam verò non latet nos, magnos aliquos artis nostræ Athlantes, ac perdoctum potissimùm illum nostrum Fernelium, huic guaiacino ligno omnem & solam vim alexipharmacam luis venereæ statuere, aliisque omnibus præferre: Nec extollere tantùm præ aliis, sed aliorum, ac in primis hydrargyri vsum tanquam perniciosissimum, ac noxium valdè damnare, atque repudiare. Non desunt tamen alij viri doctissimi, atque expertissimi,

De hy-
drargiro.

qui contrarium sentiunt, ac statuunt argentum viuum verum esse huius mali alexi pharmacum. Hinc maior medicorum atque chirurgorum in Galliis aliisque regionibus, post usum hydroticorum (quæ tam leuiter admodum, & superficialiter administrant sicut iam dictum) ad hydrargyrum tanquam asylum atque extremum refugium quoddam recurrunt. Et fiunt sanè præclara experimenta. Antequam autem de diuersis administrandi mercurij formulis, rationibusque eorum, qui eius usum probant, & verum ac genuinum huius contagij antidotum faciunt, differamus: necessarium quodammodo esse videretur diuersarum opinionum rationes adducere de qualitate mercurij: sunt enim qui calidissimum, alij qui frigidissimum dicant. Verum cum locus & tempus atque occasio pluribus de hac re discurrere non permittat: dicam tantum obiter utrique parti non deesse rationes probabiles, quibus suam sententiam tueatur. Nam qui frigidissimum putant, respiciunt ad symptomata, quæ adfert: cuiusmodi sunt tremor, paralytis, nervorum refrigerium, aliique similes, quos à calore produci posse pernegant: sed eorum authorem faciunt summam frigiditatem: magis verò etiam vrget sensus, qui ad tactum frigidissimus sentitur.

E contra alij, qui calidissimum statuunt,
pro

pro ratione adducunt citam eius mobilitatem, continuūque ferè motum, virtutēque impensè dissoluentem. Horum sanè rationes mihi longè manifestiores, certioresque esse videntur, quàm priorum. Et cōfirmari posset posterior sententia infinitis ac prorsus mirabilibus effectis, quæ in subtili, ac penetrantissimo hoc mineralium deprehenduntur ab artificibus, & sagacioribus eius vestigatoribus. Mercurius namque ceu spiritus quidam subtilis, aëreus, & vaporosus cuncta peruat, ac penetrat, etiāque corpora solidissima metallorum, vt auri argenti &c. Qui anatomiam eius internam peruestigarunt, sub albedine illa, atque superficiali, insignem rubedinem deprehenderūt cum aliquo liquore dulci, atque fragrante, cuius operationes sunt mirabiles ad dissolutiones omnium corporum metallicorum. Imò efficacius illud præstat, quàm quæuis aqua fortis, quæ vulgo circumfertur. Hi, inquam, qui eo modo, ac ratione eius naturam examinarunt de ipsius qualitatibus verè, ac solidè differere possunt: non illi qui viderūt tantum, ac vix fortè ac ne vix quidem tetigerūt. Hi, inquam, ignem mercurij internū cognouerunt: cuius rei exactiorem de hac re disputationem in opus nostrum de recōdita rerum natura, artisque mysteriis conii-
cimus. Sed vt ad virtutem mercurij reuerta-

Vera ar-
genti viui
qualitas.

mur, quam habet ad extirpandam luem veneream, etiâque inueteratissimam, vt experientia multiuga comprobatum est, tempus, & ratio nunc postulat, vt de variis eius mixtionibus, præparandique modis deinceps differamus. Idque eâ lege ac omine, vt quæ peiores sunt, nulliusque momenti, reiciamus, meliores, tutiores, probatiorisque admittamus, atque celebremus. Subinde quod nostræ, aliorumve amicorum maximæ famę est experientiæ disquisitione multa comparatæ inferamus.

Ac primò quidem, non inuenio mercurium chymicis, hydrargiron Græcis, argentum viuum Latinis dictum, maximè cognitum fuisse priscis in medicina vel interiùs, vel exteriùs: sed magna eorum pars, quod faciunt adhuc hodie plerique pro perniciosissimo veneno habuerunt. Dioscorides enim de mercurio hæc scripsit: *Lethale potum argentum viuum est pondere suo interanea disrumpens.* Doctissimus Galenus in opere suo *De Simplicibus*, liberè, nullaque vsus circuitione fatetur nescire se, quid intus sit, vel quid extra. At Ægineta meminit alicuius argenti viui calcinati, quo interiùs se vsum profitetur. Temporis progressu aptissimus atque efficacissimus deprehensus est ad dissolutionem nodositarum, & curandis vlceribus cauernosis, & phagædenicis. Nec multò post

Dioscor.
l. 5. ca. 64.

tò pòst substantia hæc metallica obseruata est esse summam antidotum vermibus omníq; putrilaginis: quemadmodum inter vegetabilia simplicia hypericum, quo etiam cauetur, ne vel in caséo vllus extet. aut generetur vermiculus, si eo inuoluatur, vt quilibet experientia facílè discere potest.

His & aliis pluribus argenti viui effectibus atque proprietatibus commoti posterioris seculi artifices (postquam aduerterent contagium hoc tam horrificis atque contumacissimis symptomatibus, cauis vlceribus, malignis ac sordidis, & similibus, vt his correpti, haud secus diuersis corporum partibus, impuritibus istis conflictarentur, quàm leproforum corpora) argenti viui vires, quas prius haud dissimilibus ferè symptomatis efficacissimas erant experti, ad huius luis extirpationem experiri non sunt veriti. Et primum quidem diuersimodè præparatum adhibuerunt: in vnguentis, quibus admiscebant calida, vt axungias, olea & gummi. Deinde in emplastra cōcinnatum, & in emplastro de ranis à Ioanne de Vigo descriptum. Postea vltèrius progressum, ad suffimigia cum cinabari deuētum est. Tandem eò vsque experiundi audacia processit, vt etiam interius exhiberetur. vnde effectæ sunt pillulæ Barbarossæ dictæ. Postmodum præcipitati præparatio in aqua forti eius-

Argenti viui mixtio.

Præcipitatum mercurij.

démque vsus inuentus est. quod præcipitatum à nobis omnino improbatur, quamuis diuersis aquis ablutum ad eliciendam omnē aquæ fortis acridinem ad x. aut xii. grana à nonnullis exhibeatur cum theriaca mixtum. Et factum est interdum, vt ad eò perfectè dulcoratum, & ab omni acrimonia aquæ fortis separatum, vt nullum vomitum prouocarit, sed sudores tantum, & sedes aliquot horis præsertim pomeridianis. Quo sanè remedij genere plures etiam contumacissima atque inueteratissima lue illa laborantes, fœlicissimis auspiciis sanatos fuisse compertum est.

Alij postmodum leui tantum quadam hydrargyri purgatione contenti eo per corium transacto, seu mobilitate eius coercita, atque (vt vocant) mortificata. Hi multum se profecisse existimantes cum succo limonum admixta pauca therebenthina extinxerunt, sicque diu multumque agitato, aliquid ambrae, mosci, theriacæ & pulueris cordialis admiscuerunt, atque ita in pillulas cōcinnarunt: quas dosi conuenienti atque legitima certo temporis spacio exhibentes, solo hoc, nec vlllo alio remedij genere fœlicissimè persanarunt gonorrhæas fœtidas, virulentas, ac inueteratas, adeoque ipsam iam factam & cōfirmatam luem venereum. Hæc & similia Empyricorum sunt secreta, quæ

quæ buccinatorum instar, pro maximis mysteriis promulgant, cum eorum pars maxima, quid aut cur exhibeat nullam rationem reddere possit. Et tanta nihilominus confidentia sæuissimum hunc morbum curandum suscipiunt, ut id sibi solis negotij putent esse datum miserimis ut subuenirent, quæ fecerunt secreta: & curant profecto, immò verò sanant: nec sine magno medicorum dedecore, etiam eos, quos illi longa & pertinaci illa diæta cōtinuatōque guaiaci decocto non modò non resistere poterunt. sed haud rarò multum etiam exasperarunt. Vtteriùs progressa ingenia, (quæ tempore ac necessitate compulsæ, nihil non moliuntur) nō sine artificioso inuēto didicerunt mercuriū redigere in liquore seu oleū, quo luem hanc sanant sola palmarum & plantarum pedum inunctione. Quo remedij genere, nec vlla alia arte, nullaque vi ægris oris fluxum illum saliuarem mouent, (quem magna Medicorum & Chirurgorū pars existimat esse solam perfectam crisin tanti-mali) & magno successu plurimos restitunt. Neque tantis & tam importunis vnctionum, frixionum, emplastrorum, sudationūque molestiis miseros cruciant, nec reformidant, qui norunt ac intelligunt prædicti liquoris gustu dulcissimi atq; gratissimi præparationem. Eundem etiam per

Oleum
mercurij.

os exhibere, ad duas aut tres guttas, cum aqua aliqua conuenienti; mira præstitisse constat, atque præclaros præbet effectus non tantum per sudores, sed etiam per urinas atque deiectiones. Fiunt namque diuersæ hæ vacuationes ab eo liquore absque violentia & sine magna molestia, sed non sine ingenti solatio miserè conflictatorum, qui, inquam, sine vlla vi, atque pertinaci conatu, de die in diem leuamina præsentissima sentiunt, & tandem absque omni alio extrinsecus adhibito medicamēto, doloribus immanissimis, gonorrhœis acerbissimis, pustulis fœdis, vlceribus obscænis, atque carcrosis, turpissimis nodositatibus singulari fœlicitate liberantur. Ecce quàm diuersimodè transformetur, præpareturque Mercurius & quomodo ex summo veneno fiat summa medicina ad huius mali extirpationem. Et sanè, quomodocumque tandem administretur, benè aut malè præparatus aut correctus, motus tamen veritate fateri cogor, hydrargirum, mercurium, seu argētum viuum, esse solum (quod hodiè quidem extet) & specificum luis inueteratæ, atque deploratæ remedium. Nec moror hic, quod doctissimus Fernelius scripsit in contrarium, tantoque minùs quod videam hodie magnam Galliæ nostræ medicorum atque chirurgorum, adeoque etiam doctissimorum famo-

famofissimorum classem cōmet vti remedio etiam nulla arte præparato ad frictiones & sudatoria tanquam tutiori, & quò res citius expediatur. Neque verentur etiam ditissimos, delicatissimos, magnæque existimationis homines hac lue infectos, cum prædicto remedij genere tractare.

Laudo itaque eorum opinionem, atque conatus, & sententiæ illorum calculum addens, primas in hoc morbo tribuo mercurio; statuoque huius luis præsertim inueteratæ, & vnicum, & verum, & solum alexipharmacum esse mercurium. At verò non convenit mihi cum ipsis, quantum pertinet ad electionem, præparationem, compositionem, quantitatem, mixtionem & applicationem,

Mercurius
verum est
luis vene-
reæ alexi-
pharma-
cum.

Tempus itaque nunc est, ut deinceps doceamus, quanto tutius atque utilius possit administrari mercurius, quàm hactenus factitatum. Et docebo etiam suo modo illos non ritè ac sufficienti cautela seu artificio vfos. Rogo autem omnes veritatis & boni publici amantes, ut ingenio moderato nec ambitione turgido, rationes meas cum ratione potius, quàm cum passione atque liuore verba mea ætiment, atque interpretentur. Quod ad primum itaque spectat, nempe ad electionem, aduerto omnis generis argentum viuum absque vllò discrimi-

Ut mercurius
sophisticetur.

ne ab iis ad hanc curam vsurpari, non aduer-
tentes plurimum sophisticari cum plumbo,
quod beneficio bismuti (vt vocant Germa-
ni) tam benè aptèque miscetur, atque cum
mercurio dissoluitur, vt ipsa non possit me-
lius aqua cum aqua. Et miscentur, inquam, si
vel æquis partibus plumbum cum hydrar-
gyro sumatur, modo & ratione prædicta.
Nec miscetur tantum, sed transit etiam plu-
bum cum eo, per lintea æquè mobile ac flui-
dum, ac si nihil esset aliud, quàm solus, pu-
rus, putus mercurius, vt non sit talem frau-
dem discernere aut detegere visu. Sed vide-
rint interim qui tali vtuntur inunctionibus
aut aliis, quid agant. Nam noxius est admo-
dum, & prorsus malignus vt quiuis facilè se-
cum perpendere potest, nec attinet ea de re
plura à nobis dici, cum ex natura ipsa plum-
bi frigidissima, atque terrestri, (quæ tamen
mercurij vehiculo internas etiam subire so-
let partes, ipsasque adeo membranas, & li-
gaturas) satis manifestè appareat, quid boni
inde consequi possit. Et quod peius, nec ex-
halari aut dissipari potest æquè facilè, ac
mercurius, quem constat naturæ esse aëreæ,
ac prorsus spiritualis: & per consequens ex-
halationi opportunæ. Nec sophisticari tantum
artificio potest & solet mercurius, vti iam
dictum, & à nullo hætenus obseruatum est:
sed in propriis etiam mineris allicere sibiq;
con-

confociare potest mercurius varias corporū
terrestrium, & prorsus heterogentas quali-
tates, vt ex mineris plumbi, antimonij, aliis-
que substantiis metallicis, quæ proximè assi-
dent, aut adhærent mineris argenti viui: vn-
de ei imprimi possunt variæ vires, propria
verò eius virtus perturbari, atq; infici. Qua-
re diligens adhibenda est cautio in electio-
ne mercurij, nisi velimus frustrari voto, aut
aliquid sinistri in eius vsu euenire; vt nimis
sæpe accidere solet. Cum itaque tam nobili
subiecto, & tam optato fini mercurij vsus
accommodari debeat, operæpretium facie-
mus, si cautè & circūspectè à fidelibus mer-
catoribus, non ab impostoribus importari
curauerimus. Probatur præ aliis Hispani-
cus: quem si non consequi aut habere pos-
sis, quemuis oblatum hac arte probabis co-
chleari argenteo exceptum tantillum mer-
curij, supra candelam, aut carbonem ignitū
exhalari permittito: in fumum enim abit
mox. Qui si argentum aureo tinxerit, certus
esto esse purum & laudatum mercurium.
Sin nigro quodam, aut liuido vel fusco infi-
ciat, certum est impurum esse, & maligna
aut etiā venenata qualitate præditum. At-
que hic certissimus, tutissimūque est pro-
bandi mercurij, & puri, & laudati ab impuro
atque illaudato diiudicandi modus. Hæc de
eius electione.

Probatio
mercurij.

Mercurij
præpara-
tio.

Iam in præparatione plures sudasse nul-
lū adhuc inter tot doctissimorū Galenico-
rū medicorū, de lue venerea conscriptos li-
bellos, ad rhombū, & legitimā eius præpa-
rationem appulisse cognoui. Ac tanto ma-
gis illud mirari subit, quod cum approbent
eius vsum in curatione luis venereæ: de eius
præparatione, ne verbum quidem addant:
sed eo, qui passim in officinis prostat, & vē-
ditur nec cognito probè, nec probato, im-
prouidè nimis vtuntur in suis vnctionibus,
atque emplastris: quæ totius fundi huius cu-
rationis est calamitas. Quid? integrūne vi-
ro bono, ac medico probato non cognitis
vti, & tamen veneni suspicione taxatis, nec
ritè præparatis, aut castigatis? & tamen ca-
stigari posset, & ab immensa illa nigredine
qualitatēque frigida cruda & maligna, quam
continet, vindicari, si crasso tantum modo
præparetur, nempe decoquatur & cum sale
nitri & aceto sæpe transactus per linteamina
subtilia, aut per pellem caprinam. Sic mani-
festè, & ad oculum inquinamenta illa, atque
impuritates detegerentur, quæ ei sunt ad-
mixtæ.

Obiectio.

At inquiet fortè aliquis: si tanta est mer-
curio hispanico puritas, qui argentum apud
ignem tingat aureo, quid igitur opus multa
præparatione? cui ita obfistendum. Subiecti,

Solutio.

in cuius vtilitatem ac conseruationem mer-
curij

curij vsus adhibetur, hominis, inquam, atque sanitatis tanta est nobilitas, atque dignitas, vt nihil hic nimis, nihil æquo curiosius, atq; prudentius præparari administrarique possit. Accedit quod mercurius, licet purus vt cūmque, semper tamen possit reddi purior: ex cuius puritate inæstimabilis resultat vtilitas, nempe perfecta curatio morbi incurabilis ferè. atque ita nullas post se relinquit reliquias odiosas, nullam noxam, nulla deniq; symptomata, ab intempestiuo impurioris mercurij vsu relinqui solita.

Norunt plus satis philosophi Hermetici, quid proficiat, quantāque habeat vtilitatē exactè repurgatus & præparatus mercurius: vt non cessent hunc suis sublimationibus, & reuiuificationibus crebris, toties ac sine omni tædio iteratis purificare, donec tandem perfectè purus, aut certè perfectissimo proximis euadat. Nam lōga, & diutina illa præparationis serie tandem colorem azureum, atque cœlestem acquirit, dissipata atque cōsumpta aquositate frigiditatēque illa superficialia, corpori nostro in primis noxia: eiūsq; calore ac spiritu igneo quasi excitato vt iam ex frigido fiat calidus etiam ad tactum, ex deleterio viuificus, ex plebeio nobilis, & philosophicus, ex crudo coctus, atque ita digestus, vt coniunctione inseparabili, amica, atque perfecta vniatur cum auro, quem ante

præparationem destruebat, propterea quod cum eo in symbolo nondum concordabat, ipso crudo, calido autem, ac insigniter digesto, atque perfectè existente auro. Huic itaq, insidias struere, & non nocere non possunt medici, qui mercurium crudum, mobilem adhuc, atque fluxilem vnguentis suis, atque emplastris admiscunt: subliment opus est, adeoque exuant sulphure suo arsenicali, eximant oportet, atque consumant superfluam illam humiditatem aqueam: denique ex veneno, & deleterio reddant alexiterium, & benignum naturæ medicamentum, vt fiat primus, præcipuus & tutissimus luis venereæ expulso. Quod si fecerint, mirabiles effectus talis mercurij cernent non tantum in hoc morbo, de quo hîc loquimur, sed in omnibus aliis pestilentibus, atque contagiosis, quomodocumque tandem administratus. Nec ullus inde metus consecutionis diuersorum symptomatum, quorum causa ferè suspectus esse solet communis ille, nec ritè præparatus. Attamen, vt etiam ij, qui mordicus semper sua, hoc est ampla, & communissima illa via incedere volunt etiam aliquid vtilitatis ex nostro hoc capiant discursu. Age doceamus præparationem mercurij saltem tolerabiliorem, ne perfectionis difficultate, & ad quam exactissimè parandam multa cura multoque opus est tempore, ab eius

eius usu, quem in hoc affectu supra alia remedia omnia probamus, penitus absterreatur. Idque publici boni causa, & propter eos maximè, quos vel occasio, vel loci opportunitas, vel etiam sumptus magna ex parte deficiunt. Et ut magis constet de nostra erga quoscunque beneuolentia, & prompta liberalitate, docebimus etiam eos, qui ista alioqui fastidiosè spernunt: aut quod in operationibus chymicis non sint exercitati, aut exerceri, hoc est, quod nesciunt, scire nolint: hos, inquam, modò non maliciosè contemnant, boni publici causa sicut dixi, docebimus argenti viui elegantissimum, atque optimum præparandi modum, per quem ex libra vna vnciæ quatuordecim largiter extrahuntur, si rectè fiat, & perficiatur; eritque ille mercurius maximarum virium in vñctionibus, ut dicetur postea, cum de compositione, ac mixtione tradetur.

Accipiat ergo argenti viui loco, cinabrium cõmune, (quod nihil est aliud, quàm mercurius sublimatus, & per consequens perfectè purificatus, quippe, à quo omnis heterogenea humiditas sulphuris admissione fit exsiccata, atque cõsumpta) cui pulverisato adde calcis viue itidem optimè pulverisatæ partes æquales, omnibus coniectis in retortam, atque adhibito recipiente, admove ignem secundum artem, & attrahes

Mercurij
præparatio non
vulgaris.

ex libra vna tredecim vel quatuordecim vñ-
 cias mercurij, mobilis quidem, & fluidi, sed
 perfectè purificati. Idem mercurius elici po-
 test cum sola crusta panis affati vel cum tar-
 taro ad nigredinem calcinato & aliis pluri-
 mis modis, veris chymicis, atque spagyricis
 notis. Quæ tamē res si à medico ignoretur,
 non nisi in maximam ignominiam redun-
 dare potest, cum hæc res planè ex professio-
 ne eius dependeat, eique cognitu in primis
 sit necessaria Atque huc vsque de electione,
 & præparatione mercurij. Electo itaque
 mercurio bono, eoque dicta ratione præpa-
 rato, non minoris adhuc restat studij, & cō-
 siderationis, qua ratione componi debeat,
 atque commisceri: siue id fiat cum vnguen-
 tis, siue cum emplastris, item de quantitate,
 & ratione administrandi.

Vt vulgo
 mercurius
 permiscea-
 tur.

Vulgo consuetum esse video emplastrum
 de vigo, cui etiam geminam aut triplam do-
 sim adiiciunt, & ita applicant humeris, aliis-
 que iuncturis: mox ægros magna vi ad su-
 dores compellunt, vt adaperitis poris, mer-
 curij vis facilius penetrare, & ad corporis in-
 tima peruadere suasque operationes com-
 plere possit. Sic illi iudicant. Atqui iam su-
 perius à nobis ostensum est, quanta cum vi-
 rium iactura coacti isti sudores plus obsint,
 quàm profint. Præterea magnus quoque
 committitur error in compositione, quan-
 do mer-

do mercurius miscetur cum emplasticis, que penetrationem eius inibent, atque impediunt, ipsámque adeò actioné, quam moliri se putát: ibi præsertim, vbi interiùs mercurium vires suas exercere consultũ est. Exteriùs tamen dicto modo administratus nihil officit, sed ad nodositates & tophos articulorum resoluendos vtile esse potest maxime si emplastro admisceantur penetrantia, & resoluentia. At quos luis huius malignitas altius subiit & interiora contagio infecit cõtumaci atque inueterato, cum dictis emplastris nunquam ad perfectam curationem, sed potiùs ad palliativã quandã, quæq; cum tempore acriùs fit repullulatura, peruenies. Quocirca magis mihi probatur vsus mercurij exterior in vnguentis, quod penetrant magis ad interiora, vbi veneni vis residet: nihilominus tamen probare non possum in iisdem vnguentis admisceri plurima impensè penetrãtia, calefaciẽtia, immo etiã venenata, atque tam putida, vt ægri halitum & spiritus, ipsosque adeò assistants foetidissimo vapore inficiant. Sed, inquiunt, fit hoc vt emendetur frigiditas, quæ mercurio inesse creditur. Sed, inquam, pessimè cognoscūt mercurij naturam, (vt iam suprà attigimus, & copiosius ea de re, aliisq; vtilissimis rebus differemus alibi) internámque eius qualitatem ab externa separare, diiudicareque nesciunt.

Quòd si adiiciunt vt magis & faciliùs penetret, iam non satis perspectum habent, constare eum ex partib. homogeneis, nec quicquam heterogenei possidere, si vti diximus rectè sit præparatus. Nam totus spiritus est singula penetrans, singula peruadens, etiam ferri & cupri solidissima corpora: quare nò opus est tali ianitore. Ideòque nò sine ratione nobis improbantur multa olea calidissima gummi, vt euphorbium illud igneum, Styrax liquida, & alia eiusmodi, quæ còmunibus huius vnguentis nullo iudicio adiiciuntur. Et mirum quod inter tot doctos, qui de ea lue scripserunt, paucos extitisse, qui correctium, aut alexipharmacum malignæ eius qualitatis, quam mercurius ille crudus, & nò præparatus, quo illi vtùtur, habet, admiscuerit. Mirum etiam, ferè neminem eo animum intendisse, vt gratum potiùs quendam odorem aromatibus, aut aliis odoriferis, ad corroborandos spiritus præ putidis istis oleis atque gummatis, adiecerit, quæ haud parùm sæpè ægrotantem in lipothymiam, ne quid grauius dicam, præ suo fœtore præcipitant.

Vera mer-
curij mix-
tio.

Suadeo itaque, atque omnino consulo, vt si vngendi illam rationem in curando tenere velint, vt mercurium primùm cum succo limonum extinctum & debita quantitate permisceant cum sola axungia porcina cum aqua cariophyllorum aut alia odorifera mul-
toties

toties abluta in quo vnguento addent si velint ad mercurij correctionem vt & ad odorem, guttas aliquot balsami extracti ex cariophyllis, nuce moscata, ligno aloës, santalo rubro, benioino, styrace, floribus laundulæ, saluiæ, rosmarini, betonicæ, croci, cum therebenthina, & aqua vitæ debita & sufficienti quantitate omnibus digestis in Bal. mar. Postea expressis, de quo balsamo vt dictum parum cōmiscant cum prædicto vnguento quod quidem ægro gratum, atque aptissimum erit. Et quæ sanè vnctio longè nobiliores pariet effectus, quàm ea, quæ vulgato modo instituitur. Notandum præterea quoque mercurium illum in longè minori quantitate esse adiiciendum, quam solent vulgò, & tali ratione parati vnguenti vncia plus præstabit, quàm libra vulgati. Denique loco inūctionis humerorum, adeoque totius ferè corporis, qua miserè patientes hâc lue, vexant, sufficiet tantum inūxisse plantas pedum & volas manuum atque carpos, aut saltem ipsos artus. Quo facto non est, vt tanta vi sudoribus prouocandis incumbat æger: sed in loco calidiore constitutus, expectet tectus plus solito donec quasi suapte natura prorūpant absque vlla violenta aut extraordinaria calefactione. Qui curare norunt, & solent omnis generis scabies etiam vniuersalissimas cum solo vnguento parato ex sul-

Vnguentū
ad scabiē.

phure, cineribus farmentorum, vitellis ouorum, cum paucō oleo therebenthinæ, quod carpis tantum ad carbones accensos illinūt, & applicant calidè: hi, inquam, perfectiùs iudicare potuerunt, quantum possit vel ea sola frictio facta in prædictis locis, in quibus magna sunt vasa, quæ remedij salubris, aut noxij vires abundè cordi, & totius corporis spiritibus communicare possunt. Quod si quis hanc curandi rationem sectari velit, suaferim, vt ante inunctionem acciperet aliquid nostræ prædictæ antidoti, cum haustu hydrotico atque specifico, cuius antea mentio facta. Sic melius purificabitur massa sanguinea tam per sudores, quàm per vrinas, per quas ordinariè repurgari solet: sic omni medio tentabunt, vt veneni malignitatem doment atque euincant.

Neque enim arbitror saluarem illum oris fluxum, huius morbi esse solam crisim, sed & sudores & vrinas copiosas factas, diligenti diætâ continuata, ita tamen, vt nulla accedat violētia, ne magis à remediis, quàm à natura ipsa caussati sudores illi videantur. Ad quam rem certè prudentia præsentis medici aut chirurgi opus est, vt benè deligere norint tempus dictarum crisium & solutionis morbi, cum, vt iam priùs monui, ad vires ægrotantis, quas omni studio conseruare debemus, sit prospiciendum. Atque
hæc

hæc tantummodò dicta sunt pro reformatione curationum vulgarium, quæ lvi veneræ adhiberi solent: in quibus non omit-
tenda sectio venæ post aliquot antegressas Venæ sectio.
purgationes, si corpus fuerit plethoricum.

Sed iam ulterius progredientes, deveniamus tandem ad vera remedia lvis veneræ: hoc est, ad legitimam præparationem Guaiaci atque mercurij, (hæc enim, vt dictum, pro veris specificis habemus in hoc morbo) sed eruenda est illorum præparatio ex vera Chymia, atque doctrina Hermetis: cui, vt eloquar, quod res est, acceptum ferre debet pharmacia, quicquid habet pulchri, atque artificij nobilioris. Sed ab homine intelligente atque exercitato tractanda est: à vero philosopho, inquam, & medico, qui ingenij sagacitate, operisque dexteritate altius penetrarit in anatomia vitali corporum naturæ mixtorum. Hic enim demum is est, qui scit eorum vera principia, virtutes, proprietatesque distinctas: hic solus novit facere separationes puri ab impuro, utilis ab eo, quod est noxium: denique idem solus intelligit, qua ratione adaptanda, exhibenda, atque ad usum transferenda sint ad restitutionem sanitatis, ac conservationem corporis humani. In quo sanè consistit scopus præcipuus veri medici: hoc est, qui re ipsa talis sit, non toga, vel titulo tenus. Quæ omnia,

vt ritè atque perfectè præstet: necesse est in-
super, vt habeat perfectam quoque cogni-
tionem anatomix non tantùm externæ at-
que superficialiæ, sed internæ atque vitalis,
corporis humani, partiùmque eius vsum, si-
ne quibus Chymia non ars, sed impuden-
tissima est decepatrix, pestis execranda, quam
omnis bonus Princeps, & Respublica pru-
dens extra ciuitates propellet atque exter-
minabit. Nec sanè minùs atque agyrta, im-
postores, qui philosophorum titulum insi-
gni impudentia sibi asciscentes atque vsur-
pantes, deceptores fiùt populi, qui noctua-
rum instar assident crumenis, quas emun-
gant, vt sibi habeant priùs id, quod pari cõ-
fidentia atque impudentia polliceri audent
aliis. Hi, inquam, tanquam scorta publica,
quæ voluptatis turpissimo prætextu cor-
rumpunt, è ciuium tectis, & patriis sedibus
sunt eiiciendi. Nunquid vides, vt audacissi-
ma isthæc notha, seu spuria temporum (di-
cam veriùs hominum iudicantium & ad
Reipubl. clauum sedentium) incuria, arma
sibi sũpsit legitimæ Chymix? Nec digni-
tatè suâ interim exuta atque orbata est vera
hæres atque filia illa Magni Hermetis Tris-
megisti: Chymia, inquam, quam quotquòt
fuerunt & sunt vltimi huius seculi sublimio-
ris genij atque ingenij philosophi, ac medi-
ci, eam vel intrò sectantur, amplectuntur,
ornant.

ornant. Hanc sanè inter Europæ regna, & fortè orbis vniuersi, Germania præ aliis vnicè veneratur: dignissima profectò, quæ tot præclarorum ingeniorum, & solidæ doctrinæ ferax est, quam & scientiarum nobilissima, ornet ditètque. Et, vt ætate nihil manet incorruptum, quàm scèdè, quæso, atque supinè ea Chymix pars (quam Pharmaciam vocant) hodie est contaminata? Notum est illud, & in despectu ob id habetur à prioris notæ medicis, vt amplius à me nunc perstringi nihil attineat.

Consuluimus in medium: videant modò illi, an habeant quoque resipiendi animum. Ad quam rem si restituta nostra pharmaceutica aliquid possit, felicem non me, (cuius opera atque industria prodiit in mediũ) sed eos ter quaterque fortunatos dixerò, qui cordati eam arripuerint, & ad vtilitatẽ publicam transtulerint.

Sed redeamus eò vnde sumus digressi: & doceamus in negotio præsentĩ, pulchras aliquot præparationes ex vera Chymia depromptas: nempe ligni Guaiaci & mercurij, quæ duo vera Alexipharmaca diximus luis venereæ, quorum pulchros præparationis modos, etiam secundum modum vulgatum, sed maiori, ni fallor, iudicio atque artificio factas iã proposuimus. Sed res loquitur ipsa: nec multa eget cõmendatione.

Vera Guaiaci vulgariis præparatio.

Incipiamus à Guaiaco, quod minutè cōcisū atq; raspatū, vti vocāt, cū cortice vulgò medici & phārmacopœi decoquunt in vase duplici, ac optimè clauso. At cur id faciunt? nimirū metuentes ne quid spiritūū vaporosorū exhalet. Necesse est igitur eidē aliquam tribuāt vī, quā ne perdāt, tātoperè metuūt. Rectè: nā ita re vera se res habet. Est, n. ei vis maxima. Attamē decoquūt alij ad duas, tertias, si efficacius velint, alij ad medias: & ad minus ad cōsumptionem tertiæ partis. Nec vident interim hanc tertiæ partis aut medietatis consumptionem fieri non posse, quin spiritus exhalent, aut quomodocunque consumantur à calore per insensilem transpirationem. Atqui certum est hos spiritus, qui aqua relictā, longè sunt tenuiores, subtiliorēsque; primò omnium euaporari: sed præcipuè guaiaci acetosus spiritus, qui reperitur in omnibus etiam rebus, in mineralibus primò, hoc est in sulphure vitriolo, & omni sale: deinde in omnibus vegetabilibus, quæ ab eo sustentantur, atque vegetantur, vt docuimus alibi. Denique in omnibus animalibus, quæ à vegetabilibus nutriuntur: Aciditas enim illa est rerū omnium fermentum. Nam sicut videmus tantillum fermenti acidi fermentare, hoc est attenuare, & eleuare vniuersam pastam, vt fiat panis leuissimus: qui alioqui fit grauis, nisi probè fuerit

rit fermentatus. Eadem fermētationis quoque vis est. in spiritu acido atque vitriolato guaiaci, quem scit elicere vel mediocriter peritus chymicus ex eius ligno, (quēadmodum & ex iuniperino, quercino & quouis alio) qui non minùs, ac spiritus vitrioli, corallo, atq, perlas dissolvere potest. In hac, inquam, aciditate consistit vera fermentatio, eleuatio, atque attenuatio humorum: & per consequens huius beneficio quoque facilior fit eorundem expulsio, (quippe quod ab illa, humores attenuati facilius, ac promptius exhalent, per sudores) quæ tenuiorum humorum tantum esse solet. Hinc videmus omnia acida esse sudorifica, atque id, paucos ante me vel scriptis prodidisse, vel obseruasse noui, tantò minus rationem reddidisse cur id fiat: quæ tamen (vt pulchra & scitu digna sic & considerationem diligentiores merentur. Quapropter eiusmodi spiritus acidus elicere soleo ex guaiaco, iunipero, vitriolo, sulphure, atque ex omnibus hydroticis specificis ad diuersi generis morbos, & sane hos spiritus longè conducibiliore esse ad sanitatem corporum deprehendi, quàm decocta multa, quæ vulgò parari solent, à quibus (pro humorum consumptione, quæ speratur,) magna ex parte catarrhi mouētur prioribus infestiores, quòd sanguinem eiusdemque officinam, calefaciendo sublimationi

Omnia acida sunt sudorifica.

reddant aptiorem. Vnde fit, vt, aërea microcosmi regio (cerebrum, inquam,) vaporibus refertum, pluuiosum fiat, & catarrhosum. Præter iam dictam aciditatem, quæ vis est mercurialis, pars quoque sulphurea tenuior, maximèq; sudorifica guaiaci exhalatur, per communes illas decoctiones: hoc norūt vel obiter versati in arte destillatoria, qui vt oleum spirituale ex guaiaco extrahant, primū illud minutissimè & in puluerulenta segmenta torni beneficio comminuunt. Tum pro libra eiusdem scobis, affundunt sex vel octo libras aquæ, mox destillant per alembicum aut retortam, sic cum aqua, effluit pariter, substantia sulphurea, aut oleaginosa, quæ maximè est spiritualis, & aquæ extillatæ innatat. Hi itaque duo liquores spirituales, nempe mercurialis acidus, (qui semper primus exit) & substantia illa oleaginosa itidem spiritualis, & per consequens eius virtus quæ maximè est sudorifica exhalantur, & necessario euanescent in decoctionibus illis, quæ a vulgaribus pharmacopœis parantur. Hoc ne eueniat ars chymica festiuissimè cauere docet, modūq; tradit prædictas duas substantias, quæ in guaiaco sunt, atque reperiuntur, separandi: simul ac conseruandi rationem insinuat.

Oleū guaiaci.

Vera guaiaci præparatio.

Ergò scobs guaiacina indita in retortam atque affusa aqua quod sufficiat, aptandus est

reci-

recipiens amplius, hermetice obfignandus, ne quid exhalet. Tum admoto igne vel cinerum, vel solius tantum balnei mar. vaporosi, destillabitur aqua, & cum ea extillabit pariter, & acetositas mercurialis spiritalis, adeoque etiam spirituosior portio sulphurea, seu oleaginea, eiusdem guaiaci. Sic nec quicquam amittitur, aut perditur. Et erit hæc demum vera, & artificiosa Guaiaci decoctio: & haustu gratissima: de qua ℥ ij. vel ℥ iij. plus efficiet, quam vel libra integra decocti vulgi modo parati, quale & nauseam facile cedere compertum est. Poterit destillari tantum ad medias & cum decocto quod remansit, prius tanscolato, permisceri: supra residentiam denuo maiorem aque copiam affusam, atque per duodecim horas digestam, denuo destillabis ut prius: & effluet liquor potui inter pastus gratissimus: quem aromate aliquo, ut cinnamomo, atque saccharo ad maiorem gratiam condire licet: omni ita aqua destillata, humiditateque mercuriali separata, si admoueas ignem validum, exhibit oleum rubicundum, sed foetidum; cui tamen foetor facile adimi possit, ut fiat excellens remedium ad gummata, canculos, vlcera fordida, cancrofa, & phagædemica luis venereę. Ex foecibus residuis reductis in cinerem secundum artē, cum aqua ultimæ decoctionis destillata, elicies sal, quod mixtum cum prima destilla-

tione, eam magis efficiet sudorificam, & quę præterea bis, vel ter aluum ciere possit, & soleat. Hac demum præparatione guaiaci extraordinaria, (quam nemo candidus, & in rebus naturę æstimandis versatus non probabit) demum lues venerea, etiam cõfirmatior perfectè persanabitur, si ritè omnia fuerint præparata, & ex artis præscripto administrata.

Verz met
curij præ-
paratio-
nes.

Transeamus quoque ad præparationem argēti viui, seu mercurij dicti, cuius aliquot præparationis modos elegantiores quam vulgi, quamvis ab eiusdem methodo non multum alienos, iam supra docui, quos tamen, si cādide quod res est fateri velim, approbare haud possum, quamvis præclaros sapissimè producere soleant effectus, si debitè ac ritè, pro vt docuimus administrētur. At mercurius præcipitatus vel cum oleis, solis & lunę: vel cum solis auri folijs, sine vlla alia additione: vel calcinatus, mediante agitatione quę fit beneficio filicum alborū funiatilium, cum quibus cõmiscetur in matratio colli oblongi: vel cum simplici aqua stygia disso lutus, philosophicè coagulatus & in salis naturam conuersus: vel cum eademmet aqua forti, communi modo, præcipitatus, reuerberatus, dulcoratus & cum aceto distillato essensificatus, atque ab acetosis illis spiritibus optimè spoliatus, vel in puluerem album

album redactus solo spiritu vitrioli, aut sulphuris, qui denuò separatur, ablutionibúsq; iteratis dulcoratur, atque fixus redditur, cum sale nitro: horum, inquam, mercuriorum ita præparatorum, vel paucula grana cum rebus conuenientibus commixta, nunc sudores, nunc aluum, atque vrinas mouent, & luis venereæ venenum, adhæc pestis quoque & febrium putridarum malignitates exterminant. Sûntque hæc, si ritè præparata fuerint, vera & specifica remedia purificationis sanguinis, quem per commemoratas euacuationes purgant prout natura patientis ad expulsionem fuerit disposita: idque minori longè perturbatione, quàm si vel ipsa mâna fuisset exhibita. Quas mercurij præparationes verè anoëlicas appellare possumus, cum multi celebres medici (ac inter illos Nicola^{us} Massa in suo de morbo Gall.L.)mercurium vulgo præcipitatum puluerem angelicum appellent. Alium eiusdem mercurij excellentem præparandi modum docui iam ante 25. annos in mea pharmacopœa spagyrica, & turpetum minerale vocaui, vbi & vtilitatem eius exposui. Non dubito me à veris philosophis vbique intelligi: quamuis & aliis, tum hic, tum deinceps me accommodare statuerim, ne habeant, quod de nostra obscuritate conquerantur ij,

quibus spagyrica vel exosa sunt, vel incognita: vt ingratum profectò sint futuri, qui non aliqua saltem gratia dignos nos existimabunt. Fit & mercurius vitæ, quem vocant: Qui nò ex mercurio vulgari, sed ex præcipuis metallis extrahitur, verum, artificum hæc opera sunt nouitiis & ab arte alienis prorsus incognita. Et ne quid omittamus, quod ad diuersam mercurij præparationem faciat, ex eodẽ diuersimodè, diuersi liquores parantur, atq; olea, & certè pari cum saccaro dulcedine, quæ & intus exhiberi, & extrinsecus applicari possunt. Solet & ab artis peritis aliter præparari mercurius cum oleo salis armoniaci fixi, quod subito mercurium resoluit in spiritum (quem spiritum mercurij vocant) seu liquorem, quauis aqua fontana clariorem: ad hæc fragrantem & odoratum valdè instar moschi alicuius. Huius vsus est, & intra corpus, & exterius nodis atque partibus dolentibus impositus: nam mira præstat, gummi namque & tartareas nodositates, luem veneream præsertim stipare solitas dissolvere solet. Et certè negari non potest mirabiles effectus præstitisse mercurium vel superius consignatis modis præparatum, idque in scrophulis & in lue etiam inueterata, & infinitis deploratisque symptomatis stipata. Testes sunt clarissimi viri Dominus Seguinus professor regius D. du Ionus medicus

regius,

Spiritus
Mercurij.

regius, atque dominus Guillemeau chirurgus itidem regius, viri inter Parisienses medicos & chirurgos celebratissimi, aliique plurimi. Neque hæc eo dico, vt aliorum encomia mihi velim esse ceu hædera suspensa: neutiquam verò: abhorret enim animus meus, vt *οὐδανίας* nescius, ab eiusmodi adulatoriis, ostentationisq; titillationibus, quod norunt qui Quercetanum liberi candoris alumnus esse sciunt. Talia quippe, & his etiã minora, interim tamen & maiora domi parare soleo mihi atque amicis non avaritiæ causa sed amicorum egentium, & vt artis dignitatem, etiam apud exteros, ac primæ notæ homines, tuear, atque, quantum in me tali quali artifice situm est, promoueam: mereantur sanè ista quæ & omnes veros asclepiadas instruant, atq; ad inuestiganda his etiã maiora commoueantur. Sic demum fiet, ne vix ac ne vix quidem hac lue vexati & iam propè exanimati, è medicorum alioqui clarissimorum excidentibus, in empiricorū manus incidant, à quibus tamen præter omnium expectationem (ac vtinam non & artis dedecore) curantur. Sed iusto iudicio id fit. Ignorant quippe illi, imò & ignorare volunt, quæ supra vulgus sunt: digni profectò, qui & à vulgo derideantur, quod ab infimæ etiam notæ empiricis (qui nihil ferè aliud norunt, quàm quasdam receptas hinc inde ex libris

scriptis, aut medicorum familiarium ore, nescio quo iudicio, haustas) superentur. Interim habete viri Asclepiadei, quæ lubens, & ex candido pectore vobis offero vestroque examini subiicio his etiam posthac maiora, si Deus vitam largitus fuerit atque vires propediem daturus.



CONSILIVM

QUARTVM.

Pro Nobili quadam virgine, morbo in immensum complicato fatigata quippè grauissimis & seuerissimis symptomatis, vertigine, cephalalgia, tinnitu aurium, catharro in varias partes, palpitatione cordis, syncope dyspnaa tumore hypochondriorum atque pedum cedematoso cachexia denique malorum lerna stipante.

Ad celeberrimos viros Ioannem Hucherum scholæ medicorū Monspeliensium Cancellarium, Ioann. Saporiani Ioann. Varandæum & Jacob. Pradilleum in eadem schola regios professores ordinarios.



QUADAM nobilissima & honestis. virgo tot malorū *quod supra* quæ supra enarrata sunt vndeque & assiduè impetita: quum sese consilio meo subiecisset & in manus meas curandam tradidisset: quod summo Dei beneficio

neficio ex votis illi foeliffimè fuccellit: qua industria tandem, quibufve rationibus, fanitatem fit confequuta vifum eft paucis explicare: vobifque viri eminentiffimi, qui in Academia totius orbis celeberrima & medicinâ fapientiffimè docetis, & eam fimul quàm foeliffimè facitis: vobis, inquam, medicorû coryphæis confilium hoc meum confecrare: vt testimonium meæ ergo vos obferuantiaæ exhiberem: & fimul fi vobis probatum effe intellexero ad maiora compellar. Interim hunc meum tantulum laborem quem vobis ex animo voueo, æquis animis & candida fronte accipite legite, atque examine.

IN omni morbo tria cuius medico exploranda, animoque cõplectenda effe ex Galeno dogmaticorum illo coryphæo, & reliquis omnibus, eft in cõfelfo: nempe *διαγνωσιν*, *προγνωσιν*, & *θεραπευειαν*: dignotionem vocant, prognosticationem, & fanationem. Quippe nullus affectus deleri, aut curari potest, nifi probè prius cognito morbo, vt tantò magis in eiufdem dignotionem veltigandam nobis fit incumbendum. At ipsa *διαγνωσις* non tam morbi naturam, quàm partem affectam, affectionisq; caufas demonstrat & patefacit.

Tria sunt
in omni
morbo ex
ploranda.

Hæc tria cognoscuntur tribus *διαγνωστικῶν* signorû generibus: quæ pathognomonica,

epigenomena, & epiphenomena à Græca schola dicuntur. Illa, quæ sunt propria, & ἀρχαία, morbi speciem semper detegunt: hæc superuenientia, & superapparentia dicta, tum magnitudinem indicant, tum morbi motum: breuitatem nempe, aut longitudinem detegunt. Nec sanè secus, ac effectum ipsum, uti dictum, & partem affectam dignosci par est. Harum siquidem ratione diuersa, nec raro multum euarians instituitur curatio, ut ex Gal. de locis affectis in scholis docetur. Merito sanè: postulat enim illud partis natura, temperies, situs, sensus & præstantia seu dignitas. Pars affecta speciatim quinque signis quasi notis, & propriis caracteribus (τεχνικὰ Græci vocant. logici) dignoscitur actione læsa, situ doloris, proprietate, excretis, & accidentibus propriis: ita ut non parum in re medica profecerit, qui & affectum, & partem affectam optimè dignouerit.

Nec tamen salis sit medico morbum, morbi que subiectum, hoc est, partem affectam dignouisse, sed ulterius progredi, & ad causarum tam externarum, quam internarum, (sub quibus antecedentes, & coniunctas comprehendendo) peruestigationem penetrare eum deceat, si sapiat. Nam ut antecedenti causæ debetur præcautio: sic & coniunctæ curatio. Sed & etiamnum progrediendum ulterius in peruestigatione qualitatis ipsius causæ, sitne

sitne simplex, & nuda intēperies (vt vocant) vel materialis, humoralis, terrestis, vel spiritalis, nempe flutuosa, halituosa, vaporosa, aut eiusmodi. Et licet, secundum Galenum, omne tulerit punctum, qui affectum, affectā partem, affectūque causam præclare nouerit, non negligenda tamen, aut sicco pede transeunda signa prognostica ex tribus fontibus hausta: nempe à corporis habitu, aut à caractere, figura, & colore eiusdem: potissimum verò faciei: ab actionibus naturalibus, & animalibus: ab excrementis tam vniuersalibus, hoc est ab vniuerso corpore deriuatis, quàm particularibus. Horū namq; signorum prognosticā ope, tēpestates præuidemus, & naufragia, quæ ægrotātibus imminēt, aut superuenire queunt. Nec videmus tandem, sed confidenter prædicimus, atque prognosticamus de boni, & sinistri iudicij euentibus: ad hæc calumnias declinamus maledicentium: nostræ sic consulentes reputationi: ægri, assidentiumque confidentiam interim erga nos magis, ac magis obfirmantes, remedium denique dignitatē, qua par est ratione tuemur, ne nostra incuria, vel oscitantia ab imperitis, rerūque ignaris profanētur. Nam, vt multis possunt esse præsidio, sic desperatis medicinam facere vetat, medicorum prudentissimus Hippocrates.

Ergo tam præclaram methodum referamus ad vsum rei præsentis, & nobis propositæ.

Antequam igitur deueniamus ad curationis scopos primùm particulatim, quæ decet serie, ac ordine, symptomata sunt recensenda: tum partes affectæ, omniumque causæ, & hoc per signa diagnostica superius prælibata: non subticentes interim, si quid iudicij ferat modulus, quid de prognostico euentus decernendum videatur.

Morbi historia.

Nobilis itaque, egregia, atque honesta virgo, annum nunc agens circiter decimum-octauum, optima corporis & partium figuræ symmetria, ad hæc, genio, intellectu, & sensu integro atque perspicacissimo prædita, à parentibus vtriusque prosapiæ vegetæ naturæ, ac integræ constitutionis oriunda, postquam primam suam ætatē omni morbo vacuam transegisset, ante quatuor vel quinque annos, ætatis nimirum duodecimo desubito, & ex insperato syncope fuit correpta, & tali quidem, quæ usque adeo vires & mentem percussit, ut sine loquela immota ibi, aut certè immotæ simillima, ac veluti demortua iaceret. Durauit interdum paroxysmus ad quartæ horæ spatium. Syncope hanc comitabatur insignis atque enormis palpitatio cordis, ita ut necesse fuerit præcordia palmæ appressa magna vi continere.

tinere, atque, ne quid violentius eueniret, momētanea illa quasi ope præpedire. Redibant hi insultus per certa interualla. Nausea quædam his præibat insultibus, quæ instantium quasi præcursor per vices sese ostentabat. Mali estus cōmotior, & quædā quasi indomita prehēsiō per duodecī integros dies fatigabat atque exæstuabat. Ab his deinceps remissiores syncopes, & quædam velut lipothymix tātum per octodecim ferè menses exercuerunt: itidem per interualla, quæ cum tempore etiam vehementiora reddita, miscellam miserè defatigarunt.

Ab eo non multò pōst tempore febris fuit correpta, de genere epidemiarum, quas pestilentiales nuncupant. Pustulæ siquidem & maculæ rubræ, ex superficie corporis, aliquot dierum interuallo, efflorescebant. Hanc insequutus est vomitus, excitatus à materia quadā atrabilaria, nigra, & picis ferè in modum adhærente. Vomitu peractō non exiguum leuamē sensit, ita atq; vtcumque salubriter aliquot transegit annos: vtcunque, inquam: etsi enim nullis symptomatum grauiorum insultibus conflictaretur, in integrū tamen nondum erat restituta, mali contumacia: quòd profundius radices fixerat, subinde obhærente, corpusque quasi neutrum à perfecta sanitate etiamnum arcēte.

Sesquianno vero pōst febre cōtinua cor-

repta, septima die evanuit, absq; manifesta, aut certè effatu digna crisi. Hæc febris post se reliquit totius corporis, sed potissimum faciei pallorem non sine liuiditate. Tensio, atque inflatio vtriusque hypocondrij, sed maximè sinistri, oriebatur: crurum tumor cedematosus: lassitudo ingens, sitis assidua, cibi fastidium, & ἀναψία, dyspnœa, palpitatio cordis, per vices in immensum adaucta, subinde remissior: dolor capitis continuus ferè, tinnitus aurium, vertigines frequentes, quamvis moderatiores oboriebatur. Hæc sunt symptomata, & vt veriùs dicam, hæc est illa κακὴν ὁδὸν ὁρῶσα: hic malorum cumulus, quo nobilissima hæc adolescens conflictata, atque ad extremum ferè fuit exercitata: ita vt, & partes animales & vitales, & naturales, harumque œconomias & πρώτης primigenias, si non fractas, at certè oblæsas, & miris modis deprauatas esse certum sit.

Morbi qui
caput ob-
ſident.

Nā vt de capite, parte eminentiori, principaliorique, adeoque Palladis illa arce, primum verba faciamus. Dolor ille, qui cerebrum perpetuò ferè molestat, vertigine, auriumque susurro stipatus, quem nec raro, nec ita breues fluxiones supra maxillas primum, atque dentes consequuntur: quæ ulterius pergentes scapulas, humerosque, & brachia, denique totam ferè corpus occupant.

pant, & dolorifico sensu affligunt.

Quæ sanè singula symptomata procedere possunt à proprio idiopathico, & protopathico cerebri vitio, nempe intemperie plus æquo frigida, & humida, atque ob id imbecilliori, quàm quòd particularem, sibi-que propriam alimenti digestionem perficere possit. Hinc excrementorum in eo redundans copia: quibus obsecundant, & quasi fomitem subministrant exhalationes atque vapores continuo subleuati à partibus infernis: qui nec in alimentum conueniens subacti, nec dissipati, aut per loca conuenientia reiecti ob eiusdem cerebri intemperiem imbecillitatēque, & catharri materiam ingeminant, & cerebri œconomiam peruertunt: vnde postmodum tot symptomatum incursus, & tanti mali fructus: conatur siquidem calor natiuus, ac facultas concoctrix & expultrix, cerebri humores excrementitios, exhalationes & vapores omnes, vel in eodēmet cerebro generatos, vel aliunde transmissos diffundere & dissolvere. Sed quia languet, tenuare ac dissipare ipsos, seu per purgatoria sua, seu per insensibilia foramina excernere cum non possit, tantoque minus subigere: nūc sonis & tinnitibus implentur aures, propter halituosos, aut flatulentos spiritus, qui egressum haud reperire possunt: nunc vertigo suboritur, dum su-

Causæ

liginosa euaporatio in cerebri cauitates infiliens, ac inæqualiter in iisdem circumacta, in plexu choroide humores variè impellit, spiritusque animales agitat, vnde motus ille ac opinatio, ac si totum corpus in gyrū conuertatur: nunc fit cephalalgia illa, aut capitis dolor, in anteriore præsertim capitis parte, dum halitus lētus, & difficulter dissipabilis, aut certè mordax, ac subinde succrescens, & non in syncipitis meatibus inclusus, coercitus, coactus, & velut impactus: aut denique pericranium, meninges, partes exquisitissimi sensus acrimonia sua ferit, aut copia distendit. Hinc denique odontalgia, seu dentium, & maxillarum dolor, & variæ tum in os, tum in scapulas & brachia dolorificæ fluxiones promanant ex vaporibus frigiditate cerebri condensatis, & in aquam resolutis, qui tandem in subiectas illas corporis partes destillant. Perinde ac terrarum expirationes in nubes concrecentes mox dissoluuntur in imbrem: haud secus ac vaporarij, aut alembici halitus in sublimie eleuatus, densatur in aquam. His itaque symptomatis, atq; his de causis affligitur caput.

Morbi thoracis.

Nec suis caret malis thorax, seu pectus, partesque respirationi dicatæ, tantoque ipso etiam cerebro præstantiores, quippe ad vitæ usum magis necessaria. Respirationis enim fructu & opera, ne ad punctum quidem temporis

poris carere posse animal, quis nescit? Respiratio namque fouendo, ac reficiendo, refocillandóq; vitali spiritui, qui in sinistro cordis ventriculo generatur, eidémque temperando à natura est instituta: vt nihil respiratione optabilius, nihil viuificum sit magis. Huic itaque debetur laus prima vitæ, quādiu enim spirat animal, tandiu viuit. Hæc est illa vitæ officina, quam tam sæuissimis insultibus oppugnatā videmus, nempe dyspnœa difficillimam reddens respirationem, quam & febris lenta comitatur, & insignis palpitatio cordis. Hæc pectoris symptomata sunt, quorum causas antedictæ methodi nostræ memores, nunc paulò diligentius diducamus.

Dyspnœa, *δυσπνοια*. Græcis, nomē est generale, quod si etymologiam spectes, quemuis etiam affectum, cum difficili respiratione complicatum, larga, amplaque vocis vrsurpatione, denotat. Eiusmodi sunt Asthma, & orthopnœa, secundum Celsum nostrum. De qua multa passim Galenus, cuius plures constituit gradus, speciesque diuersas. Quarū etsi (de qua hic sermo nobis est) dyspnœa minoris periculi asse videatur, quippe quæ segniùs nocendo, tardiùs suffocet: neutiquā tamen flocci facienda est, sed vel imprimis curam, diligentiamque nostram, etiāque singularem desiderat. Extat enim solenne

Causæ inter-
ternæ.

illud dictum Hippocr. omni medico, si sapiat, eximiè considerandum: liberam, & facilem respirationem, in omni morbo, acuto præsertim, maximum habere ad salutem momentum. Hæc dyspnœa symptoma est in genere motus imminuti tantum, & debilitati: vt Asthma & orthopnœa symptomata sunt respirationis deprauatæ, & ἀπνοια deperditæ. Symptoma istud morbum sequitur organicum, obstructionem nempe pulmonum, seu per ἰδιον πάθειαν, nempe proprio pulmonum affectu, vt ab obstructione fiat, siue per συμπαθείαν aliarum partium id accidat, à quibus tum diaphragma, tum ipsi pulmones, & grauari, & opprimi possunt. Cuius dyspnœæ internæ causæ sunt, virium imbecillitas, vehemens in corde & pulmone calor, & viarum spiritus angustia seu obstructio, vt prudenter dogmaticorum ille coryphæus Gal. annotauit. Spiritus siquidem calorque tutissimus, fidissimûsque vitæ ianitor, interclusus via, obseptus humorum factu, præpeditus transpirationis expirationisque libera, vitæque illa tantò opere expetita facultate, agit, commouet, sed coactus, & quodam quasi pondere oppressus, ecquin possit aliter? quàm impetu faciundo, si non vehementi, at qualiquali possit, cerebro suffracto, titubat, motitat, & non sine patientis angore, istud quicquid est, respirationis labascentis

bascentis molitur? Enimvero sanè, sat sit in
 hoc nostro subiecto caloris immoderatiore
 imbecillitatem, hoc est impeditam exercen-
 dæ, obeundæque actionis ordinariæ faculta-
 tem, pro causa dyspnœæ adduxisse. Nec o-
 pus sit nunc, pluribus in re tam manifesta
 doctissimis vestris auribus obstrepere. At
 verò quod ad obstructionem spectet, istud
 iudicij mei esto, causari potius à crasso va-
 pore, vel exhalatione quadam fuliginosa ha-
 lituosâve illa, sed spissa, seu turbida potius,
 quam ab humore quodam crasso, glutinoso
 adhærente, vel pulmonum bronchiis, aut fi-
 stulis impacto. Et ratio est in promptu: nul-
 la nec tussis, nec purulenta expuitio, vel an-
 helatio rauca hanc nostram infestat. Noti
 sunt sagacioribus eiusmodi fumigantium,
 exhalationum malignarum effectus: qui nō
 debilem tantum præbent respirationis mo-
 tum, sed quasi penitus abolitum, ut abundè
 apparet in syncopes, & suffocationis matri-
 cis accessibus. Ecquid quæso mirum? cor si-
 quidem viscus nobilissimum, impuram illâ
 tabificamque auram nec trahit, nec verò
 trahere quit: quid sit? dura illa, & legis, &
 conditionis nescia necessitas, interea virgens
 attrahere cogit inuitum, & vel reluctans.
 Hinc frequens, crebra, adeoque vitæ ardua
 illa respiratio. Sic venis plerumque impuris
 succis, sanguinéque corrupto turgentibus,

videmus carnes contabescere; quia citius partes vitali suo balsamo, emphyto calore, & nectare illo cœlesti fraudari, vrgens cogitant, isper benè viuendi necessitas, quàm impurum sanguinem, aut pestilentem spiritum trahendo sub tanti antagonistæ tyrannide miserè vitam transigere. Et cogitur tamen misera hoc, & iam ab aliquot annis querula exclamitante nobilissima nostra adolescens-

Causa ex-
ternæ.

Internarum causarum hæc esto ratio. Sed quid de externis dicemus, quæ eandem dyspnœam creare possunt? Talis est vapor crassus, vti dictum isque metallicus prorsus, potissimum argenti viui, quem penetrantissimum esse, & cuncta (vt liberè, quod sentio loquar) peruadentem, notius est exercitationibus, quàm id longa egeat demonstrationum serie.

Nec vanè rationes subministrat res, atq; discursus. Quippè edocti sumus, nobilissimam nostram cum nondum decimum tertium annum superasset, temerario, ideoque detestando, & pernicioso cuiusdam vetulæ consilio, laminam plumbeam argento viuo, seu mercurio abundè refertam, pectori appressam supra vnus integræ diei spatium retinuisse. Ecquid non audet temeraria ignorantia? quid non subit spei plena (licet vana) benè viuendi necessitas? Nempè sic fit medicina,

dicina vt agnoscatúr, scilicet, si videatur experimenta fecisse, per temeritates, per plagas, addam & si lubet cum Plinio, per mortes. Mirum verò: vnicuiq; medicinam profitenti statim credi, etiámque vetulæ, ac alteri fortè proserpinæ, cum in nullo mendacio periculū sit maius. Misella hæc nostra vberimum huius peperit exemplum. Nam nescio quo fato, ingeniosa alióqui, detestandū consilium grauissimis illis, & vel dictu grauioribus fuit tacta. Symptomatis, omniq; eius dispositio, & valendi consuetudo, quæ prius bona, nunc abiit certè in deplorandam, si non deploratam. Opportunè huc quadrat, quod Gal. alicubi refert de quodam, qui in cupreis laborans fornacib; in insula Cipri ab exhalationibus suffocatus fuit. Idem alibi meminit cuiusdam dyspnœæ a refrigerantibus nimium præcordiis imposito medicamento abortæ: vt non amplius restet nobis dubitandi occasio, cur hoc idem acciderit in hac nostra, cum illud & occasio, & causa sufficiens, & rerum demonstrator effectus abundè declarèt. Nam licèt externa tantum videatur, valida tamen est, ac certè eiusmodi, vt & difficilem respirationem, & syncopem, atque cordis palpitationē, reliquaque symptomata superius enarrata produxerit, & quasi post se traxerit, ex causarum præternaturalium serie quadam, se mutuò consequē-

tium. Primùm siquidem Mercurij ille vapor crassus (qua tamen est mobili penetratione præditus) intrò subiens, pulmonum ductus offarciebat: præterea maligna sua qualitate in syncopen misellam præcipitavit, adeoque prius vegetâ & sanam, nunc reddidit ægrâ, nec vllam ferè facultatem probatam, & salubrem edentem. Non temerè itaque Arabes, imprimis Rhasis, & Auicennas inter alias difficilis respirationis causas reficcationem numerant, à qua confidentes, & grauiores facti pulmones thoraci officiant, molestiamque mouent, non morem gerunt: quæ reficcatio vt plurimum contingit ab aura fumoque metallorum crasso, & venenato, à quo & pulmones tabescere, & cerebri, vel potiùs, vt cū Aristotele loquar, cordis vis motrix resolui, atque imminui potest.

Causa febris lentæ.

Quod si causam rogites febris lentæ, palpitationisque cordis: ecce illam in promptu: nam difficilem respirationem communiter lenta quædam, & quasi occulta, intusque delitescens febris comitari solet. Quippe à causis quæ syncopen pariunt, oppressis præcordiis, calor, qui intus agit, quod sufficiat, cum euentilari nequeat, intus coercitus excandescit, quare & spiritus: vnde eiusmodi febris.

Palpitatio quid sit.

Palpitationem quod attinet, quam Græci vocant *καρδίας πάλαιος*, quæ creber, velox, vehemens.

veheménisque quædam est cordis *συσολή, & διασολή*, ea non est operatio secundum naturam, & à Galeno affectio dicitur *πάθος*, seu *πάθημα*. Ipsum enim cor dum liberè distendi, & constringi non potest, tremere, palpitareque sentitur. Siquidem ad utrúmq; motum festinat, & neutrum benè peragit. Talis palpitatio in nostra hac virgine perpetua ferè, quamvis interpolata quodammodò appareat, & periodica dici possit, quod accrescat, & certis temporum intervallis multum intendatur: Remittit itaque palpitatio, non intermittit: nam per periodos quasdam exacerbatur, vti dictum: quod antequam eveniat, oscitationes quædam, pandiculationesque, ceu præcursores quidam sese ostendant: vires mox fathiscunt & nõ mediocriter prosternuntur: caput quoq; debilitatur, & corporis prosternatione minuitur: nec tamen cadit in syncopen totalem: nec vllus vnquã motus inordinatus, præter iam dictos, in ea observatus.

Periodicam hanc, inquam, palpitationem debilitatémque à fuliginosis, malignis, & quodammodò venenatis vaporibus oriri statuimus, qui certis temporibus magis, quàm aliis, ex partibus inferioribus nutritioni dicatis subleuantur: nèpè ex liene magna terrestrium impuritatum colluie facto, vt dicetur postea: aut ex intestinis, & alio per-

Palpitationis causæ.

petuò ferè in ea adstricta: aut ex mensium retentione, quas nec ordine debito, nec copia legitima fluere in nostra hac nobis constat. Hinc itaque ex diuersis locis, & quasi corporis cloacis maligni vapores sublimati, cor tentant, ipsùmque adeò cerebrum inuadentes, vertigines, & motus quosdam attonitos, mox totius corporis debilitatem adducunt. Cor verò fons, & origo spirituum vitalium, & vas illud preciosum nectaris vitæ nostræ, tetros istos halitus, & cū eo quasi ex diametro pugnantes, discutere, atque repudiare tentans collectis viribus intentius mouetur in se, vt expellat, quod noxium est. Vnde palpitatio illa, aliàs vehementior, aliàs debilior, atque remissior: modò longior, modò breuior: nunc maiore virium iactura, nunc miris vehementi prostratione stipata, pro qualitis vaporū pernicie funestiori, & tolerabiliori, & pro eiusdem quantitatis magis minùsve excedentis ratione. Nam quēadmodum vapor, & substantiæ ab odorabilibus corporibus fluentes, variè nos afficiunt: (suauēs enim adeò familiares homini existunt, vt spiritus restaurēt, & in nutrimentum conuertantur: foetidi è contrario, è rebus putrefactis exhalantes, spiritus inficiunt, atque nauseam excitant) ita assidua halituum in nobis generatio diuersimodè quoque nos afficit. quippe è sanguine

guine optimo, laudato, nullóque superfluo humore inquinato, placidi, & vtilis halitus cor ipsum spiritúsque nostros reficientes & fouentes procreantur. Itémque ex halitibus suauibus (quos de nutrimento calor excitat) in cerebrũ sublatis, placidus, & quietus cõgiliatur somnus.

At ex vaporibus fuliginosis perustis, ac retorridis fiunt è contrario somnia turbulenta, capitis dolores, vertigines, tinnitúsque aurium, & similia iam à vobis commemorata symptomata: vt & à corruptis, & virulentis vaporibus fuscitatis (seu ab aliqua materia impura in ventriculo, liene, vtero, & aliis præcordiis congesta, seu à putri vermium materie suborta) & per arterias ad cor transmissis, in ipso corde illæ venenatæ prædictæ exhalationes, & lipothymias, & dyspnœas, & palpitationes cordis cõmemoratas producant. Et solent herclè eiusmodi symptomata sequi aut comitari mensium, hæmorrhoidumve suppressiones: quemadmodum & melâcholias hypocõdriacas dictas & præ istis omnibus vel maximè etiam cachexias, id quod plerisque ferè filiabus pica laborantibus seu pallidis colorib. euenire videmus. Vt non mirum sit, si eadem ipsa, huic nostræ nobilissimæ iuenculæ acciderint, quæ eius ætatis, & constitutionis adolescentulis, vt plurimum euenire consueuerunt.

Affectio-
nes partiū
nutritioni
dicatarū
variarū quæ
agrā tor-
quebant.

Restat, vt de affectionibus partium nu-
tritioni dicatarum aliquid etiam dicamus.
Eę sunt, imbecillitas, & dolor oris, ventricu-
li, quem *καρδιαλγία* Græci nuncupant (vel à
consensu, quem stomachi orificium habet
cum corde, vel sanè, quod ipsiusmet cordis
dolorem interdum mentiatur) Item obstru-
ctio hepatis & lienis, mēstrua ex parte sup-
pressa, inappētentia, cibique fastidium, crura
per vices cedematosa, pallor, & quædā quasi
liuida faciei inflatio (*tout bouffi* nostri Galli
vocant) hæc, inquam, sanè omnia signa sunt
pathognomica, cachexiam, prauamque cor-
poris habitudinem demonstrantia: Pallidum
colorem (*des palles couleurs*) nostri nuncu-
pant. Affectus adolescentulis scēmineis ap-
primè familiaris, vt dictum est antea. Huius
causæ esse possunt & externæ, & internæ. Ad
externas refero vsum, vel potius abusum
fructuum crudorum, acetariorum, holera-
ceorumque: intempestiuum frigidaę potum,
& similis eiusmodi inordinata viuēdi ratio.

Causæ ex-
ternæ.

Causæ in-
ternæ.

Internas dico, crassos tartareos, viscidos
atque terrestres humores, qui hepatis, sple-
nis, atque mesenterij vasa, & ductus farciē-
tes omnium naturalis œconomiaę bonitatē
deprauant, ordinem peruertunt, functiones,
facultatēque alteratricem, concoctricem,
ipsamque adeo expultricem prosternunt,
aut certè abundè vitiant. Hinc ex consequē-
ti, san-

ti, sanguificatio deprauata, denique cachexia prædictis symptomatis quasi satellitibus stipata procedit. Cuius cachexiæ causas speciatim alibi ex professo perquiremus. Hæc de affectuum & partium affectarum causis causarumque diagnosi abundè proposita mihi videntur. Transcamus ad prognosticum, ut quid boni sperari, quid mali possit metui, ea de re nostrum constet iudicium.

Dicam in genere: Symptomatum, & eorum quidem grauissimorum, ad hæc partium offensarum nobilitas morbum hunc complicatum reddunt, difficillimæque curationis: eoque id magis dico, quod plurimum doctissimorum expertissimorumque medicorum consilio (absque tamen successu aut effectu effatu digno) sit vsa. Ad hæc ventriculus eius tot medicamentorum importunitatibus fatigatus est atque prostratus, ut vel dictu tantum medicamina fastidiat abhorreatque. Nihilominus tamen, quia vel secundum Celsum spes licet dubia in medico semper laudabilior utiliórque, quam desperatio certa: nobisque res sit cum ægra florentis ætatis, & quæ sana suadentibus, nec nimis fastidienda medicamenta, morigeram atque obtemperantem se sit præbitura, auxilio diuino confidentes, pristinae sanitati perfectæ restitui posse indubiè affirmare aulam. Quam ut consequatur, nul-

Prognosis.
stic.

lis non precibus ad Deum factis, nec laboribus, aut industria, quam idem impertiat, fatigati, fidelem operam, omnesque ingenij conatus pollicemur, & re ipsa præstabimus.

Curatio.

Ergo ut *πρὸς τὸ δέον*, ad id quod est opus hoc est, *δεῖν πρῶτον* tandem accedamus, organa quibus nobilissimæ nostræ ægræ subueniendum, ex triplici fonte desumi possunt: ex diætâ, seu viuendi lege: ex chirurgia, seu manuali operatione: denique ex pharmacîa, seu legitima medicinarum administratione.

Diætâ.

Diætâ seu vitæ consuetudo legitima versatur in sex rebus, quas medici non naturales appellât, ritè administratis. Quoniâ verò ægra nostra in viuendi cōsuetudine, & in plerisque, suis actionib. moderatissimâ præbere cōsueuerit, cūq; de viuendi ratione iâ pl^{us} satis à nobis sit edocta, magisq; etiâ porro, si ita videatur, quæ vitare, quæ itè amplecti debeat, & sequi, sin^{it} docturi, iccirco minutius nūc singula pēsitare, nobis nō videtur consultū.

Chirurgia.

Similiter silentio præterimus remedia è chirurgico fonte deprompta cum apud nos steter sententia, ad eradicandam cachexiam, qua cum nobis erit propugnandum, plus conferre purgationes, quàm sanguinis missiones. Ad hæc, nec cucurbitis, aut ventosis maximoperè fuerit opus, cum nulla defluxio impetuosior in nobiliores partes decumbat: tantoque etiam minus ruptoriis ad reuul-

reuulsiones deriuationésque opus esse putamus. Si quod tamen instrumētorum chirurgicorum vtilitatem aliquā adferre posse nobis videbitur, nos illud ἐν καὶρῳ quod aiūt, & debita occasione ac modo ad vsum transferre haud intermittemus. Hoc fortè, vt velut obiter, & velut per transennam addam, venæ malleoli sectione pro mensibus in legitimum ordinem redigendis præstari poterit. Quod si quid fortè (vt est nulla calamitas diu sola) nouo mali genere aliquo fuerit cōflictata: & tum quid factò sit opus, consilio non destituemur.

Nihil itaque superest amplius, quàm tertium curationis organum, nempe Pharmacia, quæ consistit in debita conuenientique medicamentorum tam internorum, quàm externorum administratione atque applicatione. Iam verò in tanto malorum concursu symptomatumque diuersitate, quis tenendus modus, quæ ratio, quæ via ineunda, vt ad scopum, ad quem intendimus, sanitatem felicibus auspiciis collimemus? Nimirum ita procedendum. Diuersæ indicationes curatiuæ nobis sunt proponendæ: sed ea lege atque omine, vt tendant omnes ad causarum tatorum symptomatum euulsionem: sed qualem? Talem, inquam, quæ nec violenta, nec naturam iam plus iusto fatigatam omninò destruere sit potis. Atta-

Pharmacia.

men sufficient ad earūdem quæ firmiūs infixæ sunt, & quasi radices iam egerunt, eradicationem festiuissimè moliendam.

Prima indicatio.

Primum ergo quæ cruda sunt indigestæque, digerenda discutiendæque: viscida & crassa attenuanda: compacta, & quasi coagulata, liquefacienda atque dissoluenda: hæretica atque impacta, incidenda, segreganda, extirpanda. Haud secus, ac tartarum vinorum cadis siue doliis firmiūs adhærescēs, ita in hoc subiecto fœces humores affixæ radicatus exturbandæ. Sed continuato opus est usu, nec intermissione hic locus, ut ritè sufficienterque materia digeratur, atque ad expulsionem faciliorem præparetur. Crassa namque difficulter mouentur, ex omnium rectè sentientium medicorum dogmate. Concocta quinetiam medicari & mouere, non cruda, scripsit summus medicinæ dictator Hippocrates.

Secunda.

Secundò per intervalla mitè, & absque ulla commotione purgandam suaferim: humores quippe debitè præparati medicamentis etiam familiariori cedent facilius, quin vel solius naturæ beneficio, aut certè leui artis adminiculo, hostiles, si qui restabunt, morborum, symptomatumque insultus superabimus.

Tertia.

Tertiò ac ultimò partes omnes animales, vitales, naturalésque sunt corroboranda;

dæ, firmandæque, eæ potissimùm quarum œconomiam vitiatam esse diximus: cuiusmodi sunt, cor, ventriculus, lien, hepar, & de quo primò fuit sermo, ipsum quoque cerebrum. Interim non omittenda propria & specifica antidota, quæ fuliginosorum malignorùmque vaporum, & qualitatum tabum refrænare, obtundere, atque emendare, vel etiam suppressere possint. Haud secus namque, ac fermenti exigua quantitas totam pastæ molem in suam naturam convertit, ita causarum malignarum vis, & qualitas symptomatum proteruiam conseruare, & in insultibus obfirmare potest.

Has omnes indicationes, intentionesque curatiuas, qua fieri poterit cura, atque prudentia, benignis, conuenientibus interim, specificisque remediis expediemus. Ea denique tam interna, quàm externa ita accommodabimus, atque dirigemus, vt causas euellere, & morbos emendare, & symptomatum incursum arcere pari efficacia, felicitatèque possint. Subinde verò temperamenti, & nobilissimæ adolescentulæ complexionī studentes, tempore, loco, occasione, arte denique, ac methodo singula ita aptabimus, vt & delicatæ eius naturæ, (siue temperamentū spectes, siue ætatem) &, quod in primis statuendum, stomacho iam prostrato, & medicamentorum vsum prorsus fastidienti cor-

fulamus. Ita enim comparata esse videtur, vt si pluribus remediis, maximè, quæ in communi sunt vſu, magis exerceatur, metuendū fit, ne vna & ægram, & ægritudines tollamus: &, quod prouerbio dici solet, *Oleum perdamus, & operam*. Huic incommodo ita præueniemus, si alterius formæ, & qualitatis medicamenta, quæ tamen ad eundem scopū colliment proponamus, quæque præparatione sola, gustu sint gratiora, virtute efficaciora, & in minima dosi exhiberi possint. Nunc itaque serie quadam de singulis acturus, quid in principio, quid postea, quid denique in fine agendum, declaremus: Curationis initium lubenter à clystere ordiemur, nisi certo nobis constaret, hos illam mirificè abhorrere. Quapropter minoratiui, & longarum præparationum loco, quæ attenuando, digerendo, incidendo, tergendō, ac vicissim roborando iulepis, apozematis, compositis ex radicib. herbis, seminibus, fructib. & florib. simplicium, perfici solent. Itē vacuationū, quæ vel simplici aliqua infusione, vel decoctione syrupisve, & his vel simplicib. vel lōgis & magistralibus dictis, aliisque ex rhabarbaro, foliis fennæ, agarico, & his similib. vulgaribus præstari possent: nos illa omnia prætermittentes ad gratiora selectioraq; recurremus. Et si verò iā dicta medicamēta præ cæteris ferè tutiora benignioraq;

Quomodo in præſenti cura sit procedendum.

ráq; habeantur, ita tamen virgo hæc nostra ex diutino illorū vſu abhorret, vt vel mortē oppetere vltro malit, quàm iis, aut talibus potionibus, alteriūſve vulgatæ formæ medicamētis vltteriūſ moleſtari, aut obrui. Igitur par eſt, inquam, vt nobiliſſimæ patienti noſtræ & morem geram, & nihilominus interim noſtris remediis illā neutiquā deſtitutam eſſe reipſa, hoc eſt, arte atque induſtria noſtra comprobemus. Hoc fiet ſi dulciſſima, benigniſſima, gratiſſimáq; nec vel odore vel guſtu nauſeā mouentia delegerimus. Purgationi ſufficere arbitror, eā ipſā medicinā, qua iā ter ſatis foeliciter eſt vſa, qua tamen, & iucundè, & ſufficienter fuit purgata. Iſtud remediū purgationis communis loco accōmodari poteſt, ita vt omnib; intētioni- bus requiſitis abūdè ſufficiat. Paratur autem ex eſſentia Aloës per balneū mar. calens, extracta cū aqua endiuiz, in quā illa tincturam rubini inſtar trāsfundit, fœceſq; in fundo vt inutiles ſubſidēt, Sic purū ab impuro ſeparatū, aquā ſeu liquorē tinctū in patella argentea, aut alēbico exhalare permittimus: vnde reſidet aloës extractū cōſiſtētia mellea, colore rutilo inſtar rubini, atque perfectiſſimè dilutū, purificatūque. Hæc Aloës eſſentia baſis eſt dictæ noſtræ medicinæ purgantis, quam ſic paramus.

℥ eſſentia aloës eo modo, quo iam di-

Pilulæ
catholicæ
Querceta-
ni.

Etū, paratæ ꝑ iiiij. adde succi florū violarum,
succi florū persicorū, atque rosarū pallidarū.
itēmq; succi florū cichorij, buglossi, calēdu-
læ, primulę veris (omnium debito tēpore, ac
modo, hoc est longa digestionē à terrestri
substantia, seu fœcali, artificiosa separatione
depuratorū, vt velut in syrūpū ferē abeant,
quī absque saccharo, absque melle diutius cæ-
teris vulgarib. syrūpis cōseruari possunt: ad-
hæc viribus longē superiores) singulorum ꝑ
iiiij. extracti Rhabarbari, extracti sennæ
ana ꝑ ij. ꝑ. essentia croci ꝑ j. ꝑ. olei myrrhæ
ꝑ j. olei cariophyllor. & cinnamomi ana gut-
tas viij. cremoris tartari in tenuissimū, atque
adeo impalpabilem puluerē redacti quantū
sufficit ad prædictarū omniū essentiarū reli-
quorumq; inter se mistorū proportionē, vt
ex arte fiat massa pillularum. præstās est hæc
medicina, & verū catholicū: iucūde admo-
dum purgat, nullas perturbationes mouet,
stomachūq; firmat ac roborat, ita vt tutò e-
tiā delicatissimæ naturæ, ac debilissimi ven-
triculi tū hominibus tū mulierib. cuiusq; se-
xus, ac etatis exhiberi possit. Datur pilula v-
nica, & sola, quā cū spiritu vitrioli genuino
omniū purgatiū correctiuo malaxamus, aut
ab ipso statim principio, dum paratur massa.
Nolui eximiā harū pilularū præparationem
particulariūs describere, cum & in promptū
nobis sint semper in nostrum, & amicorum
ysum,

usum, & cum tēpus nūc nō sit eas preparandi, & deniq; quod modus parandi eas, addiscatur potius *aviso*, & ppria inspectione, quā ex simplici & nuda descriptione, & si vel curiosior ea sit. Non leue quippe artificium est in depurgandis ritē succis per digestionēs, decoctionēs, separationēsq; id quod solis tantum artificib. & re nō nomine talib. notū est, & manifestum. Cæteri qui hæc aut nesciunt, aut nō curant, ideoque nescire malunt, digni profectō sunt, qui nesciant atque ob id tales laudes in curationibus (verius dixerim ægrorū tractationibus) reportēt; quales plerōsq; superciliosorū istorū reportare, notius est, quā ut a me hoc loco ironico lusu prædicetur. Nō vident nimirum, aut videre nolunt, in illa nobis proposita præparatione artē imitari naturā; quæ & ipsa in omnibus, quæ sub cælo sunt, quod crassum fœculentū, ingrātū, atq; inutile est propria, consuetaque digestionē separat. Sic vinū depuratum sapidius, sic panē fermentatū suaviorē, sic cætera omnia ritē digesta gratiora suavioraque esse vulgus nouit: & nos, qui medici esse, aut haberi volumus ista ignoremus, aut scientes negligamus?

Porro præparationis loco, iuleporum, ac iusculum apozematum vice, suadeo, ut singulo mane iusculum hauriat ex gallinarum, pullorum, cæterorūve volatiliū, aut etiam arietina

aut vitelina carne elicatum, quæ omnia far-
ciri possunt capparibus, passulis Corinthia-
eis: in quo incoxerint radices dentis canis,
asparagi: Item herbæ acetosæ, pimpinellæ,
boraginis, buglossi cū tâtullo hyssopi, & thy-
mi: satis deniq; magna copia florum calêdu-
læ, qui omni ferè tēpore habētur recētes. Fu-
giātur brassicæ, aut his similia herbarum ge-
nera. Præterea amaræ, & nauseosum gustum
creantes, Iusculo benè cocto, & carne cæte-
risque ritè cōsumptis, colatisq; addēdus no-
ster cremor seu crySTALLUS tartari, cuius de-
scriptionem trademus in nostra pharmaco-
pœa dogmaticorū restituta. Hunc cristallū
elicism⁹ ex tartaro vini optimi per solā ebul-
litionē, qui, quod cristalli cādorē, & lucidita-
tē sortiatur, tali à nobis appellatur nomine.
Gustu quidē est insipido, sed si drachmæ se-
mis pōdere iusculo permisceatur, succum ei
cōciliat acidū, atq; gratissimū. Excellens re-
mediū ad purificandum vētriculū, ad expur-
gādum hepar, lienem, mesenterium à cras-
sis, terrestribus. & mucilaginosi: vel, ut ve-
rius loquar & exactius, à fecibus tartareis,
quæ ductibus obhærentes, viscera prædicta
obstruunt, atq; offerciunt, adeoq; seminaria
infinitorum propemodum morborum in-
generant. Idem crySTALLUM nostrum insigne
diureticum est: nam vrinas festiuissimè pro-
vocat, & dosi prædicta sumptum, ynā aut al-
teram

Cristallū
tartari.

ra sedem, pater consuetam, benignè admodum excitat.

Eiusdem cryſtalli vice interdum prædicto iuſculo ad maiore deterſionem addi poſſunt ſalia abſynthij, artemiſiæ, meliſſæ cetherack cum aquis propriis extracta. His ſalibus ritè paratis, communis ſalis loco condiri poſſunt iuſcula. Ex quorum uſu continuato, bonus & ſalutaris effectus digeſtionis & roborationis viſcerum prædictorum, ipſiusque ad eò nutrificationis indubiè conſequetur. Sal itè extractum è cinerib. corticum arantiorum, aut citriorum cum aquis ſuis ppris ad eodè uſus, eodèq; modo adminiſtratum mirificè confert. Nā & cachexias potèter diluit, & pica laboràtes virgines in integrum reſtituit. Sed ac mèſibus cièdis nobiliſſimæ huic virgini plurimū pſtabūt: maximè ſi eò, quo fluere, (licet imperfectè) ſolent tempore, aut paulò antè aliquot guttulæ eſſetiæ croci adhiçiàtur: poterunt quinetiā in eodèmet uſus hydromellitatu præparatia tū purgantia ex reb. cōueniētib. præparari, Hoc de præparatib. & purgātibus noſtrū iudiciū eſto. Deinceps ad roboratia ſpecifica trāſeūdū. Scimus ^{Roborantia} in uſu cōmuni, nec ſine proſectu, eſſe tabelas, cōdita, opiatas, ſingula peculiari alicui viſceri deſtinata: atq; ex puluerib. cordialibus, corallis, margaritis præparatis, raſura eboris & ſimilib. itèq; ex cōſectionib. de hyacintho

alkermes, trociscis dialacca, de eupatorio, de Alchekē. de rhabarb. ac reliquis eius generis, quib. vti dictū, nō infelici successu ad infarctū prædictorū viscerū liberādos, eadēq; roborāda artificiosè cōcinnatis formulis vulgò medici vtūtur. At cū cōstet nobis ægram hanc talia & eiusmodi planè abhorrere, alia deinceps ineūda est via, & ex gratissimis aliquid cōficiēdum, quod ei & morē gerat, & operā nostrā non ludat, sed multū etiā adiūuet. Quare sequentiū tabellarū, nullo nauseoso gustu præditarum vsū suadeo.

Tabellæ.

℞ essentiæ coralli, & margarit. ana ʒj. ambra griseæ ʒj. limaturæ chalibis ritè paratæ ʒij. spodij ʒj. β. flor. sulphuris itidē legitimè, & ex arte paratorū ʒ β. salis baccarū iuniperi, absynthi & saluæ ana ʒj. conf. alkermes ʒij. sacchari ros. dissol. in aqua cinnam. q. s. vt fiat electuariū per tabellas pond. ʒj. extra ignem illinantur cū oleo anisi. Aut si istud aduersetur, alio quodam liquore, vel oleo ipsi grato, vt cinnamomi, fœniculi, aut aliqua simili. Capiet tabellā vnā singulo mane, quando aliis remediis ea die nō vtitur.

Tabellarum prædictarū loco sequēti aqua theriacali interdū vtetur: est. n. p̄stās specificū ad omnia supra posita symptomata: Roborat partes nobiles, cor præcipuè, quod cum assidua ferè palpitatione fatigetur, imprimis tali eget auxilio.

℞ rad.

℞ rad. angel. pœoniæ, cariophyllatæ, barbæ hirci, tormentillæ, petasites, visci querni an. ʒ ij. fatali citr. ligni aloës an. ʒ β. seminis cardui benedicti, acetos. citri, & cort. eiusdē an. ʒ j. bacca. iunip. ʒ j. β. epithim. flor. calēd. anthos an. p. j. flor. viol. nymphææ borrag. bugl. cichor. ros. rub. ana p. j. β. vlmariæ m. j. macerētur in lib. iiii. hydromel. vel vini albi generosi per iiii. dies ad ignē bal. mar. calid. dein exprimantur fortiter. Huic expressioni adde theriac. Alex. ʒ iiii. croci ʒ j. cinnamomi cariophyll. an. ʒ ij. spec. lætif. Gal. vel Gabriel. specier. diamarg. frigidi & diacorall. ana ʒ ij. s. macerentur denuò per duos trēsve dies ad ignē bal. dein destillētur per cineres ad ficcitatē. fiat aqua theriacalis. Vt p̄stātior, & efficacior. fiat hæc nostra aqua theriacalis, extrahēdus est sal ex fœcib. residētib. ea qua decet arte, atq; cū aqua p̄dicta cōmiscēdus. Dosis est cochleare argēteum, media tātum parte repletum. Eximia sic euadit hæc aqua, & mirifica ad omnia p̄libata symptomata, & ad omnes morbos, in quib. malignæ alicuius putrilaginis, aut venenatæ qualitatis vis, vel suspicio emicat, & quāuis ad omnes ferē alios affect⁹ similes vsurpari possit: imprimis tamē cor respicit, & partes respiratori dicatas quēadmodum & caput atq; cerebrū. His itaque robōratio vniuersalis perfici potest.

Nūc speciatim partib. ad nutritionē faciē-

tib. prospiciendum. vinum nostrum chalibeatum istud egregiè præstabit. Tale etiã aduerto neotericos etiã quosdã maximopere cõmedare ad obstructions & cachexias, fœlicissimisque auspiciis, & nos quoque vtimur ad cachecticas, & pallidulas iuueculas restituendas. Sed debita opus est præparatione atque dispensatione. Nã temerè adeoque nimis cõfideter video ferri limaturã simplicẽ iniici, quã profectò crassa, dicã liberè, nõ medica, sed fabrilis est eius præparatio, quæque nõ possit, nõ multũ offendere ventericulum. Nihilominus tamẽ non desunt, qui & in tabellas cõcinnant, & opiatissimis immiscet & exhibet, idque aliquãdo cum fœlici successu. Lõgè nobilior est crocus noster martis debite parat⁹: aut quod plus etiã in hoc negotio potest, sal extract⁹ ex ferro. Tutius, conuenientius, fœliciusque & in minori quãtitate talia exhibentur istis malis oppressis. Descriptio vini nostri chalibeati hæc est.

Vinũ chalibeatum
Quercet.

℞ limaturæ chalibis cum sulphure præparatæ lb β. rad. ering. filicis, valerianæ, serpent. maior. & corticis cappar. an. ʒj. rad. acoris, santal. citr. an. ʒ β. coral. rub. rasur. ebor. ana ʒ vj. ceterach, chamæd. chamæpyt. ana m. j. flor. genist. anthos, epith. an. p. ij. cinnamomi, macis, carioph. an. ʒ iij. vini albi vel hydromelitis. lb vj. macerentur per octiduum ad minimum extra ignẽ. Dein trãscolẽtur per manicã Hippocr. & dulcorentur saccharo, vt fiat

fiat vinum gustui gratum. Dosis ℥j. aut altera singulo matutino.

Mira istud vinum præstat in omnib. cachexiis, opilationibus hepatis, splenis, aliarumque œconomiae nutritivæ partium: citrinas, & menstrua, prædictaque membra mirificè roborat.

Præter vniuersalia prædicta roborantia, recurrendum etiã ad particularia, & topica remedia, cuiusmodi sunt cucuphæ, sacculi, scuta, epithemata, frontalia, cerebro & cordi roborando adhiberi solita. Horum omnium loco vnica fomētatione vëtris inferioris, & vtriusque hypochondrij, regionisque splenis, hepatis ac mesenterij, ad infarctum dissoluendos, liberandosque, mucilaginosas impuritates eradicandas, quæ ferè sunt reliquorum symptomatum seminaria. Vsus potissimum esse potest horis matutinis.

℥ cort. med. frax. & rad. ebuli ana ℥ iij. Fomentatio.
corticis cappar. thamarisci ana ℥ j. β. fantali
citrini, rad. cyperi, filicis, polip. querni, erin-
gij ana ℥ ij. rad. brion. alth. ana ℥ j. eupat. ce-
ter. chamæd. chamæpyt. meliss. menth. ab-
finth. pont. ana m. j. abrotani, prassij albi, sa-
buci ana m. β. sem. carth. contusi, baccar. iu-
nip. ana ℥ ij. β. coriandr. ℥ vj. semin. alth. lini,
cardui benedicti ana ℥ j. β. epith. spicæ nard.
rosar. rub. flor. genistæ. sambuc. chamæmel.
ana p. ij. fiat omnium decoctio in aquæ cha-
libeatę q. s. adde sub finē vini albi odori ℥ ij.

aceti ros. lb. β. cum filtris infusis & expressis, foueantur prædictæ partes manè.

Fomentatione peracta eadē ipsa hora exhiberi pōt modò iusculū cū cremore nostro tartari & sale absynthij modò vinū chalibeatū paulò antè descriptū. At sexto quoque die suprā citatæ nostræ pilulæ erunt exhibendæ, vel puluis diasennę nostrę descriptionis. His pparationib. purgationib. & roborationib. cū internis, tū externis satis longo tēpore pcedēdum esse suadeo. Sed cōtinuato opus fuerit usu, vt mali cōtumacia industrię, ac artis natura adiuta, efficacius, atq; radicitus extirpetur. Interim perpetuò quoq; laudabili illa sibi cōsueta vict⁹ ratione vtetur. Hęc sūt remedia ex vegetabilium familia deprōpta: quib. nobilissima nostra ægra, quod maxime suadem⁹, vtī pōt ac debet, modo & ratione dicta in suū bonū, hoc est, ad sanitatē, & corporis vigorē recuperādū, quod vnicē optamus, atq; vouemus. Quod si fortē mali tāta sit cōtumacia, (quod neutiquā futurum speramus) vt his artib. atq; remediis domari, atque euinci nequaquā possit: nō ideo ppinus ad thērmās aut aquas metallicas Niuernēses, Leodicēses, aut alias similes vitriolatas, alteriūsve qualitatis ablegandā nostrā ægrā cēsuerim: (licet haud nos fugit hoc fieri solitū in morborū deploratissimorum declinationibus, vel curationib. imperfectis, & qui

qui nullis mediis perfectè emendari potuerunt) sed potius ad eorundè metallorum artificiosam, atq; debitā p̄parationē recurrendum existimarim. In iis. n. vis, & *divinus* est specifica ad p̄fligādos tales hostes, exturbādāq; antè dicta symptomata: atq; omnib; & singulis intētionib; curatiuis appropriari, ac cōmodariq; possunt. hæc genuina est veræ & legitimæ medicinæ *temperata*: hic ille Herculeus tātis mōstris superādis sufficiēs, denique, vt vno dicā verbo, hoc opus hic labor totius negocij. Quapropter inter purgātia specifica metallica, aliāq; quæ à summis artis magistris adiuuēta, multāq; experiētia comprobata sunt, magni facimus terrā sanctam, aquā aureā, & Panaceā, de quib; tum expertus ille medicus Martinus Rullādus tum p̄stātes alij medici mirifica p̄dicāt in suis scriptis. Quæ remedia cū nobis nota esse credamus, illustris genij, atq; ingenij nostrę patriētis gratia lubēs ipsemet p̄parabo, aut fidelis ammanuensis ope parari curabo. Horum tamē remediorum descriptiones trademus in nostra Pharmacopœa spagyrica.

Nec minus tamen probantur nobis pilulæ nostræ benedictæ, sic appellatę propter periucundam, & perbenignam, interim efficacissimā purgandi rationē: quarū basis est Mercurius ex purioribus metallis elicitus, & in essentiam redactus: vel arcanū tartari, & magisteriū vitrioli simul iuncta atq; vni-

Pilulæ
benedictę
Quercetani.

ta: eximias enim virtutes, & pari iucunditate atque efficacia purgantes obtinent: maximè ad extirpandas cachexias mitissimæ; si quæ alia vacuationis genera, & per ventrem, & per vrinas naturâ expurgâtia, haud secus ac ab aliquib. aquis metallicis euenire videm^r. Ut non temerè à doctis atq; expertis medicis, diuturnis morbis fracti ad eas ablegentur. His, inquâ, nostris præparationibus, præ istis tamè facilè primas cōcesserim, artificio nempe in iis, si in qua re alia naturam superante. Tantòque magis quòd eas & nobiscum domi habere possimus, & omni tempore atque occasione ad vsum transferre.

Specifica
roborantia.

Roborans specificum ad prædicta cordis symptomata efficax est essentia auri, extracta cum oleo iuniperino: ad cerebri, robur oleû argenti cû oleo saluiæ elicîtû: lac sulphuris p pulmonibus: aqua vitæ, essentia & tinctura corallorû, itemq; essentia, oleû & magisteriû perlarum: arcanû tartari, pro hepatis & partium naturalium corroboratione: denique ad dolores sedâdos, spiritûsque reficiendos nostrum laudanû, quod ab insigni virtute Nepenthes appellamus. Hæc, inquâ, sola summa, verâ atque specifica sunt remedia, ad quæ nostrum erit refugiû, si antedictis votis atque intentioni nostrę superiora non satisfacient. Ad hæc dico, tanquam ad sacram ancoram, extremûmq; refugiû, quæ extrema dicimus, non violentia, aut agendi

importunitate, (cū his nihil sit, cordi atque adeò vitæ benignius atque familiarius) sed excellentia & potiendi facultate.

Et quoniā de Nepenthe seu laudano nostro mentio incidit (quod à laudabili effectu verè laudanum dico. Nepenthes verò à similitudine, quam habet cum Nepēthe Helenæ, qua omnes langores tollebat, vt est apud Homerū) medicinarū quotquot hæcenus nouimus summa, & incomparabili: non pœnitebit, spero (quæ nostra est iuuādæ posteritatis voluntas) eius descriptionem hoc loco subiecisse. Et si verò iam ante viginti quinque annos de eo aliquid dixerimus in libello nostro *In Aubertum*: volo tamen, vt specialius id nunc extet, ne frustrà mirentur (quod faciūt multi) à tam exigua, & tã nullæ quâtitatis vnius grani piperis dosi, tam æmirandos effectus, cuiusmodi sunt: omnes dolores atque lāgores mirificè, ac velat incantamento sedare citò, tutò, iucūdè cōpescere hæmorrhagias, atque fluxiones nimias cuiuscūque generis: vegetare atq; roborare spiritus, inordinatè vagantes cōpescere, idq; sicut dictum, pari prōptitudine atque scelicitate. Et boni isti opij virib⁹ tribuūt, quod laudani nostri præcipuū ingrediens esse sibi imaginātur. Sed imaginentur quantū volēt, modò sciāt nunc, aut discant, nullū in eo esse nec opiū, nec opij vim, quāuis opium debite præparatum (vt soli nostri fideles nōrunt di-

Laudanū
seu Nepē-
thes Quæ
cetani.

scipuli) nō omninō repudiemus: vt ideō temerē à multis habeatur suspectū, tātōq; inconsideratius quod cōstet vel medico semestri, illud haud infimū esse ingrediēs theriacæ, summā philonij basim, & aliorū plurimorū, nunc passim in officinis primas tenētū. Quin has potius nasutuli reprehendunt cōpositiones, q̃ eas opium nulla arte, nulla præparatione castigatū ingrediatur. Sed sapiunt quantum possunt, nō quātum volunt. Nos verō & his modō dictis, sed aliter & magis ad p̃positū præparatis vti nouimus.

Præcipua
vis Nepē-
thes in
quo con-
sistat.

Pro certo tamen affirmamus, præcipuam vim narcoticā, quā Nepenthes nostra possidet, deprōptā esse ex vitrioli sulphure dulci, ex sulphure argēti, tinctura coralli, essentis croci & camphoræ. Nec desunt, scio, qui rideant, quod sulphur quoddā dicā narcoticū, cū hāc vim stupefactiuā immēsæ frigiditati tribuat omnes. Sulphur è cōtrā, quod rē putant oleaginosā, nihil minùs, quàm talē virtutē obtinere posse. At nō vidēt tales, cū sint luscī, præter odorē ingratū, etiā maximā partē oleaginosā esse seminum papaueris, hiosciami & cicute, imò nihil ferē esse aliud, quàm oleū. Hic illorū certē odor, vel absq; substantiæ inspectione rēp̃sentat nobis substantiā quādā oleaginosā, atq; sulphureā. Hāc festiuissimē, & manifestissimē inuenire docet ars destillatoria. Hæc & alia multa certis & in-

& infallibilib. demōstrationib. publico scripto patefaciemus: vbi cōstabit vim narcoticā, seu stupefactiuā, longè alteri & contrariæ quoque qualitati, quā nudæ & soli frigiditati excessiuæ esse tribuēdam: cū nihil sit aqua simplici & elemētali frigidius, quæ tamē nō stupefacit: nā sulphurea & vaporosa illa qualitate careat, cerebrū haud facilè occupet, & narcosi sepeliat. Ecquid hoc manifestiūs docet vino? quid promptiūs vapore croci? quid efficacius fumo carbonū, aliorūque plurimorum sulphurea & vaporosa qualitate scātētium? vtiq; ergo vim narcoticā calidā æquē statuēdā, ac impēsē frigidā (vt illi aiunt) putarim. Hæc quippe sola, atq; potissimum tales effectus pducere possūt, & solēt, quos narcoticis omnis schola medicorum tribuit. Sed vt redeamus tādē ad id, vnde digressi sumus, *Nepenthes* nostra, cuius spē fecimus ex sequētib. paratur. *Népe*: ex extracto radicū angelicæ, tormētillæ, Zedoariæ, cariophilatæ, peoniæ, visci quercini, parato cum aqua cinnamomi. Ex salib. cranij hominis, & cornū cerui, extractis cū aqua destillationis tennellorum cornuum ceruorum: Itē ex extractis omnium aromatum, vulgari modo cōfectis: ex essentiis, cōfectionis de hyacinthio, *Alchermes* factis cum aqua theriacali: ex extractis myrrhæ & mumie cum aqua vite cōmuni ex sulphure dulci vitrioli, oleo auri, oleo argenti, oleo croci, oleo camphuræ: ex

Nepēthes
Quercetani
descrip-
ptio.

tinctura coral. omnibus cum proprio men-
 struo expromptis, quæ vera & genuina sunt
 narcotica magni huius magisterij. Ex oleis
 ambre flauæ aut succini, nucis musc. Cario-
 phyll. cinnamomi, anisi, corticum citri, cō-
 muni ratione extractis. His omnibus ritè &
 artificiose, sicut decet, mixtis, addimus es-
 sentias perlarum, corallorū. Cum vero be-
 zoardico in puluerem redacto, ea dosi ac
 proportionē, vt iustam pilularum consistē-
 tiam acquirat: cui ab igne semotæ affundo
 essentiam ambre gryseæ atque musci. Ac
 parte quadam seorsim seruata, eam moschi
 essentiam non inficio, vt Nepenthes nostræ
 vsus mulierculis à matrice suffocatis, possit
 esse tutus ac laudabilis. Dosis tantæ nostræ
 medicinæ quàm exigua est, nec granum pi-
 peris magnitudine excedit, interim effectus
 reddens admirādos, vt notum est tum huic
 nostræ nobilissimæ virgini multoties, tum
 infinitis aliis, qui viderunt, vel ipsimet ex-
 perti sunt, quorum tot sunt in hodiernam
 vsque diem salubriter adhuc viuentes, vt in
 re nota gloriā aliquam quærere, aut pom-
 pam aucupari pigeat.

Varias laudani opiatī præparaciones,
 easque non vulgares docebimus in nostra
 Pharmacopœa dogmaticorum restituta.